

1970
2015

ტექსტების და
ხონტექსტების
ქუჩნაი

№ 3 (21)

მაისი, 2015 წელი
ფასი 2,5 ლარი
ეროვნული
ბიბლიოთეკა

13

საყვარელი

სადაც

ნომრის თემა:
თბილისის პირველი საერთაშორისო
ლიტერატურული ფესტივალი
ფილიპ ბენონი (საფრანგეთი)
სარა ბოუერი (დიდი ბრიტანეთი)
მიკოლანი ლოზინსკი (პოლონეთი)
კაროლინ ფორზე (აშშ)



ნომრის ავტორები
ნესტან ნენე კვინიკაძე & ჟან რუო

პროზა
ალექსანდრე ჭელიძე

ახალი ნიბნი
დანიელ პენაკის
„სკოლის სეზონი“

პოეზია
ზალვა ბაქურაძე
ნენე ბიორბაძე
ბელა ჩეკურიშვილი
ვაკუნა ბიორბაძე
დურეიშხან ტაბატაძე

სავიზიტო ბარათები; მოსაწვევები და მისალოცე დიპლომები; სერთიფიკატები; ბროშურები; ფლაერები; ბუკლეტები; კატალოგები; მენიუები; კალენდრები; პოსტერები ბლანკები; კონვერტები; ბლოკნოტები; CD/DVD შეფუთვებისმიერი სირთულის ყუთები; ასევე ყუთებზე ბეჭდვა; ყველა სირთულის კვეთვები; ვეტიკეტები და სხვა თვითნებანი; პროდუქტები; ბილეთები; აფიშები, ბანერები, ვიტრინები; და ავტომობილების გაფორმების საათების ბრენდირება; ბეჭდვა ოქროს და ვერცხლის ფოლგაზე; ნატურალურ ტილოზე; პლასტიკური ბარათებზე ბეჭდვა; მაისურებზე, ჩანთებზე, კალმებზე ბეჭდვა.

ქუთათელაძის 8. ტელ.: 597 39 55 87; 2 39 55 87; 2 14 12 14 innostd@gmail.com




ქართული გამომცემლობის საპარტუკო კულტურისა და ძეგლთა დაცვის სამინისტროს მხარდაჭერით



ნომრის თემა:

თბილისის პირველი საერთაშორისო ლიტერატურული ფესტივალი

- ფესტივალის პროგრამა 3
- ფილიპ ბასონი (საფრანგეთი)
- ბიოგრაფია 5
- ერთი რომანის შესახებ 7
- ინტერვიუ (მოამზადა მანანა ბოსტოლანაშვილმა) 8
- იქიდან ზღვა ჩანს (ფრაგმენტი რომანიდან)
(ფრანგულიდან თარგმნა დალი იაშვილმა) 10
- სარა ბოუერი (დიდი ბრიტანეთი)
- სარა ბოუერი წერის ხელოვნების შესახებ (ინტერვიუ)
(ინგლისურიდან თარგმნა თამარ კოტრიკაძემ) 12
- სიყვარული კლავს, არა? (ფრაგმენტი რომანიდან)
(ინგლისურიდან თარგმნა დალილა გოგიამ) 14
- მიკოლაი ლოზინსკი (პოლონეთი)
- ლოროტა ვოდეცკას საუბარი მიკოლაი ლოზინსკისთან
(პოლონურიდან თარგმნა რაჟდენ ჩიხორიამ) 17
- გასაღები (მოთხრობა) (პოლონურიდან თარგმნა ამბროსი გრიშკაშვილმა) 19
- ქაროლინ ფორსი (აშშ)
- ინტერვიუ კეროლინ ფორსესთან (ინგლისურიდან თარგმნა თამარ კოტრიკაძემ) 23
- ლექსები (ინგლისურიდან თარგმნეს დალილა გოგიამ და პაატა შამუგიამ) 25



41


ნომრის ავტორები

- ნესტან ნენე კვინიკაძე
- ეკა ქევანიშვილი – ნესტან ნენე კვინიკაძის სერიოზული თამაში 29
- ნესტან ნენე კვინიკაძე – ფრანგულის გაკვეთილი (პიესა) 36
- დათო ტურაშვილი – ამარგი 39
- ნესტან ნენე კვინიკაძე – დღე თამაშობისა
(ფრაგმენტი გამოუქვეყნებელი რომანიდან) 40
- ამონარიდები (ანუკი იმნაიშვილი; გოგი გვახარია) 41



შან რუო

- მანანა ბოსტოლანაშვილი – გონკურების პრემიის ლაურეატი თბილისში 42
- შან რუო: ლიტერატურა ვერტიკალურია (ინტერვიუ შოთა იათაშვილთან) 44



პროექტის ავტორი:
ვაჟა წონაძე

მთავარი რედაქტორი:
შოთა იათაშვილი

რედაქტორი-სტილისტი:
ლელა კოდლაშვილი

დიზაინი და დაკაბადონება:
ნიკა სვედელიძე

სარედაქციო კოლეგია:
დავით ანდრიაძე
გია ემგვარაძე
დათო ტურაშვილი
ეკა ქვეანიშვილი
ზაზა შათირიშვილი,
დავით ჩიხლაძე
გია ხაღური

ნომერზე მუშაობდნენ:
მანანა ზოსტოლანაშვილი
დალი იაშვილი
თამარ კოტრიკაძე
დალილა გოგია
რაუდენ ჩიხორია
ამგროსი ბრიშკაშვილი
პაატა შაფუგია
ნესტან ნენე კვინიკაძე
ეკა ქვეანიშვილი
დათო ტურაშვილი
შალვა ბაჭურაძე
ნენე ბიორაძე
ბელა ჩაქურიშვილი
კაკუნა ბიორაძე
დურმიშხან ტაბატაძე
ალექსანდრე ჭელიძე
ლელა კოდლაშვილი

3

4

5

პოეზია

შალვა ბაჭურაძე 46
ნენე ბიორაძე 51
ბელა ჩაქურიშვილი 54
კაკუნა ბიორაძე 56
დურმიშხან ტაბატაძე 58

პროზა

ალექსანდრე ჭელიძე – ფრაიბურგული ამბავი 66

ახალი ნიშნი

ლელა კოდლაშვილი – იქნებ ამ რომანში ჩვენმა
პედაგოგებმა საკუთარი თავი ამოიცნონ... 78

გამომცემლობა – „საუნჯე“

მის.: ალ. ყაზბეგის 32/34

ტელ.: 2141214, 2395587, 2397188

Skype: saunje_saunje

ელ-ფოსტა: saungeo@gmail.com

Facebook: გამომცემლობა საუნჯე/Saunje publishing <http://www.facebook.com/saunjee>

www.saungeo.ge

1

ნომრის თემა: თბილისის საერთაშორისო ლიტერატურული ფესტივალი



თბილისის პირველი საერთაშორისო
ლიტერატურული ფესტივალი
18-23 მაისი, 2015

პროგრამა

18 მაისი, ორშაბათი

ადგილი: მწერალთა სახლი, მაჩაბლის ქ. 13

12:00. პრესკონფერენცია

ორგანიზატორები, სპონსორები, პარტნიორები

18:00. თბილისის საერთაშორისო ლიტერატურული ფესტივალის გახსნა

18:30. ფილიპ ბესონი (საფრანგეთი) – შეხვედრა
მკითხველთან, წიგნის „იქიდან ზღვა მოჩანს“
პრეზენტაცია

ენა: ფრანგული, ქართული თარგმანით

20:00. სვეტლანა ალექსიევიჩი (ბელარუსი) საუბრობს
ანა კორძაია-სამადაშვილთან. წიგნის „ჩერნობი-
ლის ლოცვა“ პრეზენტაცია

ენა: რუსული

21:30. პოეზიის ღამე ფესტივალის ყველა სტუმრის
მონაწილეობით

19 მაისი, სამშაბათი

15:00. ფილიპ ბესონის შეხვედრა თსუ-ს სტუდენტებთან
ენა: ფრანგული

ადგილი: ფრანკოფონიის საუნივერსიტეტო
სააგენტოს აუდიტორია თბილისის სახელმწიფო
უნივერსიტეტი, მე-5 კორპუსი 309-ე აუდიტორია
(ჭავჭავაძის ქ. 36)

18:00. რაულ შროტი (ავსტრია) საუბრობს ლამა
ბაქრაძესთან. ჰესიოდე „თეოგონია“, ჰომეროსი
„ილიადა“ – უძველესი ტექსტები, მათი წყაროები
და კონტექსტები.

ენა: გერმანული, ქართული თარგმანით

ადგილი: ლიტერატურის მუზეუმი (გ. ჭანტურია ქ. 8)

18:00. ვერა პავლოვა (რუსეთი) – პოეზიის საღამო
ენა: რუსული

ადგილი: კავკასიური სახლი (გალაკტიონის ქ. 20)

19:00. მიკოლაი ლოზინსკი (პოლონეთი) – შეხვედრა
მკითხველთან.

მოდერაცია: მაგდა ნოვაკოვსკა

ენა: პოლონური, ქართული თარგმანით

ადგილი: ევროპის სახლი (თავისუფლების მოედანი 1)

19:00. სარა ბოუერი (დიდი ბრიტანეთი) და ანთეა
ნიკოლსონი (დიდი ბრიტანეთი) საუბრობენ დავით
გაბუნიასთან

ენა: ინგლისური, ქართული თარგმანით

ადგილი: მწერალთა სახლი (მაჩაბლის ქ. 13)

20:30. კეროლინ ფორშე (აშშ), კიმბერლი ჯონსონი (აშშ),
პაატა შამუგია (საქართველო) – პოეზიის საღამო
ენა: ინგლისური, ქართული

ადგილი: მწერალთა სახლი (მაჩაბლის ქ. 13)

20 მაისი, ოთხშაბათი

15:00. სარა ბოუერის (დიდი ბრიტანეთი) შემოქმედებით
წერის ვორკშოპი თავისუფალი უნივერსიტეტის
სტუდენტებთან

ენა: ინგლისური

ადგილი: თავისუფალი უნივერსიტეტი (დავით
აღმაშენებლის ხეივანი 240)

18:00. ვიოლეტ გრიგორიანი (სომხეთი), გიუნელ მოვლუდი
(აზერბაიჯანი), ეკა ქვეანიშვილი (საქართველო) –
პოეზიის საღამო

ადგილი: კავკასიური სახლი (გალაკტიონის ქ. 20)

- 18:00. რაულ შროტი (ავსტრია) – პოეზია და პროზა, შეხვედრა მკითხველთან
ენა: გერმანული, ქართული
ადგილი: გოეთეს ინსტიტუტი (მ. ზანდუეკელის ქ. 16)
- 19:00. დისკუსია და ფოტო გამოფენა „უკრაინული ღამე“ – ნიგნის ავტორის, კატერინა მიშენკოსა (უკრაინა) და ფოტოგრაფის, მირონ ზოვნირის (გერმანია) მონაწილეობით. სერგეი ჟადანი (უკრაინა) და ლაშა ბაქრაძე საუბრობენ უკრაინის მოვლენებზე
ენა: რუსული, ქართული თარგმანით
ადგილი: ევროპის სახლი (თავისუფლების მოედანი 1)
- 19:00. კლაუდიო პოცანი (იტალია) – შეხვედრა მკითხველთან ნიგნის „ჩრდილების მარში“ პრეზენტაცია ნიგნის „ქართული თანამედროვე პოეზიის ანთოლოგია იტალიურ ენაზე“ პრეზენტაცია. ნარადგენს მთარგმნელი ნუნუ გელაძე
ენა: იტალიური, ქართული თარგმანით
ადგილი: მწერალთა სახლი (მაჩაბლის ქ. 13)
- 20:30. ლიტველი პოეტების საღამო
ენა: ლიტვეური, ქართული თარგმანით
ადგილი: მწერალთა სახლი (ივ. მაჩაბლის ქ. 13)

21 მაისი, ხუთშაბათი

- 15:00. იოსიფ ნოვაკოვიჩის (კანადა) შეხვედრა საქართველოს უნივერსიტეტის სტუდენტებთან
ენა: ინგლისური, ქართული თარგმანით
ადგილი: საქართველოს უნივერსიტეტი (მ. კოსტავას ქ. 77)
- 18:00. აშშ-ს საელჩოს ნიგნის თარგმანის მხარდაჭერის პროგრამის პრეზენტაცია გამომცემლობა „დიოგენე“, „ქარჩხაძის გამომცემლობა“
- 19:00. დისკუსია „პოეზია, როგორც მარგინალური ლიტერატურა დღეს“ – კლაუდიო პოცანი (იტალია), ვიოლეტ გრიგორიანი (სომხეთი), ვერა პავლოვა (რუსეთი), კიმბერლი ჯონსონი (აშშ)
ენა: ინგლისური, ქართული თარგმანით
ადგილი: მწერალთა სახლი (ივ. მაჩაბლის ქ. 13)
- 20:30. ვერა პავლოვა (რუსეთი), სერგეი ჟადანი (უკრაინა), ზვიად რატიანი (საქართველო) – პოეზიის საღამო
ენა: რუსული, უკრაინული, ქართული
ადგილი: მწერალთა სახლი (მაჩაბლის ქ. 13)


22 მაისი, პარასკევი

- 14:30. ლუსი ტაპაჰონსო (აშშ) – შეხვედრა ამერიკული აკადემიის მოსწავლეებთან
ენა: ინგლისური
ადგილი: ამერიკული აკადემია (ლისის ტბა, 01/014)

- 18:00. რასულ იუნანი (ირანი) საუბრობს გიორგი ლობჯანიძესთან
ენა: სპარსული, ქართული თარგმანით
ადგილი: კავკასიური სახლი (გ. ტაბაძის ქ. 20)
- 18:00. დისკუსია თემაზე „მწერალი და მოქალაქე: მწერლის სამოქალაქო პასუხისმგებლობა“ სვეტლანა ალექსიევიჩი (ბელარუსი), კაროლინ ფორშე (აშშ), ლუსი ტაპაჰონსო (აშშ) იოსიფ ნოვაკოვიჩი (კანადა), გიუნელ მოვლუდი (აზერბაიჯანი) – მოდერაცია: ლევან ბერძენიშვილი რა გამოწვევების წინაშე აყენებს მწერალს 21-ე საუკუნე – შეიცვალა თუ არა მწერლის როლი ტექნოლოგიების და მედიის განვითარებასთან ერთად? შესუსტდა თუ არა მწერლის გავლენა საზოგადოებაზე? სად არის მწერლის, როგორც მოქალაქის ადგილი დღეს და რისი შეცვლა შეუძლია მას? – ესაა ის კითხვები, რომელზედაც პასუხის გაცემას ჩვენი დისკუსიის მონაწილეები შეეცდებიან.
ენა: ინგლისური, რუსული, ქართული თარგმანით
ადგილი: თიბისი გალერეა (კ. მარჯანიშვილის ქ. 4)
- 20:00. კიმბერლი ჯონსონი (აშშ), კაროლინ ფორშე (აშშ), ზვიად რატიანი (საქართველო) In Memoriam Mark Strand
ადგილი: მწერალთა სახლი (მაჩაბლის ქ. 13)
- 21:00. პოეზიის საღამო ყველა პოეტის მონაწილეობით
ადგილი: მწერალთა სახლი (მაჩაბლის ქ. 13)

23 მაისი, შაბათი

- 13:00. ბავშვები ვასო გულეურთან და დავით გაბუნიასთან ერთად – სვენ ნურდკვისტის დასურათებული ნიგნის „ფინდუსი და პეტსონის“ კითხვა
ენა: ქართული
ადგილი: მწერალთა სახლი (მაჩაბლის ქ. 13)
- 14:00. ლაშა ბულაძის შეხვედრა მოზარდებთან – როგორ დაეწერეთ პიესა
ენა: ქართული
ადგილი: მწერალთა სახლი (მაჩაბლის ქ. 13)
- 16:00. ანა კორძაია-სამადაშვილის შეხვედრა მოზარდებთან – „ყველას შეუძლია წერა“
ენა: ქართული
ადგილი: მწერალთა სახლი (მაჩაბლის ქ. 13)



ფილიპ ბესონი (საფრანგეთი)



ფილიპ ბესონი არის თანამედროვე ფრანგი მწერალი, დრამატურგი და სცენარისტი. მისმა დახვეწილმა სტილმა და თანამედროვეობით შთაგონებულმა რომანებმა („მისი ძმა“, „იტალიელი ბიჭი“, „იქედან ზღვა ჩანს“ და სხვ.) მოხიბლა როგორც სხვადასხვა ჟიურის წევრები, ასევე ფართო საზოგადოება. მის წიგნებში მეორდება ბავშვობის, ვნების გავლენების, საზოგადოებრივი ნორმების დამრღვევი, წინააღმდეგობრივი სიყვარულის თემები.

იგი დაიბადა 1967 წელს მასწავლებელი მამის და ნოტარიუსის კლერკის ოჯახში. ფილიპ ბესონმა (მას არანაირი ნათესაობა არ აკავშირებს მწერალ პატრიკ ბესონთან), ბრწყინვალედ დაამთავრა რუანის უმაღლესი კომერციული სკოლა და, ამავე დროს, მიიღო უმაღლესი განათლების დიპლომი სამართალმცოდნეობაში.


1989 წელს იგი ქალაქ შარენტიდან საცხოვრებლად გადავიდა პარიზში, სადაც იურისტად მუშაობდა და სოციალურ სამართალს ასწავლიდა. 6 წლის განმავლობაში იყო ლორანს პარიზოს მარჯვენა ხელი, როგორც ადამიანური რესურსების დირექტორი, შემდეგ ფრანგული ინსტიტუტის გენერალური მდივანი საზოგადოებრივი აზრის სფეროში. მერე იგი გახდა ინტერნეტ კლუბის T-online France-ის ადამიანური რესურსების დირექტორი. მაშინ ეპისტოლარული გატაცებით დღეში რამდენიმე წერილს წერდა.

1999 წელს პირველი მსოფლიო ომის მეტრძოლთა მოთხრობების წაკითხვამ მას პირველი რომანის, „კაცების არყოფნისას“ დაწერა შთააგონა. ეს პირველი თხზულება გამოქვეყნდა 2001 წელს გამოცემლობა „ჟულიარში“ და 80 000 ეგზემპლარი გაიყიდა. მასში მოთხრობილია სიყვარულის ამბავი პირველი მსოფლიო ომის დროს.

2001 წელს რომანს, რომლის გმირია მარსელ პრუსტი, ემაწეულ-რობლესის პრემია მიენიჭა.

იმავე წელს, 2001 წლის აგვისტოში, ფილიპ ბესონმა გამოაქვეყნა „მისი ძმა“, რომელიც „ფემინას“ პრემიისთვის შერჩეის. ამ რომანის მიხედვით პატრიკ შერომ გადაიღო ფილმი, რომელმაც 2003 წელს ბერლინის ფესტივალის „ვერცხლის დათვი“ მიიღო. მთავარ როლებში ბრუნო ტოდესკინი და ერიკ კარავაკა გადაიღეს. ბესონი მონაწილეობდა ფილმის სცენარის შექმნაში რეჟისორთან ერთად და მას მერე რეგულარულად წერს სცენარებს ტელევიზიისთვის. ფილმში მოქმედება ხდება 18 თვის განმავლობაში, როდესაც ორი ძმის ცხოვრებას ვეცნობით. ტომა მიდის უმცროს ძმასთან, ლუკასთან და უმხელს, რომ განუკურნებელი დაავადება სჭირს. მათ მრავალი წლის მანძილზე არ ჰქონიათ ურთიერთობა, რადგან უფროსი ძმა ვერ ეგუებოდა უმცროსის ჰომოსექსუალობას, ლუკას კი მობეზრდა ტომის ეგოიზმი. მაგრამ სიკვდილის პირისპირ მდგომმა ძმებმა საკუთარ თავში შერჩევის ძალა იპოვეს. ტომამ გადაწყვიტა, სიკვდილს დალოდებოდა ზღვისპირა სახლში, სადაც ბავშვობა გაატარა... მალე ლუკას და მისი პარტნიორის ურთიერთობაში ბზარი გაჩნდა...

ამ ფილმში გახსნილია ყველა ტაბუ: ინცესტი, თვითმკვლელობა, ჰომოსექსუალიზმი, ლალატი, კაცის სიშიშველე და ა.შ. მიწინააღმდეგე დაყვანილი დიალოგები, განზრახ შენელებული, ამაფორი-



აქებელი და ტრაგიკული მოვლენები შთამბეჭდავად ავლენს ადამიანის ბუნებას.

2002 წელს გამოქვეყნებულ რომანმა „გვიანი შემოდგომა“, რომელსაც 2003 წელს RTL-lire-ის გრან-პრი მიენიჭა, ფილიპ ბესონი თავისი თაობის მნიშვნელოვან ავტორად აქცია.

2003 წელს გამოიცა „იტალიელი ბიჭი“, რომელიც გონკურის და მედიჩის პრემიებისთვის შერჩეის. რომანებით გამოწვეულმა ინტერესმა ფილიპ ბესონი წაახალისა და გადაწყვიტა, თავი მხოლოდ მწერლობისთვის მიეძღვნა.

2004 წელს გამოცემულმა, არტურ რემბოს სიცოცხლის ბოლო დღეებისადმი მიძღვნილმა მისმა მეხუთე რომანმა, „წარმავალმა დღეებმა“ რეჟისორ ფრანსუა დუპერიონის ყურადღება მიიპყრო. წიგნის საავტორო უფლებები სავარაუდოდ ეკრანიზაციისთვის შექმნილი აქვთ ჟურარ დეპარდიეს და კლოდ ბერის.

2007 წლის მარტში 150 ადამიანთან ერთად მან ხელი მოაწერა ტექსტს, რომელიც საზოგადოებას მოუწოდებდა, პრეზიდენტის არჩევნებზე სეგოლენ ლუაილისთვის, „მემარცხენეთა იმედისთვის“ მიეცათ ხმა „ამპარტავნობის უფლების წინააღმდეგ“.

2011 წელს მან მხარი დაუჭირა ასოციაცია „Isotas“-ს, რომელიც აქტიურად მუშაობს ჰომო-

სექსუალისტი წყვილების ქორწინებისა და მათ მიერ შვილის აყვანის საკითხებზე.

წერის მკაცრი სტილი მწერალს მარგერიტ დიურასმა შთააგონა. 2006 წელს „ოქტომბრის ბავშვმა“ გამოცემისთანავე კამათი გამოიწვია, მწერალს პირად ცხოვრებაში ჩარევა დააბრალეს. ეს რომანი მხატვრულად მოგვითხრობს გრეგორის საქმეზე მაშინ, როდესაც ამ დრამის რამდენიმე მონაწილე ჯერ ცოცხალია. თავის დასაცავად ავტორი ხაზს უსვამს იმ ფაქტს, რომ საყვარელი ადამიანის სიკვდილის და არყოფნის თემები ხშირად მეორდება მის თხზულებებში. თუმცა, კრტიკოსების ერთმა ნაწილმა რომანი მაინც კარგად მიიღო, მიუხედავად მისი გატაცებისა დანაშაულებათა ქრონიკით 2007 წელს გამოქვეყნებულ რომანში „დამშვიდობების გადწვევტილება“.

ფილიპ ბესონი მუდმივად გვაოცებს და ინტერესს გვიკვივებს.

2009 წელს მან გამოსცა „შემთხვევითი კაცი“, რომლის ინტრიგა ვითარდება ბევრლი ჰილში და სხვა ავტორებთან ერთად მონაწილეობს განვითარების მიზნებზე გამოცემულ ნოველების კრებულში სათაურით „რვა“.

2009 წელს იგი კვლავ ინტერესდება აშშ-ით რომანში „ტომას სპენსერის ლაღატი“, რომელიც ერთ დღეს დაბადებული ორი მეგობრის ცხოვრებაზე მოგვითხრობს და თან ცდილობს, აღადგინოს მეოცე საუკუნის აშშ-ის ისტორია.

„ადამიანებთან დაბრუნება“ ათი წლის წინ დაწერილი მისი პირველი რომანის გაგრძელებაა.

2010-2013 წლებში ტიერი არდისონის მიერ შექმნილი საკულტო გადაცემა „პარი დელნიე“ მიჰყავდა „პარი პრემიერ“ არხზე. ადრე იგი ლიტერატურულ ქრონიკას და კრიტიკას წერდა „საბალანს ა პალიში“. მწერალმა დაწერა აგრეთვე „რასპუტინის“ სცენარი ჟოზე დაიანისთვის.

ჯეიმს დინისადმი მიძღვნილი მისი წიგნი „სწრაფად ცხოვრება“, 2015 წლის იანვარში, მსახიობის გარდაცვალებიდან 60 წლისთავზე გამოიცა. ეს არის რომანი-კალიდოსკოპი, იმ საარკებთან ბურთების მსგავსი, ადრე საცეკვაო დარბაზებში რომ ეკიდა ხოლმე ჭერზე. ფილიპ ბესონმა გაგვაცნო მინიერი გზა ლამაზი და სევდიანი ჯეიმზ ბაირონ დინისა (1931-1955 წწ.), რომელიც გარდაიცვალა ავარიამი სალინასის გზაზე, კალიფორნიამში, ვინმე დონალდ ტარმფინდის მიხედვით. პერსონაჟი თავიდანაქმულია, და გვგონია, უკვე ყველაფერი ვიცით მის ცხოვრებაზე, მის ხანმოკლე კარიერაზე; რამდენიმე პიესა თეატრში, სამი ფილმი, რომელთაგან ორი მისი გარდაცვალების შემდეგ გამოვიდა. მართლაც, აუცილებელი იყო ბესონით ნიჭიერი მწერალი ისტორიის გამოსაკვლევა და მის გაუმოსაგონად.

ბესონი ამ დრამის გმირებს ალაპარაკებს ერთმანეთის მიყოლებით, პირველ პირში, როგორც მოჩვენებებს. ჯერ მიღწერდნინი, ქალიშვილობაში ნილსონი, ჯეიმსის დედა გვიამბობს. ოჯახი დასავლეთიდან ინდიანას შტატში გადავიდა, მერე კი კალიფორნიამში გადასახლდა. ჯეიმსი სიყმაწვილეშივე ამჟღავნებდა როგორც ფიზიკურ, ასევე ფსიქოლოგიურ თვისებებს, რომლებიც სიცოცხლის ბოლომდე გაჰყვა. მისი სევდიანი სილამაზე, მიუხედავად აჩეჩილი ქერა თმისა, არაბუნებრივი გრაცია, თუმცა დაბალი, ოდნავ მოხრილი და ბეცი იყო, მისი ორაზროვანი ხიბლი, რომელიც ორივე სქესის ადამიანებს იზიდავს, ვისაც კი ცხოვრების გზაზე შეხვედრია: დელინე ბრუქმირს, დრამატული ხელოვნების პედაგოგს, ვინც მისი სიფაქიზე აღნიშნა („ის მინისგან იყო“, ამბობს იგი); პასტორ დივირდს, ჰომოსექსუალისტს, ვინც იგი შეაცდინა; ლიზ ტელიორს, მის პარტნიორს რომ იყო „გოლიათში“; როკ ჰადსონს, ფილმის მეორე ვარსკვლავს, „თითქმის მაშინვე რომ შესძულდა“ ეს ქედმაღალი ბიჭი, რომელიც გამოჩენისთანავე იპყრობდა ეკრანს. მისთვის სანიმუშო იყვნენ მარლონ ბრანდო, ვისაც „გენიოსად“ მიიჩნედა, ან მონტგომერი. მთავარი გმირების – ოჯახის წევრების, რეჟისორების, მასთან ხანმოკლე სასიყვარულო ურთიერთობის მქონე გოგონების და ბიჭების, და თვით ჯეიმს დინის ნაამბობით, მასში აღმოაჩენთ ცეკვით, სპორტით, სისწრაფით და სხეულებით სიღრმისეულ გატაცებას; პროფესიას, რომელსაც ცხოველური ინსტინქტით ასახიერებდა; იმას, თუ როგორ ამაყობდა, როდესაც ნიუ-იორკის პრესტიჟულ სტუდიაში მიიღეს; „მის“ ქალაქს... რა თქმა უნდა, მკითხველმა იცის მისი ისტორია. მაგრამ ფილიპ ბესონის ოსტატობა იმაში გამოიხატება, რომ წარმოგვადგენინებს კალიფორნიის გზას, რომელზეც დაიმსხვრა ძალიან სწრაფად მქროლავი „პორშე 550 სპაიდერი“. ჯეიმს დინს სურდა „სწრაფად ცხოვრება“, ახალგაზრდობაში სიკვდილი, მშვენიერი გარდაცვლილად ყოფნა და ღმერთმაც შეუსრულა ეს სურვილი.

2014 წელს ფილიპ ბესონმა გამოაქვეყნა მე-14 რომანი „მაცდური მზე“, რომელშიც კიდევ ერთხელ გამოავლინა ბალნეოლოგიური კურორტების და სასიყვარულო გრძნობების ცოდნა.

დალი იაშვილმა სულ ცოტა ხნის წინ დიდებულიად თარგმნა ფილიპ ბესონის რომანი, „იქიდან ზღვა ჩანს“. ეს რომანი მწერალს შთააგონა პოლ გიმარის წიგნმა „ცხოვრებისეული წვრილმანები“, რომელიც კლოდ სოტემ გადაიღო, მთავარი როლი კი ბრწყინვალე რომი შნაიდერმა შეასრულა. წიგნი წარმოგვიდგენს სამ ერთმანეთისგან სრულიად განსხვავებულ, სიყვარულისა და თავისუფლების მაძიებელ ადამიანს. ძლიერი ქალი, მწერალი ლუიზა ახალგაზრდა მამაკაცის შეყვარებით, ძალიან ნატიფი და სუსტი ხდება და მისი ცხოვრება იცვლება. მწერალი უმნიშვნელო წვრილმანების აღწერით „უთქმელის“ გამოთქმის ნამდვილი ოსტატია.

2015 წლის 18 მაისს მწერალი ამ რომანს მკითხველებს წარუდგინა თბილისში, წიგნის ფესტივალის გახსნაზე. ფილიპ ბესონს კარგად ეხერხება მრავლისმეტყველი მდუმარების გამოცემა ისე, რომ მკითხველმა არ მოინყინოს. იგი ისეთი სიზუსტითა და მუსიკალურობით აღწერს პეიზაჟებს, რომ მისი სიტყვებით დატკობალა დაგვრჩენია. ფილიპ ბესონი გრძნობების ნამდვილი ექსპერტია და აღიარებს, რომ მის რომანებში გულსამაჩუყებლად უპირისპირდება ერთმანეთს სიყვარული და უსიყვარულობა.

მოამზადა მანანა ბოსტონანაშვილმა

ერთი რომანის შესახებ



2012 წელს გამოვიდა ფილიპ ბესონის რომანი, „იქიდან ზღვა ჩანს“ (გამომცემლობა „ჟულიარი“). მისთვის დამახასიათებელი სიფაქიზით და ელევანტურობით მწერალი გეთავაზობს სიყვარულის მართლაც რენტგენოლოგიურ აღწერას, როდესაც გრძნობები შიშველია და ნათელი.

ფილიპ ბესონს არ უყვარს გმირები. მას ურჩევნია მოვლვარე თვალებიანი, იდეალური სილუეტი. მის პერსონაჟებს ერთი რამ აქვთ საერთო: საკუთარ თავთან აბსოლუტურად გულწრფელნი არიან.

ასევე, ლუიზა, რომანის, „იქიდან ზღვა მოჩანს“ გმირი, არ არის სიმპათიური პერსონაჟი. მაგრამ არც ანა კარენინაა; და განა ემა ბოვარი გხიბლავთ? საზოგადოების მიერ განკიცხული ქალი გმირების სამყაროში ლუიზას თავისი ადგილი უკავია. მეტისმეტად თავდაჯერებულია, მეტისმეტად მარტოსული, ერთი სიტყვით – თავისუფალი.

ის 40 წლისაა. ცნობილი მწერალია და მხოლოდ წერით არის გატაცებული. შვილები არ სურს. მისი მეუღლე, ფრანსუა ყველაფერზე თანახმაა. მათი ურთიერთობა მრავალი წლის მანძილზე ყოველდღიური სითბოთია განმსჭვალული. თუმცა, ლუიზა ხშირად მიდის სახლიდან, სასტუმროს ნომერებში თუ მეგობრების ვილებში, რათა პარიზული ცხოვრებისგან დაისვენოს და წყნარად წეროს. მას სჭირდება ეს აფორიაქებული დასვენება, სხვები რომ შთაგონებას უწოდებენ.

ბესონი უკარება ადამიანს წარმოგიდგენს. ქალს, რომელიც აძრწუნებს ნორმას და კოლექტიურ შიშს იწვევს: რეპროდუქციაზე ხელის აღება, თავდავიწყება, ხელოვნების ყოვლისშემძლეობა. თუმცა, ლუიზა არ ტრაბახობს ამით. მართებულობის ამგვარი აბუჩად ავადების სანაცვლოდ იღებს მარტოსულობას, რომელიც დასახლებულია იმ რომანის ფანტომებით, რომელსაც ამჟამად თხზავს. მხოლოდ სათნო და მშვიდი ფრანსუაა ფხიზლად; საყვარელი ქალის დაკარგვას ურჩევნია, დაიტანჯოს.

მხოლოდ იტალიაში, ტოსკანაში, მეგობრის ვილაში, სადაც რომანის დასასრულელად გაემგზავრება, ლუიზა სულს მოითქვამს, პოულობს ერთგვარ ხსნას, ნეტარებას, – თავისზე ორჯერ უმცროსი ვაჟი შეუყვარდება. აქ შავი სითბოთი და შუქით არის გაჯერებული, აზრები ერთმანეთში ირევა და ცხოვრება მირაჟს ემსგავსება. ნუთუ რეალურია 20 წლის ლუკა, ერთ დილას ლუიზას კარს რომ მოადგება ახალგაზრდული უშუალობით, მხოლოდ იმიტომ, რომ მან უთხრა, შეგიძლია მენვიო, და ვნებიანად შეუყვარდება ქალი?

ფილიპ ბესონი თავისი ერთგული მეგობრების – წვრილმანების – ერთგული რჩება. მცირე დეტალების აღწერით გამოხატავს უხილავს, მოუხელთებელს. ეს მიკროსკოპული სტილი ახასიათებს მწერალს პირველივე რომანიდან „კაცების არყოფნისას“. არავითარი პანორამული ხედვები, ფართო პლანი და ა.შ. არ გვაქვს ლუკას აღწერისას, მაგრამ მწერ-

ალი გვაჩვენებს ძილის დროს მისი წამწამების მსუბუქ რხევას, „ღამით ამოსული წვერის მუქ ღინღლს, ორ ხალს ამოზნექილ ბეჭებზე“. დანარჩენი უნდა გამოიცნო, იყნოსო, შეამჩნიო. სინამდვილეში, სიყვარული უმცირესი წვრილმანებისგან შედგება.

ასევე თავშეკავებით, ორაზროვანი სიტყვებით აღწერს საავადმყოფოში, ქმრის სასთუმალთან მჯდომი ლუიზას თითქმის უგრძნობელ სახეს, როდესაც მას განშორებაზე აცნობებს. ის არ არის თავაზიანი, სათნო ადამიანი, არც არასდროს უცდია, ყოფილიყო. ის ქვეცნობიერს, თავის ინსტინქტს ემორჩილება. ამიტომ მას არა აქვს გამართლება. მაგრამ ლუიზა ამას არც ითხოვს. იგი მონანიებისთვის არ არის შექმნილი. ფილიპ ბესონი მას თავისებურად, ბრწყინვალედ, რომანის ფორმით მიუტყვევს – ნიგნი ხომ უმშვენიერესი შენობაა. ქმნის მის დიდებულ პორტრეტს, არ განსჯის და პატივს სცემს იმას, რასაც ნორმა კიცხავს, მაგრამ ხელოვნება მოითხოვს: თავისუფლებას.


მწერალი ფაქიზად გადმოგვცემს დახვეწილად დაფარულ ტანჯვას, ეჭვიანობას, კინკლაობებს, უთქმელ ფრაზებს. იგი ერთმანეთს ამატებს ცხოვრებას და წერას, და როგორც სიცრუის ორ მანერას, ერთიმეორეს ადარებს. ეს თავხედური, სახიფათო და უხეშია. ბესონის აზრით, უნდა აირჩიო ან წერა, ან სიყვარული.

მთელი თავისი სიმტკიცით, ლუიზა პარადოქსულად მწერლის ყველაზე ამაფორიაქებელი პერსონაჟია, რომელიც გვაოცებს უნარით, გაბედულად მიჰყვებს თავის გზას და მოიშორებს დანაშაულის გრძნობა თავისუფლებისთვის. ეს თავისუფლება უფრო ეგოიზმს ჰგავს. თუმცა, განა ეგოისტობა საჭირო არ არის იმისთვის, რომ საკუთარ თავთან თანხმობაში ვიცხოვროთ?

გამოყენებული სტატიები:

1. კლარა დიუპონ-მონო, „ლიტერატურული ჟურნალი“, „უღმობელი თავისუფლება“, 2013 წ. თებერვალი.
2. „მადამ ფიგარო“. 11.12.2013
3. „ექსპრესი“, ფრანსუა ბუშნელი, „მწერალი ქალი“.
4. „ელ“, ჟან დე მენიბუს

მომზადდა მანანა ბოსტონანაშვილმა



ლოს-ანჯელესი. იქ წელიწადში 3-4 თვის განმავლობაში ვცხოვრობ. სენსაციური მისამართი მაქვს: 7950, სანსეტ ბულვარი. შატო მარმონიდან რამდენიმე კაბელტოვის¹ მოპოვებით. ჩემი ბინა ქალაქს გადაჰყურებს, რადგან მეექვსე სართულზე ვცხოვრობ და LA ჰორიზონტალურია. ვაკვირდები მინის კვადრატულად დაყოფილ ნაკვეთებს, პალმის ხეების ნაზ რწევას, „სენჩარი სითის“ კოშკებს შორს, და თოვლივით დადებულ დაბინძურებას, რომელიც ხაზად მოჩანს მინასა და ცას შორის. მანქანით მივდივარ ყველგან: სუპერმარკეტში, „სტარბაქსში“, ოკეანესთან. იქ უსაქმურად ვარ, არაფერია გასაკეთებელი, კულტურული ცხოვრება წულია, წიგნის მაღაზიები შეცვალა სპორტულმა დარბაზებმა, სასაუბრო თემებია ძაღლები, შინაური ცხოველების სიყვარული, ადამიანები ისე მარტოსულნი არიან. არა, იქ არაფერს ვაკეთებ. გარდა წერისა. ჩემი წიგნების წერისა. არავინ მანუხებს. სოციალური ცხოვრება გაქრა. საფრანგეთი გაქრა. განხვავება დროში უზარმაზარია. ვერაფერი აღწევს ჩემამდე. მწერლის ოცნება.

რემოს ყველასთვის ცნობილი ფოტოსურათი, ეტიენ კარუას გადაღებული. პოსტერებზე, მაისურებზე დაბეჭდეს. მე, ცხადია, თვითონ ის მომწონს: ამაღლებული, იმ ადამიანის გამომეტყველებით, პირველად რომ ეზიარება, მისი ნათელი მზერა, სახის უზადო ოვალი, უნაკლოდ მოხაზული ბაგეები და ბავშვური კანი. მაგრამ თუ უკეთ დავაკვირდებით, გარეგნული მოკრძალებულობა იმსხვრევა: თმა აჩეჩილია, ბაფთა-პეპელა ირიბად ჩანს, და განსაკუთრებით თვალები იმზირებიან სადღაც, უკვე სხვა რამეს ეძებენ, გვეუბნებიან: ვერ ჩამიგდებთ ხელში, ვერ გამაცურებთ, ჩემი თანდასწრება უკვე არყოფნაა. თანაც მახსოვს ახალგაზრდობა არტურისა, რადიგესი, ჯვიმზ დინისა, ჯიმ მორისონისა, მეტისმეტად

ადრე წასული ყველა იმ კადნიერისა, სამუდამოდ ისეთივეები რომ დარჩნენ. იმათი ახალგაზრდობა, ვისაც არ ექნება დრო დაბერებისთვის. ისინი უცვლელად, დაუჭკნობლად რჩებიან ჩვენს მესიერებაში. ამ ყმანვილებში ორაზროვნებაც იგრძნობა. ეს ყველაზე მეტად მსიბლავს.

დიახ, კიდევ ჰოპერი², მუდამ ჰოპერი, დაუღლელად ჰოპერი. დიახ, კვლავ ვისაუბროთ ამ ქალებზე, რომლებიც ელიან კაფეებში, სანოლებში, თავიანთ ფანჯრებთან, ეს ქალები მუდამ უსაფრდებიან იმას, რასაც ჩვენ ვერ ვხედავთ, რასაც მხოლოდ გამოვიცნობთ და არც კი ვიციტო, ბედნიერებაა თუ საფრთხე. კვლავ ვისაუბროთ ამ ფაქიზ ნამებზე, გაურკვევლობისას, რომლებშიც შეიძლება მთელი სიცოცხლე ჩავტიოთ. ამ შუქ-ჩრდილზე, ხანმოკლე ჩრდილებზე, ჩვენი ცხოვრების არამდგრად ნონასწორობას რომ ასახავს. ამ დაფინებულ თუ დაბნეულ მზერებზე, რომლებიც მოწმობს ჩვენს შინაგან ვნებათაღელვას, დაუცხრომელ იმედებს და ბედთან მდუმარე შერიგებას. ამ დილეებზე, როდესაც ყველაფერი შესაძლებელი გვეჩვენებოდა, საღამოებზე, როდესაც ყველაფერი დაკარგული გვეგონა. ამერიკის პეიზაჟებზე, თვალუნვნებელ ველებზე ან ოკეანეზე სულ ახლოს, სწორ გზებზე უკაცრიელ ადგილებში, ანდა ფრიალო კლდეებზე ამავალ მიხვეულ-

¹ ძველებური საზღვაო სიგრძის საზომი


² ედვარდ ჰოპერი (1882-1967 წწ.) - რეალისტური ნახატებით ცნობილი ამერიკელი მხატვარი.

მოხვეულ ბილიკებზე. დიას, ვისაუბროთ ამ ინტიმურ გეოგრაფიაზე. ჩვენსაზე.

ვირჯინია ვულფი სიცოცხლეს დაასრულებს. იგი მძიმე ქვებს ჩაინყობს კაბის ჯიბეებში, ნყალში შევა უყოყმანოდ და წავა, გაქრება. იქამდე კი მეუღლეს, ლონარდს მისწერა, ვგრძნობ, კვლავ როგორ ვგიჟდები, ხმები მესმისო. და ამას ველარ ვიტან, აღარ ძალმიდს ჩემს საკუთარ დემონებთან ბრძოლაო. მაშინ სიკვდილის აღარ რჩება სხვა გზა, გარდა გადაწყვეტილი, ნებაყოფლობითი სიკვდილისა. ქმარს მისწერა, რომ აღარ უნდოდა დიდხანს გაემწარებინა მისთვის სიცოცხლე. მას მადლობას უხდის მდღნიერებისთვის. განა ოდესმე ვამბობთ ბედლობას მიღებული, გაზიარებული ბედნიერებისთვის? ამგვარად გამოსამშვიდობებელი წერილი უპირველეს ყოვლისა, სასიყვარულო ბარათია. წასვლის ჟამს, უკანასკნელი სიტყვები გამხეულაა, მადლიერების გამოხატვა. გავყურებ ცივ წყალს, ვულფ-კიდმანის სხეულს, რომელიც მასში შედის. ვფიქრობ, თუ რაოდენ გამბედაობას მოითხოვს ეს საქციელი, ბედის რანაირ მორჩილებას გულისხმობს. ვფიქრობ ჩემს მეგობრებზე, რომლებიც აღარ არიან. იმ სიჩუმეზე, რაც მათ დატოვებს. სიჩუმეზე, რომელიც გაგიჟებს. ვირჯინია კარგად მოიქცა, რომ ამაზე გვიამბო.

ბავშვობაში ყველა ზაფხულს კუნძულ რეზე ვატარებდი. საათობით ვიდექით რიგში ნავმისადგომის ბაქანზე (მაშინ ჯერ არ იყო ხიდი), ბორანში ვსხდებოდით და ოციოდე წუთში სენტ-მარისკენ ვიპარებოდით, არაფერი დამვინყებია. კუნძული იმ დროს პოპულარული იყო: კემპინგები, ანაზღაურებული შევტულება, დასაკეცი მაგიდები გზის პირას. სულაც არ ჰგავდა სენ-ჟერმენ-დე-პრესს, რადაც გადაიქცა. კედლები მუქი იყო, დარბები – ბოთლისფერი მწვანე. ახლა ყველაფერი ნათელი, პასტელის ფერებისაა, უურნალ „ელის“ დეკორაცია გეგონება. როდესაც ბავშვებს ვხვდები პლაჟზე და ვხედავ, როგორ დარბიან სენ-სოვერის დიუნებში, ოდნავ გული მტკივა. მახსენდება, რომ მათსავით უფარდელი ვიყავი, მსუბუქად, მზეში. ვიცი, რომ ეს საბოლოოდ დავკარგე. ვერასდროს გამოვჯანმრთელდებით ბავშვობისგან. განსაკუთრებით, თუკი ეს ბავშვობა ბედნიერი იყო.

ფანი არ შეცვლილა. „მეზობელი ქალის“ გამოსვლიდან ოცდაათი წლის შემდეგაც ისევ ისეთი გადარეული, შეყვარებული ქალია,



რომლის დიდი პირი უზარმაზარ ლიმილს გამოსახავს, და ყორანივით შავი თვალები კი ახლოს არ გიშვებენ. ისეთივე სილუეტი, სიარულის მანერა, თავდაჭერა, რაღაც მიფუერი, რაც მიუნვდომლად გეჩვენება და მაინც გეუბნება: „მოდი, მომიახლოვდი“, თითქოს მგზნებარე ცეკვისკენ მოგვიწოდებს. ისეთივე დიდებული, არისტოკრატიული ხმა, რომელსაც, შესაძლოა, ყალბად გაეფლერა სიყვარულის უბრალო სიტყვების წარმოთქმისას და რომელიც ასე ზუსტად ჟღერს, რადგან მასში აღელვება გაისმის. და კოლექტიურ მესსიერებაში დამკვიდრებული იგივე კინემატოგრაფიული სახე, რაც ცოტა სასაცილოა, რაკი ვიცი, რომ არასდროს უყურებს თავის ფილმებს. არა, ფანი არ შეცვლილა, რადგან ის მთლიანად ანწყომი ცხოვრობს, არასდროს მიეცემა ნოსტალგიას, წარმოუდგენლად მკვირცხლია. გუშინ, ვახშობისას, მესროლა: „მოდით, ვიცინოთ. უბედურებაზე ვიცინოთ. განსაკუთრებით უბედურებაზე“. და ჩვენ გავიცინეთ.

„ტრანსფუჟ“, 2013 წ, იენის-ივლისი, ვენსან ჟორი

ფრანგულიდან თარგმნა მანანა ბოსტოლანაშვილმა

იქიდან ზღვა ჩანს (ფრაგმენტი რომანიდან)

ვილიბ პესონი

როდესაც ამბავი იწყება, ზაფხულის პაპანაქება დგას, იტალიური ექსტრავაგანტური ზაფხულების პაპანაქება. მზე ისე ძლიერად აჭერს, რომ მზერიისთვის აუტანელს ხდის შემოგარენის თეთრ ფასადებს. კიდევ ქვეს ასურებს, შეუძლებელია ფეხშიშველა სიარული. შორს ზღვა განოლილა, მზის სხივების არეკვლით დაღარული, ბრილიანტი გეგონებათ. და კიდევ, ყველგან ეს ცისფერი ფერია, ულაქებო, ლაჟვარდოვანი, კამკამა. სიოც კი არ იძვრის.

ნაშუადღეის პირველ საათებში, გაღენჩება მდუმარებაში ძირავს ქალაქს. ნახევრად დახურულ დარაბებიან ოთახებში მკვდრებივით გაშლართული კაცები სიესტას მისცემიან. ქალები უხმაუროდ საქმიანობენ, შენელებულები, სიტყვადაკარგულნი. არავითარი ხმაური, მხოლოდ ხანდახან ძაღლის დაღლილი ნამოყვება, ვესპას ბლუილი.

ჰყვებიან, რომ ზენიტში მყოფი მზის სიმძიმემ ზოგიერთი გააგიჟა. თხზავენ ამბებს შენუხებულ ხალხზე, მოკირწყლულ ქუჩებში საღებავგადაქრცლილ კედლებთან გამწკრივებულ ჩაღის სკამებზე ჩამომსდარნი, ველურნი და უძღურნი, უძრავნი, თვალგამტრებულნი, აზრდაკარგულნი. ნამდვილად მართალია ეს ამბები.

მაგრამ მაინც, დღეს სექტემბერია. როგორ უნდა დაიჯერო, რომ მალე შემოდგომა დადგება?

აქტი პირველი

აგერ, უკვე თხუთმეტი დღეა, ლუიზა ანას სახლში დასახლდა.

პარიზიდან მომავალი მისი თვითმფრინავი პიზაში დაჯდა და აეროპორტში ნაქირავები მანქანით ოცი კილომეტრი გაიარა ლივურნამდე მისაღწევად. მაჩვენებლების მოუნესრიგებლობისა და ახირებულობის მიუხედავად, არ შეცდა, მაშინვე სწორად დაადგა გზას, ტრიუმფით გადალახა ქალაქის ცენტრის ლაბირინთები, ნამძვილად ზედი ნყალობდა.

სახლიც ადვილად იპოვა. ანამ უთხრა: „ნახავ, ადვილია, ვერ აცდები, ქალაქის სამხრეთით იქ, სადაც მთები იწყება, მალალ კონცხზეა შესკუბებული და ზღვას გადაჰყურებს, გზიდან ჩანს.“ და ეს ზუსტად ასეა, როგორც კი თავს დააღწევ ქალაქის ცენტრის ლაბირინთს, ეგრევე ხელისგულზე მოგერთმევა, ნაალაფარივით, ჯილდოსასეთი.

ლუიზამ კვიპაროსების ხეივანში შეუხვია და მანქანა გააჩერა. ბარგი მაშინვე არ გადმოუღია, არც სახლში შესულა. არა, რამდენიმე ნაბიჯი გადადგა ყორის მიმართულებით და თვალნიან ზღვა გადაეშალა. ქვიშის ამ დაცულ ანკლავში მხოლოდ გულგრილი დედების გვერდით მოთამაშე რამდენიმე ბავშვი შენიშნა, საღამოს ექვსი საათი იყო. არც ტურისტები, არც მოცურავეები. მხოლოდ სიბჭე, დამქანცველი სიბჭე, რომელმაც, ლამის იყო, გადააყირავა.

მშვიდად მობრუნდა ვილასაკენ. კარი რომ შეაღო, ფართო, ნათელი მისაღები ოთახი აღმოაჩინა თანამედროვე, უბრალო, გატყავებული ავეჯით. შეამჩნია სიღრმეში სოფლური სამზარეულო ახალთახალი კაფელით და გვერდით კაბინეტი, რომლის ფანჯარაც ბალს გადაჰყურებდა. მეორე სართულზე საძინებელი

იყო ბაცი ცისფერი შპალერითა და ძელებით გადაკეთილი, აშკარად ქალის ხელით მორიულო; სააბაზანო ოთახს კი საუკუნის დასასრულის ბენუარი ამშვენებდა. ლუიზა მეორე საძინებელი ოთახის დიდ თეთრ სანოლზე გაიშვართა, ეს ჩრდილიანი ოთახი იყო; ზეთისხილის ტოტები შემოსეოდნენ ფანჯრის მიწებს. ჩაკეტილი ოთახის სუნი კი არსად იდგა, თითქოს ახლახან განმინდეს და განიავეს ყველაფერი. მხოლოდ თაროზე დანყობილ ზოგიერთ წიგნს და ავეჯს ასდიოდა შმორის ისეთი სუნი, როგორც სააგარაკო სახლებშია ხოლმე. ლუიზამ გაიფიქრა: დროებით, გასაუღელი ადგილები მშვენივრად ემთხვეოდა მის მდგომარეობას, ის გამგულე ქალი იყო.

წიგნის დაწერა. მხოლოდ ამ ერთადერთი მიზნით ჩამოვიდა აქ, წიგნის დასაწერად. იცოდა, უძღვევლი ცოდნით იცოდა, რომ ეს საქმიანობა მარტობას მოითხოვდა, თითქმის ველურ მარტობას და ვილა ჩაკეტავდა ამ ველურობაში.

ისე მიაქროლებს მანქანას, გზას არ უყურებს, განუწყვეტლივ ტრიალდება ლუიზასკენ, იცინის, ხუჭავს თვალებს, უკან აგდებს თავს, მკვეთრი მოძრაობით თვალებიდან იცილებს კულულებს, კვლავ იცინის, უღმუის ქარს, თვითმფრინავის პილოტებით საქვს მიკრული, სწევს თავის სკამს, გიჟივით მიჰყავს დანჯღრეული, გადახდილი მანქანა, რომელიც საზღვაო აკადემიის ერთმა აზნანამა ათხოვა. მჭახე ნითელი იტალიური ფერის, რომელსაც ტკაცატკუცი გაუდის, ალაღებზე მიაქანებს ჩიანტის მთების ხეულებში, ჭრის მოსახვევებს, მიუყვება თხრილებს, სრიალდება ხრეშზე, გაუჩერებლად კვეთს გზაჯვარდინებს, არად დაგიდევს გადამკვეთ ხაზებს, უმატებს სირქარეს და ამურრუჭებს უხეშად, აგდებს საფრთხეში მათ სიცოცხლეს, შეურაცხყოფს გრავიტაციისა და კარბინერების კანონებს; რბოლის სახიფათო მანქანა რომ ჩაუგდია ხელში, იმ სულელი ბიჭუნასავით მიაქროლებს თავბრუდამხვევი პეიზაჟების, ამწვანებული გორაკების, მოულოდნელად გამოჩენილი ტყეების, მზით გადახრუკული სოფლების, დახუნძლული ვენახების, ზეთისხილის ბაღების, დახვენილი ფერდობების შუაგულში, მიაგვლებს სულისშემხუთავ სინესტეში, გადალახული კილომეტრების ცხელ სუნთქვაში, პაპანაქება შემოდგომაში, და ისეთი მზიარული, ისეთი უზრუნველი ჩანს, ისე ჰგავს ახალგაზრობას, რომ ქალს თავის ნებაზე ჰყავს მიშვე-

ბული, ნებას აძლევს, იყოს ასეთი კაცი, ამაყი, რომელიც ზრდასრულს თამაშობს და მინც ასე ბავშვური, ცხოველურად მამაკაცური და ნაზად შეყვარებულია, და ქალი მას უყურებს, მოუღლეულად, დაინყებია თავისი ასაკი, და მოსალოდნელი დიდი საერთო და გროტესკული კლიშე, რომელსაც ასეთი სცენა წარმოადგენს, მხოლოდ ამ წამის სიმუხუტის შენარჩუნება უნდა, მისი სრულყოფილი სიცარიელის; მზის სათვალე უკეთია, რომელსაც მონიკა ვიტცი კი არ დაინუნებდა, სახეზე შემოხვეული აქვს თავსაფარი, რომელიც ფრიალებს და უეცრად ახსნდება, რომ არსებობს სიტყვათმეთანხმება, უკიდურესად დახვეწილი, ქალის ქუდის ლენტის აღმნიშვნელი, რომელიც კეფაზე ფარფატებს, შეუძლებელია უფრო დელიკატური ხატების წარმოდგენა, რომელიც ძნელად დასაჯერებელია, მაგრამ დამკვიდრებულია მეტყველებაში, ფრანგული ენის სასწაული, აბსოლუტური განცხრომა, ძნელად დასაჯერებელი, იმდენად მისადაგებელია, და ეს სიტყვათმეთანხმება არის: „გამომედევნე ვაჟო“; მაგრამ ახლა ქალი მისდევს გადარეულ ახალგაზრდას, ამ გიჟ იტალიელს, ქალი თანხმდება მის სიგიჟეს, ემორჩილება, თერება მისი მგზნებარებით, მოხუცი-მოზარდი შავი სათვალის უკან დამალული ნაოჭებით, უარი რომ უთქვამს ყველანაირ ქჟუაზე, გონივრულობაზე, მონიურად მიუბძავს ახალგაზრდა პილოტის ღიმილისთვის, ძლივს ავლებს თვალს ვენახებიან ტოსკანას, იმედოვნებს, რომ წამი რაც შეიძლება გვიან შეწყდება, არაფერზე ფიქრობს და წარმოიდგენს, რომ ასე ძლიერად არასდროს სდომებია სიცოცხლე, რომ სიკვდილის შიში ასე უმნიშვნელო არასდროს ყოფილა მისთვის; თვალებს ხუჭავს.

სწორედ ვაჟმა გადანყვიტა ამ გასეირნების მოწყობა, ქალს არჩევანი არ ჰქონდა, „ალე ჰოპ, მივიღივართ“, თქვა ვაჟმა და არაფერი იყო საკამათო, ქალი ჯერ კიდევ გაბრუებული იყო, ღამის გადაქანცულობით, მაგრამ არა, ვაჟს გაგონება არაფრის სურდა, „ფედერიკო გვათხოვებს თავის მანქანას“, თქვა მან, „ევალება მომცეს, ჩაიცვი ჩქარა, წუთი არ გვაქვს დასაკარგი. ნახავ, გზა ღამაზია, ხშირად მივლია, სოფელია, იქ ვატარებთ არდადეგებს, ზღვიდან შორს. როდესაც მთელი წელი ზღვასთან ახლოს ცხოვრობ, უნდა მომორდე, თუ არა და შეუძლებელია, ავად გახდები. გადაიცივი კაბა, აჩქარდი“, ქალმა თქვა: „სად გვეჩქარება, უამრავი დრო გვაქვს“, ვაჟმა თქვა: „როგორ არ გვეჩქარება, ყველაფრის გაკეთება მანამ უნდა მოასწრო, სანამ შეგიძლია, არ უნდა იცადო. არასდროს“, და ქალმა გადაიცივა თხელი კაბა, ქალმა თქვა: „და ჩემი მანქანი რატომ არ მივიღივართ?“ ვაჟმა საბრალე გამომეტყველებით შეხედა. „ის სწორედ ბურჟუებისთვისაა კარგი,

და კიდევ თავი არ ეხდება“. მაშინ ქალი გაჰყვა ფედერიკოსთან, გარეთ უცდიდა, სანამ ისინი მოილაპარაკებდნენ, ხალხი მიმტერებოდა, დინახა, როგორი გამარჯვებული სახით გამოვიდა, ხელში გასალებებს ატრიალებდა, და კარის გაუღებლად ჩახტა თავმობილ მანქანაში, როგორც ცელქი ბიჭი, ქალიც ჩაჯდა, გრიგალივით დასძრა, დიდხანს მიდიოდნენ, ყლაპავდნენ კილომეტრებს, ტრანზისტორში მუსიკა უკრავდა, მაგრამ არავერი ესმოდათ, მუსიკას ქარი და მოტორის ხმაური ფარავდა, და ვაჟი იცინოდა მთელი გზა, ახლა აქ არიან, სოფლის მოედანზე გაჩერებულები, რომლის სახელიც ქალმა ვერ დაიმახსოვრა, ეკლესიის ძირში, აქ არიან, ისევ მანქანაში სხედან, და ერთმანეთს ეხვევიან, და ვაჟი თავს მუხლებზე უდებს, და ეკლესიის სამრეკლო ექვსჯერ რეკავს.

ზამთარი კარზეა მომდგარი, და დიდი ხნითაც.

პლაჟზე ქვიშა გამაგრდა, ნაცრისფერისკენ გადაიხარა და შორს, წყალი არის მუქი და მძიმე. აღარ ჩამოდიან ბორნის მგზავრები. პორტის კაცები დაკოჟრილ ხელებს სულს უბერავენ. „მარინის“ ბარის პატრონი სიჩუმეში მეფობს. ქალაქის მოკირწყლული ქუჩები თითქმის ცარიელია. რამდენიმე მოხეტიალე ძალი, მიტოვებული ბავშვები, მათხოვრები.

ლუიზა ფერდობზე მდგარი ვილას შემინულ კედელთან ზის ისე, როგორც ყოველდღე. წერს. წიგნს ამთავრებს. ბოლომდე მივიდა: ქერივი ქალი ასრულებს თავის გლოვას სასტუმროს ახალგაზრდა კაცის მეშვეობით და გრძნობს, რომ ცხოვრებაში დაბრუნება შეუძლია, თანხმდება თავის მარტოობას.

რადგან ძირითადად ეს ასე შეიძლება იყოს, ჰარმონია მარტოობის მიღებაა.

ლუიზა ფიქრობს, რომ დანერა წიგნი სიმყიფეზე, ვნებაზე, რყევაზე, და საბოლოო წონასწორობაზე. ის ჰყვება ჯამბაზის ბედზე. სხვა არაფრის კეთება არ იცის.

მისი ამბების გასაგებად ანამ ახლახან დაურეკა. გაუმეორა, რომ იმდენხანს შეუძლია დარჩეს ლიუერის სახლში, რამდენ ხანსაც მოესურვება. ლუიზამ მადლობა გადაუხადა. თავისი გამირისგან განსხვავებით, ჯერ არაა მზად პარიზში დასაბრუნებლად. სხვათაშორის, აქვს კი თავისი ადგილი? თავს ეკითხება, მისი ადგილი უფრო აქ ხომ არაა, ზღვისპირა ტოსკანაში, სეზონების ნელ გავლამი.

რადგან ამიერიდან ის მშვიდია. მისი მზერა მინად იქცა, მორბილდა. მთელი მისი სხეული უფრო მშვიდია. ნაბიჯებიც უფრო ნელი. და ხმაც დაუდინჯდა, ყველანაირ აჩქარებას მოკლებულია. მოსწონს ეს მდგომარეობა, რომელშიც შეუღწევადად გრძნობს თავს. დიახ, შესაძლოა აქ იყოს მისი ადგილი, აქ.

იმ მომენტში, სიგარეტის მოსაკიდებლად რომ ემზადებოდა, კარზე დარეკეს. უნდა გაკვირვებოდა, რადგან არავინ მოდიოდა გრაციელას გარდა, მას კი გასალები ჰქონდა. მაგრამ მაინც, თავის ახალ სულიერ სიმშვიდეს უნდა უმადლოდეს, რომ ზედმეტ კითხვებს არ უსვამს თავს. კართან მიახლოებისას, უშფოთველია. მიხვდა, ვინ მოაკითხა; ეს გარანტირებულ დაზღვევას აძლევდა, თუ პირიქით, სრულ მიაშიტობაში აგდებდა?

კარის ჩარჩოში, რა თქმა უნდა, ახალგაზრდა კაცია.

ის ამბობს: „დაბრუნება მინდა.“

ქალი უყურებს. დიდხანს.

უღიმის.

სარა ბოუერი (დიდი ბრიტანეთი)



სარა ბოუერს არაერთი ჯილდო აქვს მოპოვებული თავისი რომანებისა და მოთხრობებისთვის. 2007 წელს რომანისათვის „სისხლიანი ნემსი“ მოიპოვა სიუზენ ჰილის პრემია. მეორე რომანი „სიყვარულის ნიგნი“ (ამერიკული სათაურია „ბორჯიათა ოჯახის ცოდვები“) ცხრა ენაზე ითარგმნა და „ტორონტო გლოუბისა“ და „მეილის“ ბესტსელერი გახდა 2009 წელს. მეოთხე რომანი, „ეროზია“ 2014 წელს გამოიცა. მოთხრობები და ესეები კი მრავალჯერ დაიბეჭდა ისეთ გამოცემებში, როგორცაა „MsLexia“, „Words Without Borders“ და „Asian Cha“, ასევე გადაიცა ბიბისის რადიოთი.

სარა ბოუერი წერის ხელოვნების შესახებ

დიდი მადლობა კეროლ მაკგრათს ამ გლოგში მონწევისათვის. მას, ასე, დავიწყოთ:

ამჟამად რაზე მუშაობთ?

გამიმართლა, იენისამდე ჰონგ-კონგში ლინგნანის უნივერსიტეტის ინგლისური ფილოლოგიის კათედრაზე მინვეული მწერლის სტატუსით ვიმყოფები. პედაგოგიური საქმიანობის გვერდით უნივერსიტეტი წერისათვისაც დიდსულოვნად მიტოვებს უამრავ დროს. ამჟამად ვმუშაობ რომანზე, რომლის სათაურიცაა „სიყვარული კლავს, არა?“ (ამ სათაურისათვის შესანიშნავ ალბომს, „მაგნიტურ მინდვრებს“ ვემადლიერები!)? მასში სამი სიუჟეტური ხაზია, რომლებშიც მოქმედება ინგლისსა და პალესტინაში 1948-2008 წლების პერიოდში ვითარდება. მთავარი პერსონაჟი, ერთი მხრივ, ინგლისელი ქალია, რომლის წარსულიც იდუმალებითაა მოცული, რასაც თვითონ მხოლოდ მას მერე შეიტყობს, რაც მოულოდნელად ჩრდილოეთ იორკშირის სანაპიროზე მდებარე სახლის მეძვეიდრე გახდება. მეორე პერსონაჟი პალესტინელი ტერორისტი. საკვანძო როლებს თამაშობენ აგრეთვე ქალის დედა და მცხოვრები კაცი. რომანს რთული ქრონოლოგია აქვს და არც ერთი ურთიერთობა იმ გზით არ ვითარდება, რასაც თავ-

დაპირველად ვვარაუდობთ. ამ ნიგნის წერისას გამუდმებით ბენჯის ხიდეზე გავდივარ, ცვდილობ ცხოვრებისეულ ურთიერთობათა და დამთხვევათა სირთულე და ქაოტურობა გადმოვცე და, ამავდროულად, ჰარმონიული, ერთ ლერძზე ასხმული ნარატივიც გამომივიდეს. ეს რომანი ჩემთვის გამოწვევაა მრავალი გაგებით. მასზე მუშაობისას დღემდე ყველაზე უფრო სახალისო გამოცდილება მაშინ შევიძინე, როდესაც ოქსფორდის ფამ-სტრიტის საცხოვრებელი მეპატრონემ ნება დამართო, ერთი ცვლა პურის მცხოვრებელთან ერთად მეშუაგა (მას შემდეგ, რაც მთელი ღამე ცომს ზეღდი, დილის 4 საათზე საუზმედ ახლადგამომცხვარი ღვეხელის მირთმევა, მგონი, ზეციურ ნეტარებასთან ყველაზე უფრო მიახლოებული განცდაა, რასაც კი ოდესმე ვლინებოვარ!). შემდეგი ამგვარი გამოცდილება ამ წლის ოქტომბერში მეილის, როცა პალესტინაში გავგემზავრები პროექტ „ზეითუნში“ მონაწილეობის მისაღებად, რომელიც ზეთისხილის მოსავლის აღებას ითვალისწინებს. პალესტინის უახლესი ისტორია ისე დაწვრილებ-

¹ Magnetic Fields – ფრანგი კომპოზიტორის, ჟან-მიშელ ჟარის მიერ 1981 წელს გამოშვებული მუსიკალური ალბომი.

თა დოკუმენტირებული, რომ არც კი ვიცი, მისი შესწავლა საიდან დაიწყო, ხოლო ჰამას-ფატას საზავო შეთანხმება კარგ შესაძლებლობას მძლევს საიმისოდ, რომ პალესტინას ვწვით, მის ხალხს გავცნო, თუნდაც ორიოდ კვირის განმავლობაში ვიცხოვრო ადგილობრივთა ცხოვრებით. ეს ჩემთვის, როგორც მწერლისათვის, ფასდაუდებელია და ამის გარეშე ვერ შევძლებ იქაური ატმოსფეროს – იქაურობისათვის დამახასიათებელი სუნების, გემოს, ფერებისა თუ ხმაურის – მოხელტებას.

ლინგანის უნივერსიტეტში ჩემი მოღვაწეობის ნაწილს წარმოადგენს აგრეთვე ის, რომ ამჟამად ზღაპარ „ლამაზმანისა და ურჩხულის“ თანამედროვე ადაპტაციაზე ვმუშაობ, რომელიც რვიდან თერთმეტ წლამდე მონაწილეთათვის სცენაზე დასადგმელად იქნება განკუთვნილი. აგრეთვე ვამზადებ მოხსენებას თემაზე „მოდა ვამპირების რომანებში“ სამეცნიერო კონფერენციისათვის „მხატვრული ლიტერატურა და მოდა“. გარდა ამისა, ვწერ მინაშე მიზუმურას „ჭეშმარიტი რომანის“ განხილვას ელექტრონული ჟურნალისათვის Asian Cha.

ჩემი მესამე რომანი „ეროზია“ ამ წლის 28 აპრილს გამოიცა.

ჩემი მოთხრობა „აღდგენა“ ივნისში „ანთოლოგია 5“-ში დაიბეჭდა.

რით განსხვავდება თქვენი ნაწარმოებები ამავე ჟანრის სხვა ტექსტებისაგან?

ერთ რომელიმე ჟანრში არ ვწერ. ჩემი ისტორიული რომანები „ნემისის წვერი სისხლში“ და „სიყვარულის წიგნი“ (აშშ-ში გამოიცა სათაურით „ბორჯას გვარის ცოდვანი“) ზოგიერთმა კრიტიკოსმა უბრალოდ მხატვრულ ლიტერატურას მიაკუთვნა, ზოგმა კი – ისტორიულ-რომანტიკულ ჟანრს. ჩემი ბოლო რომანი „ეროზია“ კი თანამედროვე ლიტერატურული თრილერია. რაც შეეხება წიგნს „სიყვარული კლავს, არა?“, მის შესახებ პირველ შეკითხვაზე პასუხის გაცემისას გიამბობთ და ამდენად მისი ჟანრის განსაზღვრა თქვენთვის მომინდა. მე მგონია, მწერალთა უმეტესობა დამეთანხმება, თუკი ვიტყვი, რომ ჟანრული განსაზღვრება უფრო მარკეტინგის საკითხი მგონია, ის მხატვრული ნაწარმოების არსისა და რაობის შესახებ არაფერს გვეუბნება. მაგალითად, როდესაც ამერიკელმა გამომცემელმა „სიყვარულის წიგნისათვის“ სათაურის შეცვლა შემოთავაზა, თავიდან

წინააღმდეგი ვიყავი, რადგან, ჩემი აზრით, „ბორჯას გვარის ცოდვანი“ წიგნის შინაარსს არ შეესაბამება, მაგრამ მან ეს დაჟინებით მთხოვა, რადგან ჩათვალა, რომ ამ სათაურით წიგნი უკეთ გაიყიდებოდა. მართალიც აღმოჩნდა: შოდა, მეც რაღა დამრჩენია: ქედს ვიხრი მისი კომერციული ალღოს წინაშე და კუთვნილ ჰონორარს ვიღებ.

წერის მიზეზი. რატომ წერთ?

მიზეზი მარტივია. რომ არ ვწერო, ტვინი ამიფეთქდება. სათქმელს არ ვირჩევ, ის თვითონ მიჩრევს.

გინდათ იცოდეთ, წერის პროცესი როგორ მიმდინარეობს? ეს რომ ვიცოდე, მაშინ სამ წელიწადს არ მოვუწებოდი ერთი რომანის წერას!

მე ინტუიტიური მწერლების რიცხვს ვეკუთვნი. ერთადერთი რომანი, რომლისთვისაც წინდანი დეტალური გეგმა შევიმუშავე, „ეროზია“ გახლდათ. პირველ რიგში, იმიტომ, რომ ეს დეტექტიური რომანია და მოზაიკის აწყობის ელემენტებს შეიცავს, რაც მოზაიკის წინასწარ შექმნას მოითხოვს. რომანზე მუშაობას აკადემიური კვლევის სახე მივეცი, მანტერესებდა, თავს თუ გავართმევდი ამ ამოცანას. ცხადია, მკითხველმა უნდა განსაჯოს, რამდენად მივალნი წარმატებას. როგორც წესი, არასოდეს ვიცი, როგორ დასრულდება რომანი, უბრალოდ მოვლენებს მივყვები, ვიდრე ფინალს არ მივალნივ.

ჩემი მცირე პროზაც დიდწილად ასევე იწერება. ზოგიერთი იდეა რომანის ჩანაფიქრის სახით მომდის, ზოგს იმთავითვე მოთხრობის ფორმა აქვს და ვერაფრით ავიხსნით, თუ რაზეა ეს დამოკიდებული; მხოლოდ იმის თქმა შემიძლია, რომ მოთხრობა უფრო ცხოვრებისეული მომენტის, წამიერი განწყობის თუ უცარი აღმოჩენის გამოსაცემად იდეალური, რომანი კი მოვლენათა მთელ თანმიმდევრულ რიგს აღწერს.

რაც შეეხება სახელდობრ წერის ფიზიკურ პროცესს, ვეცდები თვალნათლივ გიჩვენოთ, თუ ახლა რა პირობებში ვმუშაობ. ჩემს ბინაში, ჰონგ-კონგის ოქროს სანაპიროზე სანერ მაგიდას ვუზივარ. შედარებით გრილი დღეა, ასე რომ, კონდიციონერის გუგუნს აივნის კარის გაღება ვამჯობინე. ჩიტების ჭიკჭიკი ისმის – შავი და თეთრი გულწითელებისა და დანინკლული მტრედების გარდა რაღაც ჩემთვის ჯერაც უცნობი ფრინველის ხმა მომესმის, ფეხბურთის მსაჯის სასტვენის ხმას რომ მაგონებს. საცაა მიმოზა აყვავდება, ჰიბისკუსი და ბაუჰინია უკვე ყვავის. ზღვა გლუვია და ლითონისფერი დაჰკრავს. ყურის მოპირდაპირე მხარეს აღმართული დანისლული მთები სამუდამოდ ჩამებეჭდება მესხიერებაში, როგორც ჩინეთის ზღვისპირეთის ტიპური პეიზაჟი (არ მინდა იმაზე ფიქრი, რომ ამ ნისლოვანი ბინდის მიზეზი შენების ქარხნების კვამლი უფროა, ვიდრე აღმოავლური ჰავის თავისებურება). აი ამ წუთას, შესაძლოა, დედამინაზე ყველაზე უფრო ბედნიერი მწერალი ვიყო... მაშ, აქვე დავასრულოთ!

ინგლისურიდან თარგმნა თამარ კოტრიკაძემ

სიყვარული კლავს, არა?

(ფრაგმენტი რომანიდან)

პალესტინა. 1948

როული სათქმელია, მტვერია თუ კვამლი. ასეა თუ ისე, რიგითი რონი ექთონი თავს გაცილებით უკეთ გრძნობს, როცა ვერ ხედავს, რა ხდება ხაკისფერი ღრუბლის ქვეშ. წუხელ გენერალი ნაიყვანა ქვემოთ, სოფელში, ვიღაც ბობოლასთან სადილზე. სადილის დროს თავად ეზოში იდგა, კარს იცავდა, რომლის თავზეც აიები იყო ამოკვეთილი. ეზოს მეორე მხარეს მდებარე სამზარეულოდან გამოსული მძაფრი სურნელი ცხვირში ფარფატიტ შესდიოდა, რის გამოც, დროდადრო მუცელში რაღაც გამაყრუებელი გრუხუნით უსკდებოდა. დღეს, დილაადრიან, როცა ჯერ კიდევ ჩანდნენ ვარსკვლავები, ხოლო მათი სუნთქვა უდაბნოს გაყინულ ცაში ჩახუთულ ღრუბლებად გროვდებოდა, კარავი აკეცეს და სხვა უამრავ ადამიანთან ერთად, ფეხაკრეფით გაეცალნენ იქაურობას, რათა ისრაელის ახალ სახელმწიფოს შეერთებოდნენ. ორი-ოდე ადგილობრივი მოსახლე მათ გასაცილებლად გამოვიდა. სახლების წინ ჩაცუცქულები, ხელში კრიალოსანს აჩხაკუნებდნენ და მდუმარედ უყურებდნენ, როგორ ტოვებდა ბრიტანეთის არმია მათ სოფელს სიბნელის საფარქვეშ. დაგეგმილი გასვლა, როგორც ამას ზემოთ უწოდებენ, მმართველობის მშვიდობიანი და თანმიმდევრული გადაცემა. მისია შესრულებულია. კმაყოფილი ღიმილით ხელები მოიფშვინტეს იმ ბიჭებივით, რომლებიც დარწმუნებულები არიან, რომ გაბულული პაბის უკანა ოთახში შვებნელი საქმე შესანიშნავად გაჩარხეს. რა მათი ბრალია, თუ არაბ ჯონს სულაც არ ეპიტნავენა გაერთიანებული ერების რეზოლუცია, რომლის მიხედვითაც მისი მამაპაპისეული მიწის გვარიანი ნაწილი ებრაელებს გადაეცათ.


თუმცა, რონი ექტონმა იცოდა, და საერთოდაც, ყველამ იცოდა, რომ ბრიტანელები გარბოდნენ. დიდ უსიამოვნებაში კი ყოფენ თავს – ერთ მხარეს საცოდავი ებრაელები ბანაკებიდან და მეორე მხარეს საცოდავი არაბები, ახლა მთელი თავიანთი ცხოვრების დატევას პანანინა ურიკებზე რომ ცდილობენ. სადღაც, უაითჰოლის ცისფერ ოცნებაში ებრაელები და არაბები გვერდიგვერდ, სრულ ჰარმონიაში იცხოვრობენ. რონი აღმაცერად დასცქერის კვამლისა და მტვერის ღრუბელს და უნებურად ეცინება. ჰიტლერი რომ არ ყოფილიყო.... რონი ღრმა ნაფაზს არტყამს, ნიკოტინის ფიტვებში გზავნის და გონებაში მთელი იმ უბედურებების სიას ადგენს, რაც ჰიტლერის კისერზეა. ამ სიაში თავად ერთ-ერთ



პირველ ადგილზეა: აქ ჩარჩა, საზიზღარ დახვეულ სიგარეტს ეწევა, ჩექმები ქვით აქვს სავსე, მტვერი კი ყველგან აღწევს – ცხვირში, პირში, ტრაკშიც კი. აქაური თამბაქო აქლემის გამხმარი ნეხვის სუნად ყარს. თუმცა, ყველაფერი სჯობია თოფის წამლის სიმწარეს, სოფლის გზიდან რომ ამოდის და იმ პატარა გორაკს ეკვრის გარს, რომელზეც ახლა მისი რაზმია გაჩერებული. გამთენიიდან მოყოლებული, ებრაელები რაკეტებს ესვრიან ლტოლვილებს, ბრიტანეთის ჯარს კი ნაბრძანები აქვს, არ ჩაერიოს. ახლა არა ბების სოფელი ისრაელის ტერიტორიაა, და რონი ექთონი აქაურობას ტოვებს.

ძალიან კი აინტერესებს, ვის რა ჭირად უნდა ეს ადგილი, სადაც ადამიანს დღისით სიცხე ძვლებიანად წვავს, ღამით კი, სიცივე პირში ნერწყვს უყინავს, და სადაც ქვისა და ქვიშის გარდა არაფერია. ჰო, კიდევ გადაამხმარი ზეთისხილის ხეები და ქეციანი ცხვრები.

ფიქრები სახლისკენ გაექცა. სულ ცოტაც და ბრიტანეთში დაბრუნდება, ბუხარს შიფიციხება და ცხვირს ვირის ნეხვისა და ნივრის სიმყრალე კი აღარ აუნავს, შემენ-



ვარი კარტოფილის სურნელით დატკბება, სახეს წვიმა დაუნამავს და Players მოწვევს, ამ საზიზღარ ნაკელს კი არა, პირდაპირ ფილტვებს რომ უხვრეტს. სულ მალე, Sheffield Midland-ის მატარებლიდან პირდაპირ კატარინას მკლავებში გადაეშვება. როცა თვალებს ხუჭავს, მის სინაზეს გრძნობს, მის რბილ ტუჩებს, თითქოს აი, გოგონა მორიგი კოცნით ვითომ მორცხვად აჯილდოებს, მის მშვენიერ მკერდს ეხება, ფაფუკ საჯდომში თითებს ღრმად აფლობს, ის კი კისკისებს, სახეზე აღმური ასდის, ხელს კრავს, თუმცა, არც თუ დიდი გამეტებით. რონი გულისჯიბეს ისინჯავს, სადაც კატარინას ბოლო წერილი ეგულემა. ქალაქი ოფლითაა გაუღენთილი, მრგვალი, გულმოდგინედ გამოყვანილი ასოები ახლა ერთმანეთში გადაბნეულია და კაშკაშა ცისფერიდან ნაცრისფრად ქცეულა. მთელი წერილი, სიტყვასიტყვით მესხურებაში აქვს ჩაბეჭდილი: *მგონი, შობამდე, საქორწინო კაბისთვის საქმარისი ტალღის მომზადდება. იცი, დედად მთელი დანაზოგი დამითმო, რასაც თავისი პალტოსთვის აგროვებდა. მისის კოლონის სამ ტალღონად თავისი ფერმის კვერცხებს შეგვიპირდა, ოღონდ იმ პირობით, რომ ტორტის ნაჭერს მიიღებს – (ღმერთო, იმედია, შარში არ გაეხვევა, როცა ამას ცენზორი წაიკითხავს) – ძალიან მიყვარხარ, რონი. უვნებელი დაბრუნდი სახლში, კარგი? ხომ მპირდები? რომ იცოვდე, რამდენი გეგმა მაქვს მომავლისთვის, ჩემო საყვარელო. მხოლოდ შენი კ. xxx.* ამ უნესო გოგოს სითამამე მოსწონს, მაგრამ მხოლოდ ამაში არაა საქმე. კატარინასთან ერთად გულიანად იცინის, მასთან თავს ყოველთვის კარგად გრძნობს, განსაკუთრებით, როცა ის ქვემოდან ნდობით სავსე თვალებით ემბაკურად ამოხედავს ხოლმე. სამყარო კატარინასთან ერთად უფრო კაშკაშა და კეთილია, იქ მას თავისუფლად შეუძლია, დაივინოს საცოდავი ნაბიჭვრები, რომლებიც ამ ერთი ზოლი ქვიშისთვის იბრძვიან, რომელსაც მინას უწოდებენ. მგონი, უყვარს ეს გოგო.

ნეტავ, ნებას თუ დართავს, როცა სახლში დაბრუნდება, უკვე ხომ დანიშნულები არიან. სულ იმას უმეორებს წერილებში, რომ უყვარს. უცებ ახსენდება, რომ გოგონები ძალიან სასაცილოდ ამტკიცებენ თავიანთ სიყვარულს. პირიქით. ამბობენ, რომ უნდათ, რადგან უყვარხარ, მაგრამ ჯანდაბა, იგივე სიყვარულის გამო, ამას არ გააკეთებენ. რა

ბედნიერი იქნებოდა რონი, გოგოების რამე რომ გაეგებოდაც. რამდენიმე ჯარისკაცმა ადგილობრივ ქალთან დაიჭირა საქმე. მას არც უფიქრია, განსაკუთრებით, ლეილას მენტე თუმცა, სრული სიმართლე რომ ითქვას, მცდელობა ჰქონდა, მაგრამ უმრავლესობას მძალე კარაქის სუნი ასდის, თანაც მსუქანი და უსაშველოდ თმიაინა – ზოგიერთს უფრო ხშირი უღვაში ამშვენებს, ვიდრე ნორჩ კაპიტან გეინბოროუს. მათ ძუძუსთავები კატარინასავით ნაზი ვარდისფერი კი არ აქვთ (როგორც მას წარმოუდგენია), არამედ მუქი იისფერი. ამასთან, რონი დარწმუნებულია, რომ ყველა დაუბანელია. თანაც, იმ ამბის მერე, რაც რობოსა და ლილას შორის მოხდა... ამის გახსენებაზე სახეზე ცეცხლი ეკიდება.

არავინ ეკარება გემით ჩამოყვანილ ქალს. თითქოს კაცებმა უთქმელად შეთანხმება დადეს, რომ თითსაც არ დააკარებენ, რომ ეს არასწორია იმ ყველაფრის მერე, რაც მათ გამოიარეს. ერთი გოგო დაუდგა თვალწინ, გაზასთან სანაპიროზე რომ ნახა. ის იმ ჯაბახანა უანგიან გემზე იყო, რომელიც ისე სწრაფად იძირებოდა, რომ მათ სასწრაფოდ მაშველი გემის გაგზავნა მოუხდათ ხალხის გამოსაყვანად. მიბრუნება და კვიპროსზე წასვლა? რამ მოაფიქრა! კარგი ხუმრობაა, არა? ისიც კატარინასავით ქერა, მაგრამ კატარინასგან განსხვავებით, ძვლებზე გადაკრული ტყავი იყო, ხოლო თავი, გაქუცული ძალღივით, ალაგ-ალაგ მოტივლებული ჰქონდა. მიუხედავად იმისა, რომ რონი იარაღი შემართა და ზუსტად მის თავზე მოთ ისროლა, გოგო არც შემკრთალა და არც ნაბიჯი შეუნელებია, ისე განაგრძო სვლა ზღვაში. როგორც რონი ახლა ხვდება, ეს მისი სიმამაცე კი არ იყო, ან სიჯიუტე, ან ღირსების გრძნობა, არამედ ინდიფერენტულობა, ფართო და ყოვლისმომცველი. კაცს არაადაინაწიური, უმეტყველო ლურჯი თვალებით მისჩერებოდა. რონი მათმა უძირკო სიცარიელემ შეერა, ერჩინა, იმ უფსკრულში ბანაკის შესახებ მოგონებების კვალი დაენახა. ნეტავ, ახლა სად არის. კვიპროსზე, ალბათ. ისევ უნებური სიცილი წასკდა.

აბა, ქალბატონებო, ისმის სერჟანტ მელორის ღრიალი. შესვენება დასრულდა, მოენყვით!

კაცები მწყობრში, ჩვეულებრივ, ბუზღუნით ეწყობიან. შესვენების დროს, როცა ისრავლი ქვემოთ არაბ ლტოლვილებს რაკეტებს ესროდა, რონის ყავა არ მიუერთმევიდა და ამიტომ, დანაშაულის გრძნობაც თითქოს ნაკლებად აწუხებს. როგორც ჩანს, რაკეტების მარაგი ხელი აქვთ. არ გაუკვირდება, თუ ამაში ბრიტანეთის ჯარის გული ურევია, რომელიც ახლა ჩაურევლობის პოლიტიკას კეთილსინდისიერად ახორციელებს. ათი ნაბიჯიც არ გადაუდგამთ, როცა ჰაერი მათ ირგვლივ აცახცახდა და გორაკის ძირში საშინელი გრიალით რალაც გასკდა. მოულოდნელად რონიმ აღმოაჩინა, რომ მინაზე გულალმა გდია, ზურგჩანთა ხერხემალში ღრმად აქვს ჩამჯდარი, ხოლო ხელ-ფეხს კი ზურგზე გადმოტრიალებული ტარაკანივით უმწეოდ და გამეტებით იქნევს. აზრადაც, არ მოსდის, რომ შესაძლოა დაჭრილი იყოს, მაგრამ როდესაც ხელით გულმკერდს ისინჯავს, ბლანტ, ნებოვან სისხლს გრძნობს.

ალბათ დაიჭრა. კვდება? ვითომ ისე ცუდადაა, რომ ვერაფერს გრძნობს? ვილაცისგან გაუგონია, რომ სწორედ ასე ხდება, როცა ადამიანი ბოლო წუთებს ითვისებს. მთლიანად სისხლითაა დაფარული. გრძნობს, როგორ ეწებება ტრუსები ფეხებზე, როცა წამოდგომას ცდილობს. ვაი, კატარინა! გვერდზე ტრიალდება, მტვერს აფურთხებს, თვალებს ახამხამებს, რომ მზერა დაინმინდოს. მკერდიდან რალაც უვარდება. წამით ეჩვენება რომ გულია.

გარკვეული თვალსაზრისით, ასეცაა.

ძალებს იკრეფს, წამოდგომას ცდილობს და ხელები ვილაცის სხეულის ნაწილებში ღრმად ეფლობა. არა, ორი ვილაცის. ნაწილების, ძვლების და ხორცის ნაკუნების გროვამი სამი ხელი მოჩანს. ერთი ბავშვისაა. რონი ამტერდება. ვარსკვლავივით კამკამა ყავისფერი თითები და მკრთალი ხელისგული, მაჯაზე ოქროს წვრილი სამაჯური, დაუჯერებელია, რომ არ დაზიანებულა. თვალს ვერ აშორებს, ამ ბავშვის მთელ ცხოვრების დანახვა შეუძლია ახლა, ან შეიძლება ეჩვენება, რომ შეუძლია. რეალურად, ბევრს ვერაფერს ხედავს. აფეთქებისგან აზვირთებული მტვერი ნელ-ნელა იფანტება და გადარჩენილი ჯარისკაცები ისე მოუხეშავად დააბოტებენ, თითქოს თიხის ფიგურებს სული ჩაჰპერესო. როგორც ჩანს, ვერავინ შეამჩნია რონი და ვერც მის ფორმაზე, სახესა და თმებზე შემხმარი ბავშვის სისხლი. ჩაფხუტიც სადღაც გადავარდა.

შევლას ითხოვს, მაგრამ ამაოდ, არავის ესმის მისი. საკუთარი ყვირილი თავადაც ძლივს ესმის, ხმა დახშული აქვს და უკან ექოდ უბრუნდება. *აფეთქების ხმა დამაყრუა*, ასკვნის თავისთვის, *მალე გამივლის*. ეუფლება გრძნობა, რომ ამ აფეთქებამ სამყაროს მოწყვიტა და რომელიღაც სხვა განზომილებაში გადაისროლა.

შემდეგ, თითქოს ყურებში მჭიდროდ ჩატენილ ბამბას რალაც ნემსივით უხვრეტს. ბავშვის ველური, განწირული, გაუჩერებელი ტირილის ხმა მის ყურამდე აღწევს. ამას სხვა ხმებიც ემატება – კივილი, გმინვა, დაჭრილი მხეცების ღრიალი, ტყვიამფრქვევის კაკანი, ლი ენფილდის გასროლა, ქვებზე ასხლტეილი ექო. ბავშვის ხმა ყველა სხვა ხმას კვეთს და პირდაპირ რონისკენ მიემართება. ისიც გარბის, ეჭვი არ ეპარება, რომ მთელს სხეულზე ამ ბიჭუნას დედისა და დის სხეულის ნაწილები აქვს აკრული და, ამიტომ ბავშვის გადარჩენა მისი პირდაპირი მოვალეობაა. ვილაც უცნობი კაცები მკლავებზე ეჭიდებიან და მის შეჩერებას ცდილობენ, კაპიტანი გეინბოროუ მთელი ხმით რალაცას შებღავის, უშვერად იგინება. რა დროს რაზმია, ბავშვია ახლა მთავარი.

აი, ხედავს – დაბალ, დახვეულ ბუჩქშია გაჩხერილი, სულ რამდენიმე იარღზე იმ ადგილიდან, სადაც მისი ოჯახის წევრების ნაფლეთები ყრია. აფეთქებას ბუჩქი ძირფესვიანად ამოუგლეჯია, ბიჭუნა სიკვდილს ეკლიანმა ტოტებმა გადაარჩინა. როცა რონი მას ტანსაცმელს ხდის, რომ ეკლებიდან გამოიხსნას, თვალში ნაკანრები ხვდება. შიშისა და სასონარკვეთის-

გან სახეგაშავებული ბიჭი ისე ჩხავის, რომ მის მხსნელს ნამდვილად ისევ დააყრუებს. *სასწაულია, ამის დედაც, ნამდვილი სასწაული*. ფიქრობს რონი, და თან ბავშვის დანჯარებას ცდილობს. ცდილობს როგორმე გააჩერებინოს შეუპოვარი, სლიპინა, ერთმანეთში გადაგრეხილი ხელ-ფეხი. ამ ახალ, ომისშემდგომ გაგანია ომში, ამდენ ქანცგანყვეტილ, უსასოო, თავისი სახლებიდან აყრილ ადამიანს შორის ეს პატარა ბიჭი ცხოვრების აზრია, მომავლის იმედი, სასიცოცხლო ენერჯია, და ყველაფერი ის, რაც ადამიანებს სჭირდებათ, რომ ამ დღეობაგან მივიწყებულ უდაბნოში ყვავილი გაიშალოს. რონი დარწმუნებულია, რომ ამ წყევლ ომში სწორედ ამ წუთის, ამ ბავშვის, მისი მომავლის გამო იბრძვიან.

რონი იავარქმნილი გორაკიდან დაბლა მიაბიჯებს, გზისკენ, სადაც ისრაელის თავდასხმით თავზარდაცემული ლტოლვილები ჯერ კიდევ ირევიან, ბიჭი მთელი ძალით ჰყავს ჩაბლუჯული და გულზე მიკრული. მისი მზერა გაქვავებულ ქალს აწყდება: ხელი პატარა გოგონასთვის ჩაუჭიდა და გაყინული თვალებით დაჰყოფრებს გადაყარავებულ ურიკას, საიდანაც ქვაბები, ქაშანურის ჭურჭელი, და ოდესღაც ალბათ ფერადი, მტვრით დაფარული ქსოვილები გადმოყრილა. ალბათ მისი უძრაობა იყო, რის გამოც ის სხვებისგან გამოარჩია, ან ის, რომ ქალს გოგონა ჰყავდა და რონიმ იფიქრა, ის ბიჭუნას ნამდვილ დას შეუცვლიდა, რომლის სხეულის ნაფლეთებიც ახლა ფორმაზე ჰქონდა აკრული. მოგვიანებით, მიზეზებზე ის ხშირად დაფიქრდება, მაგრამ ზუსტ პასუხს ვერასოდეს იპოვის. ქალი შემზარავად კივის, როცა რონი ბავშვს აჩერებს. ალბათ რა საშინელი სანახავი არიან, ერთიანად სისხლით მოთხვრილები. რონი არაფრის ახსნას არ ცდილობს, არც ქალის დარწმუნებას, უბრალოდ ზურგს აქცევს და გარბის, უკან, მიწასთან გასწორებული გორაკისკენ, შორს ამ წყევლი, საცოდავი არაბებისგან, და წყევლი, საცოდავი პალესტინიდან. მორჩა, თავისი შესაძლებლობები ამოწურა. ახლა მისი ერთადერთი სურვილი სახლში დაბრუნებაა, თავის კატარინასთან, მისის კოლინისს ყველა კანონის დარღვევით გაყიდულ კვერცხებთან და თავის ძველ სამუშაოსთან, ბანკში.

ინგლისურიდან თარგმნა დალილა გოგიაძე

პოლონელი ავტორი მიკოლაი ლოზინსკი დაიბადა 1980 წელს ვარშავაში. სწავლობდა სოციოლოგიას სორბონის უნივერსიტეტში. მისი ნაწარმოებები მრავალ ენაზეა ნათარგმნი. ლოზინსკის თხზულებათა შორისაა: „Reisefieber“¹ („მოგზაურობის ცხელება“) (2006), „ნიგნი“ (2011) და მოკლე საბავშვო მოთხრობების კრებული „ზღაპრები იდასთვის“. მიღებული აქვს კოშციელსკის ფონდის პრემია (2007), ჟურნალ „პოლიტიკას“ პრემია კულტურულ სფეროში „Passport of Polityka“ (2011) და იანის ბალტიკის საერთაშორისო პრემია საბავშვო ლიტერატურაში. ლოზინსკი ცხოვრობს ვარშავაში მეუღლესთან და ორ შვილთან ერთად.



დოროტა ვოდეცკას საუბარი მიკოლაი ლოზინსკისთან („Gazeta Wyborcza“, 2011 წელი)

დოროტა ვოდეცკა: თუ არსებობდა გარკვეული ნიშნები, რომ წერალი გახდებოდით?

მიკოლაი ლოზინსკი: ამ სიტყვასთან პრობლემა მაქვს. თუკი ათქმელია, მირჩევნია ვთქვა, რომ ვარ სამი, მათ შორის, ერთი საბავშვო წიგნის ავტორი. მხოლოდ ერთხელ მითქვამს, რომ მწერალი ვარ.

- როდის?

- ქალაქის ერთ-ერთ უბანში სიჩქარის გადაჭარბებაზე პოლიციამ გამაჩერა. ჩემს მეგობართან ქალაქგარეთ მეჩქარებოდა. ამომიწერეს ჯარიმა და პლიუს 500 ზლოტი. მე უფრო მსუბუქი სასჯელი ვთხოვე. ისინი დაინტერესდნენ, რას ესაქმიანო. ეს არყო შესაფერისი დრო, იმის ახსნა დამეწყო, სოციოლოგი ვარ, აგრამ პროფესიით არ ვმუშაობ-მეთქი და ასე შემდეგ. და ვთქვი, რომ მწერალი ვარ.

- და მათ?

- ისინი დაინტერესდნენ, თუ რას ვწერდი და რაიმე ფულს უფოულობ ამით. მირჩიეს, უფრო მეტის საშოგრად კრიმინალური ან პორნოგრაფიული ნაწარმოებები მეწერა. მე მაღლო-ა გადაუხადე კარგი რჩევისათვის, მათ კი განაცხადეს, რომ ემოქმედებს მხარდაჭერა სჭირდებათ. და ყველაფერი მხოლოდ კუის სწავლებით შემოიფარგლა.

- საყვარელი ნივთი თუ გაქვთ?

- დიახ. გასაღების ფორმის USB ფლეშ მეხსიერების ბარათი. ამობოად საცოლემ მაჩუქა და ჯიბით დამაქვს.

- ყოველთვის?

- ყოველთვის. ეს არის ჩემი გარე მეხსიერება. ერთხელ დაკარგე და პანიკაში ჩავვარდი. მთელ ბინაში ვეძებდი, ყველაფერი გადავაქოთ-გადავატრიალე. ბოლოს სხვა შარვალში ვიპოვე.

- რისი დამახსოვრება ღირს?

- არ ვიცი. მე ხშირად ვიხსენებ ჩემთვის მნიშვნელოვან ადამიანებს. ლიცეუმში პოლონური ენის მასწავლებელს - ცეზარე გერონს. ისეთი მშვენიერი ურთიერთობა გვქონდა, რომ დავალბული თემის ნაცვლად გამოგონილ ისტორიებს მანერინებდა. იგი ახალგაზრდა გარდაიცვალა. იმაზე ცოტათი უფროსი იყო, ვიდრე მე ვარ ახლა. მერე მოვიდა პოლონური ენის ახალი მასწავლებელი ქალი და ერთი კვირის შემდეგ განაცხადა, რომ სიმნიფის ატ-ესტატზე მთელი კლასი შესანიშნავად ჩააბარებს გამოცდებს - ლოზინსკის გარდა. მართალიც იყო. მე სრულიად არ მეხერხებოდა თეორიული ნაშრომების წერა.

- კიდევ ვინ გახსენდებათ?

- უნივერსიტეტის პროფესორი. მას ერქვა საულ კარში. მისი მოთხოვნით დანერული ნაშრომი ერთ გვერდზე მეტი არ უნდა ყოფილიყო. ანუ მხოლოდ ის, რაც აუცილებელია, არც ერთი ზედმეტი სიტყვა. ეს იყო ჩემთვის წერის სკოლა. თანდათან ვისწავლე, რომ ნაკლები ლაპარაკით მეტის თქმა შეიძლება. ამიტომ „Reisefieber“-იდან 70 გვერდი, „ნიგნი“-დან კი

Reisefieber - (გერ.) მოგზაურობის ცხელება

რამდენიმე თავი ამოვადგე. პროფესორ კარუს პირველად მაშინ დაველაპარაკე, როდესაც გადაწყვიტე სწავლისთვის თავი დამენებინა. მივედი მასთან. „დაჯექი, რა მოხდაო?“ „სისულელეა ამის თქმა, რადგან თქვენ წამყვანი ლექტორი ხართ, მაგრამ მე, მართალი გითხრათ, სოციოლოგია არ მაინტერესებს“. მან შემომხედა და მცირე ხნის შემდეგ მითხრა: „არც მე მაინტერესებს“. მეორე საუბარი ორი წლის შემდეგ შედგა. ჩვენ ვიცოდით, რომ პენსიაზე გასვლამდე ეს მისი ბოლო ლექცია იყო. მაგრამ ამის შესახებ არაფერი უთქვამს. როგორც ყოველთვის, ნივთები ჩაალაგა და პირველი გამოვარდა აუდიტორიიდან. მე სორბონიდან გამოვედი და შევნიშნე, თუ როგორ სეირნობდა შადრევნის გარშემო. მივედი და ვუთხარი, რომ მადლობას ვუხდი, რადგან ეს ჩემი, რომ საყვარელი ლექციები იყო. მან შემომხედა და თქვა: „ჩემიც, ასევე“.

უნივერსიტეტში დარჩენას ორმეტრიანი ტუნისელი მომოც მირჩევდა, რომელთან ერთადაც არდადეგების დროს უზარმაზარ საბითუმო ფოტოსანწყობში ვმუშაობდი. იგი უნივერსიტეტში სწავლაზე ოცნებობდა, მაგრამ საამისოდ არც დრო ჰქონდა და არც ფული. ყველაფერს, რასაც იშოვებდა, ტუნისში ოჯახს უგზავნიდა. მე კი მარიგებდა: „დაამთავრე უნივერსიტეტი, მეფე გახდები“

- თქვენ ფოტოგრაფობაზე ოცნებობდით?

- დიახ. ეს პროფესია ძალიან მომწონდა. მქონდა ბედნიერება, შემთხვევით შევხვედროდი ანრი კარტიე-ბრესონს და ვიფიქრე, ეს იმის ნიშანია, რომ ფოტოგრაფი გავხდები მეთქი.

- დაელაპარაკეთ?

- ჯერ კიდევ მაშინ, როდესაც ვარშავაში, ლიცეუმში ვსწავლობდი, ორი დღით პარიზში ჩავედი ჩემს საცოლესთან ერთად და ფოტოგამოფენაზე წავედი. შემოსასვლელში, ფოტოალბომების უზარმაზარ სტენდებთან, დავინახე ბრესონი, ჩემი საყვარელი ფოტოგრაფი. მაშინ 90 წლის იყო. მშვენივრად გამოიყურებოდა: ელევანტური ლურჯი პიჯაკი ეცვა, ლურჯი ყელსახვევი ეკეთა, სპილენძის ჯოხი ეჭირა და ჭრელი ფეხსაცმლები – Nike Air-ის ბოლო მოდელი ეცვა. ნელ-ნელა გასასვლელისკენ მიემართებოდა. მე მრზხვენოდა მასთან მისვლა, რადგან ვიცოდი, რომ ბრესონი ზოგჯერ ჟურნალისტებს ქედმაღლურად უყურებდა; და რომ მეუღლის გარდა არავის რთავდა ფოტო გადაღების ნებას. ბოლოს და ბოლოს, როგორც იქნა, გავბედე და დამტვრეული ფრანგულით ვუთხარი: მე პოლონეთიდან ჩამოვედი, თქვენ ჩემი საყვარელი ფოტოგრაფი ხართ-მეთქი. მან ხელი ჩაიჭინა და მკითხა: „პოლონეთიდან? შენ იცი, რომ ცოტა


ვსაუბრობ პოლონურად? „ხუი, პიერდოლე, კურვა მაჩ“ – მითხრა და ჯოხით მინაზე დააკაკუნა. აღმოჩნდა, რომ მეორე მსოფლიო ომის დროს საკონცენტრაციო ბანაკში იჯდა, სადაც დაუმეგობრდა პოლონელს, რომელიც გაუთავებლად ამას იმეორებდა.

მე ვკითხე, შეიძლება თუ არა ვთხოვო ავტოგრაფი, მაგრამ მხოლოდ დაჭმეჭნილი ქალაქი ვიპოვე, კალამი არ მქონდა. ამ დროს მან შეამჩნია, რომ ფოტოაპარატი მაქვს, და მკითხა, ხომ არ ვისურვებდი, სურათი გადამეღო. მით უმეტეს, მშვენიერი ნივთი აგურების ფონზე. ის კედელთან დადგა და ორი სურათი გადავუღე. მერე ხელი ჩამომართვა და წავიდა. მე ვერ დავიჯერე, რაც მოხდა. ერთ-ერთ საგამოფენო დარბაზში, ფოტო ალბომების სტენდების კურატორმა მოძებნა და მითხრა: „ცხოვრების ბოლომდე კარგად დამახსოვრე ეს დღე, იმიტომ, რომ თუ ოდესმე ვინმე ბრესონს სურათს უღებს, ის, როგორც ნესი, დანას იძრობს“.

- ასტროფიცი ნიშანი აღმოჩნდა?

- სიმწიფის ატესტატის აღების შემდეგ, მე საფრანგეთში გავემგზავრე, საცოლესთან. პირველი ერთად ნაქირავები ბინა სწორედ ასტრიდმა მოგვაქირავა. შევდმა ქალბატონმა, რომელიც წლების განმავლობაში პარიზში ცხოვრობდა, ეს ბინა იაფად მოგვაქირავა, გირაოს გარეშე. გეთხოვა მხოლოდ, რომ მცენარეებისთვის მიგეხედა. მე ცოტა დაბნეული ვიყავი. ახალი ქვეყანა, ახალი ენა, და ვფიქრობდი, რომ ეს მანაც იგრძნობოდა. სწორად გვარეკავდა. დროგამოშვებით გვენახულობდა. ძალიან გახსნილი, თბილი და გონებაბაზვილი ქალი იყო.

ჩვენი საუბრების ერთადერთი სამწუხარო ლაიტმოტივი მისი შვილი იყო, რომელიც ყველაზე მეტად უყვარდა ამქვეყნად. მარტომ გაზარდა. მაგრამ გვითხრა, რომ უკვე 6 წელია მისი ტელეფონის ნომერიც არ იცის. ერთხელ გავბედე და ვკითხე, როგორ მოხდა, რომ ერთმანეთი დაკარგეს. მან მიაბოძა, რომ შვილი მის მიმართ სასტიკი იყო, რომ შვილის აზრით, ყველაფერს, რასაც იგი აკეთებდა, არასწორად აკეთებდა. ერთი წლის შემდეგ ეს ქალბატონი გარდაიცვალა. ერთი კვირის თავზე სატელეფონო ზარი გაისმა – მისმა შვილმა დარეკა. გვითხრა, რომ გასაღების გამოსართმევად გამოგვივილის. ჩვენ მონსტრს ველოდებოდით. მაგრამ მოვიდა ტკბილი, გულისხმიერი მამაკაცი. ამაზე დამარეკინა: ორი ადამიანი, რომლებსაც ასე ძლიერ უყვარდათ ერთმანეთი, რატომ ვერ პოულობდნენ საერთო ენას? მე ავიღე A4 ფორმატის ფურცელი და ყველაფერი ჩავინერე, რაც მათ შესახებ ვიცოდი. სამი სტრიქონი. და მივხვდი, რომ არაფერი ვიცი მათ შესახებ. მე მხოლოდ მოთხრობის ჩარჩო მქონდა. მაგრამ ვეღარ შევწყვიტე ამაზე ფიქრი. მახსოვს, რომ ერთი წლის შემდეგ უნივერსიტეტიდან მეტროთი ვბრუნდებოდი და თავში ასეთი წინადადება მომიხვედა: „ეს ქალი ყოველთვის ფანქრით წერდა“. სახლში კომპიუტერს მიუფუჯე და ორი გვერდი დავწერე. გამიხარდა კიდევ, რომ ასე სწრაფად წამივიდა, მაგრამ მერე უკვე ბევრად უფრო ნელა ვაგრძელებდი თითო-თითო წინადადებას, და ბოლოს, თითო-თითო სიტყვას. სამი წლის შემდეგ „Reisefieber“ დავასრულე. ასე თუ ისე გავეშკლავდი ამ ისტორიას, მაგრამ ხშირად ვფიქრობ, მისი შვილი ამას როგორ მოახერხებს. მას მხოლოდ ერთხელ შევხვედრივარ, რადგანსაც ბინის გასაღებს ვუბრუნებდით. მან გვიამბო, რომ ყოველდღე დილის 4 საათზე იღვიძებს და დედას იგონებს. ბინის დაცლის



შემდეგ, თავად უნდოდა რემონტის გაკეთება, გვითხრა, რომ ფიზიკური შრომა მოუხდებოდა. მაგრამ, ეტყობა, ეს ასე არ მოხდა.

- რატომ?

- რამდენიმე წლის შემდეგ, ჩვენ იმ ქუჩაზე ვესირობდით. სახლის ქიშკარზე ძველი კოდი აკრიფე. გაიღო. ეზოდან შეიძლება ჩვენი ყოფილი ბინის დანახვა. ტახტი ზუსტად იმავე ადგილას იდგა, როგორც წინათ, მაგია ერთი სანტიმეტრითაც არ გადადგმულა, არ შედეგილა ბზარები ქერზე. და მე მივხვდი, რომ იმ ბინაში მას ხელი არაფრისათვის არ უხლია.

- როდესაც წერდით, გმირები უკვე წარმოსახული გაყავდათ?

- ასტრიდი, როგორც ლიე ულმანი, ისე მყავდა წარმოსახული. მე მაქვს ცოტა გიჟური ოცნება. მინდა ვკითხო, თუ დაინტერესდებოდა „Reisefieber“-ის ეკრანიზაციით და დედის როლით.

- „Reisefieber“ მეორედ გამოიცა, რომელშიც ცვლილებები შესული. მკითხველს შეიძლება გარკვეული პრეტენზიები ჰქონდეს.

- ექვსი წლის შემდეგ „Reisefieber“ ერთგვარი დისტანცირებით წავიკითხე. მცირე სტილისტური შეცდომები და მთავარი შეცდომა აღმოვაჩინე, რომელიც ადრე სამწუხაროდ, არ შემიმჩნევია. იქნებ იმიტომ, რომ ახალგაზრდა ვიყავი. ყოველ შემთხვევაში, მე მივხვდი, რომ დასასრული ჩასასრობებელია.

- მწერალს აქვს უფლება შეცვალოს ფაბულა, თუ წიგნი უკვე მკითხველს მიანდო?

- არ ვიცი, მაგრამ მე ვფიქრობ, რომ წსწორედ მკითხველთან დაპატივისცემიდან გამომდინარე, და წიგნის სასიკეთოდ უნდა ჩამესწორებინა დასასრული.

როდესაც „წიგნი“ იწერებოდა, გინდოდათ თავი დაგეცვათ დანეილის ბედისგან, რომელსაც დედამისის გარდაცვალების შემდეგ არ შემორჩა მისი მნიშვნელოვანი ნივთები.

- „წიგნი“ ეს არის ჩემი ოჯახის ამბობი შთაგონებული ფიქცია. მე ვფიქრობ, რომ ყველა ამქვეყნად მოდის მშობლების და ბაბუა-ბებების გამოცდილების ბარგით, მერე კი საკუთარ გამოცდილებას იძენს. და ბარგი უფრო და უფრო მძიმდება. მე გადავწყვიტე შემესწავალა, ამ ბარგში რა დევს, და თუ არის რაიმე ისეთი, რისი ამოღებაც შეიძლება, რაც შეამსუბუქებს ამ გზაზე სიარულს.

მე შევეცადე, პატარა ისტორია ფაქიზად ჩამესვა უფრო დიდ ისტორიაში: ომში, კომუნიზმში, 1968 წლის მარტის სამხედრო მდგომარეობაში. ამავე დროს, შევეცადე, პერსონაჟების ცხოვრებისეული არჩევანის მიმართ თანაგრძობასა და გაგებას, ჩემთვის მზერის სიმახვილე არ დაეჩრდილა. ბებიაჩემის და ბაბუაჩემის, რომლებიც სიცოცხლის ბოლომდე კომუნისტებად დარჩნენ, ცხოვრებით შთაგონებული ისტორიის ყველაზე რთულ ნაწილს ერთი წლის განმავლობაში ვწერდი.

- და როგორ დაგამახსოვრდათ ისინი?

- ბაბუაჩემი ყოველთვის სამხედრო ფორმას ატარებდა. როდესაც მასთან მივიდოდი, ხელკავს გამომდებდა, დამკოცნიდა და სიყვარულს მეფიცებოდა. მერე საბჭოთა შამპანიურს გახსნიდა, ქალაქის ტომრიდან კანფეტებით მიმასპინძლებდა, და ხეზე მჯდარი ჩიტებისთვის პისტოლეტიდან მასროლინებდა. ბებიაჩემი იმავე სართულზე ცხოვრობდა, მაგრამ ისინი ერთმანეთს არ ელაპარაკებოდნენ. მასხოვს, მე და ბებია სეირნობდნენ როგორ ვბრუნდებოდით და კიბის ბაქანზე ბაბუას გვერდს როგორ ავუვლიდით ხოლმე. იგი უსიტყვოდ გაივლიდა, თავს მოაჩვენებდა,

თითქოს არც გვიცნობდა. მეორე დღეს კი, როდესაც მასთან მივიდოდი, მე კვლავ მისი საყვარელი შვილიშვილი ვიყავი. ამას რალაც სავსებით ჩვეულებრივ რამედ აღვიქვამდი. მხოლოდ „წიგნის“ წყალობით მოვახერხე მივბრუნებოდი ზოგიერთ საკითხს და მისი გაგება მეცადა.

- წერას თერაპიული ხასიათი აქვს?

- არ ვიცი, მაგრამ „წიგნზე“ ფიქრი უსინათლო ფსიქოთერაპევტის წყალობით დავიწყე, რომელთანაც სწავლის დროს კვირაში ერთხელ ვმუშაობდი. ხმამაღლა ვუკითხავდი, მის მაგივრად წერილებს ვწერდი, ერთად საყიდლებზე დავდიოდით. მასხოვს, პირველივე დღეს ამიხსნა, რაში მდგომარეობდა ჩემი სამუშაო და მხოლოდ ერთი შეკითხვა დამისვა.

- რა აინტერესებდა?

- ჩემი ოჯახის ისტორია. ასე რომ, შევეცადე, რაიმე პასუხი გამეცა: ბებია, ბაბუა, ომი, ებრაელები, კომუნიზმი, მშობლები, ოპოზიცია, „სოლიდარობა“. როდესაც ერთი კვირის შემდეგ მივედი, იგივე კითხვა დამისვა. შემდეგ ჯერზეც მივედი. და ასე გრძელდებოდა 5 კვირის განმავლობაში. მეექვსედ უკვე მზად ვიყავი, იგივე პასუხი გამეცა, მაგრამ ეს კითხვა უკვე აღარ დაუსვამს. მე კი იმ დროიდან ოჯახზე ფიქრი მომდევს. ის ძალიან ჭკვიანი ქალია. ვფიქრობ, რომ ზუსტად ამ მიზნის მიღწევას ცდილობდა.

- საკუთარი გვარის წნეხს არ განიცდიდით?

- როდესაც ახალგაზრდა ვიყავი, მქონდა იმის პრობლემა, რომ მამაჩემი ცნობილი ადამიანია. 2006 წელს, „Reisefieber“-ის გამოცემისას, მოვილაპარაკე გამომცემელთან, არ ეხსენებინა, რომ მარსელ ლოზინსკის შვილი ვარ.

- საიდან ეს წინააღდეგობა ლოზინსკისადმი?

- უბრალოდ ვერ ვხედავ რაიმე დამსახურებას იმაში, რომ მამაჩემის შვილი ვარ. მე მინდოდა, რომ ეს მხოლოდ ჩემი წიგნი ყოფილიყო. მხოლოდ ჩემი თავის წინაშე მქონოდა დამსახურება.

- წერის დროს შემოქმედებითი Reisefieber გაქვთ?

- ალბათ ასეა, თუმცა, ჩემი წერა საოცარი არ არის. მე გიჟური ტემპით არ ვწერ. მე ძალიან ნელა ვწერ. „Reisefieber“-ს სამი წელიწადი მოვანდომე, „წიგნს“ თითქმის ხუთი. ნაკლები იდეები მომდის და უამრავი ეჭვი. კომპიუტერთან ჯდომისას იშვიათად გამომდის რაიმე და ხშირად ელექტრონულ ფოსტას ვამოწმებ.

- ბოლო დროს პოლონეთში რა გახარებთ და რა განუხებთ?

- ადამიანები.

პოლონურიდან თარგმან რაუდენ ჩიხორია

გასაღებები

მიკოლაი ლოზინსკი

1.

როდესაც პაპაჩემი, გასაღებით ხელში, ქუჩაში, თავის ნითელი ფერის „ლადა“ მარკის ავტომობილთან დაეცა და მოკვდა, ეს ყველაფერი ბებიაჩემ ფანჯრიდან დაინახა. ნანახში დასარწმუნებლად სამზარეულოს ფანჯარასთან მივიდა და შემდეგ ოთახში დაბრუნდა, დაჯდა დაბალ სკამზე, სათვალე გამოიცვალა და ტელეფონის ნომერი აკრიფა.

– ძვირფასო – ზუსტად ასე მიმართა ჩემს უფროს ძმას. – შენთან რა ხდება? ბინაში ხომ არ ცივა? იცი, უპაპაშენთან რაღაც ყველაფერი ნესრიგში ვერაა. ათ წუთზე მეტია, სახლის წინ წევს და არ ინძრევა. იქნებ მოსულიყავი?

ზევიდან უყურებდა, უცხო ადამიანები როგორ იხრებოდნენ ყოფილი ქმრის ცხედარზე. ათოვდა მის სამხედრო ფორმასა და ორდენებს. ტყავის ჩანთა ილიიდან გავარდნოდა და ძირს დაცემისას გახსნილიყო. როგორც ჩანს, მასში ქილა იყო, რადგან მურაბის წვენი ტროტუარზე იღვენებოდა.

მათი ცოლ-ქმრობა ოცდაათ წელს ითვლიდა.

ცხედართან ხალხი თანდათან გროვდებოდა. რაღაც ნაჭერიც გადააფარეს. ვიღაცამ თითი პირველი სართულისაკენ, პაპას ჭუჭყიანი ფანჯრისაკენ გაიშვირა. ბებიაჩემ ინსტიქტურად გადადგა ნაბიჯი ოთახის შუაგულისკენ.

2.

დედაჩემმა პაპას ჩანთიდან გასაღებები ამოიღო. ისინი რძის ცხიმიან პარკში იყო შეხვეული – ზოგი სლიპინა, ზოგი დაჟანგული და ზოგიც გატყეხილი.



ათობით გასაღები.

რატომ კეტავდა ყველა ოთახს, კარადას, უჯრას? ახლა როგორ უნდა გავველო? სათითაო გასაღებით უნდა გვეცადა ბინის, ავეჯის, ავტოფარების, სარდაფის და ჯერაც დაუსრულებელი სახლის გაღება? წლობით ხატავდა და რუკაზე გვიჩვენებდა, თუ სად რა უნდა ყოფილიყო. სახლს ოჯახისათვის აშენებდა, რომელიც უკვე დიდი ხანია, აღარ ჰქონდა.

რა უნდა გვექნა ფუტკრებისათვის, რომლებიც იქ დარჩნენ?

– ბუზები – ამბობდა მათზე ტელეფონში, დარწმუნებული იმაში, რომ უსმენდნენ. – ბუზები ხეებზე გამექცნენ.

ისევ რაღაცის ეშინოდა? და თან არც ის იცოდა, თუ რატომ გაექცნენ ფუტკრები სკიდან – ხეზე.

ქალს ახსოვდა, როგორ დაურეკა ყოფილმა ქმარმა 1968 წელს. მას სურდა ეთქვა, რომ მისმა დამ განცხადება შეიტანა პოლონეთის დატოვებაზე.

– მას ი.-ში¹ უნდა წასვლა! – ყვიროდა.

– სად?

– ი.-ში, როგორც ირინა.

3.

სასწრაფო დახმარების მანქანა გაჩერდა და სიგნალი გამართო. ხალხმა გასაველი გაათავისუფლა. ექიმი მანქანიდან გადმოვიდა თუ არა, ფეხი დაუცურდა, თუმცა არ ნაქცეულა. ბებია ხედავდა, როგორ დაიხარა იგი ცხედართან და მცირე ხნით მთლიანად დაფარა.

ბოლოს მას რემონტისა და განქორწინების შემდეგ დაელაპარაკა. თითქმის ოცი წლის წინ. მაშინ მისცა პაპამ ყოფილ ცოლს გასაღები.

– გამაღობთ – უთხრა ქალმა.

¹ იგულისხმება ისრაელი. ეს ის პერიოდაა, როდესაც პოლონეთსა და ისრაელს შორის ურთიერთობა დაიძაბა და პოლონეთში მცხოვრები მრავალი ებრაელი გაეშურა ისრაელში საცხოვრებლად. მთარგ.

ასე არასწორად, უსამართლოდ გაიყვეს საცხოვრებელი. მადლიერი ვერ დარჩებოდა. იმავე დღეს გამოცვალა საკეტი ყველა კარში. მას შემდეგ ქალი თავის ბინაში ჩაიკეტა, კაცი - თავისაში.

ბებია მალულად იყურებოდა ფანჯარაში, რათა რაღაც დაენახა.

ქალი ყოველივე ამის შემდეგ მხოლოდ კედელს იქით უსმენდა, თუ როგორ ლაპარაკობდა ტელეფონზე, როგორ რთავდა ტელევიზორს, როგორ სტუმრობდნენ ქალები. ქუჩაში თუ სადარბაზოში უხბოდა ჩაუვლიდნენ ხოლმე ერთმანეთს, ზედაც არ შეხედავდნენ. ბოლოს ეს დღეს დილით მოხდა, როდესაც ქალი სეირნობიდან ბრუნდებოდა საერთო უმცროს შვილიშვილთან ერთად.

ექიმმა პულსი გაუსინჯა. შემდეგ თვალები დაუხუჭა.

4.

მეექვსე აცმის გასაღებები მოერგო სახლის სხვადასხვა კარს. ახლა დედას უკვე შეეძლო მამამისის ბინაში შესვლა. კარისთვის მხოლოდ პატარა ხელისკვრა იყო საჭირო.

ქალმა წარმოიდგინა, რომ კაცი შუა ოთახში სავარძელში იჯდა და ქანაობდა. ჩაის სვამდა და კოვზი ჭიქაში ჩაეტოვებინა. გაოფლიანებულ შუბლს მწვანე სამხედრო ფორმის სახელოთი ინმენდდა. ხედავს მას და რუხი ფერის მუყაოს პარკს უწვდის.

ასანონი კანფეტები.

იქნებ ვერ შენიშნა შვილის ოთახში შესვლა? როგორც სჩვეოდა, ორ ტელევიზორს ერთდროულად უყურებდა. ქვედა ტელევიზორში ნაშუადღევის ხუთი საათი ხდებოდა, ზედაში - თითქმის შვიდი. ქვედა, შავ-თეთრში ხალხი პოლონურად ლაპარაკობდა რაღაცაზე, ზედაში - რუსულად საუბრობდნენ. ძნელი იყო რაიმეს გაგება, რადგან სამზარეულოდან სხვა ტელევიზორის ხმაც გამოდიოდა.

კედელზე მისი ნადავლი ეკიდა.

ჭერამდე ყველგან რქები იყო ჩამოკიდებული - ტყეში ავტომობილით ნადირობების ნაკვალევი. კარაბინით უყვარდა სროლა, მინაჩანუღი ფანჯრიდან, ირემსა და შველზე. თუ მიზანში მოარტყამდა, მძლოლი „პობედას“ გააჩერებდა, ის კი გადმოვიდოდა და რევოლვერით სულს გააფრთხობინებდა უმწეო ცხოველს.

ორი წლის წინ მძლოლმა უკანა სარკეში დაინახა, რომ ის უკანა სკამზე უგონოდ იწვა.

სადგურში მიდიოდნენ მისი დანიშნულის, მოსკოველი ექიმის დასახვედრად. დედაჩემს ის არასოდეს გაუცვნია. გონზე ერთი დღე-ღამის შემდეგ მოვიდა, სამხედრო ჰოსპიტალში. მას შემდეგ სრულიად შეიცვალა. დედას და მის დასუსტ ბოზიშვილებს ეძახდა.

მას აქეთ აქ არ ცყოფილვარ, - გაიფიქრა.

5.

ღია ფანჯარასთან მჯდარ ბებიას შესცივდა. მხოლოდ პერანგი და მოკლესახელოიანი ჯემპრი ეცვა. რაღაც თბილის - ვარდისფერი, ღილებიანი სვიტერის მოსასხამად წავიდა.

ამ დროს გვამს მსუბუქი გადასაფარებელი გადააფარეს.

ომის შემდეგ ყველაფერს გაუარესება ეტყობოდა.

სამშობლოში, მამასთან, ქვის სახლში, ვარშავის დანგრევას გადარჩენილ, ვისლის მარცხენა მხარეს დავბრუნდით. ის რკინიგზის სადგურში გველოდებოდა, თოკგამობმული გერმანული ნაგაზის თანხლებით. ნაგაზის სახელი უკრაინულად ნაკლებად ყლერადით შეეცვალა. გერმანულ პატიმრებს დაკლავნილი კიბეებით შეჰქონდათ წითელი კაბინეტი, მუხის მაგიდა, მოოქროვილი კარადა, სარკე, სანოლები, სავარძლეები. თავზე ვადექი, რომ არაფერი დაეზიანებინათ, არაფერი მოეპარათ.

პირველად უნდა გვეცხოვრა ერთად: მე, მას და ჩვენს ექვსი წლის გოგონას.

უკრაინიდან მშობლებიც ჩამოიყვანა. ჩამოვიდნენ და ძროხაც თან ჩამოიყვანეს. საქონელი მისი სამსახურის „ოპელის“ გვერდით მიაბეს.

როდესაც მამასთან ჭადრაკს ნააგებდა, ფიგურებს ისროდა და მთელ ბინაში უნდა მეძებნა ეს ფიგურები, მაგრამ ყველაზე ხმამაღლა დედასთან ჩხუბობდა: რაც ხელში მოხვდებოდათ, ერთმანეთს ესროდნენ. გარეგნულადაც ერთმანეთს ჰგავდნენ, - მალელები, მსხვილძვლიანები, ზაფხულში მზისგან გარუჯულები.

შემდეგ მეორე ქალიშვილი დაიბადა. ელეგანტურ ქუჩაზე გადავსახლდით, ხოლო მამის მშობლები ძროხასთან ერთად თავის სოფელში დაბრუნდნენ.

ვერ მივხვდარიყავი, თუ რატომ არ იღებდნენ გვამს. ექიმი მას თავზე ადგა და პაპიროსს ეწეოდა.

6.

დედამ ჯერ გაზეთები დაინახა. ყველგან ეყარა. პირველ გვერდზე ერთი წლის წინანდელ ცნობას და ფეხსაცმლის კვალს უყურებდა, რომელიც კაცს მასზე დაეტოვებინა. მთელ ბინაში „პრავდის“ ნომრები ეყარა. რუსულად სულ ბოლოს ინსტიტუტში სწავლისას უწევდა კითხვა.

- ინჟინერ-მექანიკოსი, მაგისტრი, ჩემი ქალიშვილი - მაშინ ყველასთან ასე წარმადგენდა ხოლმე. ეს კი ჩემი სიძეა, ჩვენთან მობრძანდა, კინომცოდნეობის სკოლის პირველი კურსის სტუდენტი, თუმცა ადრე ასევე ინჟინერ-ელექტრიკოსი, მაგისტრი.

მათ ეუცნაურებოდათ, თუ როგორი ამაყი იყო ამ ტიტულებით. თავად მოსკოვში გენერალური შტაბის აკადემია ჰქონდა დამთავრებული. მის გარდა არაფერი, საშუალო სკოლაშიც კი არ უვლია.

მაგრამ განა სხვა ვინმე ყოფილა ჩემით ისეთი ამაყი, როგორც მამაჩემი?

როდესაც დიპლომი ფრიადზე დავიცავი ლითონტექნოლოგიაში, მძლოლთან ერთად დაბლა მიცდიდა. ქორწილშიც კი არ მოურთმევიათ ამდენი წითელი ვარდი.

ჩავჯექი „პობედაში“ და საჩუქრის საყიდლად წავედი.

– ბატონი პოლკოვნიკისათვის? – შეეკითხა გამყიდველი დიდი ტანსაცმლის მაღაზიაში.

– აბრეშუმის თეთრი ბლუზა – უთხრა. – ვარშავის პოლიტექნიკური ინსტიტუტის ახლადასრულებული ინჟინერ-მექანიკოსი, მაგისტრი. ჩემი ქალიშვილისათვის.

– რა ზომა?

– ასეთი, – ხელით აჩვენა ჰაერში, შემდეგ გაიღმა და გამყიდველს თვალი ჩაუკრა. – თქვენ რომ კარგად მოგივათ.

არადა, მე, მაგისტრი, ინჟინერ-მექანიკოსი იქვე, მის გვერდით ვიდექი.

7.

პაპიროსის ბოლი პირველ სართულამდე აღწევდა და ბეზიამ ჰაერის უქმარისობა იგრძნო.

ეს ლამაზი, დიდი ბინა მთელ ქუჩაზე ერთადერთი ავტოფარეხით, ბედერმეროვსკის ავეჯით გაგვიწყო. ფეხზე მდგომი საათი და სურათები ლიფტში შეეცია. ფორტეპიანო ჯარისკაცებმა ფრთხილად ასწიეს თოკებით და ძლივს გადაიტანეს აივანზე.

ექიმს ნაშნვი გადასაფარებელზე დაუფარდა. უყურებდა, როგორ დაიხარა, აილო და თოვლში ჩააქრო.

სამსახურში გვიანობამდე რჩებოდა. აჯახუნებდა კარს, როდესაც ეროვნული უსაფრთხოების სამინისტროდან, ხოლო შემდეგ სამთავრობო დაცვის დეპარტამენტიდან ბრუნდებოდა. შემთხვევა არ ყოფილა, კარი ისე დაეკეტა, რომ ყველანი არ გავეღვიძებინეთ. სიბნელეში სამხედრო ჩექმების გასახდელად მის მიერვე მოგონილ, ლითონის ოთხი ფეხისაგან შემდგარ კონსტრუქციას ეძებდა. სად გადააშენებთ ხოლმე?

უკვე ბნელოდა, მაგრამ დედა სინათლეს არ რთავდა. ფანარსაც მცირე ხნით ანთებდა.

დედა ჩხუბის დროს თითქმის არასოდეს ხმას არ აუწევდა. თეფშს მხოლოდ სასადილო ოთახის კუთხეში ისროდა, რათა შემდეგ ადვილი ყოფილიყო იატაკის დაგვა. შვებულება მხოლოდ ერთხელ გავატარეთ ერთად – ზღვაზე. შემდეგ სულ ცალ-ცალკე ვისვენებდით. ის უფრო ხშირად ჩეხოსლოვაკიაში, კარლოვი ვარის სანატორიუმში. იქიდან „ბატას“ ფეხსაცმელი და ქალის ფეხსაცმლით სავსე ჩემოდანი ჩამოჰქონდა.

რაც უფრო მეტ ფეხსაცმელს იღებდა, დედას ის მით უფრო ეჯავრებოდა.

8.

დედამ ძველი გაზეთები ერთად შეკრა. გაიხსენა, მამამისმა როგორ ჩააბარა გამოცდებზე. ცხენიდან ჩამოვარდნის შემდეგ მთელი თვე სახლში, თაბაშირში იწვა. ირგვლივ სულ წიგნები ჰქონდა გროვად. მუდამ ოცნებობდა სკოლის დამთავრებაზე. დედა იძულებული იყო, მისთვის ეს თავიდან ამოეგდო.

– ნაცნობები რას იტყვიან? გენერალური შტაბის უმაღლესი სკოლის კურსდამთავრებული საშუალო სკოლაში იწყებს სიარულსო? ან ჯერ იქნებ დაწყებითი დაგემთავრებინა?!

უყვარდა ქალიშვილებისათვის სწავლაში დახმარება. მეხუთე კლასში მათემატიკის მაგალითებს გვახსენებდა, ხშირად გავკეთილებს შემდეგ ვურეკავდი სახელმწიფო უშიშროების სამინისტროში. თანამშრომელ ოფიცრებთან ერთად გამოიყვანდა ამ მაგალითებს და პასუხს ტელეფონითვე მკარნახობდა.

დედა საბჭოთა წიგნის მაღაზიაში მიჰყავდა ხოლმე. ყველაფერს ყიდულობდა, რაც კი მოეწონებოდა.

ახლა კი დედა იატაკიდან აგროვებდა დანერგულ კონსერვის ყუთებს. საინტერესოა, ყუთის გამხსნელ ხელსაწყოს რატომ არ იყენებდა? ხიშტით რატომ ხსნიდა მათ? თანაც ისე, რომ ხიშტს კარაბინსაც არ აძრობდა. დედა ჯაგრისის ტარით სწვდებოდა სანოლისა და რადიატორის ქვეშ შეყრილ დაობებულ კონსერვის ყუთებს.

– ვიდრე სადილს არ დაამთავრებ, მაგიდიდან არ ადგები – ეუბნებოდა.

საათობით შეეძლო ასე ჯდომა. დამლაგებელს ავალებდა, რომ მასზე თვალი დაეჭირა. ერთხელ გავექეცი და ხეზე ავძვერი.

საერთო, ოჯახურ საუზმეს პირველი მხოლოდ კვირას ვამთავრებდი. იძულებული ვიყავი, ყველაზე ადრე მიმერთვა მისი საყვარელი ქაშაყი არაჟანში.

– სად გეჩქარება? კუჭი ხომ არ აგეშალა?

მინდოდა, საუზმე დამემთავრებინა და ეზოში გავეცუელიყავი, ვიდრე მამა რაიმეზე ჩხუბს წამოიწყებდა. მინდოდა ყინულზე სრილი დამეწყო, ვიდრე დედა წყნარად ეტყოდა: უნდა იმკურნალო, შენ ხომ არანორმალური ხარ. მინდოდა ფრენბურთის თამაში დამეწყო, ვიდრე ბინაში თეფშები და ჯამები დაიწყებდნენ ფრენას.

პოლონურიდან თარგმნა ამბროსი გრიშკაშვილი

კეროლინ ფორშე (აშშ)



პოეტი, მემუარების ავტორი და ადამიანის უფლებებისთვის მებრძოლი. იგი არის ორი ბესტსელერი პოეტური ანთოლოგიის: „მივიწყების საპირისპიროდ“ და „პოეზიის მოწმე: ინგლისური ტრადიცია 1500-2001“ რედაქტორი. ავტორია პოეტური კრებულებისა: „შეკრებები და ტომები“, „ქვეყანა ჩვენს შორის“, „ისტორიის ანგელოზი“ და „ლურჯი საათი“. კეროლინი ხშირად იყო ნომინირებული სხვადასხვა ჯილდოზე და მიღებული აქვს მრავალი პრემია, მათ შორის: სტოკჰოლმში ედიტა და ირა მორისების ჰიროშიმას ფონდის პრემია მშვიდობისთვის, გუგენჰაიმის სტიპენდია, ლანანის უნივერსიტეტის სტიპენდია, ლანანის ლიტერატურული სტიპენდია და სულ ბოლოს, 2014 წელს, ამერიკის პოეზიის აკადემიის სტიპენდია პოეზიაში. კეროლინი ორმოც წელზე მეტია ლიტერატურასა და წერას ასწავლის, ასევე კითხულობს საკუთარ პოეზიას მსოფლიოს სხვადასხვა კუთხეში. მისი ნაწარმოებები ოცდახუთზე მეტ ენაზეა ნათარგმნი. კეროლინ ფორშე არის ჯორჯტაუნის უნივერსიტეტის პროფესორი, სადაც იგი ასევე ხელმძღვანელობს პოეზიისა და სოციალური პრაქტიკის ლანანის ცენტრს.



ინტერვიუ კეროლინ ფორშესთან

ესაუბრა ბილ მოიერზი

მოიერზი: „ქვეყანა ჩვენ შორის“. რომელ ქვეყანას გულისხმობთ?

ფორშე: რთული სათქმელია, რადგან ამ წიგნზე მუშაობისას ადამიანთა უფლებათა დაცვის აქტივისტად ვმუშაობდი ცენტრალურ ამერიკაში და ეს ლექსები ჩემდაუნებურად იმისგან მკვეთრად განხვავებული გამოდგა, რასაც მანამდე ვწერდი. ეს კვლავაც პირველი პირით, თავისუფალი წყობით დანერგილი ნარატიული ლექსებია, მაგრამ რეალურად მანამ ვერ გავაცნობიერე, თუ რაოდენ შემცვალა სალვადორში ცხოვრებამ, ვიდრე ეს ცვლილება ამ ახალმა ლექსებმა არ დამანახა. ქვეყანა ჩვენ შორის ალბათ ის მანძილია, ერთ პიროვნებას მეორისაგან რომ აშორებს, და ის დრო, რაც ერთი ადამიანის ხმას მეორე ადამიანის ყურამდე მისაღწევად ესაჭიროება. ამ სახელწოდებით ალბათ სალვადორისადმი ჩემი მადლიერებაც გამოვხატე: ამ ქვეყანასთან ჩემი შეხვედრა მაშინ შედგა, როცა, ის-ის იყო, ზრდასრულობის ასაკში შევიღობი და ზნეობრივი ნარმოდგენებიც სწორედ მისი გავლენით ჩამომიყალიბდა. მაგრამ ეს, შესაძლოა, აშშ-ც იყოს, რადგან აშშ-ს რთულად და არაერთგვაროვნად აღვიქვამ. ერთი მხრივ, აშშ-ს მოსახლეობა ძალზე განიცდიდა ცენტრალურ ამერიკაში მიმდინარე ომის მოვლენებს, ცდილობდა, თავისი წვლილი შეეტანა ადამიანთა გადარჩენაში, მათი უფლებების დაცვაში, მაგრამ, მეორე მხრივ, აშშ ჩემთვის მისი მთავრობაცაა, რომელსაც ეს ყველაფერი თითქოსდა არ ადარდებდა. ასე რომ, თვალწინ ორი

ქვეყანა წარმომიდგება: ჩემი ხალხის ქვეყანა და იმ მთავრობის ქვეყანა, რომლის გაცნობამაც ზრდასრულ ასაკში შესვლისთანავე მომიწია.

მოიერზი: როდესაც სალვადორს ასხენებთ, მაშინვე მაგონდება თქვენი ლექსი „პოლკოვნიკი“, რომელიც ყველაზე უფრო ხშირად გამოიყენება ანთოლოგიებსა და ქრესტომათიებში. როგორ დაინერა ეს ლექსი?

ფორშე: სალვადორში ვიყავი. 1978 წელი იყო. იქ მაშინ საელჩოს წარმომადგენელთა გარდა თითოეულ ჩამოსათვლელი ამერიკელები იმყოფებოდნენ. იყვნენ სამშვიდობო ბატალიონის წარმომადგენლებიც, მცირე რაოდენობით, მაგრამ ზოგადად ამერიკელები ამ ქვეყანაში არ ჩადიოდნენ. კლარბელ ალფერიას ოჯახის წევრებმა ქვეყანა მომატარეს და იქაური ვითარება გამაცნეს. ჩემმა იქ ყოფნამ სამხედროთა ყურადღება მიიქცია, მათ ეჭვი გაუჩნდათ, მეც ამერიკის მთავრობის დავალებით ხომ არ ჩამოვედი, რადგან, როგორც ნესი, ყველა ჩრდილოამერიკელი იქ სწორედ ამ მიზნით ჩადიოდა.

ოფიცრები ჩემთან საუბრის სურვილს გამოთქვამდნენ. ახლა ვხვდები, ყველას იმის იმედი



ჰქონდა, რომ აშშ-ს მთავრობა სამსახურში აიყვანდა, მის მიერ მიწვდილ ინფორმაციასა და მათ გონებრივ შესაძლებლობებს გამოიყენებდა და ამისთვის გადაუხდებდა, მაგრამ მაშინ ეს აზრად არ მომსვლია. მათთან საუბარში იმას კი ჩავნვდი, რომ ყველანი ძალზე შემოფარებული იყვნენ პრეზიდენტ კარტერის ადამიანის უფლებათა დაცვის პოლიტიკით. ეჭვი ჰქონდათ, რომ ადამიანის უფლებებზე საუბრისას აშშ თვალთმაქცობს. ისინი, ერთი მხრივ, დახმარებას იღებდნენ, მეორე მხრივ კი, საერთაშორისო მასშტაბით თავს შეურაცხყოფილად გრძობდნენ, რადგან მათ ადამიანის უფლებების დარღვევაში ადანაშაულებდნენ.

სწორედ ამ ვითარებაში მიმინვიეს ერთი მაღალჩინოსანი ოფიცრის სახლში. ვფიქრობ, მან არ ირწმუნა ის, რაც ჩემ შესახებ ვუამბე, არადა მართლა მხოლოდ ოცდაშვიდი წლის ამერიკელი პოეტი ვიყავი. ცოტათი გაცხარდა კიდეც და კარტერის ადმინისტრაციისათვის სათქმელი დამაბარა. სურდა, დაეყოფნებლივ დაებრუნებულიყავი ვაშინგტონში და კარტერისთვის გადაემეცა: „თქვენი ადამიანის უფლებათა პოლიტიკა არაფერში გვეჭირდება“. თავისი საუბრითა და თავდაჭერით ჩვენდამი უკიდურეს ზიზღს გამოხატავდა.

მოიერზი: მართლა გადმოყარა იატაკზე ადამიანის მოჭრილი ყურები, როგორც ამას ლექსში აღწერთ?

ფორმე: არა, მაგიდაზე დაყარა. მოგვიანებით შევიტყე, რომ არაერთი ოფიცერი აგროვებდა ბრძოლების შემდეგ ათასწიარ ნაალაფარს. შემდეგ ვიეტნამის ომის ვეტერანებმაც მიაბბეს მსგავი შემთხვევების შესახებ, ასე რომ, რაც ვიხილე, ისეთი იშვიათობა სულაც არ ყოფილა, როგორც მაშინ მეგონა. გულსრევა და თავბრუსხვევა ვიგრძენი, მაგრამ ცუდად არ გავმხდარვარ. მასპინძლის მეუღლემ სასტუმრო ოთახში ყავის დასალეევად მიგვიწვია, რადგან იგრძნო, რომ სადილობას ვედარ განვგრძობდით. მაგრამ ეს ოფიცერი ყველაზე უარესი არ ყოფილა მათგან, ვისაც იქ შევხვდი. მან არაერთხელ გააფრთხილა სასულიერო პირები, როდესაც მათ საფრთხე ემუქრებოდათ.

მოიერზი: იმ ყურებიდან, ძირს რომ ეყარა, ზოგიერთი ნიჟარით ქვევით იყო მოქცეული, თითქოს მინას აყურადებდნენ...

ფორმე: მიხარია, რომ ამ სიმბოლურ სახეს ჩასწვდი, რადგან ბევრი ადამიანი ვერ ხვდება, თუ ასე რატომ აღვწერ ამას. ხომ არსებობს გამოთქმა: „მინაზე ყურის მიდება“. მინას ყური რომ მიადო, მატარებლის მოახლოებას გაიგონებ. ვფიქრობ, ლექსის წერისას ჩვენი ასოციაციური მესხიერება ამგვარ დაკავშირებებს ახდენს. „პოლკოვნიკის“ წერისას არაერთი ამგვარი მომენტი მქონდა.

მეგონა, ლექსში ნახსენები მთვარე უბრალოდ მთვარე იყო, ვიდრე ვილაცამ არ მიმითთა, რომ ის იმ ნათურას ჰგავს, დაკითხვის ოთახში პატიმარს სახეში რომ ანათებენ. მკითხველები ამ ლექსის დეტალების სხვადასხვაგვარ ინტერპრეტაციას ახდენენ, არადა, წერისას მხოლოდ მომხდარის ზუსტად გადმოცემას ვცდილობდი, რათა არ დამკინეგბოდა. არც მეგონა, ლექსი თუ გამოიშვიდოდა. მეშუარული ჩანანერი მეგონა, ლექსების წიგნში შემთხვევით რომ გაერია. როდესაც ერთმა ფილოლოგმა ეს ხელნაწერი წაიკითხა და მითხრა: „ეს ყველას სჯობს, ეს საუკეთესო ლექსია“, ვუთხარი, შეგეშალათ, ეს ლექსი არ არის-მეთქი. ამ ტექსტის ლექსად აღსაქმელად წლები დამჭირდა.

მოიერზი: პოლკოვნიკს რა ბედი ეწია?

ფორმე: დაიღუპა.

მოიერზი: მის მსხვერპლს?

ფორმე: ისინიც დაიღუპნენ.

მოიერზი: ლექსმა კი დროს გაუძლო, ასე რომ, თუკი ეს ნუგეშად კმარა, მოგონებებს მუდამ აქვთ გადარჩენის შანსი.

ფორმე: დიას, იმედია.

მოიერზი: ეს შემთხვევა ჟურნალისტის კალმით რომ აღმწერა, ზუსტად და მშრალად ჩამოგვყალიბებდი: ვინ, სად, როდის, რატომ. რა განსხვავებაა ჟურნალისტის რეპორტაჟსა და იმ ჭეშმარიტებას შორის, რომელსაც ამ ტექსტით გამოთქვამთ?

ფორმე: ზოგიერთი მწერალი, ვისაც დიდად ვაფასებ, ამბობს, რომ ფაქტებს არაფერი აქვს საერთო ჭეშმარიტებასთან. როცა ეს ტექსტი საბოლოოდ შევიტანე წიგნში „ქვეყანა ჩვენ შორის“, მისი მეშვეობით რაღაც მნიშვნელოვანზე მიფუთითე, რაც რეალურად მოხდა. მაგრამ ასევე მსურდა, ვითარების ის სიტლანქე გადმომეცა, რომელიც ადამიანებზე უმძაფრესად მოქმედებს. როცა აშშ-ში დაბრუნების შემდეგ ამ ლექსის ხმამაღლა კითხვა დაიწყო, შევნიშნე, რომ ზოგიერთ ადამიანს ის ძალზე აღელვებდა, ზოგიერთი კი ბრაზდებოდა. იყვნენ ისეთებიც, ვისაც ამის დაჯერება არ სურდა: ამბობდნენ, შეუძლებელია ასეთი რამ მომხდარიყო.

ამას, როგორც ფაქტს, მეტწილად უარყოფდნენ, მაგრამ რამდენიმე წლის შემდეგ, როდესაც „ვაშინგტონ პოსტის“ ჟურნალისტი სალვადორელ ჯარისკაცებს გაესაუბრა, მათ ახსენეს, რომ მტრებისათვის ყურების დაჭრის ჩვეულება მართლაც არსებობდა. მეტსაც გეტყვით: ერთ-ერთმა ჯარისკაცმა ეს რეპორტაჟი რომ წაიკითხა, სადაც ეწერა, რომ ის ომში მტრებს ყურებს აჭრიდა, სიამაყით აღივსო, რეპორტაჟი გაზეთიდან გამოჭრა და საფულისთ თან დაატარებდა. უხაროდა, სახელი გავითქვიო.

მოიერზი: ასეთი რამ შეიძლება მხოლოდ ჟურნალისტის რეპორტაჟს დაემართოს, ლექსი კი განაჩენია.

ფორმე: დიას, სწორედაც რომ განაჩენია. როგორც ჟურნალისტს, უფლება არ გექნებოდათ, უხამსობა დაგენერთა და პოლკოვნიკის სიტყვები პირდაპირ გადმოგეცათ. მისი განცხადება პრესისთვის არც ყოფილა განკუთვნილი: ეგონა, ვაშინგტონში დაბრუნდებოდი და ნანახსა და მოსმენილს საიდუმლოდ მოვახსენებდი ვისაც ჯერ არს. საუბედუროდ შეცდა, არასწორი პიროვნება შეარჩია და თავისი გზავნილი პოეტს მიაწვდა.

მოიერზი: პოლიტიკოსებსა და სამხედრო ლიდერებს ამ გაკვეთილის გათავისება მოუწევთ: არასოდეს ესაუბრონ პოეტს.

ფორმე: არასოდეს.



ყველაფერი, რაც ამის შესახებ გსმენიათ, სიმართლეა. თავად ვიყავი მასთან სახლში. მისმა ცოლმა ლანგრით ყავა და შაქარი შემოგვიტანა. მისი ქალიშვილი ფრჩხილებს იქლიბავდა, ვაჟი კი მეგობრებთან ერთად წავიდა. ოთახში ენყო გაზეთები, პატარა ბალიშზე ესვენა რევოლვერი, დარბოდნენ ძაღლები, სახლის თავზე ჩამობმულ შავ თოკზე კი ქანაობდა შიშველი მთვარე. ტელევიზორში ინგლისურ ენაზე პოლიციელების შესახებ შოუს გადმოსცემდნენ. გარედან სახლის კედლებში დამსხვრეული ბოთლები იყო ჩამაგრებული, ისე, რომ ვინც ახლოს მივიდოდა, მუხლს გადაიხსნიდა, ან ხელს დაისერავდა. ფანჯრებზე ისეთი გისოსები დამაგრებინათ, როგორც ჩვენთან კონიაკის მალაზიას აქვს ხოლმე. სადილად გვექონდა ბატკნის კანჭი, კარგი ღვინო, სუფრაზე იდო ოქროსფერი ზარი მოახლის დასაძახებლად. მოახლემ მწვანე მანგო, მარილი და იქაური პური მოგვართვა. მკითხეს, როგორ მომეწონა მათი ქვეყანა. ამ დროს ტელევიზორში ესპანურად მოკლე რეკლამა გაუშვეს. მისმა ცოლმა მაგიდა ააღაგა. შემდეგ დაიწყეს საუბარი, თუ რა რთული სამართავი გახდა ქვეყანა. თუთიყუში ტერასიდან ვილაცას მიესალმა. პოლკოვნიკმა უბრძანა მოეკეტა და ფეხზე წამოხტა. ჩემმა მეგობარმა თვალბით მანიშნა, ხმა არ ამომეღო. პოლკოვნიკი უბრალო ნაჭრის ჩანთით ხელში დაბრუნდა. მაგიდაზე უამრავი ყური დაყარა. ისინი გახლეჩილი ატმის ჩირებს ჰგავდნენ. სხვა შედარება არ მოუხდება. მან ერთი ყური ხელში აიღო. სახესთან ახლოს მოგვითქანა, შემდეგ წყლიან ჭიქაში ჩააგდო. ის იქ გაცოცხლდა. უსაქმობამ გადაძალა, მასხარაობამ, – განგვიმარტა – ადამიანის უფლებები კი... გადაეცო შენს უფროსებს, მაგათი დედაც! მკლავი მოუსვა და ყურები იატაკზე გადაყარა, შემდეგ ღვინის ჭიქა ზევით ასწია. ლექსისთვის არაფერი გამოგადგებათ? მკითხა. იატაკზე ზოგიერთ ყურს მის ხმაში ლითონი არ გამოჰპარვია. დანარჩენი იატაკს იყო მიპრესილი.

ბანასგმლის გახდა

მაისურს ვიხდი, გაჩვენებ.
 ილღიებში თმა გავიპარსე.
 შარვალი ავიკეცე, თმას დანით ვიფხეკე,
 ფეხები თანდათან მითეთრდებო.
 დაჩეხილი ნეკერჩხლის ფერია ჩემი თმა.
 თვლები – სამხრეთულად მოხარშული ლობიოსი,
 ანუ, აფეთქებულ მთებში მთვარის შუქით განათებული ქვანახშირის
 საბადოების.
 ჩინური ლარნაკივით გაპრიალებულ კანზე
 მეტყობა სისხლიანი ნახეთქები, ასაკი, ას სახელს მაინც
 ვეძახი თოვლს, ასივე სახელი მშვიდია.
 ღამით შენთან მოვდივარ და სირცხვილი მიპყრობს, რომ
 ჩემი ნიალიდან წამოსული თრთოლვა კაცის კედელს უნდა შევაფშვნა.
 შენ ცნობ უცნობებს,
 თვლი, რომ ცხოვრებამ არაერთხელ გაგანადგურა.
 ასწნას ვერ უძებნი ამ ღამეს, ჩემს სახეს, შენს მოგონებებს.
 გინდა გითხრა, მე რა ვიცი?
 შენი ხელები ტყუიან.



ინგლისურიდან თარგმნა დალილა გოგიაშვილი



სინათლეები წყლის გასწვრივ ქალაქს აღვიძებენ.
წარმოსახვით თევზებად ციმციმებს წყალი.
შორიახლოს ნვანან ნაძვების ჩონჩხები –
ზღვიდან ამორეცხილები და ქარისგან დამზრალები.
ზოგჯერ, დილაობით მათზე ვაბივებ,
ჩონჩხებსა და შუქურებზე გადავრბივარ.
უცნაურ ხოჭოს დაუხრავს ხეები,
ის შესაძლოა, აქ მუსიკით სავსე გემიდან მოხვდა,
ან იქნებ სულაც აქ იყო ყოველთვის,
ოქროსფრთიანი,
გაშეშებული შარშანდელი ზამთრის სიცივისგან,
რომელიც აღარ განმეორდება.
ჩვენ უკან კი თეთრი ბუ ცხოვრობს, ნიწვოვანში,
თეთრი – თოვლს რომ შეერიოს ტოტებზე დაყრილს.
უკანასკნელი ბუ არისო, ასეც ამბობენ.
ღამღამობით მესმის, როგორც აყურადებს თავგებს
და კივილით უხმობს უკვე აღარარსებულ ბუებს.

სიცოცხლის დასტური
კედლების უარი
ხიდის დასტური
ხიდქვეშ წყლის უარი
ქარის დასტური მავთულხარეთების უარი
ზარების დასტური
დაგმანული კარების უარი
ჰაერის დასტური
პასუხის უარი
მერცხლების დასტური
ქვათა უარი.

ტაპარი

Ce voyage, je voulais le refaire –¹

წმინდა ნათელი, ზარები ბალდახინში. დიდი ხნის წინ, იქნებ არც არა.
ირმებისა და ყვავების აჩრდილები ირწვნიან კვამლში.
მან გამიკეთა საფენი ყვავილისა და მტვრისგან, რათა მესვა ადულებული სანამლაგი.
შემდეგ ნითელი ხის კუბოში შებრუნდა, როგორც ადრე.
დილა, ცხენები წრეში ჩადგნენ კბილების ღრჭენით,
ასე რომ, მათთან უნდა მივიდე, აღვირით ხელში, უხმაუროდ.
რაც უფრო ახლოს მივდივარ, მით უფრო მშორდებიან.
მათი დევნა ღრუბლებში –
მივდენი ღრუბლებში,
ისევ და ისევ.

ილიას ცარსკოე სელოდან

ვდგავართ პუშკინის ლიცეუმის დარაბებიან ფანჯარასთან.
ამ დაფებზე პუშკინი წერდა,
დაფა – მისი ასტროლაბი.
თოვლის ფიფქი ეცემა აქედან წარსულს და უჩინარდება ოქროს მინარეთებზე.
თოვლი შორდება არყის ხეებს. გაკვეთილი თავის თავს წერს დაფაზე:
იმ დღეს, როცა მიქელანჯელო მოკვდა რომში,
გალილეო დაიბადა პიზაში.
და გალილეო როცა მოკვდა, ისააკ ნიუტონი დაიბადა.
როცა ქაბირს ეძებდნენ, მის სავანეში მხოლოდ ჟასმინი აღმოაჩინეს.
ადამიანი ძეგლს ჰგავს, მისი პირიდან ბრინჯაოს ნატეხები იძვრის ჩურჩულით.
შენ ხარ ამ ძეგლის მცველი ერთგული, შენს მშვიდ სამყაროში შეფარებული.

¹ (ფრ.) ხელმეორედ ნავილოდი იქ სამოგზაუროდ –

ისაკ ნიუტონი როცა მოკვდა, იმ წელს თოჯინების სპექტაკლის დროს
ფარდული დაინვა.
ქაბირი ამბობს, მინისტვის ყველა გვამი ერთია,
და სამყარო ოცნების მორევში ჩაიძირა.
ეს ცხოვრება არაა იგივე, რაც შენი სხვა ცხოვრება.
ჩვენ ვართ ვერცხლის საუკუნის პოეტების
ერთ-ერთ ტაძარში.
შენ ხარ ერთ-ერთი ვერცხლთაგანი.
თოვლი არის თეთრი ფარშევანგი
რუსული ლექსიდან.

მეჩირაღწევა

ღამე გემების გარეშე. საყვირები გაქვავებულ ღრუბლებს შეჰყმუიან,
და შენ ისევ ცოცხალი ხარ, შუქით გარემოცული,
შუქი თითქოს ცეცხლი იყოს, ბერებისგან გადანახული.
ოდესღაც უკუნი ვარსკვლავებით გადაიფარა,
ახლა კი სიკვდილივით უკუნია,
როცა საკუთარ თავში მიცურავ,
მირბიხარ ველურ წყალმცენარეებში,
ხელზე ხელს მიჭერ
და მე შემოძლია ცხოვრებაში ერთხელ მაინც ვიხილო:
რგოლი და რგოლი სინათლისა, მისი ბრუნვა, ნათელი – დანაკარგის მაძიებელი,
ცეცხლის ეპოქაში, სანთლების და სანათების ეპოქაში,
ვეშაპის ქონის და ფთილის ეპოქაში, ნავთქურის და კარბიდის ეპოქაში
სასიგნალო ცეცხლი ენთება ჰუკის საგუშაგო კოშკის გასწვრივ.
შენ მეუბნები, ფხიზლად ვიყო, როგორც ლინზის გამომგონებელი,
რომელიც ფილტვებში წყლის დაგუბებით მოკვდა.
იყავი ურთხელი აყვავებული, ფუტკრებდასეული,
იყავი ტაძრის სანთელი და სისტერსიანელთა აწრდილებიც კი შენკენ გადმოვლენ.
წემის შემდგომ სინათლეში, მოოჭვილ ღრუბლებსა თუ წყალში,
ნანახ ან ნაგრძობო წყალში, ზღვასა თუ ტბაში,
შეჩერდები და ჰორიზონტს დიდხანს თვალს გაუშტერებ.
და როცა სინათლე გარდამოვა და ნაძვებში შეიმალება,
და ვარსკვლავები გამოჩნდება,
ჩვენი სამოთხეც ეს იქნება.
შენ მასწავლე, ასე მყვარებოდა.
რომ სიკვდილის მერეც ისე იქნება,
როგორც იყო ჩვენს დაბადებამდე.
არაფერია საშიში.
არაფერი, გარდა ბედნიერების,
აუტანელის, როგორც შიშის,
რომლისგანაც ის იბადება.
დახვდი სინათლეს
და ყოველთვის გემის გარეშე.

ინგლისურიდან თარგმნა ჰაატა შამუგია

2 ნომრის ავტორები


ნესტან ნენე კვინიკაძის სერიოზული თამაში

ეკა ქვეანიშვილი


როცა ერთ, არ ვიცი, რამდენად მშვენიერ დღეს, ნესტან ნენე კვინიკაძემ ხევსურული კაბით და „ადიდასის“ ნითელი კედლებით რუსთაველზე ჩაიარა და მას თვალი გააყოლეს, მე, ალბათ, სავარაუდოდ, მისი ქალაქიდან 300 კილომეტრის მოშორებით, სხვა ქალაქში, ფეხსაცმელებზე სხვადასხვა ფერის თასმა შევიკარი და, როგორც მაშინ მეგონა, ასე გამოვაპროტესტე, აღარ მახსოვს, რა. ეს წარმოსახვითი პარალელი იმიტომ გავავლე, რომ ნენე კვინიკაძეს აქამდე პირადად არ ვიცნობდი, მიუხედავად თითქმის ზუსტად ერთდროული ლიტერატურული დებუტისა, საერთო სანაცნობო წრისა და, ბოლოს და ბოლოს, საერთო სიყვარულის – ლიტერატურისა. მასზე – მისი ნიგნებით თუ სტატიებით თუ ფოტოებით თუ ვიდეობლოგებით შექმნილი წარმოდგენა, ცხადაა, არ ითვლება. ასე მე ჩემთვის საინტერესო თითქმის ყველა ავტორს ვათვლიერებ, განსაკუთრებით კი მათ, ვინც მეგონია, რომ სხვებისგან რალაცით მკვეთრად გამოირჩევა. პრინციპში, მივაგენი, რაც მინდოდა – სიტყვა გამორჩეულობას. მისი სულ პირდაპირი მნიშვნელობით – ნესტან ნენე კვინიკაძეზე მოყოლასაც ასე დავინწყებ, მისი ფართე ნითელი ქამრით, რომელიც შავ ფაქეტზე შემოხვევია და ჩვენი პირველი შეხვედრის პირველი მკვეთრი დეტალია, რაც დამამახსოვრდა.

მოქმედი გმირები: ნენე, თომა, ნიკიტა, მაქსიმე და კიტა.
 მოქმედების ადგილი: თბილისი/ბერლინი/კანი
 მოქმედების დრო – დღეს/ახლა.
 მოქმედების ტემპი – სწრაფი.

ბოლო ახალი ამბები: ნენე კვინიკაძე ახალ რომანს წერს. კიდევ ერთ კინოსცენარსაც. მალე მისი ტექსტების კრებული გამოვა, როგორც მკითხველისთვის ერთგვარი თავის შესვენება, მოთელვა. ტყუპები, მაქსიმე და კიტა წამოიზარდნენ. ჟურნალი „ფოკუსი“ რვანლიანი რედაქტორობის შემდეგ დატოვა – ოღონდ, როგორც რედაქტორმა, „თბილისი აუტი“ დროებით გაჩერებულია. ავრძელებს პროდიუსერობას გადაცემა „სხვა შუადღეში“, ნიკიტა უკვე სკოლისთვის ემზადება, თომაც (ჩალაძე) ასე



– ხან სამსახური „სხვა შუადღეში“, ხან მუსიკა. თომა დიჯეი. თომა კულინარიც არის. ნენეს ტექსტების ყველაზე განსხვავებული შემფასებელიც. თამაში გრძელდება. თამაში მრავალფეროვანია და საინტერესო. ოთახი დალაგებულია. ნენე კვინიკაძე არეულობას ვერ იტანს.



ნენე და ნიკიტა

კონტრაქტი (არა) საზოგადოებასთან

მე სულ მეგონა, რომ ბავშვებთან მიმართებაში სხვებს ყველაფერი უფრო ადვილად გამოსდით, ვიდრე მე. ასე მეგონა, სანამ ერთი შვილი მყავდა, ნიკიტა. ძალიან ვლიზიანდებოდით, როცა მეორე ბავშვზე გველაპარაკებოდნენ, როგორც ეს საქართველოშია მიღებული: თითქოს აუცილებელი კითხვაა – როდის თხოვდები, თუ გათხოვდები, როდის აჩენ, ხოლო თუ ერთ შვილს გაჩენ, უკვე გეკითხებიან, მეორეს აპირებ, თუ არა. ახლა ჩემი ამ სამი შვილის ყოლით მე მგონი ყველას კითხვები დავაკმაყოფილე. ახლა აქტუალურია კითხვა – კი მარა, რამეს არ ნეერ? ასეთ დროს ვხვდები ხოლმე, რომ საზოგადოებას ხშირად აქვს ეს მოთხოვნილება – კითხვების დასმის. არადა, რეალურად, არცერთი ადამიანი არ აფორმებს კონტრაქტს საზოგადოებასთან – მე ასე მოვიქცევი, მე ასე დავგეგმავ.

ტყუებები

ხო, ტყუებები. უცნაურად კი დაიწყო – ექოკოპიაზე რომ მივედი, ექიმმა გვითხრა, რომ ერთ რამეს გვეტყოდა, მაგრამ არ უნდა შევშინებულყავით, რადგან ცუდი ამბავი არ იყო. ტყუებებს გულისხმობდა. მანამდე კი, სანამ მათ არსებობას შევიტყობდი, ამ ორი ბავშვით მუცელში მთელი ქვეყანა მოვიარე ლამის, მაგრამ გამიმართლა – ხელი არაფერში შეუშლიათ არც ერთ საქმეში. რაც წამოვიწყე, ბოლომდე მივიყვანე.

კანის ფესტივალი იყო თუ თეატრალური ფესტივალი საქართველოში – მშვიდად მატარეს და ასეთივე კომფორტულები გაჩნდნენ – თითქოს მართლა ჩემი შვილები უნდა ყოფილიყვნენ და ზუსტად ამ ხალხში უნდა ეცხოვრათ. მაქსიმე და კიტა დავარქვით. უბრალოდ, იმიტომ, რომ ეს სახელები მომწონდა. არც ის მინდოდა, რომ ყველასნაირი სახელი რქმეოდათ.

დედობა

სიფრთხილესა და მოვლის საკითხში მობილიზებულობაზე არ ვლაპარაკობთ, ხომ? ეს თავისთავად. აქ დედური დედა ვარ. თუმცა, მთავარი მაინც პატივისცემა მგონია – ყველა დეტალის მიმართ, მათი ყველა შეგრძნების, ქცევის მიმართ. მარტივად, ეს იმას ნიშნავს, რომ როცა ბავშვი თავის დახატულ ნახატს გაჩვენებს, შენ უნდა აღფრთოვანდე და ეს გამოხატო. დღეს უკვე ყველა ფსიქოლოგი შეთანხმდა იმაზე, რომ ის კომპლექსი, რომელიც თანამედროვე დედას და მამას აქვს, ანუ ბავშვთან საკმარის დროს რომ ვერ ატარებენ, არაფერს ნიშნავს იმიტომ, რომ ყველაზე დიდი მნიშვნელობა სწორედ იმ ნახევარ საათს აქვს, როცა შვილთან პირისპირ რჩები – ეს ნახევარი საათი გადამწყვეტი, რამდენად საესეა ეს დრო და საინტერესო. ხომ არიან მშობლები, რომლებიც მუდმივად სახლში სხედან, მაგრამ მაინც „გადი, თავი დამანებეს“ რეჟიმში არიან? რამდენიც გინდა. ბავშვებს სრულყოფილი 30 წუთი მეტად სჭირდება ჩვენგან, ვიდრე ინდივერენტული მთელი დღე.

სავსე

ისე მოხდა, რომ ჩემი ცხოვრება მუდამ მოვლენებით იყო დატვირთული. რალაც სულ ხდებოდა. ვერასოდეს ვასწრებდი მოწყენას, ოღონდ, იმ გაგებით არა, რომ მხიარული ვარ. არა. მხიარული საერთოდ არ ვარ. უბრალოდ, სულ ამბებით სავსე იყო. ერთ ბიჭზე გაბრაზებასაც ვერც ვასწრებდი, მალევე სხვა რამით ივსებოდა ცხოვრება. 27 წლის ვიყავი, როცა გავთხოვდი და მაინც მეგონა, რომ 17 წლის ვიყავი. დღესაც ძნელად მესმის იმ ადამიანების, ვინც ძალიან ადრე გადანყვეტს ხოლმე ოჯახის შექმნას. მეტი ინფორმაციის მიღებაა საჭირო ამ გადანყვეტილებამდე. მგონია, რომ ასე უფრო გამძლეა ერთადყოფნა.

ოჯახი

იმ პატივისცემის უფრო მჯერა, რაც ადამიანებს ერთმანეთის მიმართ უნდა ჰქონდეთ. შეიძლება საერთოდ არ თანაგვირძნობდე რალაცაში, ან არ მესმოდეს შენ არჩევანი მუსიკაში, მაგრამ პატივს გცემდე. ჩვენთანაც ასეა. კიდევ – როლები ოჯახში. ადრე, მახსოვს, მამის ფუნქცია საერთოდ არ იყო გამოკვეთილი, მეტიც, მაგ პერიოდში მამებმა დიდი ხნით იკარგებოდნენ. მე, ალბათ, ძალიან გამიმართლა, რადგან ჩემ ზრდად სავსე იმავით ისეთი კაცების რიცხვმა, ვინც ასე არ იქცევა. თომასთვის მაგალითად ჩვეულებრივი ამბავია ბავშვის მოვლა ისე, როგორც მე მოვუვლიდი. ეს ურთიერთობები მერე გიბრუნდება და დღეს რომ ჩემი 6 წლის შვილი ნიკიტა ჩვენთვის მეგობარით არის, ეს ძალიან დიდი კომფორტია.



სამ ბიჭთან ერთად

ერთად

ერთად ჩემი და თომას ცხოვრება ჰგავს... მოკლედ, ძალიან ვცდილობთ. თომა თვითონ არის ძალიან კომფორტული ადამიანი. შემდგარი თავის საქმეში, გიჟდება, ისე უყვარს გემრიელი საქმლის კეთება და არის პატარა ბავშვივით. რადგან ორივეს კარგად გვესმის რას ნიშნავს საქართველოში სამი შვილის ყოლა, მითუმეტეს, როცა გაქვს ამბიცია, რომ მათ კარგი რეალობა შეუქმნა, თან ისე, რომ გინდა, იმუშაო, რალაც პროცესებსაც არ ჩამორჩე, ვცდილობთ, ბევრი თამაში მოვიგონოთ. შესაბამისად, როცა სამსახურიდან სახლში ვბრუნდებით, არის სამი ბავშვის შემოსევა. სამსახური მთავრდება იქ, სადაც ის არის, სახლში კი იწყება თამაში. ღამე ასეთია – თომა მუსიკას უსმენს, მე ვკითხულობ ან ვწერ. ნიკიტა ხატავს, ტყუპებს სძინავთ. კი, ამ ბალანსს სჭირდება ფინანსები. მე კი იმისთვის, რომ ადეკვატური და რეალიზებული ვიყო, აუცილებლად მჭირდება სადმე წასვლა. ვერ ვიტყვი, რომ ადვილია, მაგრამ ვცდილობთ. ადრე ემიგრაციაზეც ბევრი მიფიქრია, ჩემი საქმიდან გამომდინარე ბევრ ემიგრანტთან მქონია საქმიანი ურთიერთობა და მაშინ მივხვდი, რომ თუ წასვლა შენი არჩევანი არ არის, ემიგრაცია ერთ-ერთი უმძიმესი განაჩენია, რაც კი შეიძლება ადამიანს ჰქონდეს. არა, არ უნდა წავიდეთ. მე მგონია, რომ იმის შესაძლებლობა უნდა გვექონდეს, რომ წავიდეთ ხოლმე და მერე ისევ დაბრუნდეთ. როგორც მაგალითად, ჩვენ და ბერლინი.

ბერლინი

გვაქვს ეს ჩვენი საყვარელი ქალაქი. იქ აგვისტოში მივდივართ ხოლმე. რატომ შემიყვარდა ასე ბერლინი, ზუსტად არ ვიცი, მაგრამ ერთხელ, ფრანკფურტის წიგნის ბაზრობაზე ვიყავი და ჩემს მეგობართან ჩავედი იქ. ისეთი კომფორტი, როგორიც ამ ქალაქში ვიგრძენი, მანამდე არასოდეს მიგრძენია. მივხვდი, რომ 21-ე საუკუნის ადამიანი სწორედ იქ უნდა ცხოვრობდეს.

რატომ? ჯერ ერთი, ჩემი უდიდესი პატივისცემა ხალხს, რომელმაც მოახერხა ასე მოკლე ვადაში ფეხზე დაეყენებინა ქვეყანა. სულ ვადარებ ხოლმე, რა რთულად ვახერხებთ ერთი პატარა რეფორმის გატარებასაც კი, აქ, ჩვენიან და სულ ის მახსენდება, მანქანაში ღვედის კამპანით და ამ წესის შემოღებით რომ ვართ ხოლმე აღფრთოვანებული. ამ ქვეყანამ კი, ლაფში ამოსვრილმა შეძლო ის, რაც შეძლო. ბერლინიც რალაცნაირი ქალაქია, თავს სახლის ჩუსტებში გრძნობ, ყველასთვის ღია კარი. ამიტომ მივდივართ ხოლმე ზაფხულში.

როლები

მე უფრო მენეჯერი ვარ. საქმელი არასდროს გამიკეთებია, მაგრამ ძიებები კარგად გავანაწილე. მიუხედავად იმისა, რომ ჩემს საყვარელ ადამიანებზე მაღლა არ შემიძლია არაფერი დავაყენო, წარმოდგენილი მაქვს ერთი ასეთი დღე, რომ ყველა თავის გზაზე წავიდა, ისე, როგორც ეს უნდა ხდებოდეს კიდევ, ხოლო მე ისე არასწორად ვიცხოვრე, რომ ამ დროს აღარც წიგნის კითხვის რეფლექსია ჩემში, მეგობრები, ყველანი თავის გზაზე დგანან – არ ვიცი რა ფიციმს უყურო და უცებ ეს რომ წარმოვიდგინე, ძალიან ძალიან არ მომეწონა ჩემი ასეთი პერსპექტივა ამას იმიტომ ვამბობ, რომ არასოდეს უნდა დააყენო საკითხი ისე, რომ უარი თქვა რალაცაზე, მე და ჩემი და რომ გავჩნდით, დედაჩემმა თავისი სამსახური მიატოვა. მსხვერპლშენიერება სწორი არ მგონია – თუ, ცხადია, საშუალება არსებობს. კიდევ რა. მე არ შემიძლია არეულოთაზი. არც ერთ ეტაპზე. ორ სიტყვასაც კი ვერ დავწერ, თუ ყველაფერი მონესრიგებული არ არის, ამიტომ ეს მონესრიგებული გარემოც ჩემს თავზე მაქვს აღებული. და კიდევ, მგონი ინიციატორიც უფრო მე ვარ. ბავშვებიც, თომას როცა ხედავენ, თამაშის ასოციაცია აქვთ ჩემთან უფრო ჩახუტების. და ვართ ასე.

სიყვარული

12 წელია ვიცნობ და 7 წელია ცოლ-ქმარი ვართ. სიყვარული თუ იცვლება? კი. რალაც დეტალები სულ იცვლება. ჩვენს შემთხვევაში ასეა, რომ ერთმანეთის თვალწინ თუ გვერდით გავიზარდეთ და ამ ზრდაში, ცხადია, არ შეიძლება რამე არ იცვლებოდეს. უფრო ღრმავდება და თუ იცვლება, იმის სასიამოვნო გააზრებით, რომ რა მაგრად იცნობ მეორე ადამიანს, შენს ადამიანს.

მეორე აზრი

როცა ვწერ, თომას ვაკითხებ ხოლმე, კი. მის გარდა, ძირითადად, ჩემს მეგობრებსაც ვუზიარებ, ვინც ლიტერატურა იცის და უყვარს. მაგრამ, როგორც წესი, ყველაზე განსხვავებული შეფასება, მაინც თომასია. და კრიტიკაც რაღაც კონკრეტული მაგალითის მოყვანით იცის, ასოციაციებით აფასებს ჩემს ტექსტებს და ეს ჩემთვის ძალიან საინტერესოა.

დებუთი

ზუსტად ის დრო იყო, თეატრალურში სწავლის, სადაც რაღაცამ აუცილებლად რომ უნდა ამოხეთქოს. ჩემი მეგობარი ლექსებს წერდა, მე – ვითომ მოთხრობებს, რაღაც საშინელებებს. თან ის დრო იყო, გამომცემლობები რომ იქმნებოდა. 1998 წელი იდგა, ჩემი პირველის წიგნის პრეზენტაცია რომ გაიმართა. ახლა კი ვფიქრობ, ასეთი უპასუხისმგებლო როგორ ვიყავი-მეთქი, რადგან მგონია, რომ არაფერი ღირებული იმ წაწერებში არ იყო, თუმცა, ისიც ვიცი, მაშინ ეს „ჩუტყვავილა“ რომ არ მომეხადა, მერე შეიძლებოდა, ძალიან გამჭირვებოდა ლიტერატურაში შემოსვლა. როგორც ბავშვი თხილამურზე სრიალს სწავლობს ადვილად, რადგან არ ეშინია, რაღაც ეგეთი განცდა მქონდა მეც. ალბათ, ეს ახალი როლიც მომეწონა. კინოჟურნალისტიკაზე ვსწავლობდი, მაგრამ, როგორც ჩანს, იქ ისე კარგად თავს ვერ ვგრძნობდი. თან, როგორი დრო იყო? სულ რაღაც ხდებოდა, აქტიური, მიტინგები, ინსპირაციის ზღვა! რაც მაშინვე ვიცოდი, ის იყო, რომ არასოდეს მომდომებია ავტობიოგრაფიული ტექსტების წერა. მაგრამ რადგან გოგო ვარ, ეს ვიღაც გოგო სულ იყო ჩემი ტექსტების მთავარი გმირი. არ ვიცი, მე ვარ ეგეთი, თუ მინდა, რომ ვიყო. ჩემი გმირი



ნენე და თომა

გოგოები ყოველთვის იყვნენ ძალიან ძლიერები. ეს ძლიერება მე და ჩემს დასაც გამოვიგონებოდა, რაც ოჯახში ცვლილებებამაც განაპირობა. მახსოვს, დედაჩემი რომ გარდაიცვალა, მამა ძალიან გვივლიდა, მას არაფრის ეშინოდა და, ეტყუბა, ეს გადამდებია. დღესაც, მგონია, რომ ყველაზე კრიზისულ სიტუაციაშიც ეს სიძლიერე და პირდაპირობა მიცავს. მგონია, რომ ის გოგოებიც, ჩემი გმირებიც, ასე ბუნებრივად პირდაპირები არიან.

წესები წერისას

მე მაქვს ერთი ასეთი პრინციპი – თუ ჩემი ბავშვობიდან ან საერთოდ ცხოვრებიდან მოდის რაღაც საინტერესო პასაჟი, რაც შემიძლია გამოვიყენო, ავიღებ მას, დავწერ მასზე და აღარ წავალ სხვის ამბავში. თუმცა, ჩემთვის ლიტერატურა მაინც არის – „რა შეიძლება ყოფილიყო“ – ამის დაწერა. რაც დრო გადის, ამაში ვრწმუნდები და ჩემი ბოლო ტექსტიც ამის მტკიცება იქნება. მგონია, რომ ზღვარია გასაგებები – ერთია შენი თავგადასავალი, რომელიც შენია და მეორეა ის ნივთები, რომლებიც მოგაქვს ამ თავგადასავლიდან და სხვის ნივთებად აქცევ. ხანდახან ისეთი ფანტასმაგორიული რაღაცები მახსენდება ჩემი ცხოვრებიდან, რატომ უნდა დავკარგო, არ მესმის.

დებულები

ხანდახან, წერისას ძალიან ზედაპირულიც ვყოფილვარ, მაგრამ თან იმდენად გულწრფელი, რომ ადვილი ასატანია ამის გაცნობიერება. ესეც ეტაპია. 23 წლის ვიყავი „ისპაპანის ბულბულები“ რომ დავწერე. დღეს უკვე სხვანაირადაა. ჩემი ბოლო წიგნი 2007 წელს გამოვიდა. ამ დროში მე შემეძლო ორი-სამი ისეთი წიგნი დამეწერა, როგორც არ მიხდოდა. მაგრამ სწორედ იმიტომ, რადგანაც არ მიხდოდა, პროცესის მონაწილე ვყოფილიყავი, ასე მერჩივნა. უხარისხოს ვერაფერს მივაჩქებდი მკითხველს. არ შემეძლია.

საკუთარი ოთახი

უკვე ვთქვი, არეული ოთახი ვერ იქნება. ის, რომ არტისტულად თავზე უნდა მეყაროს ფურცლები და მსგავსი მოთხოვნილებები არ მაქვს. პირიქით. ყველაფერი ზედმიწევნით მონესრიგებულია. ასე იყო, როცა ფურცელზე ვწერდი და ასეა დღეს, როცა ჩემს ლეპტოპში ვწერ. ყველაფერი ფოლდერებშია გადაწვინილებული. „ახალი რომანი“ აწერია მას და ასე ვწერ. ზედმეტი?

ბოლო წერტილი

როცა წერას ვასრულებ, ძალიან მაგარი შეგრძნება მაქვს. მგონი, ეს არც არსად მითქვამს: იმდენად ვცარიელდები ხოლმე, რომ ძალიან იაფფასიანი და ზედაპირული რაღაცებისკენ მიმინვს გული. შეიძლება, ტახტზე დავჯდებ და ტელევიზორი, რომელსაც ზოგადად, ოჯახში, არ ვცნობთ, ჩავრთო და მეტიც, ერთი 25 წუთი მაინც შევყვე და ვუყურო რაღაც ძალიან ცუდ ვენესუელურ სერიალს.

ინსპირაცია

ეს, შეიძლება, გახდეს ყველაფერი. მე არ ვარ ასე, წერა ჩემი სამეცადინოსავით იყოს, ბევრითად დაფუძნებული და სულ ვწერო. არა. მე რაღაცის ასაწყობად შესაძლოა ერთი დეტალიც მეყოს. ან ბავშვობიდან ამოტივტივებული რაღაც ეპიზოდი. ბევრს ვფიქრობ და მალე ვწერ ხოლმე. ამ ბოლო დროს შეიძლება ვწერდე, მაგალითად ტყულების დაძინებისას, ოღონდ თავში. ასე გამოვიმუშავე დროის ეკონომიაც.

მკითხველი და სხვებიც

უფრო ის, რომ რასაც დავწერ, იმან, რაც შეიძლება, მეტი ადამიანი ჩაითრიოს, მოხიბლოს. ეს მოლოდინი მაქვს მუდამ. ვიღაცის გულის გახეთქვა არ უნდა იყოს წერის მიზანი. მე რომ გამომართლა და იაპონიაში ვიმოგზაურე, ამის ჩვენება, ცხადია, მინდა შენთვის, როგორც მკითხველისთვის. კინოც ეგერა, სანამ შენ რაღაც ეტაპებს გაივლი და რაღაცას მიხვდები, ვიღაცებს უკვე აქვთ ორსაათნახევარში ამ კითხვებზე პასუხები გაცემული, ანაც წიგნში. მოკლედ ესაა, რასაც მწერალი ელის – გააზიაროს, დააფიქროს, ემოცია აღძრას და შეცვლისკენ უბიძგოს.

მემოსვლა

ვერ ვიტყვი, რომ ლიტერატურული ჟურნალების კარი ჩემთვის ღია იყო. ლიტერატურულ წრეებში მყავდა მეგობრები, ვინც წაიკითხა, მოიწონა, გამამხნევა. ძალიან დავაფასე ზაზა თვარაძე, რომელსაც მაშინ საშინელი ტექსტები მივუტანე, მან კი ძალიან გულწრფელად მითხრა: იცით, როგორი ტექსტებია, რომ დაგებეჭდო, არაფერი მოხდება და რომ არ დაგებეჭდო, მგონი, ცოტა უკეთესი იქნებაო. ძალიან სწორი იყო. დღეს მართლა იმდენად აღარ მომწონს ხოლმე ის ადრინდელი ტექსტები, სულ მინდა, სადღაც გადავმალო. როსტომ ჩხეიძეს ძალიან ვუყვარდი და „ჩვენს მწერლობაში“ ბეჭდავდა ჩემს მოთხრობებს. ყველაზე დიდი გამომხაურება მაინც „პაპაჰანის ბულბულებს“ ჰქონდა. მართლა ზღაპარით მახსოვს, „პარნასის“ კაფეში იყო ამ წიგნის პრეზენტაცია, ივნისი იყო, იმ ღამით კი, მეგობრებთან ერთად მივდიოდით ბათუმში. მე მიყვარს ბათუმი არასეზონზე, მატარებლით წავედი და მეორე დღით, ბულვარში, ვხედავთ, რომ გაზეთების სტენდი აჭრელებულია ამბებით ჩემი წიგნის პრეზენტაციის შესახებ. სასწაული შეგრძნება იყო. რა თქმა უნდა, ყველა გაზეთი ვიყიდე.

სხვა ზაზარი

ავტორის გასვლას სხვა ზაზარზე აქვს ძალიან დიდი მნიშვნელობა. მიხარია, რომ ჩემმა რამდენიმე კოლეგამ ეს წრე გაარღვია. თომა ამბობს ხოლმე, რომ ძალიან დიდი მნიშვნელობა აქვს, როგორი თვალი გიყურებს, როცა უკრავ ან ტექსტს კითხულობ. და მართლაც, ზოგჯერ ძალიან ცუდად მიგრძენია თავი, როცა მივმხვდარვარ, რომ აღამიანს უბრალოდ არ აინტერესებს, რას ლაპარაკობ. გერმანელი მსმენელი კი, ვისთან ურთიერთობის შესაძლებლობაც მე მომეცა, მაშინაც კი, როდესაც ქართულად




„ელექტრონავტის“ დაჯილდოებაზე

ვკითხულობდით, გვისმენდა დიდი ინტერესით. მანდ მივხვდი, რომ ევროპა შედგება იმისაგან, რომ ყველაფერს ჰყავს თავისი მუშტარი. ვინც მოდის, ის ტყუილად არასოდეს მოდის შენთან – მას შენ მართლა აინტერესებ.

დღეს, აქ და ახლა

უცნაური ოთხი წელი იყო ეს ბოლო ოთხი წელი. ვმუშაობ ტელევიზიაში, სადაც მარტო ეს სატელეფონო ზარები რომ დავაგროვე, რაც შემოდის და რასაც ვისმენ, რამე მაინც დაინტერესებს. ამ საქმემ გამოიკეთა ის, რომ ჩემი ქვეყნის კონტექსტს საუკეთესოდ გავეცანი. ამას ემატება ჩემი პირადი ცხოვრება, ბავშვები და ამ მრავალმხრივი შემოტყვის ფონზე, მე მგონი, მივიღე ძალიან სწორი და საინტერესო იდეა, რაზეც ახლა ინერება ჩემი რომანი. უკვე არსებობს რამდენიმე ათეული გვერდი და ის იქნება ყველაზე დიდი მოცულობის, რაც კი აქამდე დამინერია მაგრამ სანამ ეს წიგნი გამოვა, მანამდე მინდა რომ თავი შევასხნო ჩემს მკითხველს, და რაც კი რამე ასე თუ ისე ღირებული დამინერია, ერთად ავკინძო. სწორედ ამას მოჰყვება რომანიც



სიამოვნების განცდა მიყვარს ყოველ ნელს. განცდა, რომ მართო არა ხარ და შენზე ბევრად ჭკვიანი დაბიანებიც ფიქრობენ. ეს არის ეგოიზმის დაკმაყოფილება, შესაძლოა, კომპლექსებისა და, საერთოდ, ყველაფრის ერთად.

„ფოკუსი“ და სხვანი

ეს ჟურნალი რვა წელი ვაკეთე და ბოლოს მივხვდი, რომ ამ-ოვნურე და წამოვედი. ვფიქრობ, ყველაზე დემოკრატიული ჟურნალი იყო, ყველანაირი ავტორისათვის ღია. ზოგადად, მე არ შემიძლია, ავტორების აკვიატება. ისინი სულ უნდა იცვლებოდნენ. ფოკუსში სულ ასე იყო.

„თბილისი აუტი“ იყო ერთადერთი ზუსტი გზამკვლევი, რითიც მართლა ვამაყობდი, რადგან ჩვენი დამსახურებაც მგონია, რომ ერთი თვით ადრე თითქმის ყველა შესაბამისი უწყება თუ ორგანიზაცია მიეჩნევა ერთი თვით ადრე რეპერტუარის დამტკიცებას. დღეს ჟურნალი დროებით დახურულია. კულტურის სამინისტრომ ამ ეტაპზე უარი თქვა მის დაფინანსებაზე.

„ანაბექაი“. ეს იყო მართლა ყველაზე განსხვავებული რამ. მე მას ასე ვეძახდი – ამიერკავკასიაში ყველაზე კარგად დაფინანსებული ანდერგრაუნდი. იქ მე ამისრულდა ყველა სურვილი და ოცნება და როცა ასეთი სურვილები და ოცნებები დაფინანსებულია, მართლა სამოთხესავით იხსენებ მერე მაგ პერიოდს. იქ იყო ყველა სრულიად უცნაური და შემოილი ადამიანი შეკრებილი და ეს იყო ექსპერიმენტების დრო.

ბიბლიოთეკა

მე ისინი მიყვარს ერთმანეთის პარალელურად. ერთდროულად ვგიჟდები ჰენრი მილერსა და ბროდსკიზე. კამიუსა და თომას მანზე. ჩემთვის რაც უფრო ასე გაშლილია პალიტრა – მით უფრო საინტერესოა. თანამედროვე ავტორების ნიგნებასაც, სულ ცდილობ, გავცნო. ბოლო, რაც აღმოვაჩინე, ეს იყო ჯონათან ლითლის რომანი მეორე მსოფლიო ომზე. ძალიან შთამბეჭდავი. ჩემთან ერთდროულად არსებობს, სიტყვაზე, ედგარ ალან პო ან დავით კლდიაშვილი, მიხეილ ჯავახიშვილი და ზადი სმიტი, რომელიც სულ შემთხვევით აღმოვაჩინე გუგლში. რალაც ეტაპზე ფამუკიც მიყვარდა, მერე გადავიყვარე. გადაყვარებებიც ვიცი. კინოშიც მყავს ასეთები. ჩემები, ფასბინდერი. მაიკლ ლი. ძალიან მიყვარს კაუტისმაკის ფილმი, ჰავრე – ასე ჰქვია – რამდენიმე წლის წინ ვნახე კანის ფესტივალზე, ბრწყინვალე ფილმი იყო კეთილ ადამიანებზე და ა.შ და ა.შ.

აუცილებლობა

მეგობრები. მათ გარეშე არ წარმომიდგენია. ჩვენ ვქმნით თითქოს ერთმანეთს. ვავსებთ. თომასა და ბავშვებზე არ ვლაპარაკობ, ეს ისედაც ცხადია. კიდევ, არ შემიძლია იმ მოლოდინის გარეშე ცხოვრება, რომ კარგი ფილმის სანახავად საფრანგეთში უნდა წავიდე. მოკლედ, კომფორტში მოქცეული ეს თავისუფლება ჩემთვის ბევრი რალაცის განმსაზღვრელია. კიდევ, მე მგონი, ესთეტიც ვარ, რადგან, მაგალითად, უგემურ საქმელსაც კი გემრიელად შევჭამ, თუ ის ლამაზად შეფუთულია. შესაბამისად,



„ჯაყოს ხიზნები“ (რეჟ. დათო ჯანელიძე). გადასაღები მოედანი

სავარაუდოდ შემოდგომაზე, რომელზეც, ჯერ-ჯერობით, მეტს არაფერს ვიტყვი, თუმცა, ერთ პატარა ფრაგმენტს ამ რომანიდან აქვე მაინც შემოგთავაზებთ.

კანი და კინო

ამის გარეშე ჩემი ცხოვრება არ არსებობს. ხშირად ვფიქრობ, ეს ჩემი ყოველწლიური კანის ფესტივალზე წასვლის აკვიატება არ არის მხოლოდ კინოს სიყვარულის გამო. ეს ალბათ ტექსტის და წერის სიყვარულის გამოცაა. მე ბოლო დროს სერიოზულად მომიწია კინოსცენარზე მუშაობა და ამ მხრივაც ბევრი რამ მაინტერესებს. მაქვს ის ბედნიერება, რომ ერთ-ერთმა პირველმა ვნახო ხოლმე ოთხი-ხუთი ძალიან კარგი ფილმი, რომლითაც მაჯისცემას გაიგებ. უყურებ ამ წითელ ხალიჩას, სადაც ყველა ძალიან ლამაზია, ვარსკვლავები ბრჭყვილებენ, მერე კი კინოში შედიხარ და აღმოაჩენ, რომ ყველა ერთ სამყაროზე ვლაპარაკობთ. ამიტომ მიყვარს კანი: ხომ ასეთი გლამურული ფესტივალია, მაგრამ როგორ პატარავდება სამყარო იქ – ამის

ესეც ჩემი მოთხოვნები ნაწილია. ამ ყველაფრის საერთო სახელი კი, რაც მე მჭირდება, არის თავგადასავალი.

პატარა

სამი წლის როცა ვიყავი, ვიყავი ძალიან სასაცილო გარეგნობის, შავგრემანი, დაგრეხილი ფეხებით და, ცოტა არ იყოს, ბილწიტიყვაობის მოყვარული. ხუთი წლიდან ვმღეროდი, სანამ თინეჯერი არ გახვდი და არ მივხვდი, რომ სირცხვილი იყო. მუსიკალურ შეიღწევაშიც ვიარე. რაც კარგად მახსოვს, ეს იყო ჯანმრთელი გარემო ჩვენს სახლში, რამაც ყველაფერი განსაზღვრა. ჩემმა მშობლებმა ჩვენში ჩადეს ყველაზე დიდი ინვესტიცია – სიყვარული და ჩვენთან გატარებული დრო.

ომამადე


ომამდე ცხოვრება იყო უფრო მხიარული, ომის მერე აღარ. მამაჩემს ძალიან ბევრი სოხუმელი მეგობარი ჰყავდა. ნათლიაჩემიც სოხუმელი იყო, რომელიც იქ ააფეთქეს. მერე მახსოვს, რომ ჩვენთან მამას მეგობრები ჩამოვიდნენ და დროებით ცხოვრობდნენ. მაგ დღიდან მივხვდი, რას ნიშნავს უბედურებები ადამიანების ცხოვრებაში.

განათლება


დღეს, მგონია, რომ ეს ერთ-ერთი უმთავრესი პრობლემაა ჩვენს ქვეყანაში. იმ გადაცემაში, რომელზეც ახლა ვმუშაობ – რაზე არ გვილაპარაკია, და ყველაფერში ვაწყდებით განათლების დეფიციტს. მარტივი მაგალითი – მაგალითად, ქართველ დედებს ძალიან უნდა, რომ მის შვილს ბალის სპექტაკლში ჰქონდეს კარგი როლი, მაგრამ არცერთ დედას არ ალელვებს, რომ მისმა შვილმა იცოდეს ზონარის შეკვრა. მე მგონია, რომ საქართველოში ამაზე ფიქრის დეფიციტია. ზოგადად, ფიქრის დეფიციტი. ერთხელ, ისევ ბერლინში, პარკში ვიჯექი, როცა მასწავლებელმა სათამაშოდ ბალის ბავშვები შემოიყვანა. ისე მოხდა, რომ თავისი დავთარი ჩემთან ახლოს დადო. ძალიან მაინტერესებდა, რას ასწავლიდა და ჩავხედე – ეს იყო ბავშვებისთვის გასაგებად ახსნილი – ფერადი გრაფიკა – საგზაო მოძრაობის წესები! ამიტომ არის, რომ როცა იქ ბავშვი დედას ველოსიპედით უკან მიჰყვება – მას არასოდეს არაფერი შეეშლება.



2 წლის



12 წლის



14 წლის



ზრანგულის გაკვეთილი

პიესა ორ მოქმედებად



ნესტან ნენე კვინიკაძე

მოქმედი პიერნი:

სალომე – ფრანგულის მასწავლებელი

ირაკლი – თინეიჯერი მოსწავლე

მასწავლებელი, სასიამოვნო გარეგნობის, საშუალო ასაკის ქალბატონი.

16 წლის ირაკლი, სიმპათიური, ასაკისთვის ოდნავ დიდი შეხედულების. საუბრობს მანერულად, ჭკვიანი სახე აქვს.

პირველი მოქმედება

სცენა 1

საცხოვრებელი სახლის პატარა კაბინეტი, კედლებზე ნახატები და დეკორატიული თევზები კიდეა. თაროებზე წიგნები აწყვია. კაბინეტიდანვე მოჩანს სამზარეულო ოთახი.

კარზე ზარი ისმის. სამზარეულოდან გამოდის სალომე მასწავლებელი და ალებს კარს.

ირაკლი – Bonsoir.

სალომე – ირაკლითი, Bonsoir.

ირაკლი – როგორ ბრძანდებით?

ირაკლი ყვავილების თაიგულს უწვდის მასწავლებელს.

სალომე – ისევ ყვავილები? (კეკლუცად) როგორ მახარებ და მაიმედებ, ირაკლი!

ორივე კაბინეტში შედის, ირაკლი მხარზე გადაკიდებულ ჩანთას იხსნის და სკამზე ჯდება.

სალომე – მთელი დღეა, ცუდ გუნებაზე ვარ... ტელევიზორს ვუყურებ დილიდან.

მასწავლებელი თაროდან ვაზას იღებს. სამზარეულოდან გამჭვრივალე, წყლით სავსე დოქი შემოაქვს. წყალს ვაზაში ასხამს და შიგნით თაიგულს დებს.

ირაკლი – მადამ, მანდ კარგს არასოდეს იტყვიან! მე საერთოდ არ ვუყურებ. არ მიყვარს. თან რა არის

იცით, ტელევიზორს ვერ ვუყურებ იმიტომ, რომ იმნამსვე იწყება თარგმანი. (სერიოზულად) იმნამსვე ფრანგულ სინქრონს ვიწყებ. (თან ჩანთიდან ალაგებს რვეულებს და წიგნებს).

სალომე – (ლიმილით) ეჰ, ირაკლი, ირაკლი... როგორ ხარ? რა არის ახალი?

ირაკლი – მე, კარგად. მამა იყო ცუდად, გული ხომ აწუხებს და...

მასწავლებელი მოპირდაპირე მხარეს იკავებს თავის ადგილს.

სალომე – (შენუხებული) უი, რა ცუდია. არა უშავს, ირაკლი, ყველაფერი კარგად იქნება. (მოულოდნელი აღმაცერობით) გული ვის არ აწუხებს... (პაუზის შემდეგ) გამახსენე დავალება.

ირაკლი – წასაკითხი მქონდა ეს მოთხრობა, (წიგნს უთითებს და უწვდის) მოსასმენი ეს სიმღერა (დისკს უწვდის), სავარჯიშოები – თავისთავად და 300 სიტყვიანი ესე დასაწერი.

სალომე – მოგეწონა?

ირაკლი – მოთხრობა და სიმღერა მომეწონა. სავარჯიშო და ესე თქვენ უნდა მოგეწონოთ, მადამ. (ირაკლი აღმაცერად შეხედავს მასწავლებელს).

სალომე – რა სასაცილო ბიჭი ხარ! (თან სავარჯიშოების რვეულს იღებს და კითხულობს). ირაკლი, შეგიძლია, მოთხრობა შეაფასო? რატომ მოგეწონა? (მასწავლებელი თავს არ წევს რვეულიდან).

ირაკლი – ეს არის სასონარკვეთილი ადამიანების ყოფა, სადაც სამყაროს დასასრულის და აპოკალიპტურობის განცდა ჭარბობს. (ერთმანეთს მიყვრის ირაკლი).

სალომე – (დაბნეული ახედავს ირაკლის) – კი, მაგრამ, აბა, მომეწონაო?!

ირაკლი – მე მოთხრობა მომეწონა, მადამ, და არა პერსონაჟები და მათი მოწოდებები.

სალომე – რატომ, ირაკლი? შენი აზრით, სამშობლოს სიყვარული სასონარკვეთაა? თუ მოდური აღარ არის დღესდღეისობით?

ირაკლი – მადამ, მე ასე არ მითქვამს. მე, უბრალოდ, არ ვიზიარებ მთავარი გმირის შეხედულებებს. მე არასოდეს დავტოვებ საყვარელ ადამიანს! არაფრის გულისთვის და არავის გულისთვის!

სალომე – მაგრამ ამ შემთხვევაში ხომ ღირდა?

ირაკლი – რა ღირდა, მადამ? (ირონიული გაკვირვებით) ლალატი?

სალომე – იქნებ ეს ღალატი არ არის? იქნებ, უბრალოდ, ცუდი დასასრულია, არ შედგა სასიყვარულო ამბავი, Voila!

ირაკლი – მადამ, თქვენ ალბათ მთავარი გმირის წარმომავლობა, ელევანტურობა და საუბრის მანერა ისე გიბოლავთ, რომ მზად ხართ, ყველაფერში გაამართლოთ.

სალომე – ირაკლი, ცხოვრება სხვა რეალობას ითხოვს დროთა განმავლობაში. წარმომავლობაც ბევრს განაპირობებს ხოლმე, ელევანტურობა კი შინაგან კულტურაზე მეტყველებს... ჩემი თაობა, ყოველ შემთხვევაში, ამ დეტალების წყალობით იქცა თაობად და შენ ამას ერთ დღესაც აუცილებლად მიხვდები.

ირაკლი – შესაძლოა, მადამ, მაგრამ მე ჯერ ხომ საკმაოდ ახალგაზრდა ვარ?!

სალომე – მაგრამ ეს არ გარიდებს პასუხისმგებლობას.

ირაკლი – ვის ნინაშე, მადამ?

სალომე – საკუთარი თავის, ირაკლი. იმიტომ, რომ სხვა დანარჩენი ეგოიზმია. ჩვენი ახალგაზრდობა, სილალის და უდარდებლობის მიუხედავად, ამ პასუხისმგებლობას მაინც გრძნობდა.

ირაკლი – როდის, მადამ? (ირონიულად).

სალომე – ყოველთვის! (მკაცრად).

ირაკლი – რატომ გაბრაზდით, თქვენ მკითხეთ, მოთხრობა თუ მოგეწონაო, მე გითხარით, რომ მომეწონა. უბრალოდ, მთავარი გმირი... როგორ გითხრათ, სხვა თამაშს თამაშობს, (არტისტულად) როგორც ერთი მწერალი იტყოდა, სხვა ჯინსები აცვია. (ღიმილით) მას სიყვარული არ შეუძლია და სხვა რალაცებით ამართლებს ამას. და თან, მე არ მჯერა ტრანსპარანტების, მადამ.

სალომე – როდის ნახე ბოლოს ტრანსპარანტები? (ნიშნისმოგებით)

ირაკლი – დღეს.

სალომე – მაინც, სად?

ირაკლი – თქვენი სახლის სადარბაზოს კარზე, მადამ.

სალომე – (თითქოს შეიმუშუნება) კარგი, კარგი. (მხრებში გასწორდება. სახეზე ეტყობა კმაყოფილება, თითქოს ირაკლის უკომპრომისობით ერთგვარი სიამოვნებაც განიცადა) ნაიკითხე შენი 300 სიტყვიანი თემა, თუ როგორც შენ ეძახი – ესე!.. როგორ დაასათაურე?

(ირაკლი რვეულს გადაშლის და სალომეს ქვემოდან ახედავს).

ირაკლი – მარტივად, მადამ, – „ჩემი საყვარელი მუსიკოსი“. (ირაკლი ჩაახველებს და კითხვას შეუდგება):

„მას არ სჯერა პოლიტიზებული როკ-ვარსკვლავების – ბონოსა და სტინგის მოძღვრების. ავანგარდული

მუსიკის ალქიმიკოსი სულ უფრო კონცეპტუალურ და პოლიტიკურ ალბომებს ქმნის. დღეისთვის, თანამედროვე მუსიკაში ის უნიკალური შემოქმედია, მოუსვენარი ნოვატორი, პროფესიონალი პიანისტი და სუპერვარსკვლავი. ოთხი წლის ასაკში მან პიანინოზე და ვიოლინოზე დაკვრა დაიწყო. შვიდი წლის ასაკში სკოლის გუნდში მღეროდა. BBC-ის ხმის ტექნიკოსის შვილმა მალე საკუთარი სახლის საყოფაცხოვრებო ნივთები მუსიკალურ ინსტრუმენტებად აქცია: სარეცხი მანქანის, ტოსტერის და კბილის ჯაგარის ხმები მან მუსიკისთვის გამოიყენა“...

(მთელი მონოლოგის მანძილზე სალომე ირაკლის აღფრთოვანებული შესცქერის).

მოულოდნელად ისმის მობილურის ზარი. ირაკლი კითხვას წყვეტს და ჯიბიდან მობილურ ტელეფონს იღებს.

ირაკლი – (ჩურჩულით) დედა, გაკვეთილზე ვარ, ხომ იცი, ნუ. (პაუზა) რატომ? რა საქმე გაქვს? კაი, ხო. (დაბნეული და შეწუხებული ირაკლი მასწავლებელს უწვდის ტელეფონს) – თქვენ გთხოვთ.

სალომე – (დაბნეული) ალო, დიახ, არა უშავს. დიახ... (დაძაბული)... რას ამბობთ! დანამდვილებით იცი? (მასწავლებელი თითქოს სუსტდება, პატარავდება და შიში იპყრობს). ანუ უკვე ამაზე საუბარი? სად მოისმინეთ? (პაუზა) თავისთავად ცხადია, რომ საშიშია. (პაუზა) რა ვთქვა, არ ვიცი... დილიდან ცუდი შეგრძნება დამყვება, კი ვიფიქრე, დღეს ირაკლის დაფურეკავ და იქნებ გაკვეთილი გადავდოთ-თქო, მაგრამ მე... (პაუზა). არა, ხმა ჯერ არ გაგვიგია... (პაუზა). ირაკლი?... არა. დრო და ვითარება გვიჩვენებს... ნუ იდარდებთ. (პაუზა). დამშვიდდით. (პაუზა) არა, ეს ჩემთვის ძალიან მნიშვნელოვანია! მშვიდობით.

ირაკლი – რა უნდოდა, მადამ?

მასწავლებელი ფეხზე დგება.

სალომე – იცი, ირაკლი, დედამ მითხრა...

ირაკლი – მამა მოკვდა? (ირაკლიც ფეხზე დგება).

სალომე – არა. (თავს ნერვიულად გააქნევს). არა, ირაკლი, დანყნარდი.

ირაკლი – რა გითხრათ?

სალომე – მოკლედ, შენ დღეს, აქ უნდა დარჩე, ირაკლი!

პირისპირ მდგომი მასწავლებელი და მოსწავლე ერთმანეთს თვალელებში ჩასჩერებიან.

პირველი მოქმედების დასასრული

მეორე მოქმედება

მასწავლებლის საძინებელში მკრთალი შუქი ბუუტავს. ოთახში დგას ერთკაციანი ლოგინი, ტახტი და ტანსაცმლის კარადა. დასადგამი სარკის კიდეზე მიხეები კიდა. ძირს სხვადასხვა ზომის ზარდახშებიანი მინყობილი.

სიჩუმეა. სიჩუმეს არღვევს გარედან შემოსული ვერტ-მფრენების ხმა.

ლოგინზე წევს მასწავლებელი. ტახტზე – მოსწავლე.

ირაკლი – ვერ ვიძინებ.

სალომე – დაითვალე.

ირაკლი – (პაუზის შემდეგ) პარიზში ნამყოფი ხართ, მაღამ?

სალომე – კი.

ირაკლი – მე – არა, მაგრამ კარგი ლექსი ვიცი.

სალომე – აბა!

ირაკლი – „...პარიზის არყით მთვრალი საღამო,

მიმქრალი შუქის ნისლით ნაგები...
მწვანე ტრამვაის გიჟურ სიმღერას

მკერდზე იწერენ ლიანდაგები“...

გიიომ აპოლინერი. Voila!

სალომე – (პაუზის შემდეგ) კარგი თარგმანია.

ირაკლი – მაღამ, რა არის მთავარი თარგმანის დროს?

სალომე – თარგმანი უნდა იყოს უანგარო და არა ბოღმანი.

ირაკლი – ხო, მეც ასე მგონია... (პაუზა) და მაღამ, თქვენი თაობის, ასე ვთქვათ, ბიოგრაფია „სამი მუშ-კეტერიდან“ იწყება?

სალომე – შეიძლება ითქვას... დაიძინე! დაიძინე, ირაკლი! (დაჟინებით თხოვს მასწავლებელი).

ირაკლი – კი მაგრამ, არ მეძინება და როგორ დავიძინო?

სალომე – უნდა დაიძინო!

ირაკლი – როგორ?

სალომე – რამე კარგზე იფიქრე.

ირაკლი – ანუ თქვენზე, მაღამ?

სალომე – ირაკლი! (მკაცრად)

ირაკლი – გინდათ გაგაცინოთ? სოფელში რომ ვიყავი, მეგობრის ბაბუამ იცით, რა გვასწავლა? თუ გინდა შეიტყო, ქალი ქალწულია თუ არა, აილე ამბრა-გის თესლი, რალაც სომხურია მგონი, კარგად დანაყე და წყალში გაზავებული დააღვეინეო. თუ მაშინვე მოფსა, ნახმარია, თუ ნახევარი საათის შემდეგ, ქალწულიაო. (იცინის) ასე თქვა, ზუსტად ასე. ნახმარიაო.

(ირაკლი სულელივით იცინის).

სალომე – (მკაცრად) ზედმეტი ხომ არ მოგდის?

ირაკლი – არა... ეს ისე, რომ გაგამხიარულოთ.

(ტახტიდან დგება) მაშინ ჩავრთავ იმ სიმღერას, რისი ტექსტიც დამაზებურებინეთ, მაღამ.

ირაკლი დგება და რთავს სიმღერას. ისმის ჟაკ ბრელის სიმღერა Ne me quitte pas.

ირაკლი – არ ვიცეკვოთ?

სალომე – ირაკლი, ცუდად თუ მოიქცევი (თითქოს ენა ებმებაო), ჩე... ჩემიიი ხელით მიგიყვან სახლში.

ირაკლი – ვერ მიმიყვანთ, მაღამ სალომე... (ნელა და ერთგვარი იმედგაცრუებით) აქედან რომ ვერსად გავ-ალთ, გგონიათ არ ვიცი? (პაუზა). თქვენ მე დებილი გგონივართ? ან იქნებ იმპოტენტი? გგონიათ არ ვიცი, რომ მე ხვალაც აქ ვიქნები და ზეგაც და საერთოდ, შესაძლოა, ერთად მოვკვდეთ ამ პატარა სახლში?

გგონიათ, აპოლინერი მენახლისება? თქვენ დედაჩემივით ხართ... (ნერვიულად აქნევს ხელებს). არა, სალომე! თქვენ გულს ვერ ამიჩუყებთ.

თქვენ გიყუდებით სასწავლებლად დასაველეთში წა-სულ ბურჟუებზე. მე – არა! ყოველ გაკვეთილზე იმას მიყვებით, ტიფით გარდაცვლილი ოცი წლის მომხიბ-ვლელი ფრანგი მწერლის – რაიმონდ რადიგეს დაკრ-ძალვის ხარჯები კოკო შანელმა გაიღოო.

და რა მერე, მაღამ? ერთიც მკვდარია და მეორეც. ბედნიერების გარანტიას ვერაფერი იძლევა. და ამან გამოუმშრო ხახა თქვენნაირებს.

თქვენ ახლა გეტირებათ იმაზე, რაც გარეთ ხდება. მე – არა, მაღამ. იცით, რატომ? იმიტომ, რომ ეს თქვენ ხართ გამუდმებით ბედნიერების გარანტიის მოლო-დინში და, შესაბამისად, ბევრი გაქვთ დასაკარგი. მე – არა! მე ახლა უნდა დავინყო ყველაფერი. მარტომ.

(თითქოს როლში შედის) მე გადავწყვიტე, მაღამ – ჩრდილოეთის ორაგულივით ვიქნები!

სალომე – გამუდმებით დინების წინააღმდეგ? (დასუს-ტებული)

ირაკლი – ხშირად საკვების გარეშე, მაგრამ მხოლოდ უსაფრთხო ადგილას დავყრი ქვირითს. ხო! თქვენგან განსხვავებით!

პაუზის შემდეგ დამშვიდებული ირაკლი სინაულოთ ამბობს:

ირაკლი – არ შეიძლება, დუმილმა რომ შეცვალოს? არ დავანგრიო და არ ვიყვირო. არ შევცვალო ცხოვრება. არ შეიძლება, თავისით რომ დაემხოს?

ირაკლი ნელა, დამარცხებული, ლოგინში ბრუნდება. სიჩუმეა ერთი-ორი წუთი.


ირაკლი – მაღამ! (პაუზა) Je tam.

ფარდა

ამარბი

დათო ტურაშვილი

მახსოვს ის დღე, როცა ნენე გავიცანი და უფრო სწორად კი მახსოვს ის ადგილი, სადაც პირველად ვნახე ნესტან კვინიკაძე, რომელიც იდგა ერთი ნახატის წინ, ერთ საგამოფენო დარბაზში და ექსპონატებს ათვალიერებდა. ბევრი ცუდი თვისება მაქვს, მაგრამ ეს მაინც განსაკუთრებით ცუდია და ვინმეს რომ გამაცნობენ ან ჩემით დავინტერესდები ხოლმე (რომელიმე ადამიანით), თვალს (უწებლივით), მისი ფეხსაცმელებისკენ გამიღებინებს და თუ ფეხსაცმელი არ მომწონს, მერე ის ქალიც ნაკლებად მაინტერესებს. მაშინ, როცა ნენე ვნახე (პირველად), ისეთი ცუდი დრო იყო, რომ უამრავ ადამიანს თბილისში, თურქული წარმოების ფეხსაცმელი ეცვა და უცებ, ნესტანის ფეხებს რომ დავხედე, მართლა პირი დავაღე და ასე პირდაღებულმა (და მისი ფეხსაცმელებით აღვრთოვანებულმა) გავიცანი მწერალი ნესტან კვინიკაძე. რასაკვირველია, მაშინვე მივხვდი რომ პროზას წერდა (როცა მითხრა ვწერო) და რასაკვირველია, მალე დავმეგობრდი, რადგან ასეთ მშვენიერ ადამიანებს (სამეგობროდ), ყოველთვის ისედაც ვეძებდი და ახლაც ვეძებ ხოლმე. ხოლო როცა მისი მოთხრობები წავიკითხე, მერე კიდევ უფრო შემიყვარდა ნენე, თუმცა არა მხოლოდ მისი წერის ნიჭის გამო, რადგან მთავარი, მაინც, მგონი ადამიანად ყოფნის ნიჭია და ეს კი მაშინ, იმ ცუდ წლებში, მითუმეტეს ადვილად აღმოვაჩინე. იმ ცუდ წლებში კი, მხოლოდ იმით შეიძლებოდა თავის დამშვიდება, რომ ჩვენს მეზობელ ქვეყნებშიც, არანაკლებ მძიმე მდგომარეობა იყო მაშინ, მაგრამ ძალიან მალე, განსხვავებაც გამოიკვეთა და განსაკუთრებით კი თურქეთში. მართალია, თურქებს სამამულო ფეხსაცმელებით გაუმჯობესება მაინც გაუჭირდათ, მაგრამ (სამაგიეროდ), კინო და თეატრი, ფეხბურთი და მდიცინა, ეკონომიკა და სოფლის მეურნეობა (და კიდევ ძალიან ბევრი რამ), ძალიან სწრაფად განავითარეს. ჩვენც ძალიან გვინდოდა, რომ ჩვენი ქვეყანაც ძალიან მალე შეეცვლილიყო უკეთესობისკენ და გვინდოდა რომ ჩვენი წვლილიც შეგვეტანა ამ პროცესში და გვეჯეროდა რომ წიგნსა და ლიტერატურასაც შეეძლო ადამიანის, საზოგადოებისა და სახელმწიფოს გაუმჯობესება. ყველაფრის საფუძველთა საფუძველი კი, ჩვენი აზრით, მაინც თავისუფლება იყო და რადგან ლიტერატურისთვის თავისუფალი სივრცე, მაშინდელ საქართველოში, მხოლოდ გარეთ, ქუჩაში არსებობდა, ჩვენც ქუჩის აქტივობით დავინწყეთ. პოეტურ და პროზაულ ტექსტებს (სანამ ლიტერატურული სარდაფი გაჩნდებოდა), პირდაპირ ეზოებში, ბაღებსა და ქუჩებში ვკითხულობდით და გაზაფხულის ერთ საღამოს, პოეზიის საღამო, ზუსტად მრგვალ ბაღში გავმართეთ, მაგრამ სულ არ გავგხსენებია რომ იქვე (სულ ორიოდ ნაბიჯში), საქართველოს მაშინდელი პრეზიდენტი ცხოვრობდა. უფრო სწორად კი, შევარდნაძე კრწანისის რეზიდენციაში ცხოვრობდა (ოჯახთან ერთად), მაგრამ ვაკეში, მრგვალ ბაღთანაც ჰქონდა სახლი და ლექსების კითხვა დავინწყეთ თუ არა, სულ რამდენიმე წუთში, პოლიციის სპეცნაზმა ალყა შემოგვარტყა. ეტყობა, კიდევ უფრო დაწინაურების მომლოდინე, აქტიურმა და მონდომებულმა პოლიციის უფროსმა, ძალიან ხმაბლად და ომხიანად იკითხა, -



აქ რა ხდებოდა და ნესტან კვინიკაძე კი, ძალიან მშვიდად, ხმაბლად და წყნარად უპასუხა - გაზაფხულის საღამოა მშვიდი...

ნენე რომ გავიცანი, პატარა თუ არა, ძალიან ახალგაზრდა ნამდვილად იყო და მაშინაც მიკვირდა (გულწრფელად) და ახლაც მიკვირს, თუ როგორ შეიძლება რომ უკვე ასეთ ასაკში, ადამიანს, ასეთი ჯანმრთელი და ზუსტი ფასეულობები ჰქონდეს ჩამოყალიბებული და ასე პრინციპულად ერთგული იყოს ყველაზე მთავარი და მნიშვნელოვანი ღირებულებების. თუმცა, ყველაზე მთავარი, რაც ნესტან კვინიკაძეს სხვებისაგან (და არა მხოლოდ მწერლებისგან) გამოარჩევს, სწორედ სხვებისადმი დამოკიდებულებაა და დღევანდელ საქართველოში, მზრუნველობის ასეთი უნარი, მგონი მართლა უჩვეულო და იშვიათი მოვლენაა. ეს სიტყვა მზრუნველობა, შეიძლება ცოტა პათეტურადაც კი შელერდეს, მაგრამ სხვა რა უნდა ერქვას ნენეს დაუსრულებელ სურვილს, რომ ყოველთვის ისეთი ჟურნალის გაკეთება შეეძლოს, სადაც უამრავ კოლეგასა თუ არაკოლეგას, წერისა და მუშაობის საუკეთესო საშუალებას შეუქმნის. როცა რაღაცის გაკეთება ასე ძალიან გინდა, გამოგდის კიდევ და ნესტან კვინიკაძეც ყველაფერს გემოვნებით და ხარისხიანად აკეთებს და ეს მხოლოდ ლიტერატურას არ ეხება. თუმცა, პირადად მე, როგორც მისი ერთგული მკითხველი, რასაკვირველია ვისურვებდი, რომ სამი შვილის აღზრდისა და ყველა დანარჩენი საქმიანობის პარალელურად, ნენემ იმ წიგნების დასაწერადაც მოიცალოს, რომელიც მე ნამდვილ სიამოვნებას მანიჭებს...

P.S. ნესტან კვინიკაძის პირველ წიგნს „ამარბი“ ერქვა და ეს სიტყვა შემერულად, ნამდვილ თავისუფლებას ნიშნავს...

დღე თამაშობისა

(ფრაგმენტი გამოუქვეყნებელი რომანიდან)



ფრაუ ელფრიდა და ჰერ ტომას, დიდი მადლობა იმ ყურადღებისთვის, რასაც ჩემი ბიჭისთვის იჩენთ. ისიც ვიცი და მისხარია, რომ თავადაც მონდომებულია, კარგად სწავლობს და დილაობით ლოგინსაც ალაგებს. დაბადების დღეც ჩინებული გადაგიხდიათ. მატარებლის ფორმის ტორტი გამოგიცხვიათ და სხვა მისი თანაკლასელები მოგიწვევიათ. მერე პიანინოზე დაგიკრავთ ფრაუ ელფრიდა. გმადლობთ, დიდი მადლობა.

ჩვენთან სატელეფონო კავშირი ჭირს, გვპირდებიან, მაღე მოგვარდებო, რაც იმედს მძღვეს, რომ გაცვლითი პროგრამის დასრულებამდე მოვახერხებ თქვენთან პირადად გასაუბრებას და შესაბამისი სამადლობელო სიტყვების თქმას.

ფრაუ ელფრიდა და ჰერ ტომას. ახლა ჩემს ბიჭს უჩვეულო მოვლა სჭირდება. ორი-სამი კვირა გთხოვთ, შენიშვნა არ მისცეთ, არ უთხრათ ხმამალალი სიტყვა, რომც დააშავოს რაზე. მომთხოვნი არასოდეს ყოფილა და თუ მოითხოვა რაიმე, გთხოვთ, შეუსრულოთ და შემდეგ გამოუქვითოთ. შესაძლოა, აგრესიული იყოს, მაგრამ ფრაუ ელფრიდა და ჰერ ტომას, უშირჩილესად გთხოვთ, არ მიაქციოთ ყურადღება.

უჩვეულოდ მოგეჩვენებათ, მაგრამ გთხოვთ, ნითლად მოურთოთ ოთახი. სასურველია, ნითელ თეთრეულში იწვეს, ფარდები და მაგიდის გადასაფარებელიც... იქნებ... განათებაც რბილი მოწითალო იყოს. ანგელოზები დაუკიდოთ სადმე ჭალთან. სანთელი დაუნთოთ ოთახში და ხშირად ჰკითხოთ, რამე ხომ არ სურს.

ფრაუ ელფრიდა და ჰერ ტომას. თქვენში, შესაძლოა, ეს მხოლოდ ინფექციაა, რაც სხეულზე გამონაყარში და მაღალ ტემპურატურაში გამოიხატება, მაგრამ აქ, ჩვენთან, მას ბატონები ჰქვია. იცით, ფრაუ ელფრიდა და ჰერ ტომას, თითქოს ამ დროს ადამიანში ბატონები მოზრძანდებიან და ისინი ბატონობენ სამფლობელოში, სხეულში. და როგორც ბატონებს არ აბრაზებენ, ყველაფერს უსრულებენ, სწორედ ასევეა ჩვენებური სახადის დროს. სულ ასე იყო უხსოვარი დროიდან და ყველა იცავდა ამ წესებს, რადგან, ღმერთმა დაიფაროს, ბატონები თუ გაბრაზდნენ, შესაძლოა არასოდეს წავიდნენ.

კიდევ ერთი, არ თქვათ, რომ ჩემი ბიჭი ავად არის, ამას ავადმყოფობას არ ეძახიან ჩვენში, – ეს სახადია, ბატონებისთვის მოსახდელი.

და ბოლოს, ფრაუ ელფრიდა და ჰერ ტომას. მეტისმეტად მერიდება ამის თქმა, მაგრამ, როცა ოჯახში ასეთი ბავშვია... მერიდება, როგორ გითხრათ... ნუ... მოკლედ, ქალს და კაცს შორის ურთიერთობა არ შეიძლება... მაპატიეთ, ფრაუ ელფრიდა და ჰერ ტომას. თუ ყველაფერს დავიცავთ, ორ კვირაში ბატონები წავლენ და ყველაფერი დალაგდება.

არც კი ვიცი, როგორ გითხრათ მადლობა.

ფრაუ ელფრიდა და ჰერ ტომას. ბოდიშს გიხდით და კიდევ ერთხელ, დიდი მადლობა.


მას შემდეგ დიდი დრო გავიდა, რაც დედაჩემმა ეს წერილი გამოაგზავნა და მართლაც დაუვინყარი შთაბეჭდილება დატოვა ჩემს მასპინძლებზე. ჩემს ფიქტიურ მშობლებზე, რომლებიც გაცვლითი პროგრამის წყალობით შევიძინე.

ფიქტიურმა მშობლებმა ერთხელ, სადილზე გამომიცხადეს, ჩვენი მშობლები ნაცისტები იყვნენო. მე ლუკმა გადამცდა. მიუხედავად იმისა, რომ საფუძვლიანი ცოდნა იმისა, თუ რა ხდებოდა იმ დროს იქ, სადაც მე ახლა თბილ ღვეზელს და ცხელ შოკოლადს გემრიელად ვეტანებოდი, ნაღდად არ მქონდა.


მაგრამ სულის ვარჯიშმა, სრულიად ერის ნებამ, ჩვენ ფენიქსივით ფეხზე დაგვაცუნა. ჩვენ არასოდეს დავბრუნდებით იქ, – ასე დაასრულა ტომასმა.

დედობილი კინოცოდნე იყო, მამობილი გიდი.

დიახ, გამიმართლა.



ანუკი იმნიშვილი



[...] „ისპაჰანის ბულბულების“ უკლებლივ ყველა პერსონაჟი უძღები შვილია. შეუძლიათ, სამშობლო მიატოვონ ღარიბი ნათესავებით, რაღაც ოცნებისფერი სურვილის გამო, რომლის ახდენაც თურმე საკუთარ ქვეყანაშივეა შესაძლებელი; მიატოვონ უბრალოდ, ფოტოგრაფიის სამთვიანი კურსებისათვის, ანდა, სულაც იმ მარტივი მიზეზის გამო, რომ მათი საუკუნის „ქვეცნობიერი ცენტრი“ ნიუ-იორკია, „სადაც ყველანაირი აღბათობა დაშვებულია“. და არ იციან, რომ ისპაჰანის ბულბულებივით, მოხეტიალე მტრედებივით თუ შემოდგომის ბატებივით მათი გადაფრენა-გაფრენით ვიღაცას უხარია ან გული სწყდება ტკივილამდე. მათსა და უფროსი თაობის უძღებ შვილთა შორის ის განსხვავებაა, რომ გადაჯიშებას გადარჩენილნი არიან, ამსტერდამის შუაგულში ერთმანეთთან უცხო ენით არ საუბრობენ, გამუდმებით ამტკიცებენ საკუთარ წარმომავლობას და სამშობლოდან ძალიან შორს მყოფთ, სრულიად მარტოებს

უნევეთ მათი ერთი ბენო კულტურის დაცვა (რომელიც ყოველთვის უფრო დიდი გვეგონია, ვიდრე სხვა დანარჩენი ერთად). მაგრამ რა იქნება მერე?! მერე, როცა სამშობლოში დაბრუნდებიან. არაფერი, გარდა იმისა, რომ უფროსი თაობის ემიგრანტთა დამახასიათებელ სიყალბეს ასცდებიან. მაგრამ ის ნამდვილია, რომ სამშობლოში დაბრუნებას არაფერ ჩაუთვლით გმირობად. არც ოთოს ეგონა სამშობლოში დაბრუნებული ასტამური გმირი: „ხუთმეტრიანი სირაქლემების და სამითა ცხენისმავარი პიპარონების საძებნელად რომ გარბოდი, ყველას აქ რომ გვეტოვებდი, გამუდმებით ცაში რომ იყურებოდი და პატარა კენჭიც ფეხს გიბრუნებდა, რას შერებოდი მთელი ეს დრო, ბიჭო?! „არც თავს მოვიკლავ არც ვინმეს მოვაკვლევინებო“ – ეს იყო შენი ბოლო სიტყვები და ნახვედი. ჩვენ აქ ვიყავით, ასტამურ, და მაგრად გვეკიდა შენი ბულბულების გადაფრენა. ყველანი ვიყავით პოეტები, ძმაო, მაგრამ გაყინულ ტრამვაიში რაღაც ველარ ვიგორქენით ამის აუცილებლობა“.

თაობაც კი არ არის ერთიანი. გაორებულია, გაყოფილია. ერთნი (ოთო), რომელთაც პოეტობის აუცილებლობა ვერ იგრძნეს ომების ქაოსში და არ იციან, რა უპირატესობა აქვს სამშობლოდან გადახვეწას. და მეორენი (ასტამური, ნიკა), რომელთაც სტერეოტიპების დასანგრევად რაღაც პროფესია აურჩევიათ, ბაბუის დანატოვარი ოთხოთახიანი ბინა უყოყმანოდ გაუყიდათ და საკუთარი ქალაქი მიუტოვეთ მთელს მთაწკარამდე ერთად ან მის გარეშე. თან აქედან მიჰქონდათ ცოდნა, რომელსაც იქ გააღრმავებდნენ. მათ, უბრალოდ, „გადაფრენის ინსტინქტი“ არ ასვენებთ.

ასტამური, რომელიც ბედს თუ ბედისწერას უსაკო ასაკში ძმისმკვლელად ექცია, იმავე ასაკიდანვე იყო გაორებული. არ იცოდა, ასტამური იყო თუ ფარეზი, თავის ტყუპისცალი, რომელიც უბედურმა შემთხვევამ იმსხვერპლა. ორი ქალი უყვარდა. ან ვერ ხვდებოდა, რომელი უფრო უყვარდა თუ უფრო სჭირდებოდა, ტატა თუ ნატაშა. 16-17 წლის ასაკში მტკიცედ გადაწყვიტა, ფრინველების შემსწავლელ მეცნიერებას დაუფლებოდა, როგორც აღნიშნულია, სტერეოტიპების დასანგრევად, არადა, ბავშვობიდან უყვარდა ჩიტები და ცაში ყურება. მოკლედ, დარწმუნებული არც იმაშია, პროფესია ბავშვობისდროინდელი ინტერესის გამო თუ თაობის სტერეოტიპების დასანგრევად აირჩია. სამაგიეროდ, ოცნება ერთი ჰქონდა და ისიც ორნითოლოგიური – ერთხელ მაინც ენახა ისპაჰანის ბულბულების გადაფრენა. ხოლო ამ ოცნების ახდენას თვითშემეცნებისა თუ თვითდამკვიდრების მცდელობაზე მიჰყავს. ხელმოცარულ უძღებ შვილს სამშობლოში კიდევ ერთი პროცესი აქვს გასავლელი, განკურნების მავარი.

ნითელა ბატონები რომანში კვაზი სიმბოლური სახეა. ბავშვობაში ასტამურს ნითელა შეეყარა შემოდგომის ბატების გადაფრენისას, ანუ ბავშვობაში დაავადდა სურვილით, რომელიც გადაფრენის ინსტინქტს ვერ დაექვემდებარა. სამშობლოში დაბრუნებული, ისპაჰანის ბულბულების გადაფრენისას დაავადმყოფდა ბატონებით ანუ განიკურნა სურვილისაგან, რომელიც გადაფრენის ინსტინქტზე იყო დაქვემდებარებული. მაგრამ საბოლოოდ „გადარჩა“ თუ არა ასტამური (მთლიანად თაობა), რომანში მთლად უპასუხო კითხვასავით არ არის მიტოვებული. [...]

[...] რომანი მკითხველში ბევრ ასოციაციას აღძრავს. „ცნობიერების ნაკადის“ ფრაგმენტულობითა და კვაზი მითოლოგიური სიმბოლოებით „ისპაჰანის ბულბულებს“ ნეომითოლოგიური რომანისკენ აქვს მიდრეკილება. ტექსტში კვაზი მითოლოგიური სიმბოლოა წყალი – „წყალში სამოგზაუროდ ისინი მიდიან, ვისაც ხმელეთზე არ დაედგომებათ“. ქართულ მითოლოგიაში წყალი მარადიული ბრუნვის სიმბოლოა, განახლებისა და განწმენდის. ასტამური, ნატამა და ტატა წყალში სამოგზაუროდ „განსანმენდა“ კი არ მიდიან, არამედ იმითომ, რომ ხმელეთზე აღარ დაედგომებათ, მაგრამ იქაც, „ზიზილაგამოტენილი თევზების სამყარო უფრო რეალურია, ვიდრე მათი“. ასტამურისთვის (მთლიანად თაობისთვის) უცხოეთში გამგზავრება და შემდეგ დაბრუნება სახადივით იყო, ხოლო მისი განწმენდა და განახლება ნითელა ბატონების მოხდა.

რომანის ბოლოს (რომელიც შეიძლება ავტორის მონოლოგად ჩაითვალოს) მაინც მტკიცდება ამ თაობის უპირატესობა – „ისინი სულ დარჩებიან ასეთივე დაუოკებელი პატრიოტები, ურჩი ახალგაზრდები, ხესავით მოუდრეკელები და თავისუფლები“. სწორედ ამ თავისუფლებით, ჭეშმარიტებისა და საკუთარი თავის ძიებისთვის არიან უპირატესნი და არა ადამიანური სისუსტის – სიმშვიდის მოპოვებისათვის. [...]


„ნიგნები – 24 საათი“, 2008

[...] დიას, ნენე კვინიკაძის ნიგნში უახლესი საქართველოს (და არამარტო საქართველოს) პორტრეტი იხატება – დანანევრებულად, როგორც კუბისტებთან... ავტორი, როგორც პრეზენტაციზზე დათო ტურაშვილმა აღნიშნა, ნიგნის შესავლიდან ფინალამდე შენიღბულია, მისი ასაკისა და სქესის „დადგენა“ მკითხველს ძალიან გაუჭირდება... არადა, ავტორის მონოლოგი, მისი განსჯა, მისი დაკვირვება „იაგუარების ტექნოს“ ძირითად ნაწილს იკავებს; დანარჩენი კოლაჟური „ჩართვებია“, ისე, როგორც დადაისტებთან – გაზეთებში გამოქვეყნებული განცხადებები, საინფორმაციო სააგენტოების ცნობები, სტატიები. ნიგნის გმირი გვიამბობს სატელევიზიო ტოკ-შოუში მუშაობის საკუთარ გამოცდილებაზე და ჩამოთვლის პროფესიებს, რომელთანაც შეხება ჰქონია – მკითხავენ, პარაფსიქოლოგებს, სექსოლოგებს, დიეტოლოგებს, კრიტიკოსებს... მრავალ, მრავალ ადამიანს... ასე იქმნება ჭრელი სამყარო თავად ნენე კვინიკაძის ნიგნშიც და ავტორს, საერთოდ, არა აქვს პრეტენზია გააერთიანოს ეს სამყარო... ეს – თუ შეიძლება ასე ითქვას – „ოპერაცია“ თავად მკითხველმა უნდა შეასრულოს. [...]

გოგი გვახარია

რადიო თავისუფლება
კულტურული მიმოხილვა,
27 ივლისი, 2008





ჟან რუო
Jean Rouaud

გონკურების პრემიის ლაურეატი თბილისში

ფრანგული ინსტიტუტის მოწვევით, 2015 წლის მარტში, ფრანკოფონიის დღეების ფარგლებში საქართველოს ესტუმრა თანამედროვე ფრანგი მწერალი, გონკურების პრემიის ლაურეატი, ჟან რუო. იგი იუმორით აღსავსე, სადა, დახვეწილი ენით საყოველთაო ისტორიას განიხილავს ფიქციაში ამაღლებული საკუთარი ამბების, ყოველდღიური განცდების, ახლობელთა გარდაცვალებით გამოწვეული გულისტკივილის გადმოცემით; მიგვახვედრებს, როგორ მიედინებოდა ისტორია ჩვენს ცნობიერებაში, არაცნობიერებაში, ქვეცნობიერებაში. მის რომანებში არის ანალიზი ჯერ ყველაზე ახლობელისა, მერე კი გულში ღრმად ჩამარხული, ფარული კაემნისა, რომელიც ტანჯვის მიზეზია და რასაც სახელს ვერ ვარქმევთ.

შეიძლება ითქვას, რომ მასთან შეიმჩნევა თანამედროვე რომანისთვის დამახასიათებელი ერთ-ერთი თვისება: შინაგანი აფორიაქება, რომელიც განმარტავს ისტორიულ უწყისრიგობას.

ჟან რუოს შესახებ ფართო საზოგადოებას პირველად ის ახსენდება, რომ „გაზეთების კიოსკის გამყიდველმა გონკურების პრემია მიიღო“, თუმცა ეს 25 წლის წინ მოხდა. მაშინ სამ ტაბუდადებულ თემაზე – ოჯახზე, სამშობლოსა და რელიგიაზე – რომანის შეთხზვით მან ძალიან გარისკა. მაგრამ დახვეწილი სტილის წყალობით კრიტიკა გააუფნებლყო.

მის პირველ რომანს „ბოლო ათწლეულის ყველაზე გასაცარი აღმოჩენა“ უწოდეს.

„უდიდეს ზენოლას ვგრძნობდი. ვშიშობდი, როგორც ბევრი ფიქრობდა მაშინ, ერთი წიგნის მწერლად არ დავრჩენილყავი. გონკურების პრემიის ლაურეატს არც ისე კეთილგანწყობით ექცევიან.“ მაგრამ შეუძლებელია, ჟან რუოს რაიმე იარლიყი მიაკრა. მას მერე მწერალმა მრავალმხრივი ნიჭი გამოავლინა: „მე ავტორი ვარ. ვწერ ყველგან, სადაც კი შემიძლია. უბრალოდ, სხვადასხვა სფეროში გამოვხატავ თავს“, – თქვა მან ერთ-ერთ ინტერვიუში. ჟან რუოს წარმატება არ იყო შემთხვევითი: იგი დიდი ხნის განმავლობაში ქმნიდა რომანს, მუშაობდა ენაზე; ახლაც მუდმივად ხეწანავს თავის სტილს. ბრწყინვალე პროზის, ღრმააზროვანი მეტაფორების და დიალოგების შექმნას შატობრიანს, მარსელ პრუსტს, კლოდ სიმონს უმადლის.

სინამდვილეში, ჟან რუო გონკურების პრემიისგან „გათავისუფლდა“ მხოლოდ 2001 წელს, როდესაც გამომცემლობა „გალიმართან“ დაიწყო თანამშრომლობა. ეს ერთგვარი კულტურული შემობრუნება იყო: რობ-გრიესა და დიურასის გამომცემლიდან კამიუს, ჟიონოს, არაგონის გამომცემლისკენ. თუმცა, იგი სხვადასხვა გამომცემლობასთან თანამშრომლობს; 2014 წელს მისი ახალი წიგნი გამომცემლობა „დილოგმა“ დაბეჭდა. ამჟამად მწერალი ცხოვრობს და მოღვაწეობს პარიზში.

ჟან რუო დაიბადა 1952 წლის 13 დეკემბერს, დასავლეთ საფრანგეთში, მდინარე ლუარის მხარეში, მოკრძალებული მოგზაური ვაჭრის ოჯახში. 11 წლისას მამა გარდაეცვალა; შობის მეორე დღეს, მამამ მიულოცა იოანეს დღესასწაული, რომელსაც 27 დეკემბრის აღნიშნავენ. როგორც აღმოჩნდა,

ეს იყო მამის ბოლო სიტყვები, და პატარა ჟანმა იმის ნიშნად აღიქვა, რომ სახარების შემქმნელი იოანეს მსგავსად (ფრანგულად იოანე გამოითქმის, როგორც ჟან), ისიც ოდესმე აღწერდა იმის ცხოვრებას, ვინც ცხოვრობდა და გარდაიცვალა. 12 წლის ასაკში დაწერილი პირველი ლექსი, რითაც შშობელს დედის დღე მიულოცა, მამის სიკვდილით გამოწვეულ ნაღველს ეხებოდა. ნებისმიერ შემთხვევაში, ეს დიდხანს აფორიაქებდა ჟანს და 80-იანი წლების ბოლოს პირველი რომანების თემების შერჩევა არ ყოფილა შემთხვევითი.

1969 წელს ჟან რუომ ქალაქ სენ-ნაზერის სენ-ლუის კათოლიკური ლიცეუმი დაამთავრა და იმავე წელს ქალაქ ნანტის უნივერსიტეტში ჩააბარა თანამედროვე ლიტერატურის ფაკულტეტზე. ყმანვილკაცობიდანვე პოლ კლოდელის და პოლ ელუარის შემოქმედების თავყანისმცემელი იყო და მათი პოეზიით შთაგონებულმა ლექსების წერა დაიწყო. ამავედროულად წერდა სიმღერების ტექსტებს გიტარისთვის, ითუმცა, ეს ლექსები ტრადიციული, კლასიკური პოეზიის ნიმუშები კი არა, არამედ უფრო თავისუფალი პოეტური ქმნილებები იყო.

პირველი პროზაული ტექსტი ჟან რუომ 19 წლის ასაკში დაწერა. ეს იყო თეატრალური პიესა, რომელიც, სამწუხაროდ, ვერც დაიდგა და ვერც დაიბეჭდა. უნივერსიტეტის დამთავრების შემდეგ ის სხვადასხვა დროებით სამუშაოს ასრულებდა. 1978 წლიდან მუშაობა დაიწყო გაზეთში „პრეს-ოსიან“ (Presse-Océan), სადაც უძღვებოდა გაზეთის მონაწილე რუბრიკას სახელწოდებით: „რეგიონალური და სახუმარო“. მოგვიანებით წიგნად გამოცემული ეს ტექსტები გვაცნობს მის ცხოვრების სხვადასხვა პერიოდს და მის თვალსაზრისს ლიტერატურაზე.

მოგვიანებით ჟან რუო პარიზში გაემგზავრა და ჯერ მუშაობდა წიგნების მაღაზიაში, შემდგომ კი გაზეთების გამყიდველად პარიზის მე-19 რაიონში, ფლანდრიის ქუჩაზე მდებარე ერთ-ერთ ჯიხურში. 1988 წელს რუომ შემთხვევით გაიცნო გამოცემლობა მინუის დირექტორი, ჟერომ ლენდონი, რომელმაც ურჩია, თავი დაენებებინა ექსპერიმენტული, ავანგარდისტული წერისთვის და ტრადიციული რომანების წერა ეცადა. მოგვიანებით ჟერომ ლენდონი მისი პირველი წიგნების გამომცემელი გახდა.

პირველი რომანი, „ღირსების ველები“, 1990 წელს, ჯერ კიდევ მაშინ დაიბეჭდა, როდესაც ჟან რუო კვირაში სამი დღე საგაზეთო ჯიხურში მუშაობდა გამყიდველად. რომანი გონკურების პრემიის ჟიურის ერთ-ერთმა წევრმა წაიკითხა და მოეწონა. მალე, ყველასთვის მოულოდნელად, ჟან რუო ამ პრესტიჟული ლიტერატურული პრემიის ლაურეატი გახდა. „ღირსების ველებს“ არანახული წარმატება ხვდა წილად. პირველივე ჯერზე, მხოლოდ 4 თვეში 500 000 ეგზემპლარი გაიყიდა, მეორე კი მილიონს გადააჭარბა. 25 ქვეყნის გამომცემლობამ ითხოვა თარგმანის საავტორო უფლება.

წარმატებამ ავტორს საშუალება მისცა, თავი დაენებებინა საგაზეთო ჯიხურში მუშაობისთვის და თავი მთლიანად მწერლობისთვის მიეძღვნა.

„ღირსების ველებს“, ოჯახური საგის პირველ ტომს, გამომცემლობა „მინუის“ გამოცემული 4 რომანი მოჰყვა: „ცნობილი ადამიანები“ (1993 წ.), „დაახლოებით ასეთი სამყარო“ (1996 წ.), „თქვენი საჩუქრებისთვის“ (1998 წ.) და „სცენაზე, როგორც ცაში“ (1999 წ.). ამ რომანებში, რომლებშიც არავითარი ქრონოლოგიური თანმიმდევრობა არ არის დაცული, ჟან რუომ გვიამბო იმ ადამიანებზე, ვინც მასზე განსაკუთრებული შთაბეჭდილება მოახდინა ბავშვობაში, სხვადასხვა ეპიზოდებით, თბილი მოგონებებით გააცოცხლა თავისი ოჯახის ადამიანური ტრადიციის ისტორიული ფაქტების, პირველი და მეორე მსოფლიო ომების ფონზე.

2014 წ. დავით კახაბერმა შესანიშნავად თარგმნა ჟან რუოს პირველი რომანი „ღირსების ველები“. რომანში მოქმედება 60-იანი წლების საფრანგეთში სადღაც, მდინარე ლუარას ქვემო ნაწილში ხდება. ეს არის აშბავი ოჯახისა, რომელზეც თითქოს ბედისწერა გაბოროტებულა და მთავარი გმირი უმწერო მომსწრე ხდება ყველაზე ახლობელთა: მამის, დედის, პაპის, ბებიის გარდაცვალებისა. აშაში თითქოს არაფერი ორიგინალური არ არის. და მაინც, გარდაცვლილებზე თხრობისას ჟან რუო ოჯახის წევრთა თავგადასავალს ისეთი ზუსტი სიტყვებით, საოცარი სიფაქიზითა და სიტბოთი გადმოგვცემს, რომ მკითხველს შთაბეჭდილება რჩება, რომ ყველას იცნობს. მწერალი პოეტურად გვიყვება სრულიად უბრალო ადამიანების ცხოვრებას, ომისშემდგომი საფრანგეთის მრავალრიცხოვანი, დამოუბული, ძაქებით შეშინილი ოჯახების ამბებს. დიალოგების უქონლობა, გრძელი აღწერები და პერსონაჟთა პორტრეტები რეალისტურ რომანებს მოგვაცნობს. პირველ მსოფლიო ომთან დაკავშირებული მრავალი თემა ნახსენებია: ჰიგიენის ნაკლებობა, წვიმა, ტალახი, საკვების და ძილის ნაკლებობა, ყოვლისმომცველი სიკვდილი და შიში... წიგნში წინა პლანზეა წამოწეული ახლობელთა ტანჯვა. მას ნათლად ვხედავთ მატლდას (ემილის ქვრივის) პერსონაჟში, რომელიც მრავალი წელი ელოდა მეუღლის დაბრუნებას, დეიდა მარი (ემილის და ჟოზეფის და) კი საშუამოდ დლდასამული რჩება ორი ძმის სიკვდილით, და მოგონებები დააავადებენ. ომი წარმოდგენილია, როგორც ოჯახების განადგურების მიზეზი, ღრმა, შეუწორცებელი ჭრილობა. მის



ჟან რუო:


ლიტერატურა პერტიკალურია

(ინტერვიუ)

თხრობაში იგრძნობა მოკრძალება, ავტორი არ ჩანს და მკითხველი გაუბედურებული ადამიანების ბედის პირისპირ რჩება. უბრალო მინიმუმებით (კბილის პროტეზი, რამდენიმე ფოტოსურათი, ხატი) თანდათან იგება ამბავი, რომელიც სრულდება ომის ფონზე განვითარებული მოვლენებით. ოჯახის წევრების ყოველდღიურობასა და მათ გარდაცვალებაზე „დიდმა ომმა“ მოახდინა გავლენა. მკითხველი ამას მხოლოდ წიგნის ბოლოს ხვდება, და ეს თხრობას ამძაფრებს.

ამჟამად ჟან რუოს დაწერილი აქვს ოცამდე წიგნი, – რომანები, ლიტერატურული ესეები და ილუსტრირებული წიგნები, არის მომღერალი (55 წლის ასაკში დაიწყო ბლუზის სიმღერა და დისკიც გამოსცა), ყუილიტ გრეკოს, ჯონი ჰოლიდის და სხვათათვის დაწერილი სიმღერების ტექსტების ავტორი, დრამატურგი, 6 დოკუმენტური ფილმის სცენარის ავტორი. კოლეგებისგან განსხვავებით, „მხოლოდ კლასიკას რომ კითხულობენ“, მას ძლიერ აინტერესებს თანამედროვე მწერლობა; ხშირად მართავს შეხვედრებს თანამედროვე მწერლებთან საფრანგეთის სხვადასხვა რეგიონში, მხარს უჭერს მათ, მუშაობს მათთან ერთად. ყველანაირად ცდილობს, დაიცვას ლიტერატურა, როგორც სამყაროს შეცნობის საშუალება და წუხს, რომ მას ყოველი მხრიდან უტყვენ. მაგრამ ლიტერატურა იარსებებს, სანამ ჟან რუოს მსგავსი მწერლები შექმნიან ჭეშმარიტად ნატივ და გულშიჩამწვდომ თხზულებებს.

მომზადა მანანა ბოსტოლანაშვილმა




შოთა იათაშვილი: ბატონო ჟან, მე „ღირსების ველებს“ კითხვა რომ დავინყე, შემექმნა შთაბეჭდილება, რომ მთელი რომანი შეიძლება განვითარებულიყო იმ წვიმის ქვეშ, რომლითაც იწყება ტექსტი და რაღაცნაირად მოვიწუხებ ამით. მაგრამ წვიმამ უცებ გადაიღო რომანში. რა თქმა უნდა, ყველაფერი ისე იმავ ადგილას ხდება და ეს წვიმა უკვე იგულისხმება: იმდენად არაჩვეულებრივადაა წვიმა აღწერილი რომანის დასაწყისში, როგორ იგი მერვე იგრძნობა, წვიმის ხმა მაინც ჩაგესმის. მაგრამ რატომ გადაიღო მაინც წვიმამ რომანში?

ჟან რუო: ეს ნამდვილი წვიმაც არის, რა თქმა უნდა, მაგრამ ამავე დროს მეტაფორული წვიმაც იყო, იმიტომ რომ კითხვის დაწყებისთანავე მიხდოდა ნაღვლიანი გარემო შემექმნა. კიდევ ალბათ იმის სათქმელად, რომ ყველაფერი ციდან მოდის. პირველ რიგში წვიმა, რომელიც ციდან მოდის პირველ ნაწილში, მეორე ნაწილში არის მოხუცი მამიდა, რომელიც ლოცულობს და მთელი მისი მეტაფიზიკური ფიქრები მიპყრობილია ცისკენ, და მესამე ნაწილში ისევ ციდან ცვივა ბომბები. ეს არის ცხოვრებები, რომლებიც საკუთარ თავს ვერ განაგებენ. ცა განაგებს ამ ცხოვრებებს – დამორჩილებული ცხოვრებებია, ყველაფერი ცაზეა დამოკიდებული. ცოტა ირონიული მოსაზრებითაც ვამბობ ამას, რა თქმა უნდა, მაგრამ მაინც... ამ წიგნის სამ ნაწილში ცის სამი მდგომარეობაა მოცემული.

შოთა იათაშვილი: ოჯახური საგა – ეს რომანი ამ ჟანრს მიეკუთვნება, და როგორც ვიცი, მთელი ციკლი გაქვთ ამ ჟანრში დაწერილი. არის რაღაც ტრადიციული ფორმები, რომლებიც აქტუალობას კარგავენ და მკითხველი უკვე ნაკლებ ინტერესს იჩენს მათდამი. თქვენი აზრით, რა არის ამ ჟანრში ისეთი, რომ ძალიან იცვლება გარემო, უკვე ახალი ტექნოლოგიების საუკუნეა, მაგრამ მკითხველს მაინც აქვს ეს მუდმივი გამძაფრებელი ინტერესი ასეთი ტიპის ლიტერატურისადმი.

ჟან რუო: სუფთა ტრადიციული გაგებით ოჯახური საგა მაინც არ არის ეს რომანი და მე ვფიქრობ, ადამიანების, მკითხველის ინტერესი იმითია გამოწვეული, რომ ჩვენ ყველანი ერთმანეთთან ვართ დაკავშირებულები, ყველას გვაქვს რაღაც ოჯახური ისტორია... სოციალური ქსელი წარმოშობს კავშირებს. და ყველას აქვს ამ კავშირების მოთხოვნილება. ხოლო სოციალური ქსელები, შეიძლება ითქვას, რომ ჰორიზონტალურია. მაგრამ როცა წიგნს კითხულობ, ლიტერატურა ვერტიკალურია და სიღრმეში ჩადისარ. ხოლო როდესაც ვერტიკალურია ლიტერატურა ეს იმას ნიშნავს, რომ მკითხველი მუდამ ფიქრობს: საიდან წამოვიდა, როგორი იყო ჩემი ისტორია, რასთან ვარ დაკავშირებული... ყოველდღიური ცხოვრებიდან გამომდინარეც კი უჩნდება ასეთი კითხვები და ეძებს. მაგალითად, საფრანგეთში ძალიან ბევრია ისეთი ადამიანი, რომელიც პენსიაზე როცა გადის, მამის ინყებს თავისი გენეალოგიის კვლევას. იმიტომ, რომ ამას – უკა დაბრუნებას – დრო სჭირდება. და მწერლის საქმე ეს არის, სხვა არაფერი. მე ვფიქრობ, რომ მწერლის საქმეა დაბრუნება.



შოთა იათაშვილი: არსებობენ სხვადასხვა ტიპის მწერლები და ისინი ხშირად ერთმანეთს ვერ უგებენ ხოლმე. არიან სულით ხორცამდე ექსპერიმენტატორი მწერლები, რომლებიც გარეგნულად, ფორმალურ ექსპერიმენტებზე არიან გადასულიან. არიან მწერლები, რომლებიც მარგინალურ თემებს ეხებიან მხოლოდ. ამ შემთხვევაში მაინტერესებს, როგორია მათი დამოკიდებულება, როდესაც თქვენს მაინც, ასე ვთქვათ, ტრადიციული ფორმით მოწოდებულ ლიტერატურას კითხულობენ?

ჟან რუო: ასეთ მწერლებთან მე დღეს არა მაქვს ურთიერთობა, მაგრამ ექსპერიმენტული წერა რასაც ჰქვია, თელი ჩემი ახალგაზრდობა ახმა ვაკეთებდი. სტრუქტურალიზმი, დეკონსტრუქცია – სულ ამაში ვიყავი და ვვარჯიშობდი. და რაღაც მომენტში ისიც ვიგრძენი, რომ ეს ხალხისთვის გაუგებარი იყო. უკვე იქამდე მივდი, რომ ასეთი ექსპერიმენტული ნაწერი მსოფლიოს, ქვეყნის, ადამიანის შესახებ აღარ ლაპარაკობდა. ცხოვრება მოულოდნელ შემთხვევებს გვიწყობს. უცებ გამოფიზიზდები ხოლმე და ხვდები, რომ სადღაც სხვადან დარჩი და რეალობაში კი სხვა რამე ხდება. მაგალითად, სიკვდილი. როდესაც მამარჩემი სიკვდილზე დავწერე, შეიძლება ითქვას, რომ მაშინ დაგბრუნდი ამქვეყნად. მე მაინც ვფიქრობ, რომ ლიტერატურაში ექსპერიმენტებით წერა მაინც უკანაა მოტოვებული. იმაზე შორს ვერ წახვალ, რაც საფრანგეთში მოხდა 70-80-იან წლებში. როდესაც ფრაზა დეკონსტრუქციას განიცდის, უკვე არაფრისმთქმელი ხდება. ფონეტიკურ ინსტალაციას ნაავაგს, მაგრამ ლიტერატურული ველიდან ამოვარდნილია.

შოთა იათაშვილი: ალბათ „ახალ რომანს“ გულისხმობთ...

ჟან რუო: „ახალი რომანი“ ჯერ კიდევ იკითხებოდა. შემდეგ კიდევ უფრო წამოვიდა ეს ტენდენცია.

შოთა იათაშვილი: მე მგონი ბუნებრივად მივედით პოეზიამდე. თან ვიცი, რომ ახალგაზრდობაში პოეზიას წერდით. ახლა, თუნდაც ათასში ერთხელ, ხდება თქვენი დაბრუნება პოეზიასთან? ხელი გავკეცვავთ ხოლმე ლექსის დასაწერად თუ არა? ისე, ჩემი აზრით, ექსპერიმენტალიზმი პოეზიას უფრო ესადაგება, იმიტომ რომ რამდენიმე სტრიქონში ეს ექსპერიმენტი, ეს სხვანაირად დაჭერილი ფრაზა შესაძლებელია უფრო ზუსტი და გასაგები იყოს და მოხდეს ადამიანსაც გულზე, ვიდრე უზარმაზარი რომანები.

ჟან რუო: ექსპერიმენტულ წერას, მართალი ბრძანდებით, მოთხრობა და რომანი ნაკლებად უხდება. რადგან მას აწყობა, კონსტრუქცია სჭირდება. პოეზიას კი შეუძლია აფეთქებები მოახდინოს, დაშლა გააკეთოს და ემოციები ასე გამოხატოს. ამიტომ განვსახვავებ მე ერთმანეთისგან პოეზიას და ლექსს. ლექსი არის პოეზიის ადგილი. ლექსი არის ის ველი, სადაც თავსდება პოეზია. ერთგვარი კონტრაქტი იდება მათ შორის. ამიტომ მე არასდროს სპონტანურად არ გამიჩნება ხელი პოეზიის დასაწერად. ჩემი გამოხატვის ფორმა არაა სპონტანურად ლექსის წერა. ჩემი საუკეთესო მეგობარი პოეტია და მე ვიცი, როგორ მუშაობს ის – ყველაფერი მის ცხოვრებაში და შემოქმედებაში ლექსის გავლით გადის. ეს სხვანაირი, განსაკუთრებული არსებობაა ამ სამყაროში.

შოთა იათაშვილი: ანუ საერთოდ აღარ იწერება და არც იბეჭდება ლექსები და ეს პოეტური გამოცდილებაც აბსოლუტურად უარყოფილია?

ჟან რუო: არა, ჩემი ლექსები გამოქვეყნებული არ ყოფილა, და საერთოდაც, ბევრი ლექსი არ მაქვს დანერილი. რომანის გამოქვეყნებამდე ჩემი ნაწერები იყო სულ ექსპერიმენტები. შათი დაწერის მიზანი გამოქვეყნება არ ყოფილა. მაგალითად, ჰაიკუს ვწერდი ძალიან დიდი ხნის განმავლობაში, მხოლოდ იმიტომ, რომ რეალობის ასახვა შემიძლებოდა, მესწავლა. დაწერო მაღარმეს სტილში დემატერიალიზებული ნაწერი, არის საკმაოდ რთული. იმიტომ, რომ ჩვენი ქვეყნის ისტორიაში იყო გამოადტეხა, როდესაც პრეციოზული წერა შეიცვალა რეალისტურით. მე-17 საუკუნეში იყო პრეციოზული წერა, და სწორედ იმ პერიოდში წამოვიდა მოლიერი, რომელსაც უკვე რეალისტური მომენტები შემოჰქონდა, ხოლო მერე, მე-19 საუკუნეში უკვე წამოვიდნენ ბალზაკი, სტენდალი, რომელთაც რეალისტური რომანი შექმნეს და ამათ შორის, რომ გადახედოთ, თითქოს სულ ბრძოლა არის ცასა და მიწას შორის...

შოთა იათაშვილი: მარკიზ დე სადიც მათ შორის იყო.

ჟან რუო: ის ციხეში იყო (იციან). მაგრამ აი, სელინი სწორედ სიურრეალიზმის პერიოდში წამოვიდა.

შოთა იათაშვილი: მე თქვენი მხოლოდ პირველი რომანი მაქვს წაკითხული, ამიტომ მაინტერესებს, მერე რა ხდებოდა? არსებობს თქვენს შემოქმედებაში ამ ტექსტისგან კარდინალურად განსხვავებული სხვა რომანები, ან რამე ასეთი ახლა ხომ არ იწერება?

ჟან რუო: ეს ნიგინა 25 წლის წინ გამოიცა, ასე რომ, ამ ნიგინის მომავალი უკვე უკან დაგვრჩა. ამის მერე ძალიან ბევრი რამ გამოვიარე და გამოცვადე და უკვე ოთხი წელია დავინყე ახალი სერიის გამოცემა, რომელსაც ჰქვია „პოეტური ცხოვრება“. და ვეხები სწორედ იმ საკითხებს, თუ რატომ მოხდა, რომ 70-იან წლებში, როცა მე 20 წლის ვიყავი, გამოცხადდა, რომ რომანი მოკვდა. რატომ მოხდა, რომ საზოგადოებამ გამოაცხადა, რომ უკვე აღარ შეიძლება ამბების მოყოლა.

შოთა იათაშვილი: ღმერთი მოკვდაო, მანამდე გამოაცხადეს და...

ჟან რუო: ეს მთელი სერიაა: ჯერ თქვეს ღმერთი მოკვდაო, მერე თქვეს რომანი მოკვდაო, მერე თქვეს ოჯახი მოკვდაო და ასე შემდეგ... ავტორი მოკვდა...

შოთა იათაშვილი: მკითხველი მოკვდება?

ჟან რუო: მე ვფიქრობ, მკითხველი არ მოკვდება არასოდეს, მაგრამ შესაძლოა, ხალხის დაკარგოს კითხვის.

3 პოეზია

შალვა ბაკურაძე

* * *


როდესაც არ ვწერ
მგონია რომ უფრო მეტს ვიცოცხლებ
სიხარულიც ბევრჯერ გამიმეორდება და
შვილებიც სწრაფად დამიბერდებათ
ამიტომ ზოგჯერ არ ვწერ

როდესაც არ ვფიქრობ
არაფერიც არ მგონია
ნამდინარევი გუბე ვარ
ან ნებისმიერი სიცარიელე

როდესაც არ ვყვირი
ალბათ გათენებას ველოდები
ან უკვე დიდი ხნის წინ დავიწყებულ სიზმარს

როდესაც არ მძინავს
ხელისგულები მაქვს თვალებზე აფარებული
ან მთვრალი ვარ

გაზაფხულობით კანაფს ვრგავ
თითისგულებით მიწა მიყვარს და
უმისამართო იმედები
ამიტომ ზოგჯერ არ ვწერ



* * *

მომილოცეთ
გარემოს თავდასხმის მინისტრობის რამდენიმე შესაძლო კანდიდატთაგან ერთ-ერთი ვარ
ეს ბევრ რამეს მეტყველებს არამართო ჩემზე
არამედ გარემოზეც
ვთქვით იმას რომ საბოლოოდ შევიცვალე მდგომარეობა
და მყარიდან თხევადში გადავინაცვლე
შესაბამისად გარემოსაც არა გვამის ან მძორის სახით ვევლინები
არამედ წვიმის

მდინარის
ფურთხის
ღვინის და სხვ.
ამჯერად ჩემში სისხლი კი არ მიედინება როგორც ადრე მასსოვდა
მე ვიღვრები ხორცში
და რამდენიც მომინდება იმდენი ცრემლი ვარ

ერთადერთი სიტყვებს ვერ შეველიე
მასსოვხართ
ხან ფსკერზე მყავხართ
ხან შუაგულ მორევში
ხან ვიღაცის დაკარგული ცხედარით ტივტივებთ ჩემზე
თქვენი ამოსახსნელი ამოცანა ვიხსენი
და ზოგჯერ ასე მივიფსმები და ვიხსენებ
რა მერქვა გუშინნინისნინ
მინა?
მინა და გუშინნინისნინანდელი მე მხოლოდ სიტყვები ვართ
რომელთა წარმოშობასაც შეისწავლის ჩვენი სამინისტრო

ერთხელ როდესაც არ მეძინა
მომდევნო სიზმარს ვკითხე
და მან მიპასუხა
ნებისმიერი სიტყვა წინადადება იყოო
და მე არ შემშინებია
(ძალიან ოდნავ მაგრამ მასსოვს წარსული)
ნებისმიერი სიჩუმე მოლოდინი იყოო
და წყალიც ადრე ფიქრი ყოფილა
და მას სიცოცხლე შეძლებია
და სიცოცხლისა სიცოცხლით დამთრგუნველი ყოფილა
და რიცხვებიც მომდევნო რიცხვზე მეტი სიტყვა ყოფილა
და
ეს მიმართულება არის ჩვენი პრიორიტეტი
ამაზე ვიმსჯელებთ ჩვენ ყოველკვირეულ თავდასხლომებზე

თუ ვინმეს სიკვდილი დასცდება პირიდან
ჩანჩქერის ხმით ვუპასუხებ
რომ დღორბლი ვართ
რომ სიცოცხლე და სიცოცხლე ერთი და იგივეა
რომ ის რაც ხორცში შევიდა ხორციდანვე გადმოდინდება
სიტყვები კი ადრე წინადადებები იყვნენ
და მათი არ უნდა შეგვეშინდეს

ქართული ენა ღმერთების ენა არაა
უბრალოდ არსებობენ თანხმოვანშეთანხმებები
ვთქვათ „თ“ და „ხ“
რაც ჩემს მდგომარეობასაც აღნიშნავს და თიხასაც
ან „ლ“ და „მ“
ღმუილსაც და არაფერსაც
„ყ“ და „ვ“
ძირითადად ერთადყოფნას

თ
ს
მ
ყ
ვ

* * *

თუ გალვიძებაა
იმ ოთახში უნდა გაიღვიძო სადაც კედელზე
მსოფლიო პოლიტიკური რუკაა გაკრული

ევრაზია დიდა
ამერიკები – ორი
ანტარქტიდა თეთრი და ა.შ


თუ ცოდნაა
არაფრის ცოდნას ისევ ისტორიის არცოდნა სჯობს
მანდ ბორუსია ორია
მიონხენგლადბახის და დორტმუნდის
რუმინელები რომაელები არიან
სირია ქვეყანაა
აფრიკა კონტინენტი
ჩრდილოეთ პოლუსი არ ჩანს
მონღოლეთი ჩინეთის თავზეა
ინდონეზია არქიპელაგია
და ა.შ.
ჰო აშშ მარცხნივაა

იქ კი სადაც ლონდონიდან ბრიუსელამდე რომელიღაც გორა
მიზანმიმართულად აფეთქებს ნებისმიერ ხვიჩას
რომ შემდეგ უიარაღო ევრონიუსმა მამლუქი შეთხზას
და ახალი ბიბლიის დასაწერად
იურა დონეცკში კლავს მომდევნო იურას
და ტუნისიც საერთოდ არ არის კართაგენი
იქ მხოლოდ ევროპელ ტურისტებს ხვრეტენ
და პუტინიც არის ხუილო
და ობამა – შავი

ნათჯეოვაილდზე კი დევიდ ათენბორო მიყვება
როგორი სახიფათო ცხოველია ბეჰემოთი
იგივე შიპოპოტამი
და ნიანგებიც თურმე წელიწადში საშუალოდ 200 ადამიანს ჭამენ
რომ
ფუტკრის ან გველის ან ტარანტულის ნაკბენისაგან
ბევრად მეტი ადამიანი იღუპება
ვიდრე ისლამურ სახელმწიფოს ან ბოკა ჰარამის ტერორისტებისაგან
რომ წყალდიდობებს
მინისძვრებს და ხანძრებს მოაქვთ ცრემლები ვიდაცეების ოჯახებში
რომ ლიზა ჯერარდი სიღარიბეს ტირის

ისტორიის არცოდნა სიკვდილის ცოდნაა

შენ კი ჩემო საყვარელო თავო
ვინც ცისანა მიქიაშვილმა გშვა შორეულ საბჭოთა კავშირში
რამდენიმე სომხეთისა და ბევრი წყლის თავშესაყართან
ნობელიანტი მწერლების ნაცვლად



ვილაც ვერშემდგარი პოლიტიკოსის საზეპიროებს კითხულობ
და სიხარული გაშრება თვალზე
და გულში იმეორებ
ვილაც ვილაც ვილაც

შენ ეგეთი ვილაც ხარ
ხუთმა ადამიანმა მოგისმინა
სამმა თანაგვიგრძნო
ვერცერთმა გინამა
და არაღაფერს ელოდები

როგორი ადვილია შენი დამარცხება
როგორი უძლური და სუსტი ხარ
ნებისმიერ სიტყვას შენი გაქრობა შეუძლია
ნებისმიერ ღმერთს – მიუთმეტეს

ერთი ჩაუსმის ისტორია

მაშინ უკვე 19 წლის ვიყავი
17 დეკემბერს შემისრულდა ცხრაშვიტი და 28-ში თოვლიც მოვიდა
მერე ახალწლამდე სულ თოვა და თოვა და
მოკლედ უკვე 19 წლის ვიყავი და აღარც ისე მიხაროდა ამდენი სიცვიე და სითეთრე
თან ომი იყო
ქალაქი ბავშვებისაგან დაცლილი
ლამაზი გოგოებისაგან დაცლილი...

ორდღეში ერთხელ სამხედრო შტაბში მინევდა მორიგეობა
და იმ დღესაც უხალისოდ მივეხეტებოდი სახლიდან კომპოზიტორების სახლისაკენ
ამჯერად იქ ომის კომპოზიტორები ცხოვრობდნენ
და მოსტაკოვიჩისა და შნიტკეს ნოტებით იხოცავდნენ ტრაკებს
მე კი ორდღეში ერთხელ მივდიოდი ხოლმე და
კალაშნიკოვით ხელში ვიცავდი
ბიბლიოთეკაში დატოვებულ განავალს
უკ კარგი იყო ომი

ჰოდა მივხეტილობ გადათოვლილ და გაყინულ სოხუმში გელოვანის ქუჩიდან დენდროპარკისაკენ
ეს ისეთივე მანძილია რაც კიევის მაინდიდან დნებრამდე
ან Central park-ი დან უკანასკნელ ცათამბჯენამდე
ან ვარანცოვიდან დიდუბის მეტრომდე
ჰოდა მივხეტილობ
ჯერ ჭოჭუას ქუჩა გავიარე
თითქოს სკოლაში მივდივარ
მუსიკალურ სასწავლებელს გავცდი და როცა ბარათაშვილის ხიდის ქვეშ გავძვერი
ვეგრძენი რომ ძალიან მეფსმებოდა
მეფსიოდა
მარცხნივ ბოტანიკური ბაღია
მარჯვნივ – ლენინის ქუჩის თეთრი კორპუსები
აბა სად უნდა მიმეფსა?
ქალაქი ცარიელი და თოვლიანია

ჩავუარე ფილარმონიას
მერე საათიანკოშკთან მარცხნივ გავუხვიე
თოვლი ღრმაა
სიარული ჭირს
მე კი ძალიან მეფსია
მაგრამ სად მოვფსა?
ქალაქი თოვლიანი და ცარიელია და თან ჩემი

მივდივარ
მარცხენა ხელით ყვერები მიჭირავს
მარჯვენამ არ უწყის რას ჩადის მარცხენა
და ეგრე გავიარე კიროვის ქუჩა და ბესლეთის ხიდზეც გადავედი და
მივდივარ და ვერსად ვერ ვფსამ
ცარიელია ქალაქი
კაციც არ მხვდება რომ მითხრას
მიდი შვილო, შენ ახლა გეფსია და აგერ მდინარეში გადააფსი,
მაინც მთელი კანალიზაცია მასში ჩაედინება,
მიდი მიაფსი.
მაგრამ
როგორ მივაფსა ჩემს ქალაქს?

მოკლედ ერთსაათიანი ტანჯვისა და სალხინებელის შემდეგ
მივუახლოვდი სამხედრო შტაბს
მეტს უკვე ვეღარ გავუძლებდი
დავინყე ხვანჯრის გახსნა
მაგრამ
გაყინული თითებით ღილები ვერ გავხსენი
მერე კი
სასიამოვნო სითბო ვიგრძენი ლაჯებს შორის

ჩემი პირველი სიყვარულის ისტორიაც ასე დასრულდა
არ მივაფსი და ბოლოს ჩავიფსი

* * *

ვიცი შემოდგომა თითქმის ბრუნდება
და ოთახები კიდეც უფრო მშალავენ
მთელი შემოდგომა თითქმის ბრუნდება
და აღარსაით გახედვა არ მსურს

ქუჩის ხმაურიდან გზა რომ არ მესმოდეს
ჭერზე სამოცვატიანი მზე რომ არ ენთოს
ეს მექანიკური გზა რომ არ მესმოდეს
ველარცერთ ღიმოლზე გაგცემდი პასუხს

თუკი სიყვარული მართლა ეს არი
ნიშნავს ასეთი უნდა ყოფილიყო
შენი სიყვარული მართლა ეს არი
და არავისთან აღარ მაქვს კითხვა



ერთად ჩამოვსხდეთ და რამეს ვუყუროთ
თან აღარსაით გახედვა არ მსურს
ტახტზე დავსხდეთ და ერთმანეთს ვუყუროთ
და ვისხდეთ ასე დიდხანს

კიბე იშლება, იხურება...
 ესკალატორს შეყვავხარ ან გამოყავხარ
 ცხადიდან შიგნით, შიგნიდან ცხადში...
 საფეხურზე დგახარ უძრავად.
 ესკალატორი წინ მიიწევს,
 შენ – უკან დროში,
 სადაც მგზავრები კიბეებზე უკულმა დგანან:
 ზემოთ ამსვლელნი პირით ქვემოთ,
 და პირით ზემოთ – ქვემოთ ჩამსვლელნი...

კიბე იშლება, იხურება...
 ესკალატორის პოზიციიდან თუკი ვიმსჯელებთ,
 ის არ მოძრაობს „ქვემოთ“ ან „ზემოთ“ –
 გიგანტური საათია ესკალატორი,
 ერთგვაროვან წრეზე ბრუნავს,
 თითო კიბე მის ციფერბლატზე თითო ხაზია,
 ისრები კი – საფეხურებზე მდგომი ხალხი,
 და ეს ისრები
 ერთის ნაცვლად იმდენივე დროს უჩვენებენ
 რამდენი კაციც შემოდის და დგება კიბეზე...
 ესკალატორის წრეზე
 დრო მუდამ მრავალია და ცვალებადი...

ქვაბი

ბრაზის ქვა – გავარვარებული,
 სადაც კუჭსა და ფილტვებს შუა,
 ზამთრის ამ შიშველ, სუსხიან ღამეს
 მერამდენედ გაგორდება, გამოგორდება.
 დაუყვავებ, მოვეფერები, იქნებ გაცივდეს
 და ტკივილის ქვად გადაიქცეს,
 რომელზეც დალილს,
 ზოგჯერ მაინც შემძლება ჩამოსვენება.
 ამდენი ხნის ლოცვების მერე, სახადივით
 ტკივილის ქვასაც შეეყრება ფერისცვალება:
 სევდის ქვა, გლუვი და ფერმკრთალი,
 ქის წყალივით – დასაწყურებლად –
 სიღრმეებიდან სიმაღლისკენ ამოღებული...
 სევდის ქვა კი თან მიძიმეა, თანაც – მსუბუქი,
 თან პოეტია, თანაც კიდევ – ფილოსოფოსი,
 თან მეძავია, თანაც – სალოსი
 და ამიტომაც შეუძლია
 სიყვარულის ქვად გადაიქცეს.
 სიყვარული კი ღმერთიაო, ასე ამბობენ...
 მაშინ, ღმერთის ქვად კი არა –
 ქვებად იქცევა სიყვარულის ქვა...
 ჰოდა, ერთ დღესაც
 სიყვარულის ქვები დაგსეტყვავს.



მოელვარე ტყვიების ფონზე
მთვარის ნეგატივს გამჟღავნება არ უნერია.
წამიერია მდუმარება.

ისევ ფხაკურობს მინაში ვირთხა –
გვირაბს თხრის ალბათ.

ტყვიებდაცლილი ჩემი თოფი
ხელისგულეების ოფლს ისრუტავს,
თითქოს მისი სიმზურვალე გადაარჩენს ცივი მიწისგან.
ჩემი თოფის რკინის სხეული ჩემი ქალის სხეული ხდება,
თბილი, როგორც სექტემბრის წყალი.
ტანის რბილი მოძრაობით მივცურავ ზღვაში
ისე ღრმად, რომ ნაპირი ქრება.

მტკერი

არაფერია იმაზე უფრო მშვენიერი,
ვიდრე შიშველი სხეულები
გვერდიგვერდ მწოლი
მოხუცი წყვილის.

ბავშვობაში ბიჭი მიყვარდა.
ერთხელ, ფეხბურთის თამაშისას,
ამ ბიჭმა გოლი გაიტანა.
მივირბინე და ლოყაზე ვაკოცე.
ზედა ორი კბილი აკლდა, რომ გამიღმა.

სკოლას როცა ვამთავრებდი, ბიჭი მიყვარდა.
რალაც ხნის მერე შემთხვევით შემხვდა
და ველარ მიცნო, სახელიც კი ვერ გაიხსენა.
ალარაფერი გამიმხელია.
დაჭკნა ნაჩუქარი ყვავილი წიგნის ფურცლებში.

ქმრის გვერდით ვწევარ ცხელ სილაზე,
რომელზეც თითებით მოვხაზეთ წრე
და მერე ვთქვით: ნურავინ შემოვა აქ,
ეს არის ჩვენი ტერიტორია,
ჩვენი კუნძულის ქვემოთ ზღვაა.

ყოველდღე სიხარულს გიზიარებ
და გაჩვენებ ჩვენი პატარა შვილის განავალს ქოთანში.
რაც არ კვდება – სიყვარულის ანაბეჭდია...
ამ ფიქრებით ვცლი შვილის ქოთანს.

არ მინდა ახალი სათამაშო, ბებო, მალე შენთან მოვალო, –
შვილიშვილის ხმა ტელეფონში.
სარკეში ვამონებ გუშინ შეღებილ თმებს. ვინცებ ცხოვას.



ნამცხერის სურნელს მოყვება ქმარი.
მოგონებების ფრინველები წამოიშალნენ.

„შენი სხეული ისეთივე მშვენიერია,
როგორც მაშინ, ორსულობისას.“ –
ქმარი დამტკნარ კანზე მეხება.
თითებს ვაყოლებ მის ნაოჭებს,
სიმებივით განოლილს შუბლზე,
და ხელის მშვიდი მოძრაობით მივინეც ქვემოთ...

მიწას ვასწორებ ქმრის საფლავეზე
და მახსენდება ძველი ფოტო –
ქოთანში ჩვენი პატარა შვილის განავალი –
რომელზეც გუშინ მტვერი გადავწმინდე.

ბანაობა

ლივლივებს წყალი ბავშვის ცისფერ აბაზანაში,
წყალში თამაშობს ჩემი შვილის პატარა ხელი.
ვეფერები პანანინა შიშველ სხეულზე,
უუქაფავ ზურგს და ვფიქრობ, თუ რა ადვილია მისი დახრჩობა,
ხელის მარტივი მოძრაობა და მიყურდება წყლის დგაფუნე,
სრული სიჩუმე დაისადგურებს,
ალბათ სიბნელეც. რა ადვილია...
შორიდან ვხედავ, როგორ მანვდის პატარა ხელი
აბაზანაში მოტივტივე თვალების კაკლებს,
როგორც ახალ სათამაშოს...
მეთამაშე – მეუბნება თაფლისფერი ღიმილი მისი...
ხომ შეიძლება, სიყვარული უცებ გაგიჟდეს...
ხომ შეიძლება, მოგეჩვენოს ღმერთი სატანად...
წყლიდან სწრაფად ამომყავს ბავშვი,
მისი ფაფუკი პირსახოციდან სურნელოვანი ცვივა ვარდები...
წამის სისწრაფემ სიცოცხლეშიც არაერთხელ გადამარჩინა...



„I don't believe“

(ედღვნება ლიკას)

მეც არ მჯერა უკვდავი ღმერთების,
რომლებიც არასოდეს მინახავს
და არც მოკვდავი ადამიანების,
ერთ დღესაც რომ კარს ალებენ და სადღაც მიდიან.
მე ჩემი სოფლის მდინარის მჯერა,
მას ახსოვს ჩვენი პატარა ტერფების სხმარტალი
ზაფხულის თაკარა დღეებში
და მუხლებსაყოლილი ჟრჟოლა –
მუცელთან რომ იკვანძებოდა და კივილად ამომსკდარი ტალღებს ერთვოდა.
ქვებისაც მჯერა,
მდინარის პირას ნამონოლილი გლუვი ქვების,
როგორც ჩუმი მონუმების ჩემი შიშველი ზურგის
და თეძოების,
ზაფხულიდან ზაფხულამდე რომ ივსებოდნენ
და მრგვალდებოდნენ იმ ქვების მსგავსად.
და კიდევ ხეების, როგორც პირველი სიყვარულის ამბის მთხრობელების,
ტოტებს რომ ხრიდნენ და ჩრდილებს გვაფენდნენ,
რაც შეიძლება საიმედოდ რომ დავეფარეთ იქ, ქვევით შეყუჟული გოგო-ბიჭი.
მზის სხივებისაც მჯერა, იმ ხეების ფოთლებიდან შემოპარული სხივების,
როგორც საიდუმლო მაცნეების, ჯადოსნური და შორეული სამყაროსი,
სადაც, ცოტაც და, შევაბიჯებდით.
ჰო, ხმების მჯერა კიდევ, მიწიდან დაბადებული ხმების,
რომელსაც მხოლოდ მაშინ ვისმენთ,
როცა ვყრუვდებით და ერთმანეთის სხეულებში
ჯადოსნურ თიხად ვიზილებით...

მინდვრები

თუ დავიჯერებთ, შეგვიძლია ვიყოთ მინდვრები,
გავიშალოთ და ცას ვუცქიროთ,
მხოლოდ ცას და არც შევიმჩნიოთ,
ვინ გადაირბენს ჩვენს მუცელზე,
ვინ გადაივლის მოზომილი, ნელი ნაბიჯით,
ვინ შეყოვნდება, კარავს გაშლის, ჩამოისვენებს რამდენიმე დღით და საათით.
თუ დავიჯერებთ, რომ მინდვრები ვართ,
მწვანე და ფერადად მოყვავილე,
ზეცის ლურჯ თვალში არეკილილი,
მხოლოდ და მხოლოდ მისკენ მზირალი,
მის უჩვეულო სიშორეზე შეყვარებული,
არა, ნამდვილად ვერ შევამჩნევთ,
პიკნიკი რომ დაწყებული რომელიმე ბორცვის გარშემო
და ერთჯერადი თეფშებია მიმოფანტული.
როგორ განიშნო, რომ მინდორი ვარ?
როცა ასე მშვიდს და ასე თვინიერს მხედავ
და სალალობოდ, სატრფიალოდ მეტანები,
როგორ გამცნო, რომ
შენი მოსვლა-წასვლით გათელილი ბალახები

ნამიერადაც არა ფრთხევიან
და როგორც ქალიშვილთა ძუძუსთავები
ზეცისაკენ მიისწრაფიან?



შესანიშნავი

როცა მე ვახერხებ, შენი ფილიდან მარწყვის ნაყინი ბოლომდე ამოვჭამო,
შენ კი ყავას სვამ და არ იმჩნევ,
რომ ის მეორე, შოკოლადისფერი ბურთულა არც შენ არ გიყვარს,
და თან ჩემს პლანშეტს მაგიდაზე გადაშლილ წიგნს ვაფარებ,
რომელსაც შენ კითხულობ და მერე იმაზეც გეკამათები,
რომ ეგ ნაბეჭდი ტექსტები გაჩენისთანავე ქვავდებიან
და ვერაფრით შეედრებიან იმ მფეთქავ გრძნობას,
რითაც მე სიტყვების სამყარო ვირტუალურად აღმაგზნებს,
ნუთუ არ გადარდებს ამ დროს ჩვენი ფეხები,
რომლებიც, როგორც ქუჩისპირა აკაციების ტოტები,
მაგიდის ქვეშ ერთმანეთში იხლართებიან
და არტერიებში სისხლის მიმოქცევას აყურადებენ?

ქისარი

როცა ამბობ „შენ ყველაზე მნიშვნელოვანი ხარ ამ სამყაროში“ და მერე თვეობით იკარგები,
და შენი დუმილი ბეტონის კედელივით მკვირივდება ჩვენ შორის,
მე თითისწვერებზე ვინევი და როგორც შემოძლია, კისერსაც ვინვდი,
იქნებ იმ კედლის ზემოთ გადმოვიხედო და თვალი მოგკრა რომელიმე ქუჩის კუთხეში,
სადაც მე გამოსვლა აკრძალული მაქვს,
ანდა ვზივარ ავი დედინაცვლის მორჩილი გერივით და კისერწანვდილი ვცდილობ,
ცალ-ცალკე გადავარჩიო ჭვავი და ქერი, განვაცალკეო სიტყვისგან მზერა,
რომლითაც შენ ჩემს ხელებს აკვირდებოდი, ლიმონს რომ ვჭრიდი,
და ლიმონი, როცა მე ჭიქაში შაქარს ვურევდი, შენ კი ნამცხვრის ბეზეს ლოკავდი.
და კიდევ უფრო ვიგარძელებ კისერს, რაც ათასმეერთედ გადავსინჯავ ტელეფონს, ფოსტას,
ყველა სახის ქსელსა და კავშირს,
მოხერხებულად რომ მოვევრო უნუგემო მოლოდინისთვის განწირულ დღეებს,
ამ დაუნდობელ ჯალათის კუნძულს, რომელსაც მხოლოდ ერთი მოძრაობა:
მუხლის მოყრა და თვინიერად წინგანვდილი თავი სჭირდება.

შური

როცა გარწმუნებ, რომ ქარვის ბურთულები კანზე შეხებისას ცოცხლდებიან
და ჩვენს თითებს იმახსოვრებენ,
შარფი, ეს მკვლელი ყულფია, რომლის გამონასკვაშიც უნებურად ვინაფებით,
ტანსაცმლის ლილვებს კი ისედაც ლალატი და შიში სჩვევიათ
და პირველივე შეხებაზე სადღაც გარბიან,
და გარწმუნებ, ამ ცრუ დარაჯებს უნდა დავუსხლტეთ, ჩქარა,
სასწრაფოდ ჩამოვიხსნათ, მოვიშოროთ, შორს გადავყაროთ,
სანაცვლოდ კი თეთრი მკლავები შევაგებოთ ღვარად გადმომსკდარ სიცოცხლის მტენებს,
მაშინაც, როცა ჩემი კანი ზღვიდან ამოტანილი ნიჟარასავით სკდება
და შენს ხელისგულზე სადაფის მარგალიტებად ნანილდება
და ზღვას კი ისლა დარჩენია, ჩვენს უჯრედებში გადმოიღვაროს,
ვერაფერი ჩაახშობს ხმაურს, რითაც ჩემი ყური შენს ერთადერთ სიტყვას ჩასაფრებია...

ბანველილი მასალის გახსენება (ვირკულაცია)

1

გუშინდელივით მახსოვს, სკოლის კედლებში მოსიარულე მე და ჩემს კლასელებს როგორ მოგვწონდა თავი ჯიბეში ჩადებული ქალაქის მობილური ტელეფონებით. გაკვეთილის დროს, რვეულებიდან შუა ფურცელს ამოვხევედით და უკანა მერხებზე მსხდომ ბიჭებს გადავანვდიდით. ისინიც გაკვეცვადნენ ოთხად, გრაფებს გამოყოფდნენ ერთიდან ცხრამდე, და თავზე, დახვეული ფურცლით, მიმღებს გაუკეთებდნენ. (მიმღები – უღვაში წვერგაპარული კაცის სახეზე.) სწორედ რომ იმ დროს, ჩვენ თვალწინ მოხდა ევოლუცია და გაკვეთილზე ნამდვილი სატელეფონო ზარის ხმა გაისმა. ჩვენ დავიბნით, რადგან ეს არც სკოლის ზარს ჰგავდა, არც ჩვენს სახლებში მობინადრე ტელეფონებისას, ნულის აკრეფას რომ ანდომებდნენ ყველაზე დიდხანს სხვა ციფრებთან შედარებით, იგი არც ეკლესიის ზარი იყო და არც ნავის მანქანის, არამედ რაღაც სხვა, ვიბრაციაშერეული ზუზუნი, უცხო და მიუწვდომელი. მასწავლებელმა ჩანთა გახსნა. (ლამით გაყინული უსახლკაროები მზეს მიეფიცხნენ.)

2

მერე გვიხსნიდა მასწავლებელი, რომ მხოლოდ ციფრების აკრეფით ვერ დავუკავშირდებოდით სასურველ ნომერს, რომ მწვანე ლილაკზე თითის დაჭერა იყო აუცილებელი, გვასწავლიდა, რომ სახლში დარეკვის შემთხვევაში ქალაქის კოდი უნდა დაგვერთო ნომრისათვის, გვასწავლიდა მოკლე ტექსტურ შეტყობინებას, მერე მის არსსა და გამოყენებას. ჩვენ კი სულგანაბლნი ვუსმენდით, რომ მერე სხვისთვის მოგვეყოლა, და თუ სტუმრად მოვიდოდა მამის მდიდარი მეგობარი, თავი გამოგვეჩინა მის ტელეფონზე ყველა დეტალის ცოდნით. მახსოვს, კედლის საათიც კი გავტყებთ საკლასო ოთახში, რომ უფრო ხშირად დაეხედა ჩვენს მასწავლებელს სამოცლარიანი სასაუბრე ბარათით გასუქებული რევოლუციური აპარატისთვის.

3

ეს აპარატი მაგნიტოფონის ფუნქციას აითვისებსო, მაშინ რომ ეთქვათ, არ დავიჯერებდი, ახლა კი, როცა ყურსასმენი შევუერთე უახლეს სმარტფონს, და საყვარელი მუსიკის მოსმენა დავინწყე, დავფიქრდი ჩემს მასწავლებელზე, მოლიმარ და სიცოცხლით სავსე მასწავლებელზე, დღეს რომ სიბერეს პარფიუმერით ატყუებს, ახლადჩასმული კბილები რომ თვალზე თეთრი აქვს, მასწავლებელი ყელზე, ყურებსა და თითებზე ასხმული ოქროებით, როგორ ზის დღესაც ახალ კლასთან, ახალ ბავშვებთან, საათგატყბილ ოთახში და ცარციან თითს ილოკავს. დროდადრო დახედავს თავის ციფრებგადაქლეტილ, მიმღებიან ტელეფონს,

რომლის არსში ახალი კლასიც გაარკვია.
ჩემი მასწავლებელი... რომელიც დღესაც მოლიმარი და სიცოცხლით სავსეა,
რომელიც მზადაა, კიდევ ბევრი თაობა გაზარდოს,
კიდევ ბევრ თაობას ასწავლოს გზები,
სწორი გზები... ლამაზი გზები...

კატას 9 სიცოცხლე ჰქონდა

კატას 9 სიცოცხლე ჰქონდა,
ერთხელ სარეცხით სავსე კალათაში ეძინა
და შეჰყვა სარეცხს პატრონის მოსამსახურის ხელიდან სარეცხ მანქანაში,
და სარეცხის ფხვნილიან წყალთან ერთად დალია სული.

კატას 9 სიცოცხლე ჰქონდა,
ერთხელ მაღალ კორპუსებზე სეირნობისას
დაინახა, რომ მუხჯ ბავშვს სცემდნენ სხვა ბავშვები
და დასახმარებლად გადმოხტა,
მინამდე ინანა, მინამდე, სადაც სული არ დაჰყოლია,
არა იმიტომ, რომ მიზანს სცდებოდა,
უბრალოდ, ინანა და გაუხარდა გაცოცხლებულს,
მის გვერდით რომ ინვა მკვდარი მუხჯი ბავშვი.

კატას 9 სიცოცხლე ჰქონდა,
ერთხელ მის ტერიტორიაზე შემოჭრილმა
ბუნვაქეცილმა და სუნიანმა ძაღლებმა გაგუდეს
კანალიზაციის იმ მილის გვერდით,
რომელიც, უკვე წლებია, რაც გახეთქილიყო.

კატას 9 სიცოცხლე ჰქონდა,
და ერთ ზამთარში შიმშილით მკვდარი ვირთხების ჭამას
ისევ შიმშილით სიკვდილი ამჯობინა
და მოკვდა თოვლში, ლოთურ ბარბაცით,
უკნავლელად, უემოციოდ.

კატას 9 სიცოცხლე ჰქონდა,
ერთხელ მძარცველებს გაკიდებულმა
პოლიციის მანქანამ გადაუარა ჩიხში მძინარს,
გაცოცხლებულმა კი დაინახა,
რომ სანაგვე ყუთს შეჯახებული პოლიციელები მომკვდარიყვნენ
ქუჩას კი ეტყობოდა მძარცველების მანქანის ბორბლების კვალი.

კატას 9 სიცოცხლე ჰქონდა,
ერთხელ მეცნიერმა დაიჭირა
და საცდელი ვირუსი გამოსცადა მასზე.

კატას 9 სიცოცხლე ჰქონდა,
და ახალ ზამთარს ისევ მოკვდა შიმშილით კატა.

კატას 9 სიცოცხლე ჰქონდა
და ერთხელაც, სიბერით მოკვდა,
ისევ იქ, იმ ქუჩაზე,
სადაც წლებია, გახეთქილიყო კანალიზაციის მილი,
და გამწვანებულ ადამიანებს ცხვირსახოცები აეფარებინათ სახეზე.
ვეღარ ხვდებოდა გაცოცხლების მიზეზს ბებერი კატა.

თუმცა, გაცოცხლდა,
რადგან კატას 9 სიცოცხლე ჰქონდა,
ბოლოს იგი მშიერმა ადამიანებმა დაიჭირეს,
გაატყავეს, შეწვეს და შეჭამეს
მრავლის მომსწრე ჩიხში,
ძვლები კი ბუნვაქეცილ და
სუნიან ძაღლებს გადაუყარეს.

კატას 9 სიცოცხლე ჰქონდა
და ცხრავე აზრიანად, ამაყად
და მშვიდად გალია,
მისი პატრონისგან განსხვავებით,
რომელმაც კატის პირველ სიკვდილზევე
მოიკლა თავი.

დურმიშხან ტაბატაძე 1981 წელს დაიბადა ქ. თბილისში. პატარა დურმიშხანი მშობლებთან ერთად საცხოვრებლად გადასახლდა ქ. ბაქოში, სადაც მამამისს წერილი ბიზნესი ჰქონდა. მალე მშობლები გაიყარნენ და მათ ყურადღებას მოკლებული მომავალი პოეტი ქუჩის გარჩევების აქტიური მონაწილე გახდა. ტრადიცია გაგრძელდა მამის მიერ თბილისში მისი გამოგზავნისა და ავეტიკო ყაზაროვის სახელობის სახალხო სკოლა-ინტერნატიში მისი სწავლის წლებშიც. 2001 წელს იგი დააბათიმურეს და იმყოფებოდა ჯერ მეტეხის, შემდეგ ქუთაისის და ბათუმის ციხეებში. 2003 წელს 22 წლის ჭაბუკმა მიიღო მეტად რთული გადაწყვეტილება, საბოლოოდ ზურგი ექცია კრიმინალური სამყაროსთვის და მხოლოდ ბოჰემური ცხოვრების თავისუფლებით შემოფარგლულიყო. პარალელურად, ბაქოში დამძობილებული რევოლუციური აქტივისტების დახმარებით, იგი საპყრობილის ციხე კედლების დატოვებისთანავე მოეწყო საბჭოთა საქართველოს მეურნეობების ტრესტის მმართველის მრჩეველად და მომდევნო წელს თბილისის შინსახკომის საარქივო განყოფილების კურიერი გახდა. 2005 წელს მომავალი პოეტი გადაყვანილ იქნა საქართველოს სსრ მინისტრთა საბჭოსთან არსებულ გზატკეცილების სამმართველოში ინსპექტორად, სადაც დღემდე მუშაობს. დურმიშხან ტაბატაძის პოეტურ კალამს ეკუთვნის ლექსები, პიესები, ნოველები. მისი სცენარის მიხედვით გადაღებულია ერთი მხატვრული ფილმი, თავადაც შესრულებული აქვს არაერთი საინტერესო როლი ცნობილ ქართულ ფილმებში. 2008 წელს გამოიცა მისი ლექსების პირველი კრებული სათაურით "სადარბაზოვ, კარგო გოგოვ!", რომელმაც მყისვე დაიპყრო ნორჩ თბილისელ მკითხველთა მართალი გულები. დურმიშხან ტაბატაძის ლექსის „კაცი ედგარი“ ტექსტზე შეიქმნა თბილისელთათვის საყვარელი სიმღერა. ყველას მოეხსენება, თუ რაოდენ დიდი პოპულარობა მოიხვეჭა მის მიერ სულ ახლახან ყველა ჭეშმარიტი ქართველის გულგასახარად დაარსებულმა ეროვნულმა აკადემიამ „ფურთხისიონი..“ თავად დურმიშხან ტაბატაძე ხაზგასმული თავმდაბლობით აღნიშნავს, რომ მისი პოეტური მცდელობები მხოლოდ დაბრუნებისგან მისივე გათავისუფლების საშუალებაა და მეტი პრეტენზია არც შეიძლება ჰქონდეს პოეტების ქვეყანაში. და ეს – მიუხედავად იმისა, რომ იგი სისტემატურად შეჰყავთ კემბრიჯისა და ოქსფორდის ცნობილ ყოველწლიურ ენციკლოპედიურ გამოცემებში: „აბა, გამოიცანი, ვინ ვინ არის?“. წინამდებარე პუბლიკაცია აერთიანებს მგოსნის მიერ 2000-იან წლებში შექმნილ, როგორც ფართო მკითხველისთვის დღემდე უცნობ, ისე ერთი-ორ ნაცნობ ლექსსაც, მათ შორის – საქართველოს საჰიმნო ტექსტების კონკურსში ნომინირებულ და ბრძოლის ველზე ტრაგიკულად დამარცხებულ სახობტო პოეზიის ჩინებულ ნიმუშს სახელწოდებით „დედაბუნება“. დურმიშხან ტაბატაძის პოეზია საგრძნობლად არის



დურმიშხან ტაბატაძე (მარცხნივ) ლექსის „კაცი ედგარი“ პროტოტიპთან, ლონგინოზ ჯიბუტთან ერთად ბაქოში, 2002 წელს (დაგეროტიპით გადაღებული ფოტოსურათი სახელმწიფო არქივიდან).

გაუქვნილი მოქალაქეობრივი პოზიციის გამოხატვის უტყუარი შემართებით, მაგრამ ავტორისთვის არც სათუთი ლირიკული განწყობილებებია უცხო და არც ცხოვრებისეულ თემებზე რთული, ტრაგიკული ტონალიზის შემცველი მედიტაციები, რომლებიც გაჯერებული ხან სუფისტური მისტიციზმით, ხან – კონფუციანური სიბრძნით და ხანაც – ქართული ხალხური პედაგოგიის ხელისხელ ნაგოგმანები შეგონებებით. და მაინც, ეს არის უბრალო, უპრეტენზიო პოეტის ალაღმართალი პოეზია. ერთგვარი ქება უბრალოებისა, რომელიც გვარწმუნებს, რომ ტრადიციული ლექსის დეკონსტრუქციის გარეშე შეიძლება თურმე საკუთარი სახლი ააშენო ამ საყოველთაო წგრევის ფონზე. მართალია, დურმიშხან ტაბატაძის ლირიკაში მკითხველი ვერსად შეხვდება ისეთ გენიალურ რითმებს, როგორებიც არის, მაგალითად „მეფეთა – შემომეფეთა“, „სუნდუკი – დუდუკი“ და სხვ., მაგრამ მგოსნის პოეტიკა მდიდარია ასონანსური დიმიჰინანსებით და დისონანსური ტაუნანსებით, რომლებიც ესოდენ ეძვირფასება ქართული სულის პოეტიკას.

ზიპრი

დაფიქრებული ვიდექ ჩემთვისა და გაცეკროდი მე ლამაზ მინდვრებს, ბაღში გალობდნენ ჩიტები ნაზად და ჩემი გულიც ხტოდა მათკენა.

პოი, რამდენჯერ მისეირნია ასეთ მინდვრებზე ლალად და კარგად, მაგრამ არ ვიყავ მაშინ მარტოკა, ჩემივე სატრფო მყვანდა გვერდითა.

ის დრო წავიდა უკვე ჩქარ-ჩქარა და თან წაიღო მოგონებებიც, ხოლო მე დავრჩი ამ ჩემს ფიქრებთან და ქარს ვმეგობრობ მე ხანდახანა.

ასეთი არის ცხოვრება, ძმაო, ამ ჩიტებით ის გაფრინდება, შენ კი დარჩები დავინწყებული მიფე ლირივით ამ ბაღებშია.

მაგრამ თუ გინდა, ბედმა არ გჩაგროს, უნდა შეგეძლოს შენ ღვინით თრობა და ღრუბლებით გადაგყვრება დარდი, რომელიც გულში გრჩენია.

და მაშინ იტყვი: ვიშ, რა კარგია ჭიქა ღვინო და გასეირნება, თვალთვრება გვირილებისა, თავის ქნევიტა რომ გესალმება.

ვიშ, რა კარგია ფოთლისა ცვენა ამ ცხოვრებაში ფიფქებივითა, როცა მეგობრობ შენ გაზაფხულთან და ჩანჩქერიდან გიყვარს წყლის ლევა.

ნაბახუსევზე გაგახსენდება ბიძა და ბებო, დედა და მამა, ნეტავი ერთი სად არიანო, იფიქრებ უცებ შეშფოთებითა.

გაეშურები მყისვე ველიდან მათ სანახავად შენ სახლისკენა, ზურგზე ჩიტები მოგჭიკჭიკებენ და გილოცავენ გზას შინისკენა.

გულისფანცქალით შეხვალ სახლშია და შეიხედავ შენ ზალაშია და თვალები რომ დაინახავენ ყველას ერთადა, გულს უხარია.

და შენ მიხვდები მაშინ ჩუმადა, რა ლამაზია, ისინი ერთად მაგიდასთან რომ ზიან ტკბილად და წვნიან რამეს შეექცევიან.

და როცა საჭმელს შეგთავაზებენ, შენ გაუღიმებ ყველას გულითა და ეტყვი იმათ მსუბუქ ზვირთებით, რაც სამუდამოდ გიოცნებია:

დამალევივით მე ჭიქა ღვინო, რომ დაგილოცოთ თქვენ ჯანმრთელობა, და ვიდრე ისევ მომენატრებით, ვიხეტიალო ჩემ ბაღებშია.

და ბაგენი რომ წითელ ღვინოსა დაენაფება მონატრებითა, კარს გააღებ და გამოვარდები შენ ბაღ-ველებში სასეირნოდა.

და ჰა, შენ დგახარ დაფიქრებული და გასცქერისხარ ლამაზ მინდვრებსა, ბაღში გალობენ ნაზად ჩიტები და შენი სულიც მიხტის მათკენა.

ფორთოხალი

შენ მომანოდე მე ფორთოხალი, და რომ შეეჭამე, მეგემრიელა, ო, დღემდე მახსოვს გემო ფორთოხლის, რომელიც მაშინ გამომიწოდე.

მე დარცხვენილმა გითხარ მადლობა, შენ შემომცინე გაღიმებითა, და მე დავკარგე წონასწორობა, თავბრუ დამესხა გამწარებითა.

მას მერე რა დრო გასულა, ტურფავ, რაც არ მენახე ამდენი ხანი, არც ორი სიტყვა მსმენია შენზე, მაგრამ ჩემს სულში იყავ ცოცხალი.

ახლა კი, როცა თვალები მოგკარ მოულოდნელად კაფეში შენა, ტვინმა იხსენა ის ფორთოხალი, გამომიწოდე მაშინ რომ შენა.

უმალ მოვიჭერ შენთან ფეხითა და ერთურთს თვალი თვალში ვუყარეთ და როცა ჩანვდი საქმის მსვლელობას, ჩემკენ შეჰკვივლე ალტაცებითა.



მერე კი ვსხედით ჩვენ მაგიდასთან
და ვუყვებოდით ერთმანეთს ამბებს,
შენ შენს წარსულზე ლაპარაკობდი,
და მე კი ჩემზე ვყვებოდი ბევრსა.

ასე გავლიეთ ჩვენ ეს საღამო,
ბევრი მოვწიე სევდიანობით,
კვამლში ცურავდა ჩვენი სახენი
და გული ძგერდა, როგორც პეპელა.

და როცა მთელი ქვეყნიერება
ამ მე უბედურს ჩემი მეგონა,
უცებ ლოგინში გამომეღვიძა
და მე დავბრუნდი სიფხიზლეშია.

უმალ ვუმზირე იქვე მაგიდას,
სადაც წინაღლით ვჭამდი ფორთოხალს
და დამრჩენოდა გადაუყრელი
მე ნაფცქვენები ფორთოხალისა.

და მაშინ მივხვდი, რომ გამქრალიყო
ჩემი ხილვები, როგორც პეპელა,
და ჩემს თავს ჩქარა ვუთხარი მწარედ:
ეჰ, სიზმარია ყოფა-ცხოვრება.



ლექსის „ფორთოხალი“ ადრესატი, დარია ჯამასპიშვილი-
ოჩხიკიძისა, თვითმკვლელობამდე ერთი წლით ადრე. თბი-
ლისი, 2003 წელი (დაგეოგრაფიით გადაღებული ფოტო-
სურათი სახელმწიფო არქივიდან).

თბილისის სიყვარული

ოჰ, მიხარია ეს დედამინა,
ფერად-ფერადი ჭრელ ფერებშია,
ფრანგი, გარმონით ხელჩაბლუჯული,
ჩინელი თავის კარგ კედებშია;

მონღოლი, ცხენზე შემოჯდომილი,
ხოლო ქართველი მწვადით პირშია,
გერმანელებსა შვენით ნიგნები
და ამერიკელს გულში ფულია.

მე კი სამშობლოს ვენაცვალეები,
სადაც ისრები გამისროლია,
ვის არ მოხბლავს მისი ბუნება,
ია-ვარდი და ზამბახებია.

მე აფხაზეთში ჩამქოლონ დაე,
გამაპანდურონ სამაჩაბლოდან,
დაედოს მტვერი სამცხე-ჯავახეთს,
დააკედეს აზრი საინგილოსა;

ჩემი თბილისი ხომ ჩემთან არის,
ჩემი ბადახში და უფრო მეტი,
მთავარი მაინც თბილისი არის,
განსაცვიფრებლად არის მთავარი.

ჩემი ქალაქის დედაქალაქო,
რამდენ ტურისტს მოგვიხიბლია,
ძველი თბილისის ახლო კინტოვ,
შენ ერთს ვერ დაგთმობ სამარის პირთან.

ვერც შენ ვერ დაგთმობ, ვარაზისხევეო,
მერე რაა, რომ ჭუჭყიანი ხარ,
ჩვენი ამაყი ქალებ-ვაჟები
შენს აღმართებზე ადი-ჩაადიან.

გავექანები მეტეხის ხიდზე
და მე ვიყვირებ: თბილისი ჩემი!
სისხლს დავღვრი მისთვის, ჰეი, უწინამც!
მტერო ვერაგო, ჩქარა მოისპე!

ნარიყალადან ჩავქვეითდები
აბანოთუბნის რესტორნებშია,
იქაც დავჭექებ: ჰეი, უწინამც!
და მიხარია თბილისელობა.

მაგრამ მე მიყვარს სხვა ნაციებიც,
თათარი ჩემი პირველი ძმაა,
თურქეთი ჩემი მოძმე ერია,
რუსეთშიც ბევრჯერ გამიხარია!



წვიმა და გაზეთი

გარეთ წვიმაა, მე ვზივარ შიგნით და წვიმის წვეთებს ვფლეთავ თვალებით. იქ ჩემ თავისთვის მე მიმიგნია და მე მას ვუმზერ, როგორც არაფერს.

როგორ გავფლანგე ჩემი ცხოვრება დროსტარებაში და ღვინის სმაში, ნეტა მეკითხა მეც გაზეთები, როგორც ხალხები შობიან ამას.

ნეტა გამეგო, რა ხდება ქვეყნად ყოველდღიურად ან თვეში ერთხელ, გამოცანები ამეხსნა მიწის და ცის ამბებშიც გავრკვეულიყავ.

ახლა კი უკვე გვიანი არის ჩაწვდევ ამ საქმის არსთა მსვლელობას, მე უსაშველოდ დავიგვიანე, როგორც არაგვზე ერთ დროს ზაფხულმა.

აგერ გაზეთნი ამ ჩემს სკამებზე, ვფურცლავ და ვკეცავ, ვკეცავ და ვფურცლავ, თითქოს მესმის და მაინც არ მესმის, მესმის და მაინც არ მესმის თითქოს.

შენ, აფრიკელო ამაყო ბიჭო, რომ შემომცქერი ამ გაზეთიდან, იქნებ ოდინდელ შენს ცხოვრებაში მეფე ერეკლეს ედექ მხარდამხარ.

შენ კი, ახალო კომკავშირელო, ქართლის ბედზე რომ ამაყად სწუხხარ, შენ ნდემბუს ტომის ბელადი იყავ, ახლა კი აზრზე არა ხარ, ვინ ხარ.

ეგ ძველი ბიჭიც, გვერდს რომ გიმშვენებს, ეგ ალბათ ბანტუს ტომში ერია, თორემ საიდან ამდენ საერთო შორის ქართველთა და აფრიკელთა.

ან ეს გაერო რა ხილი არის ან ევრონევერი რა ჯანდაბაა, ძნელი ყოფილა უცოდინრობა, როცა ვერ არჩევ ნებისგან ქლიავს.

ნეტა მეც ვიყო განათლებული და თავი სავსე მქონდეს ცოდნებით, გამოვიდოდი ტელევიზორში და ავუხსნიდი მეც ხალხს ბევრ რამეს.

მიწა ერთ დიდი რესტორანია, სუყველა ერი სუფრაზე ზიან, მაგრამ ქართველი მაინც სხვა არის, ის უნდა იყოს მუდამ თამადა.

დოლ-გარმონებში ვინ გამეჯიბროს! ტაშ-ფანდურებში ვინ მყავს ტოლები! მე ფესვიანი თბილისელი ვარ, თბილისელობა ჩემი ბედა!

და შევარცხვინე მე ის ქართველი, ვინც ისე წავა მამულეთიდან, რომ არ იხსენონ ის მოძმეებმა კაცად, რომელიც თბილისის დააკლდა.

ძირს ის ქართველი, თბილისის ბუნკრებს ვინც ანაცვალოს სხვისი სამოთხე, ვინც თავის ქვეყნის ვირობის ნაცვლად არჩიოს სხვაგან მშვიდად ცხოვრება.

აქ და მხოლოდ აქ, მუშავ, შენ მიწყვიტე მუშაკობდე და სახედარობდე, მემომარო კი იგულოვნე და დაეც თავზარი თბილისის უბნებს!

მიჯნურო, იყავ მარად მიჯნური, ფულის კაცო კი აკეთე ფული; ბოზო, იბოზე; ქურდო, იქურდე; ჩემო სამშობლოვ, შენ გაიხარე!



პატარა ღურმიშხანი მშობლებისა და მათი ბიზნესპარტნიორების გარემოცვაში. ბაქო, 1985 წელი (დაგეროტიპით გადაღებული ფოტოსურათი სახელმწიფო არქივიდან).

ვეტყოდი, როგორ უნდა მოიქცნენ,
არჩევნის ჟამი რომ დაუდგებათ,
ვის მისცენ დღეს და ხვალე ვის მისცენ,
სად როგორ მისცენ და როდის მისცენ.

მაგრამ ეჰ მოვრჩე მე ამ ოცნებას,
ისა სჯობია ნვიმას ვუმზირო,
მანინც ვერ წავალ მსოფლიო ბანკში,
რომ ამოვუდგე მხარში მამულსა.

ერთ სიბრძნეს ვეტყვი მხოლოდ ჩემს თავსა,
არა დედ-მამის მიერ ნათქვამსა,
ოდენ იმასა, ოდენ იმასა,
ერთმა გაზეთმა რაც შემასწავლა:

არსებობს ჩქარი მატარებელიც,
არსებობს ნელი მატარებელიც,
არსებობს კვირის მატარებელიც
და მატარებელ-ექსპრეს-რაკეტაც,

მაგრამ რკინიგზა მათთვის ერთია,
ყველა საერთო ლიანდაგს ტკეპნის,
ჩქარ მატარებელს ვინც ვერ გასწვდება,
მოჯაყვჯაყეში დაიდოს ბინა.

მანინც იზრუნებს ეს გლობანური
დემოკრატია ყველა ჩვენგანზე,
ჩვენ მხოლოდ ტაში დავუკრათ კარგად
და გაზეთები ვიკითხოთ მალე.

ლოთიანი-ღარღინი

ინდე, მთა-გორებს მოხვდა მზის სხივი,
სანყალმა კაცმაც შეწყვიტა გორვა,
გამოიღვიდა ბუნებამ სწრაფად
და ფრინველებმაც გააბეს სტვენა.

მეც უმალ ფიტხელ შევტუნდი მყისვე,
ბორკილნი შევებით შემოვიმსხვრიე
და გაუღიმიე მზეს ყველა კბილით,
რომლებიც დღემდე შემომრჩენია.

გარეთ გამოველ სადარბაზოდან
და გავიზმორე ერთი კაცურად,
თითებში ვვარცხნი ჩემი ჭადარა
და ვთქვი, რა ვარგო მე ჩემს ქვეყანას.

ასე გავიდა წუთნი ფიქრისა
და როცა კვების დამიღვა ჟამი,
გულმა სიამით შემატყობინა,
წამო, ვუმტვრიოთ სახაშეს კარნი.

მაგრამ რალაცა უცბათ აღუდგა
ვერავ განზრახვას ჩემი გულისა
და უთხრა, განვედ ჩემგან მაცდურო,
სულ სხვა კაცი ვარ მე ამ დროიდან.

რა გეხაშება, რა გეხინკლება,
როცა სიცოცხლე ასე ზეიმობს,
რამე კარგ საქმეს მოემსახურე,
მაგალითები მიეც მოძმეთა.

მე აღარ მინდა მიყვარ-მოყვარო,
თუნდაც დაეჭყლიტო და მივანგრიო,
დავდეგ გორაზე ყანყრატოების
და ვიღრიალო დევივით როგორც.

დავეტაკო და მივეტაკო და
მივაგლიჯო და მივათხლიშო და
დავფშენა და ჩავხოც-ჩავატიალო
ვინც უნდა იყოს ეგ სულერთია.

ძირს პანღურები, კისრების გრეხვა,
რქებით მიწოლა და ასე შემდეგ,
მე ღმერთი ვიყავ და კაცად ვიქეც,
მე კაცი ვიყავ და ვიქეც ღმერთად.

ამოვუნგრიო? ყბა ჩამოვულო?
კბილნი ვუღუნო? ნამწვები ვანვა?
აღარასოდეს, ჩემო მამულო,
ვისო მამულო ეგ სულერთია.

დაე, დამტანჯოს უსაქმურობამ,
დაე, დამადგან გულღვიძლზე ფეხი,
მე აღარ ვაწვებ ჩემს სამშობლოსა
და არც ის მავნებს არასდროს მეცა.

მაგრამ თუ ვინმემ გამოიბედა და
მე ამ საქმეში წინ გადამიდგა,
ისეთ საბრძოლო ყიყინას დავცემ,
მიცვალებულსაც გაეცინება.

სამშობლოვ, შენი ყოველი მტერი
მე მომიშვირე, ნუ გეშინია,
დავცხებ და დავცხებ, მივჩენ და მოვჩენ,
გავკრავ, გამოვკრავ, დავკრავ და მოვკლავ.

სახზე ბოთლებს, ჭიქებს და კოვზებს,
ჩანგლებს და თეფშებს მარჯვედ მივაფშენი,
ო, ნევენმორა, ო, ნევენმორა,
ქვებს დავახურავ თავზე ტიალსა.

სულ სხვა კაცი ვარ მე ამ დილიდან,
ყურებს დავაჭრი, ძუძუს ავახეც,



სიფათს მივუნგრევე, ზურგს გადავუმტვრევე, ვის გადავუმტვრევე ეგ სულერთია.

ეგ სულერთია რატომ და რისთვის, შენ მარტო მითხარ, ჩემო სამშობლოვ, თითი დაადე და ვისაც გინდა ზურგს გადავუმტვრევე, სიფათს მივუნგრევე.

ჩავხოცავ, როგორც მარაბდის ველზე და ანდა როგორც ბოროდინოსთან, მე არ მოვმკვდარვარ, მე მხოლოდ მძინავს და ძილში ხანჯლებს და თოფებს ვხედავ.

არჩევანი შენა

უსმინე, ჩემო ძმობილო, ღურმიშხანისა მცნებასა, ყური დაუგდე სწავლასა, ნაწრთობსა ბევრი ფრენითა. ან არჩევანი შენზეა, გაქვს უთვალავი ფერითა, ძირი მწარეა, კენწერო გაგიტკბილდება ღზენითა.

ეპოიდების მიღების შედეგად გამოწვეული ქცევითი აშლილობანი, პოსტკომოტური სინდრომი. შიზოფრენიისმაგვარი ბოღვითი დაავადება ან თუნდაც რეტის სინდრომი, შენა გსურს ან რომელია?

ემოციურად ლაბილუ-რი ორგანული დარღვევა, მსუბუქი აშლილობანი, კატატონური დარღვევა. დელირიუმი, რომელიც თან ერთვის დემენციას და ისიც, რაც ყველას დაგვერთვის, შენა გსურს ან რომელია?

სედატური და საძილე საშუალებების მიღების შედეგად გამოწვეული ქცევითი აშლილობანი. ბიპოლარული აფექტუ-რი აშლილობა, პარანო-იდული შიზოფრენია, შენა გსურს ან რომელია?

ჰებეფრენული და იქვე კატატონური და იქვე პრეფსიქოზური და იქვე ციკლური შიზოფრენია, გვიანი პარაფრენია, პროდრომალური და თუნდაც მოსაზღვრე შიზოფრენია, შენა გსურს ან რომელია?

კატატონური სტუპორი, ანანკასტური ნევროზი, სულაც პრედომინანტურად კომპულსიური ქცევები. მწვავე და გარდამავალი, ბოღვითი აშლილობანი, მარტივი შიზოფრენია, შენა გსურს ან რომელია?

სენტიზიური ბოღვა და ფსიქოგენური ფსიქოზი, ან სულაც პარანოიის ყვერულანტური ფორმა და სინდრომი ასპერგესისა, იქვე დისმორფოფობია, ტიკები, შიპერშფოთვები, შენა გსურს ან რომელია?

ინდუცირებულ-ბოღვითი ან მწვავე პოლიმორფული, ხანმოკლე შიზოფრენულიც ბევრი სხვა აშლილობანი, კონვერსიული და მწვავე სტრესული აშლილობანიც, დეპრესიული სტუპორი, შენა გსურს ან რომელია?

ქცევის და ემოციების შერეულ აშლილობათა დიდი სიუხვე, ატიპურ-ნერვული ანორექსია, უბრალოდ ანორექსიაც, უბრალოდ სომნამბულიზმიც, უბრალოდ პარანოიაც, შენა გსურს ან რომელია?

შიზოფრენული ფსიქოზი, შიპომანია, აგორა-ფობია, ციკლოთიმია და ტრიქოტილომანია და სიბისის კონკურენციის აშლილობა და პათოლო-



გიური პირომანია,
შენა გსურს ან რომელია?

პიპოქონდრია, ნერვული
ანორექსია და კვების
პოლიფაგია, კლემპო და
სხვა ცხერი ცუდი მანია.
გთავაზობ ვუაიერიზმს
და ფეტიშისტურ ტრანსვესტიზმს,
თუნდაც ტრანსვესტულ ფეტიშისმს,
შენა გსურს ან რომელია?

აპრაქსიასაც გთავაზობ,
ნევროზულ ბულიმიასაც,
არაორგანულ ენკოპრეზს,
სატირიზსაც, მუტიზმსაც.
ჰა, მთლად შენია ქვეყანა,
შეიცან შენი მსხნელია,
დროულად ამოირჩიე,
შენა გსურს ან რომელია?

დედაბუნება

ბანანისფერი ვაშლები
და ვაშლისფერი ატმები,
ატმისთვალეუბა კომბოსტო,
კომბოსტოსფერი ხახვები.

ხახვივით მწარე პრასები,
პრასივით მწვანე გარგრები,
გარგრისებური ალუჩა,
ალუჩისფერი მამული.

მამულისფერი ქოქოსი,
ქოქოსისფერი ტყემალი,
ტყემლისფერება ყურძენი,
ყურძნისკურკება ხურმები.

ხურმებზე მძიმე ჭერმები,
ჭერმებზე მჟავე ლიმნები,
ლიმნისტუჩება ნივრები,
ნივრებზე თეთრი გოგრები.

გოგრებზე მძიმე ნესვები,
ნესვებზე მრგვალი საზამთრო,
საზამთროსფერი წინაკა,
წინაკისფერი კიტრები.

კიტრებზე გრძელი ყაბაყი,
ყაბაყზე მსხვილი ჭარხალი,
ჭარხალზე მკვრივი ბოლოკი,
ბოლოკზე მრგვალი თხილები.

თხილებზე დიდი ლეღვები
და ლეღვისფერი მაცვლები
და მაცვლისფერი ქლიავი,
ქლიავისფერი მამული.

მამულისფერი ბლები და
ბლისფერი პომიდორები,
პომიდორისფერი სტაფილო,
სტაფილოსფერი ლობიო.

ლობოსფერი მაჟალო,
მაჟალოსფერი მწვანელი,
მწვანელისფერი მამული,
მამულისფერი მამული.

კაცი ედგარი

როგორც ლეგენდის ატორტმანება,
მე თბილისისკენ მივტორტმანებდი,
ხელში მეჭირა ჩემი ფანდური
და ვუმღეროდი მას ბალადებსა.

იქვე შემომხვდა კაცი ალალი,
იდგა, თავისთვის იპურჭყებოდა,
მივედ, დავდექი და გავიცანი
და ჩვენ გავაბით წყნარად ბაასი.

გულზე მეკიდა დადუმებული
ჩემი ფანდური აღელვებითა,
ვიპურჭყებოდი ჩვენ უკვე ორნი
და მოვუთხრობდით ერთერთს ამბებსა.

უცბე გამოჩნდა კაცი საზარი,
თვალეები რისხვით უტრიალებდა,
კისერს იფხანდა აჩქარებითა
და აქეთ-იქით იპურჭყებოდა.

ის ჰგავდა თბილისს, ნაჩვევს, სუნიანს,
მშობლების მიერ ჩვენთვის მოძღვნილსა,
მოგვიახლოვდა, ჩადგა ჩვენს შორის
და უკვე სამნი ვიყავით ჩვენა.

მაგრამ სხვა იყო მისი პურჭყება,
რალაც დიადი და იდუმალი,
ამიტომ ვკითხვით ორივემ ერთად:
„ვინ ხარ, ძმობილო, სად განაფულხარ?“

ხოლო მან თვალი გეტყორცნა მზარავი
და ვაჟკაცურად უმაღ ჩაცუქდა,
კბილებში გასცრა: „მე ვარ ედგარი“,
და ერთხელ კიდევ გადმოაპურჭყა.

მერე კი თავი მიძიმედ დახარა
და ნამწვი რამე მიმოიძია,
დასწვდა, აილო და გადააგდო
და თავი აღარ აუნწევია.

და ჩვენ შეეფოთოდით ფეხზე დგომითა
და მის კვალდაკვალ ჩავიცუცქენით,
მაგრამ, ო, ღმერთო, ჩვენ ველარ მივხვდით,
ჩვენს შორის იყო თუ მოგველანდა.

მაშინ გავხედეთ ქუჩის იმ კუთხეს,
ის საიდანაც გამოტოტრმანდა
და ვთქვით ერთბაშად: „ის აღარ მოვა,
მარადისობას ის შეერია“.

უპატრონო ბიჭს, ფუჰ

ბიჭოვ, შენ დედა არა გყავს?
ბიჭოვ, შენ მამა არა გყავს?
ბიჭოვ, ქართველი არა ხარ?
ბიჭოვ, პატრონი არა გყავს?

ვინ არის შენი ბიძია?
ვინ არის შენი დეიდა?
პანჩურეთელი არა ხარ?
ბიჭოვ, პატრონი არა გყავს?

ვინ არის შენი მამიდა?
ვინ არის შენი პაპიდა?
შენ რა, ფესვები არა გაქვს?
ბიჭოვ, პატრონი არა გყავს?

ბიჭოვ, ბებია არა გყავს?
ბიჭოვ, ბაბუა არა გყავს?
ნაგვის ქვეყანა არა გაქვს?
ბიჭოვ, პატრონი არა გყავს?

არც ცოლის დედა არა გყავს?
არც ცოლის მამა არა გყავს?
თბილისის სუნი არ აგდის?
ბიჭოვ, პატრონი არა გყავს?

ბიჭოვ, ძმაცავი არა გყავს?
ბიჭოვ, დაქალი არა გყავს?
ამყთა ქვეყნად არ ცხოვრობ?
ბიჭოვ, პატრონი არა გყავს?

არც საყვარელი არა გყავს?
არც მეზობელი არა გყავს?
შენ ფუისელი არა ხარ?
ბიჭოვ, პატრონი არა გყავს?

ძმაცავის დასაც არ ხეხავ?
დაქალის ძმასაც არ ხეხავ?
მეზობლის დედაც არა გყავს?
ბიჭოვ, პატრონი არა გყავს?

ბიჭოვ, ნამუსი არა გაქვს?
ბიჭოვ, სინდისიც არა გაქვს?
მე შენგან პასუხს მოვითხოვ:
ბიჭოვ, პატრონი არა გყავს?

ბიჭოვ, რაინდი არა ხარ?
ბიჭოვ, ბიჭბუჭი არა ხარ?
ბიჭოვ, ნაგავი არ გიყვარს?
ბიჭოვ, ვაჟკაცი არა ხარ?

ივერთა ადათს არ მისდევ?
პანჩურეთელებს ლალატობ?
ბიჭოვ, პატრონი არა გყავს?
ბიჭოვ, ქართველი არა ხარ?

სად არიან მამები (ორიგინალი)

სად არიან მამები, მამები სად არიან,
გავალ, გავიხედები, არ არიან, ქარია.
სად არიან მამები, მე რომ მოგაბარეა,
გავალ, ავეძრახები, არ არიან, ქარია.
საქართველო აქროლდა, ვით ფოთლებში ქარია,
სად არიან მამები, ქარია, არ არიან.
სად არიან ვეფხვები, ლერწმინაში არიან,
ლერწმინაში ქარია, ვეფხვები არ არიან.
ჩემი მკვდარი კი არა, შენი პატიმარია,
მიველ, ციხე გავტეხე, არ არიან, ქარია,
შვილო, მამა გიყვარდა, თქმა ვერ მოასწარია,
გზაზე გამოეკიდე, არ არიან, ქარია.
ეშმაკს ერქვას სახელად, ვინც მე ხელი დამრია,
სად არიან მამები, მამები სად არიან.
იმათ სახელობაზე ხე ვერ გავახარეა,
რაც იპოვეს, სულ დასწვეს, ვერვის მოსახმარია.
საქართველო, მითხარი, ნუთუ მხოლოდ ქარია,
სად არიან მამები, მამები სად არიან,
გავალ გავიხედები, არ არიან, ქარია,
საყელოზე ვის მივწვდე, მამები სად არიან.
არ არიან მამები, საქართველო ქარია.
ოხლად დავეყარნით, მამები არ არიან,
ცოცხლები არ არიან, მკვდარი ისეც მკვდარია.
დღე არი, არ არიან, ღამეა, არ არიან,
ქარია, არ არიან, არ არიან, ქარია.

4 პროზა

ფრაიბურგული ამბავი

ალექსანდრე ქელიძე


„cecin' est pas une pipe“

მთავარი ევროპეს ჭიპია, თქვა ზევსმა, როცა ხარადქცეულმა მშვენიერი ასული მოიტაცა ზღვის ნაპირიდან. ალექსს ხარის თავის დამარხვა ვიკის ულამაზეს ჭიპში სურდა, როგორც მაგიურ ორმოში. ენით ხაზავდა ვიკის მუცელზე წრეებს, ქალი ნეტარებისგან კენესოდა (თუმცა, თვალდახუჭული არა; ფანჯრის მინას ბუზი ეხლებოდა, თითქოს „წარმოსახვის გლუვ, უფიქრო ზედაპირს“ და ვიკი თვალს არ წყვეტდა ბუზს). ალექსს ფრაიბურგის ახალი ხელოვნების მუზეუმში ყოფნისას ცნობილი სიურრეალისტური ნახატი დაამახსოვრდა. კაცი ქალის სხეულშია ჩაკეტილი; ერთსხეულებაა კაცისა და ქალის. ქალი ხთონური ღვთაებაა, მშვიდად ილიმება. კაცს გაქცევა სურს. მისი სახე სასონარკვეთას გამოხატავს, თან საოცრად მიაშიტურია, გეგონებათ, პატარა ბავშვს უნდა საპნიანი წყლით სავსე ტაშტიდან ამოსვლა და მშობელი არ ანებებს. ქალის მკერდი ჰაერში დაკიდებული ფანტასტიკური გორებია. მისი საშოდან მდინარე გამოედინება. ვაგინალური დანტი; ვიკის ყოველ საშო-თალს ენით ლოკავდა ალექსი და მსუბუქ, ლამის ჰაეროვან შარდის გემოს გრძნობდა. მათ დათქვეს, რომ უნდა ჰქონოდათ ჩუმი სექსი. ვინც პირველი გამოსცემდა ხმას – წაგებული იქნებოდა და უცილობლად რაიმე სასჯელი დაეკისრებოდა, თუმცა, ეს პირობა ახლა ორივეს გადაავიწყდა, თავი მისცეს ვნებას და სხვა აღარაფერი ახსოვდათ. ქალმა, კმარაო, თავი გაითავისუფლა და სააბაზანოსკენ გაემართა ჩქარი ნაბიჯით.

ერთხანს ასე იწვა გარინდებული. მერე შარვალი ჩაიცვა, ფანჯარასთან მივიდა და გამოალო. ქუჩის მოპირდაპირე მხარეს ორსართულიანი, ყვავილების ქოთნებით მორთული სახლი ჩანდა. ერთ-ერთ ოთახში ბავშვები თამაშობდნენ. ალბათ ქერათმიანი ბრუნჰილდე, ან გრეტხენი. სიტყვების გაურკვეველი მარცვლები ალექსის ყურამდე აღწევდა. „Du Popo“ – ატირდა გრეტხენი, ქერათმიან ბრუნჰილდეს ხელი ჰკრა და მაგიდის ქვეშ შეძვრა. „ნეტა რა ეწყინა?“ სანერი მაგიდა გახდა გრეტხენის საკანი, ხოლო გააღმასებულმა ბრუნჰილდემ ზიგფრიდსა და რაინდთა მთელ დასს უხმო (მაგიდის ფეხს მთელი ძალით დაუშინა და-თუნია ტედი, ალბათ სურდა გრეტხენი თავშესაფრიდან თავისი ნებით გამოსულიყო). ალექსმა გაიგონა, სააბაზანოში როგორ დავარდა რაღაც მეტლახის ფილაზე და გატყდა. ისევ დახურა ფანჯარა, თითქოს ამ ხმამ აიძულა, რაიმე მოემოქმედა, ერთგვარი ჩამრთველივით, ან სასიგნალე გასროლასავით.

მერე კი ზღვაში შევიდა. ზღვა იყო ჩუმი, ტალღები – მდორე. ხშირად უნახავს სოფლად ხავსიან ტბორში მკვდარი ბაყაყი. მომწვანო ქაფი ბაყაყის მოტივტივე, ნებოვან სხეულს გარს ეკვროდა... ზღვის ტალღები ალექსს ისევე ეწებებოდა, როგორც მომწვანო ქაფი და მან პირობა მისცა თავის თავს, რომ აღარასდროს შევიდოდა ზღვაში... კვლავ აულაგებელ ლოგინზე მიწვა შარვალგაუხდელი და გაციებული ყავა მოსვა პლასტმასის ოქროსფერი ფინჯნიდან, რომელიც ერთი შეხედვით ძვირფასი ფაიფური-სას ჰგავდა...

სოფლად ალექსი ბნელ სახლში ცხოვრობდა; სახლი იყო უსიცოცხლო, როგორც ექსპრესიონისტულ ტილოზე გამოსახული სარკმელჩანბნელებული ნაგებობები, უზარმაზარ თავის ქალას რომ ჰგვანან. თავის ქალაში ადამიანები ცხოვრობდნენ. საუზმე, სადილი და ვახშამი მნიშვნელოვანი რიტუალი იყო... საღამოობით, მზე წინამულ სხივებს, როგორც ბლანტ სისხლისფერ ლაქებს აფრქევდა, რაც სახლის ტერასაზე გაშლილ მოკრძალებულ ტრაპეზს პირქუშ იერს სძენდა... ოთხი ლანდი უსხდა მაგიდას. გამაღებულები ჭამდნენ, თითქოს სადღაც ჩქარობდნენ. მაგიდაზე ჭურჭელი წკრიალებდა მონოტონურად და გამაღვიზიანებლად; პირის განკლაპუნება, წვნიანის ხერეპა, ბლანტი გეომეტრია მაგიდის და ამ გეომეტრიაში დაკარგული ადამიანები. პურის ობიანი ნატეხი... ივან ქარონი თითქოს ამ ნატეხში ცხოვრობდა, ისე ეალერსებოდა პურის ყუას და მერე დაჭიანებული კბილებით კვებდა. იყო ქარონში რაღაც უწმინდური, უსიამო. მოსიარულე გევამ ჰგავდა, არსად იყო სასურველი სტუმარი. მეზობლებს ათვალწუნებული ჰყავდათ, ბაზარში გამყიდველები ხურდას ამრეზით უბრუნებდნენ მადლობის უთქმელად... მამამ ყველის გაყვითლებული ნაჭერი გადაანოდა ივანეს, გემრიელად მიირთვით. თვითონ შედარ-



ებით მოზრდილი გადაიღო. ივანემ უკმაყოფილო სახით გამო-
ართვა, ღირსებაშელახებული ადამიანის კილოთი უთხრა, მე თავად
აიღებდი, რომ მდომოდაო. მამამ – ბევრს ნუ ლაპარაკობ, ჭამ-
ეო. თეფში დააცარიელა. – კიდევ მინდა. ერთიც დამისხი, ქალო!
დედა ადგა მაგიდიდან, მორჩილი და ჩუმი. გაუხეშებული, დან-
აოჭებული ხელით გამოართვა მამას ჯამი და იქვე, გაზუქურაზე
შემოდგმული უზარმაზარი ქვაბისკენ გაემართა. წვნიანი კვ-
ლავ გაავსო და მამას მიანიდა, რომელსაც კერძის მოლოდინში
ნეტარებით თვალები მიელულა და ხელეით მუცელზე დაეწყო.
– ივანე, შენც ხომ არ გინდა! დაისხი, არ მოგერიდოს! – არა
უფალო, მე მოვრჩი! მხოლოდ თამბაქოს გასახვევი ქალადი
თუ გექნება, იქნებ მომანოდო. მამამ უპასუხა, არა, ბატონო,
მხოლოდ ჩვეულებრივი სიგარეტი მაქვსო. ქარონმა – ისე, კი
არ ვენევი მასეთს, გასახვევი თუთუნი მირჩევნია, მაგრამ ახლა,
ჯანდაბას, მრავალფეროვნებისთვის გავსინჯავო. მამამ „ვინსტონი-
ნი“ გაუწოდა. სინამდვილეში ივანეს თამბაქოს მაგარი არაფერი
ჰქონდა და შესაბამისად არც ქალადი სჭირდებოდა. ამდენ მან-
ჭვას, შეეძლო, პირდაპირ ეთხოვა, მაგრამ კარგად იცოდა, რო-
გორ სიამოვნებდა მამას, როცა ქარონი ზრდილ არისტოკრატს
თამაშობდა, მაღალი წრისას. მამა აპყვებოდა ხოლმე თამაშში,
მერე კი, კეთილზმოვანი, ტკბილსიტყვიანი ბაასის შემდეგ გინე-
ბით გააგდებდა მაგიდიდან, წაიღ, შენს საქმეს მიხედო...

ალექსმა ყავა მოსვა... ფრაიბურგი ჩამოსვლის დღიდან
ლამის ყავის კანტატა ალექსის ცხოვრება, ანდა ყავის იმ-
პროვიზაცია. ვიკი სთხოვს ალექსს ევროცენტებს. „ყავისთვის
მჭირდება ფული, რომ ავტომატში ჩავყარო.“ მერე მადლობას
უხდის. „Я твоя шлюшка, შენთან გატარებული დროისთვის
ფული უნდა გადამიხადო.“ ილიმის, იცინის, თვალები უბრ-
ყინდა, მოაქვს ყავა, ალექსს მუხლებზე ჩამოუჯდება, კვლავ
იცინის, სასიყვარულო სიტყვებს ჩუმად ჩასაჩურჩულებს ყურში.
ვიკი უბრალოა. როცა რაიმეს უყვება ალექსს, თუნდაც ძალიან
ინტიმურს, მისთვის არ არსებობს არანაირი ბარიერი. მამაჩემი
ყოველთვის მეუბნებოდა, იმდენ ყავას სვამ, ვერ გათხოვდებიო.
იცი? ეზიზღება ყავა. რა თქმა უნდა, არაყი ურჩევნია. მახს-
ოვს ერთხელ... ხო, ცნობისთვის, დედ-მამა გაშორებულები არ-
იან, თუმცა, ერთ სახლში ცხოვრობენ და ერთმანეთს ჯიბობენ
უდგანან. ჩვენი სახლი ორადეა გაყოფილი, ერთ მხარეს მე და
დედა ვცხოვრობთ, მეორე ნახევარი კი მამაჩემის განკარგულე-
ბაშია. ბარიკადებია სახლში აღმართული, დასანანია რომ მთელი
ბევრობა ამ ბარიკადებზე გავატარე. ხოდა, ყავაზე ვამბობდი
რადაცას, какая я дура. დედას სახლში მოჰყავდა საყვარლები,
ისევ და ისევ მამის ჯინაზე, მამას კი... აქ ვიკიმ გადაიციკისა.
მამა მხოლოდ მუშაობს, არქიტექტორია და თავისთვის ხაზავს
რადანბან... სხვა არაფერი აინტერესებს. მოკლედ, ფინჯანი მი-
ჭირავს ხელში და მამასთან შევიდვიარ, მას კი ბინოკლი მოუმარ-
ჯვებია და ჩახდილი შარვლიდან მომჩვარული ფალოსი უჩანს.
თურმე დედას უთვალთვალეს ჩუმად. და წარმოვიდგენია, რას
მეუბნება? იმდენ ყავას სვამ, ვერ გათხოვდებიო (არადა, 16 წლ-
ისაც არა ვარ ჯერ). „დღიდან დღემდე გიმტკიცებ, მაგრამ ვერ
შეგაგებენ, მავნებელია ბევრი კოფეინი.“ „აჰ, მამაო ჩემო, თუ
ამას ამიკრძალავ, უდიდეს ტანჯვას მომიყენებ. ათას კოცნაზე
უფრო ტკბილია ამ ღვთაებრივი სასმელის გემო.“ მამას არაფრის
გაგონება არ უნდოდა. ეზიზღება ყავა, დიას, ბატონო. მეზობელ

ოთახში დედა ლალატობდა, თუმცა ამას ლალატი
აღარ ჰქვია, ისინი ხომ ოფიციალურად გაშორე-
ბულები არიან. მამა კი მეუბნება, ყავას ნუ სვა-
მო... სასაცილოა, არა? ვიკის თვალზე ცრემლი
ადგას. ალექსი ბოლომდე ვერ ხვდება, ვიკის
გადამეტებული სიცილისგან მოსდის ცრემლი,
თუ მართლაც ტირის. ლოყაზე წვრილ, თითქმის
შეუმჩნევლ სახად მოსდიოდა ცრემლი.

ალექსი ბრაისგაუს უკაცრიელ სადგურზე
ლამის ათ საათზე ჩამოვიდა. რელსები ზუ-
ზუნებდნენ, ღრჭიალებდნენ (სადაცაა, სხვა მა-
ტარებელი ჩამოდებოდა ბაქანზე). სადგურიდან
მიუნსტერი მოჩანდა, მგლოვარე ბერივით. ინ-
გლისელი მფრინავის, ვინმე კინგის ჩანანერეშში
ვკითხულობთ, რომ მამ 1944 წლის 27 ნოემ-
ბერს ცეცხლმოდებული ქალაქის თავზე, სა-
ჰაერო სივრცის პატრულირებისას, ათი საათის
მიმართულებით შეამჩნია უჩვეულო, სფეროსე-
ბური მფრინავი ობიექტი. მოხდა საოცარი რამ;
მფრინავის მიერ მიუნსტერის მიმართულებით
გატყორცნილი ყუმბარები სამიზნეს არ მიხვე-
დრია. პირიქით, თითქოს უზარმაზარ ბატუტზე
დაეცნენ, დრეკადმა მიწამ აისხლიტა ისინი და
მფრინავს კატაპულტირება რომ არ მოესწრო,
ველარაფერი გადაარჩენდა... თუმცა ეს ერთად-
ერთი უჩვეულო მოვლენა არაა, რაც გერმანიის
მწვანე დედაქალაქში მომხდარა. ამბობენ, ერთხ-
ელ, ჯერ კიდევ კაიზერ მაქსიმილიანის დროს,
შეყვარებულ წყვილის ორეულები მოეფინენ
მთელს ალთშტადტს, ისინი ათასობით იყვნენ.
ქალაქის ბიურგერმეისტერმა საგანგებო ზომე-
ბიც კი მიიღო, რათა მოსახლეობის მღელვარება
დაეცხრო; ზოგი წყვილი ბანკის გაძარცვას და
საზოგადოებრივი თავშეყრის ადგილებში, რბი-
ლად რომ თქვათ, ვნებიან ხვევნა-კოცნასაც არ
მორიდებია.

ფრაიბურგი – ქალაქი-მოჩვენება. ალექსმა
გაიფიქრა, რომ შეიძლება ამ უკიდევანო სიჩ-
უმეში, სახლების ფასადებს მიღმა ნანგრევე-
ბია, ნებოვანი სისხლის გუბები და ადამიანთა
კიდურების გორები დგას. ფრაიბურგი ცარი-
ელია, მხოლოდ სასწაულებრივად გადარჩენილი
მიუნსტერი დაჰყურებს მიტოვებულ ქალაქს.
ტაქსისტს მაშინვე მიაჩჩა ხელში ქალადის
ნაგლეჯზე დანერილი მისამართი. სამხრეთუ-
ლი აქცენტი ეუცხოებოდა, არ სურდა მძღოლს
მასთან საუბარი გაება. სანამ სტუპლინგერ-
შტრასეზე ახლადამენებულ სასტუმროსთან
მივიდოდნენ, მთელი გზა უხერხულობის განცდა
გაჰყვა, შებოჭილი იყო.

ალექსმა ნომერში ბარგი, დააბინავა და
რესტორანში ჩავიდა დასანაყრებლად. მიმტანი

მაშინვე მასთან გაჩნდა და მფარველ-დამრიგებლის კილოთი თავაზიანად დაიწყო კერძების ჩამოთვლა. ყველაფერს დანვრილებით განუმარტავდა, თუ რა რისგან იყო გაკეთებული და ალექსიცი მორჩილად უსმენდა ეშში შესულს, სანამ ეს უკანასკნელი ვრცელ მონოლოგს დაასრულებდა... საბოლოოდ მხოლოდ ფრანკფურტული ძეხვი და ლუდი შეუკვება, თან მორცხვად დაამატა Entschuldigung.

ის იყო რამდენიმე ყლუბი მოსვა კრომბახერისა, რომ ქუჩაში ტურისტებით სავსე ავტობუსი გაჩერდა, რომელზეც მსხვილი ასობით პედიგორის რეკლამა იყო გამოსახული; კმაყოფილ ფინია ძაღლს თავი ჩაერგო ჯამში და საკვებს გატაცებული შეექცეოდა. ქერათმიანმა გიგმა მიმართა ტურისტებს, ჩამოსვლის დროაო. მას ხორხისმიერი ხმა ჰქონდა, თითქოს სულ იცინოდა. სხვადასხვა ფერის ჩანთებით, ჩემოდნებით და რუკზაკებით აღჭურვილი ტურისტები ქუჩას მოეფინნენ, ავტობუსი დაიძრა (თითქოს ფინია ძაღლმა ჭრელი ლეკვები დაყარა, რომლებიც გაუჩერებლად ნკმუტუნებენ, და თავის გზას გაუდგა)... მგზავრები ერთხანს დაბნეულები იყურებოდნენ გარშემო. რამდენიმე მათგანმა ფოტოც კი გადაიღო ნითლად ანთებულ ლატონებს და სასტუმროს ფასადს, რის შემდეგაც ნელ-ნელა თავისი ნომრებისკენ დაიძრნენ.

გადაწყვიტა ლამის ქალაქი დაეთვალიერებინა და რესტორნიდან გამოვიდა. სიგარეტს მოუკიდა და ნეტარებით ჩაისუნთქა კვამლი. მინიატურული ქალაქი ვინორ ქუჩებით, თითქოს მარიონეტებისთვის, ანდა პატარა თოჯინებისთვის გაკეთებული მაკეტი. ჯერჯერობით მხოლოდ სურათებიდან იცნობდა ფრაიბურგს. ფრაიბურგი გერმანულად თავისუფალ მოქალაქეთა ციხე-ქალაქს ნიშნავს. ალექსმა ბევრი რამ ნაიკითხა ისტორიული წიგნებიდან, თუმცა, განსაკუთრებით ერთი ნიშანდობლივი ფაქტი აღებეჭდა გონებაში. მეცამეტე საუკუნის მიწურულს დიდი უთანხმოება გაჩნდა ქალაქის მოსახლეობასა და თავადებს შორის. როცა ფრაიბურგის მთავარმა გადასახადები გაზარდა, უკმაყოფილო მაცხოვრებლებმა კატაპულტები დაუშინეს მის სასახლეს, რომელიც შლოსბერგზე იყო აღმართული... კატაპულტების გრუხუნსა და ფრაიბურგის მთავარ ეგინო მეორის განრისხებულ შეძახილებში ალექსმა გამოკვეთილად გაიგონა აჩქარებული ნაბიჯების ხმა და ცარიელ ქუჩაში მალალი ქუსლების ექო - პატარა დეტონაციები.

უკან შებრუნდა. ახალგაზრდა ქერათმიანი ქალი ლამის შეეჩება. მან სწრაფად დაიხია უკან. ქალმა გერმანულად მიმართა: უკაცრავად, ახლახან ჩამოვედი და სასწრაფოდ მჭირდ-

ება დარეკვა. ქალაქში საერთოდ არავის ვიცნობ, ჯერჯერობით აქაური ნომერიც არ ამიღია. მოკლედ ужас, რუსული სიტყვა ჩაურთო, мне обязательно надо позвонить, თუმცა რუსული საიდან გეცოდინებათ, какая я дура, თუ დამეხმარებით და ტელეფონს ჯიხურს მაპოვინებთ, ძალიან დამავალბებთ. აქაური ხარის დამტვრეული გერმანულის და რუსულის ნარევეზე უნებურად გაელიმა ალექსს. მისი სახე იცნო: ქალი აშკარად ერთ-ერთი ტურისტთაგანი იყო, რამდენიმე წუთის წინ ავტობუსიდან ჩამოვიდა.

- მეც პირველად ვარ ამ ქალაქში, барышня.

- მაშ, თქვენ რუსული იცით? რა კარგია, საიდან ხართ მოდი, გამოვიცნობ, ნუ მეტყვი, იქნებ პეტერბურგიდან? არა რუსი არ ხართ?

- არა.

ალექსი გაკვირვებული უყურებდა ქალს. „ნეტა, როგორ ვერ შეამჩნია სასტუმროს მისაღებში დადგმული ტელეფონი? თუმცა, მნიშვნელობა აღარ აქვს.“ განმარტოებით ყოფნა სურდა უნდოდა, რაც შეიძლება მალე მოეშორებინა თავიდან აბეზარო თანამგზავრი.

ალექსი ნელა მიიწვავდა წინ, თან გზაზე დაბალ შენობებს ათვალიერებდა ყურადღებით. ქალი აშკარად უკმაყოფილო დარჩა მისი მოკლე პასუხით.

- შეიძლება, ცოტა ჩქარა ვიაროთ? შემცივდა, თქვენ კი ისე თბილად გაცვიოთ. და საერთოდ, სახელიც არ გიკითხავთ ჩემთვის.

ასე გაიცნო ვიკი. ვიქტორია. ქალმა უთხრა, ჩემი სახელი ესპანურად საკმაოდ სასაცილოდ ჟღერსო. სანამ ფრაიბურგში ჩამოვიდოდი, ორი კვირა იქ ვისვენებდი ზღვაზე, ახალშემქმნილი ნაცნობები ბიკის მეძახდნენო. „აი, რამდენად არ უყვარია „ე“-ს გამოთქმა. სამაგიეროდ მე ძალიან მიყვარს ჭლაცა დე ლას ჩატედრალეს, სანაპიროზე თალოვანი კლდეები ნამდვილი ტაბრებივით აღმართულან, სანახაობით ალტაცებული, რალა თქმა უნდა, ასეთ წვრილმანებს ყურადღებას აღარ ვაქცევდი.“

- მე ვიკის დაგიძახებთ, თქვენის ნებართვით.

- ჰო, რა თქმა უნდა.

ძლივძლივით მიაკვლიეს ტელეფონის ჯიხურს. ვიკიმ დარწმუნდა და დიდხანს გატაცებით ლაპარაკობდა.

- დრო მიმთავრდება. 50 ცენტიანი ხომ არ გექნებათ? ალექსმა ჯიბე მოიჩხრიკა და ხურდა გაუნოდა. გაიფიქრა, ისეთი შინაგანი რიტმი აქვს ამ ქალს, მისი შეხების შემდეგ ალბათ ყვავილის ქოთანშიც კი გაცოცხლდება და ამოძრავდებაო. თავად ყოველთვის ცდილობდა, შეუმჩნეველი დარჩენილიყო. მაგალითად, სტუმრად ყოფნისას, დიდი ზომის კარადასთან დგებოდა აწვდომად ყოველთვის. არ სურდა, განმეს თვალში მოხვედროდა

- სიგარეტს ეწევით?

- კი.

- ნახეთ, მე რა მაქვს - ჩანთიდან ჭრელი ჩიბუხი ამოიღო ხომ ლამაზია? სამახსოვროდ ვიყიდე. იქნებ, როგორც მწველმა შემეფასოთ? ძალიან საყვარელი ნივთია.

- მე ზოგადად თუთუნს არ ვწვევი... ვიკის ჩიბუხი მოუხერხებულად გაეჩარა პირში და ჰაერს გამაბნელებელი ისრუტავდა.



ფრაიბურგული ლეგენდის თანახმად, ერთ-ერთი სახალხო ზეიმის დროს ნილბიანმა უცნობმა (ნილაბი გადაშლილ ნიგნს ჰგავდა, რომელზეც პატარა ხუთქიმიანი ვარსკვლავები იყო გამოსახული) კაიზერ მაქსიმილიანს უცნაური საჩუქარი – ჭრელი ჩიბუბი გადასცა და მაშინვე გაუჩინარდა. კაიზერს ჩიბუბი იმდენად მოეწონა, რომ განუყრელად თან ატარებდა. სწორედ იმ დღიდან გამრავლდნენ ქალაქში შეყვარებულთა ორეულები, რომელთაც მრავალი ენითაუწერელი რამ ჩაიდინეს. კაიზერმა გადაწყვიტა, ერთ-ერთი წყვილის სასამართლო პროცესს დასრულებოდა ინკოგნიტოდ. მაქსიმილიანეს გაკვირვებას საზღვარი არ ჰქონდა, როცა საოცარი მსგავსება აღმოაჩინა განსასჯელის სკამზე მჯდარ ქალსა და მის სატრფოს, ფელიცე ფონ შტუჰლინგერს შორის, ხოლო ვაჟი კი გაჭრილი ვამპლივით ჰგავდა თავად კაიზერს.

ირმების ქუჩაზე იტალიურ რესტორანში შევიდნენ და პიცა შეუკვეთეს, რომელიც საკმაოდ უგემური გამოდგა. სამაგიეროდ, ვიკიმ არჩია კარგი ღვინო – „ტორესი“. ბოთლის ყელთან პლასტმასის სათამაშო ხარი იყო მიკრული. მიმტანმა ინგლისურად ჰკითხა ალექსს, აბა, სათამაშო რომელს მოგცეთ? ვიკიმ უპასუხა, მე არ მინდა, ძალიან დაღონებული ჩანს და რქები დაბლა დაუხრიაო. – Er sieht komisch aus. ალექსი აღარ შეუშინდა სამხრეთულ აქცენტს და თავისუფალი გერმანულით მიმართა მიმტანს. – Ich mag solche Spielzeuge, danke sehr.

– რა კარგად ლაპარაკობთ გერმანულად? სასწავლებლად ხართ აქ? – ეკითხება ვიკი.

– ჰო, ჩემი სამაგისტრო ნაშრომის დაცვას ბერძნულ ფილოლოგიაში აქ ვაპირებ.

– რა საინტერესოა. მე კი სამუშაოს დანყება მინდა, მაგრამ ამისათვის ჯერ გერმანული უნდა ვისწავლო კარგად – ვიკიმ პიკის მოზრდილი ნაჭერი გადაიღო თეფშიდან – მე მჯერა, რომ სიყვარულისთვის ვარ შექმნილი! წინადადების ასეთ დასასრულს არ მოელოდა ალექსი... ვიკიმ ლექსად გააგრძელა:

Мне нравится, что можно быть смешной -
Распушенной - и не играть словами...

იმ დღეს უკვე კარგი მეგობრებივით დაშორდნენ ერთმანეთს. ალექსმა დამშვიდობებისას უთხრა, უმა თურმანს გავხარო. ვიკის სახე გაუმკაცრდა, მე არავის ვგავარო, ეს უცნაური ცვლილება იყო. და ალექსმა სწორედ მაშინ დაინახა პირველად სხვა ვიკი, რომელმაც შუბლი გაიხსნა და გულიანად, თბილად გაიღიმა მის კომპლიმენტზე, ხოლო ის მეორე, ნარბუქერული გაემართა თავისი ნომრისკენ.

მამა ხშირად ეტყოდა ხოლმე ქარონს: ჩემო ძმაო, ივანე, ხომ იცი, შენი იმედი მაქვს, შენ რომ არ მყავდე, რა მეშველებოდა, შენს მხრებზეა ეს სახლი, კარ-მიდამო ვრცელი და მდიდარი. კარგად მიხედ შენს ნავს, ჩემო ძმაო!

კარ-მიდამო ვრცელი და მდიდარი! ალექსს ვერ გავგო, რას ნიშნავდა საერთოდ მდიდარი? ვრცელი? სახლი ძალიან ძველი იყო; წითელი აგურით ნაშენები, კრამიტით გადახურული. წვიმის დროს წყალი ჩამოდიოდა ხოლმე ჭერიდან... და რამდენჯერ მდგარა მთელი ღამე მდინარე მამის სასთუმალთან გათოშლილი, აკანკალებულ ხელში წყლის ნაკადისთვის შემვერილი სათლი სჭერია, მამას რომ არ გაჰვლიძებოდა და ძილი არ გასტყდომოდა. ალექსისთვის ისიც გამოცანა იყო, საერთოდ რას აკეთებდა ქარონი მათ სახლში?! ეზოში პატარა მდინარე ჩამოდიოდა, მდინარეში ნავი იყო, ქარონი თითქმის მთელ დროს იქ ატარებდა. ნარმოიდგინეთ, უზარმაზარი ნავი პატარა მდინარეში, რომელიც ნაპირებს ეხიდება. ერთხელ ჰკითხა კიდეც ალექსმა, რად გინდა მანდ რომ ზიხარ, რა დაგრჩენიაო? ივანემ მიუგო, უფალმა ბრძანა ასე და მის სიტყვას ვერ გადავალო. ამის მეტი არაფერი უთქვამს, სახე მოექცა და ავმა ღიმილმა გაურბინა ტუჩ-პირზე. იმ საღამოსვე უთხრა მამას, შენი მხოლოდშობილი ვაჟი თავისთავს ელაპარაკება ხოლმე, მგონი მთლად ჭკუაზე მყოფი ვერ არიო. ალექსს ჩვევად ქონდა, ღამე, ყველა რომ დაიძინებდა, ეზოში გავიდოდა და მინაზე დანვებოდა გულაღმა, ვარსკვლავებს უტყერდა და ნატრობდა, რა იქნებოდა, მცენარედ გავეჩინე ღმერთსო, მზესუმზირა, ან, თუნდაც, გვირილა ვყოფილიყავიო, ჩემთვის ვიქნებოდი, მზესუმზირა აქცერალი ვიხარებდიო. ერთხელ მინა გათხარა, შიგ ჩაეფლო და თვალები დახუჭა, თვალნი ნარმოუდგა ზღაპრული ქოხი, სახლის გადაღმა გორაზე რომ იდგა. ქოხში, სავარაუდოდ, არავინ ცხოვრობდა, სახურავზე კენკროვანი ბუჩქი და ბალახი ამოსულიყო, მაგრამ ალექსს ძლიერ უნდოდა იქ დასახლება სრულიად მარტოს. მიტოვებული საბინადრო იზიდავდა. მამა ამბობდა, ის ადგილი უნდა ვიყიდო და ეკლესია უნდა

ავაშენო, რომ ღმერთის შენეგნა არ მოაკლდეს ჩვენს სამკვიდრებელსო... ნამოინია, მინდან ნამოდგა ალექსი, ნახევარკალი მოხაზა ხელით ჰაერში, თითქოს ალექსი სამყაროს კარი შეაღო. — არავინა აქ? — იკითხა ჩუმად. თვალი გაახილა და ქარონი შეეფეთა, თურმე დარაჯობდა ალექსს. — რას აკეთებ, ბიჭო? — დაგუდული ხმით ჰკითხა — მამა გაბრაზდება, ხო იცი. — მერე, შენც წუ ეტყვი, რა? ძია ივანე, ვთხოვ. მაგრამ ვინ უფლებდა ყურს ალექსის ვედრებას, მეორე დილასვე გაიგო მამამ ყველაფერი და ალექსი შეშლილად გამოაცხადა. — ტყუილად მაქვს შენი იმედი, შვილო ჩემო! ერთი დღე გაუბახტბში უნდა დაგამწყვდიო, იქნებ ცნობაზე მოხვიდე!

„უპრობსტი“ ვინრო, უჰაერო ოთახი იყო, სადაც ხორცს ბოლავდნენ. მამა ყოველთვის იქ ამწყვდევდა სახლის ბინადართ ურჩობისთვის. ალექსმა მორჩილად მოიხადა სასჯელი. ღამით ციოდა და უკვე შებოლილ, უზარმაზარი ტახის ბარკალს ეხუტებოდა აკანკალებული. საკმარისი ადგილი არ იყო ოთახში და ზეზეურად მოუნდა გათენება. გაუასკვეცა მიტოვებულ ქოხში დასახლების სურვილი, სიგიჟემდე სურდა მშობლიური სახლიდან გაღწევა. მოგვიანებით დედასაც გაუმხილა თავისი ოცნება. დედა მდუმარედ შეჰყურებდა ერთხანს, მერე თვალზე ცრემლი ჩამოუგორდა და გულზე მიიხუტა შვილი...

„ახლავე უნდა წავიდე აქედან!“ დღეში ასჯერ მაინც უმეორებდა საკუთარ თავს. ეზოს მაყვლოვანი ეკრა გარს. ალექსს ეჩვენებოდა, რომ მაყვლოვანი ყოველდღე უფრო და უფრო იზრდებოდა და გაუვალი ხდებოდა. საღამოობით, როცა მამა მაგიდასთან თვლემდა ნებივრად, მშვიდად, ხოლო ივანე ქარონი თავის ნაგში იჯდა ნიჩაბს დაყრდნობილი, ალექსი ჩამავალ მზეს და სისხლისფერში გახვეულ ქოხს უმზერდა.

* * *

ვიკი სააბაზანოდან გამოვიდა, იატაკზე სველი ტერფების ანაბეჭდი რჩებოდა. ალექსი თეთრად განათებულ სარკმელს უცქერდა და წარმოიდგინა, რომ ეს ფანჯარა სხვა, უფრო დიდი ალექსის თვალში იყო, რომელიც ოთახში თავშესაქცევად იცქირებოდა. ქალ-ვაჟი კი ყველაფერს აკეთებდა უხილავი მაყურებლის გასართობად. ისინი სასაცილო მარიონეტებით მოძრაობენ, მათ აქვთ მარიონეტული სექსი და ლეგო-გენიტალიები. Everything is great! მარიონეტებმა ვერ გაიყვეს სანერ მაგიდაზე დარჩენილი ბურგერი და წარმოიშვა მარიონეტული Bürger-დრამა (ვიკიმ იტირა პატარა გრეტუნევიით და ბალიშში ჩარგო თავი). ალექსის ქვაბში (რომელიდაც ნა-

კლებადმნიშვნელოვანმა მწერალმა ადამიანის თავი ქვაბს შეადარა) ყველაფერი ვერ იყო რიგიანად მოხარული-შეკმაზული: მოგონებები და ფიქრები გაფუჭებული ბოსტნეულივით ირვოდა. თუმცა, ძველი ჩინური ანდაზის თანახმად, არ არსებობს კარგი ან ცუდი საკმაზი კერძისათვის, არსებობენ მხოლოდ კარგი და ცუდი მზარეულები. მარიონეტების ოთახში ალექსი და ვიკი კეტრუპის ბოთლებით ზეიარალებულები დასდევდნენ ერთმანეთს; ეს ერთი შეხედვით ბავშვური თამაში მოყირჭების განცდას უმძაფრებდათ და მათი შეძახილებიც დაუსრულებელი სტრეტკასავით მეორდებოდა ენტროპიულ ფუგაში. იატაკს კეტრუპის სისხლისფერი, ცხარე წვეთები ეშხეფებოდა... ვიკიმ აბაზანიდან ზღვის სურნელი გამოიყოლა, ყოველ შემთხვევაში, ასე მოეჩვენა ალექსს. ქალმა იცოდა, ალექსის ნყობიდან გამოსაყვანად მცირედიც კმაროდა და თავისი არყოფილი სასიყვარულო ინტრიგის მოყოლა დაიწყო, რომელიც ვითომდა Playa de las Catedrales სანაპიროზე გადახდა თავს; ელქსიბიციონიზმის აქტი ახლადგაცნობილ un buen chico-სთან ტურისტებით სავსე პლაჟზე, გამოგონილი პიკანტური თავგადასავლის მოყოლისას ვიკი იცინოდა — ფუგის ახალი თემა. სიცილი ყველა მხრიდან ესმოდა ალექსს. სურდა, ერთი წუთით მაინც მარტო დარჩენილიყო და გონება მოეკრიბა. „ყველა ჩვენ გვიღებდა სურათებს, დაიას!“ ტკივილი შვიკი ფრინველივით ფართობლდა მკერდში. ალექსს საინფორმაციო გადაცემაში ჰქონდა ნანახი, როგორ გადაარჩენდნენ მამუელები ნავთობით დაზინძურებულ სანაპიროზე თითქმის სასიკვდილოდ განწირულ თოლიებს. ნავთობის შავი, სქელი ფენით დაფარულებს მოძრაობა აღარ შეეძლოთ. გული მძლავრად ცემდა. შავმა ფრინველმა გამოტეხა მისი მკერდი და პირდაპირ ვიკის წინ დაეცა. სხვა უფრო პატარა ალექსმა კი გამოტყეხილი აპარალი დაგმანა, სახელდახლოდ ამოქაფა და ფულუროდქცეული სხეულის უსწორ-მასწორო ბილიკი დაეყუვა არსაითკენ...

— «Il me semble que je serais toujours bien la ou je ne suis pas».
— თავისთვის თქვა და უკვე მაგიდასთან მჯდომ ვიკის გახედა, რომელიც ტუჩის საცხს დირიჟორის ოსტატურის, ზუსტი და, ამავე დროს, არტისტული მოძრაობით ისვამდა.

— ესე იგი, ყოველთვის უფრო ბედნიერი იქნები იქ, სადაც არ ხარ.

— უფრო ზუსტად, იქ, სადაც არ ვარ, ჩემი ნამდვილი მეა.

— და კიდევ უფრო ზუსტად: იქნებოდი ყველგან, ოღონდ არა ამ სამყაროში. ანუ, გინდა თქვა, რომ მოგებზრდი? — ტუჩის საცხის ნასმა არ შეუნწყვიტავს, მოძრაობა ხელისა უბრალოდ უფრო ნერვიული გახდა.

იგრძნო, რომ ვიკი სურდა; აი ასე გაღიზიანებულ-დაეჭვებული-განრისხებულ-უმიზეზოდ გააღმასებულზე. მიუახლოვდა და ყურში რაღაც ჩასწურწურა გაურკვეველად. ვიკიმ შეხედა: რას მეუბნები? ნუთუ მოესმა?! კითხვის ნიშანი გადაიქცა ძახილის ნიშნად, რომელიც ალტაცებას გამოხატავდა. ალბათ სასვენ ნიშნებში უნდა არსებობდეს რაიმე გარდამავალი ნიშანი, მაგალითად, ასეთი ?<!!, რომელიც იქნებოდა თანდათანობით გამქრალი ეჭვის და სიხარულის გამომსახველი. თუ მსგავსი რამ ოდესმე მოხდება, აღარ იარსებებენ სიტყვებს შორის მიმართებები, არამედ მხოლოდ ნიშნები, საგზაო ნიშნების მსგავსად. ვიკის თვალეები უცემციმებდა, ერთი სული ჰქონდა, ეთქვა, მეც მიყვარხარო, მაგრამ ალექსმა მშვიდად, დამარცვლით მიუგო, არაფერი მითქ-

ვამს, უბრალოდ გაგეხუმრო. მერე გონს მოსვლა აღარ აცადა ქალს და ხელი მოხვია შიშველ მხრებზე.

ვიკი არ შეინანაღმდეგებია. თუკი გაურკვეველობის განცდას შესაძლებელია, ჰქონდეს გემო, ალექსი ამ გაურკვეველობას, ეჭვს გრძობდა ვიკის ბაგეებზე; ქალის ტუჩებს სხვადასხვა დროს სხვადასხვანაირი გემო აქვს. ალექსი კი ნამდვილი გურმანი გახლდათ ამგვარი ნიუანსების.

დალილები, ერთმანეთის გაოფლილ სხეულებს მიხუტებულები იწვნენ. ვიკიმ უთხრა, მშაო, ალექსი კი ეკითხება — მოგეწონა? ვიკიმ თავი გააქნია — ისე რაა. — მაშინ, მოდი, კიდევ ერთხელ ცვალოთ. ალექსმა ვიკის სველი თმის დახვევა დაიწყო საჩვენებელ თითზე. — არა. ახლა მშაო. მერე იყოს — და უარის ნიშნად თავი გააქნია. — იყავნ ნება შენი, მამ ჩავიცვათ და სადმე პაპში წავიდეთ, კარგი?

ტანზე ჩაიცვეს და ოთახიდან რატომღაც ფეხაკრეფით გავიდნენ. ოთახში დარჩნენ სხვა ვიკი და სხვა ალექსი, რომელთაც გააგრძელეს ერთმანეთით ტკბობა მაშინ, როცა მათი ორეულები მტუნიანგურსტრასეზე პიცასა და ლუდს შეექცეოდნენ.

ალექსმა მამლის ყვილზე გაიღვიძა. საწოლიდან წამოიწია და მაშინვე სოფოს წაჩუქარ წიგნს მოჰკრა თვალი. სქელტანიანი რომანი იყო. სოფო მათ მეზობლად ცხოვრობდა. ალექსმა თავად შეურჩია სახელი. მხოლოდ ერთხელ ჰყავდა ნანახი და აღუგებულმა იმის კითხვაც ვერ მოახერხა, რა გქვიაო. ცხენს ასეირნებდა მიტოვებული ქობის მახლობლად. ფერდებჩაცვენილი ცხოველი მადიანად შეექცეოდა ბალახს, ის ფარაონის სიზმრიდან გამომხვენილ მჭლე ძროხას უფრო ჰგავდა, ვიდრე ცხენს. უპროპორციო ტლანქი ტანი, თუმცა, მინც თავისებურად ლამაზი. ხანდახან ადამიანები ტლანქ პროპორციაში ვოკებთ ხოლმე საზრისს და ეს საბრალო ცხენიც, რაღაცნაირად მშვიდად ბედს შეგუებული, ძალიან უყვარდა ალექსს. ცხენი იცოხნებოდა. ალექსმა სიცილის ხმა გაიგონა. ცოტა ეუცხოვა ამ უდაბურ ადგილას ასეთი სახეე კისკისი და მოუთოკავ-სადავემიშვებული განცდა... და დაინახა სოფო, ახმახ, უწვერულ ბიჭთან ხელიხელგადახვეული აღმართს მოუყვებოდა და ალექსს რომ გაუსწორდა, მაშინლა შეწყვიტა კისკისი, ლამის რომ ანაყოფიერებდა გაუდაბნოებულ მიწას. ტბას ხომ ვერ მიმასწავლიო, ჰკითხა განითლებულსა და დარცხვენილს. — მალლა აუყვეით გორას და დაინახავთ — ძლივს მიუგო. სოფო ერთხანს აკვირდებოდა, მერე კი წიგნი გაუნოდა, გამომართვი, გჩუქნიო. „წეროს ორი შთამომავალი“ — დიდი შრიფტით ეწერა გარეკანზე. ალექსმა გამოართვა. „რატომ მაჩუქა?“ — გაურბინა თავში. მერე მიხვდა, გაცრეცილი წიგნი მხოლოდ ტვირთი იყო შეყვარებულთათვის. მათ წიგნი თავიდან მიიშორეს, როგორც უსარგებლო ნივთი... ქალ-ვაჟი საოცრად ჰგავდა ერთმანეთს, როგორც წეროს ორი შთამომავალი. გოგონამ თითქოს სავიზიტო ბარათით გადასცა საჩუქარი. და მაინც, რაში უნდა გამოეყენებინა? ალექსი ხომ ძლივს ახერხებდა კითხვას... სოფლის მახლობლად სკოლის დაწყებით კლასებში დადიოდა, მერე თანდათან გული აიცრუვა სწავლაზე, ბოლოს კი საერთოდ მიანება თავი. თანაკლასელები მოსვენებას არ აძლევდნენ, ხშირად ნაცემი ბრუნდებოდა სახლში. აზლუქუნებული და პირგასისხლიანებული ეკვროდა დედის კალთას, მამა კი ირონიუ-

ლად უმეორებდა ერთსა და იმავეს, ვერ ხედავ, შენი ადგილი მხოლოდ აქაა, მშობლიურ სახლში, ვერ ხედავ, სხვაგან დაგცინიან და არ გინდობენ, არაფრად გაგდებენო...

ალექსი აივანზე გამოვიდა, სუფთა ჰაერი ჩაისუნთქა. მამა უკვე ამდგარიყო, ტერასაზე იჯდა. ივან ქარონი თბილი წყლით ბანდა ფეხებს. მამა სიგარეტს ეწეოდა და ვერ ამჩნევდა, როგორ ეფერფლებოდა ნამწვი ქარონის ალაგ-ალაგ გამოხეულ, მრავალჯერ დაკემილ პურანგს. ალექსი ჩქარი ნაბიჯით გაემართა თავლისკენ. — სად მიდიხარ ბიჭო ასე უთენია? — დანია მამამ კითხვა. — რავი, ცხენს გავასეირნებ, ცოტას ვაბალახებ. ამის თქმა იყო და გაავებული ფინია ძალი გამოეწინა საიდანღაც, პატრონის სიამქვეშ თუ იქნებოდა დამალული. „აღბათ წინააღმდეგობა არ ეყო გასაძლომად და ამიტომაც ასე გაანჩხლებული“ — გაიფიქრა. მამამ უკმაყოფილოდ ასწია წარბი. — ხომ ვითხარი, ნუ აბრაზებ-მეთქი ამ ძაღლს. — კიდე მე ვაბრაზებ? ლამისაა, შემჭამოს. ივანეს გაელიმა, მამას ეუბნება, აქამდეც უღრენდა ეგ ალექსს, მაგრამ მერე გადაწყვიტა ბიჭმა, შემოვიჩვევო, პურის დიდ ნატყებებს აჭმევდა და მთლად გაუთავებდა ძაღლი. ცხოველი ასე ფიქრობს: სუსტია ეს კაცი და ჩემთან შემორიგებას მაგიტომ ცდილობსო. — შენ ბევრს ნუ ფილოსოფოსობ, გააგრძელო, რასაც აკეთებ — შეუღრინა მამამ. ქარონმა ცხელი წყალი ჩაამატა ტაშტში და მოწინებით, რიდი დაასრულა ფეხთა განბანა.

ალექსისთვის გამოცანა იყო, ამდენ ხანს როგორ გაძლო ივანემ მათთან, ან რატომ უყვარდა ასე ძლიერ მამა? მას ხომ არაერთხელ მიუყვანია ცემით სიკვდილის პირას, უმეტესად არყის ჭურდობისთვის, ანდა ისეთი დამაშაულებებისთვის, რასაც „გაუბახტში“ სასჯელის მოხდა ვერ გადასწონიდა (მაგალითად გაუფრთხილებლობით თეფშის ან ჭიქის გატყევა, ანდა ნახირიდან ძროხების დაგვიანებთ მირეკვა). არაერთხელ გამოქომაგებია დედა, არაერთხელ ატირებულა, და შევედრებია მამას, მოეშვი, ნუ შეიკლავო, მაგრამ გაცეცხლებული მამა, როგორ თუ შეპასუდება გამიბედვო, დედასაც დაუწყებდა ცემას და მის ცრემლსა და სისხლს ერთმანეთს შეურთავდა.

სახლში რამდენიმე ძროხა და ერთი ხარი ჰყავდათ, რომელიც ალექსს გამორჩეულად უყვარდა, მას დიდი, ლურჯი თვალები ჰქონდა, ძალიან წყლიანი. ნაზამთრევეს, ხეში წყალი რომ ჩადებოდა, გარეთ გაპარვა იცოდა ხარმა. როგორ, რა მანქანებით, სახლის ვერცერთ ბინადარს ვერ გაეგო. გაიჭრებოდა თავისუფალი,

მონავარდე და რკით მიწის ჩხერას იწყებდა, კოტრიანობდა მერე რკითნაჩხერ მიწაში და მადლიერი, ჟინდამცხრალი, კმაყოფილი ბლაოდა. ალექსს ერგებებოდა იმ წამს, რომ ხარი ლაპარაკობდა. მიწასა და ტალახში ამოსვრილი თავისი ფეხით ბრუნდებოდა მერე ბაკში. არცთუ იშვიათად სტუმრობდა მას, როცა გაავეებული მამა სახლის სხვა ბინადართ სჯიდა. თვინიერი ცხოველი თმას ულოკავდა მშობლიური მზრუნველობით დარტყმის ყრუ ხმებს და დასჯილთა კენესას გამოქცეულ, გამხმარ ფუნაში მოკუნტულ ალექსს. ხარი სამი წლისა რომ გახდა, მამამ გადაწყვიტა, დაეკლა. ბიჭს ეწყინა, გული დასწყდა და ტირილი მოუნდა, მაგრამ შეიმაგრა ცრემლი. თვითონვე შეულოდა მერე ქაოისს და მამას ხარის ნაქცევამო... სისხლის დიდი გუბე დადგა, ენამოკვნიტილი თავი ცხოველისა ტანს რომ მოსცილდა. ერთხანს უყურა გუბეს, მერე კი გაღიზიანებულმა ჩაპკრა ფეხი და სისხლისფერი ანარეკლები ერთმანეთში არია... იმ ღამით ხარი ესიზმრა და კაცური ხმით უთხრა, ჩემი თავის ქალა შეინახე და ერთი წლის შემდეგ, დღეის სწორს გორაზე რომ ქობია, იქვე, ეზოში დამარხეო. ორი წერო შეგხვდება და გზას გკითხავენ, შენც მიახნავლი და იმ დღესვე დამარხავ ჩემს თავს, თორემ უბედურებას გადაეყრებიო. ზუსტად ერთი წელი გავიდა მას მერე. ალექსი ერთხანს მალულად ინახავდა ხარის თავს ბაკის გამონგრეულ კედელში. გარედან დიდი მონდომებით ამოქოლა, რომ ვერავის შეემჩნია, მაგრამ ფინია ძაღლმა მიაგნო ყნოსვით. საკბილო გამოუჩნდა და რაღას დათმობდა. ალექსმა სდია, წართმევა უნდოდა, მაგრამ ამაოდ. გაავეებული არაფრისდიდებით არ აპირებდა ნადავლის პირიდან გაგდებას, თან მამას რომ დაენახა ალექსი, ორდლიანი „გაუბახტი“ არ ასცდებოდა – ამიტომ ხელი ჩაიქნია და დევნას თავი ანება. თავის ქალა ფინიას დარჩა...

შეიძლება, გაგიკვირდეთ, მაგრამ ფრაიბურგში დაკარგვა არც ისე ძნელი საქმა, დაკარგვა თუ არა, გზის აბნევა მაინც. ძველ ქალაქში ქუჩებს უცნაური სახელები ჰქვია: ანგელოზთა ქუჩა, მარილის ქუჩა, ხარაზთა ქუჩა და კიდევ სხვა მრავალი. ეს ვინრო ქუჩები ლაბირინთის მაგვარ ხვეულებს ქმნიან, საიდანაც დაუხმარებლად თავის დაღწევა ქალაქში ახლადრასული ტურისტისთვის რთულია. ალექსი და ვიკი პაბს ექებდნენ “ZUM ROTEN BAREN”, რომელიც მთელ გერმანიაში უძველესი სასტუმროცაა, ის შვაბთა კარიბჭესა (Schwabentor) და მიუნსტერის ტაძარს შორის მდებარეობს. ადრეც ესტუმრნენ

ნითელ დათვს, თუმცა, ალექსს გზა ველარ გაეკვლია შუასაუკუნოვან ლაბირინთში, თან ჯიუტი ბავშვივით დაიჟინა – საითკუნდა წავიდეთ არავის ვკითხავ, ჩემით უნდა მივავნო ამ წყეულ პაბსო. ვიკი ლამის ემუდარებოდა, ასე დაუსრულებლად მოგვივებს ალბათ ხეტილიო, მაგრამ ალექსი თავისას არ იშლიდა. ბოლოს, როგორც იქნა, გამოჩნდა ძველი ხალიჩასავით გახუნებული, მონითალო-მონაცრისფრო რომბებით მოხატული შენობის ფასადი და ორივემ შევებით ამოისუნთქა.

ჭალარა ბარმენი თავაზიანად შეეგებათ ღმილიანი სახით.

– ძალიან სასიამოვნოა, რომ კვლავ შემოგვიარეთ, არ მეგონა, თუ ასე მალე მობრუნდებოდით უკან.

– ასე მალე? რამდენიმე დღეა, აქ არ ვყოფილვართ, თუმცა, რახან დაგამახსოვრდით, ესე იგი, თქვენთვის გამორჩეულ სტუმრებით ვართ – ვიკიმ კეულუცად ჩაიღიმა.

– სულ ორი წუთის წინ გახვედით აქედან, ოღონდ თქვენ ნაცრისფერი პერანგი გეცვათ, აი თქვენ კი ვინრო ჯინსი და მალალქუსლიანი ფეხსაცმელები.

– რა მნიშვნელობა აქვს, კაბა მეცმევა თუ ვინრო ჯინსი!

– მართლაც, რა მნიშვნელობა აქვს? – ჩაერია ალექსი – გაიფიქრა, ალბათ მომსახურე პერსონალს სამუშაო საათებში დალევას არ უკარძღავენო... და საერთოდ, ბევრი რომ ამ გავაგრძელოთ, ლუდი და შნიცელი მომიტანეთ შემწვარი კარტოფილით, თორემ შიშპილისგან სული მიმდის.

– მე კი ღვინო ტორესი და რაიმე წვინანი.

– იქნებ, სხვა რამ შემოგთავაზოთ, სულ ახლახან ზუსტად იგივე მიირთვით...


აბეზარი მიმტანისთვის ყურადღება აღარ მიუქცევიათ, ისე დასდნენ მაგიდასთან მყუდრო კუბეში... ყოველ პაემანზე თითქოს ყველაფერი ახლიდან იწყებოდა. ალექსი და ვიკი ყოველიურ წვრილმანებზე ლაპარაკით იფარგლებოდნენ, თავს იქცევდნენ, მაგრამ ეს მხოლოდ ერთი შეხედვით. ამინდი, საუნივერსიტეტო ცხოვრება, იტალიური აქცენტის იმიტაცია; ვიკუნის კურსს გადიოდა მაქსიმილიანის უნივერსიტეტში, სადაც თითქმის მთელი მსოფლიოდან მრავლად იყვნენ უცხოელები. იტალიური ოპერა, ზუფას ინტონაციები ნაკლებ უხებდა გერმანულ ენას. ალექსს კარგად გამოსდოდა იტალიელების მიბაძვა – ვიკი სიცილისგან იგუდებოდა, ის კი უცხო იყო, უცხოსავით იღიმებოდა.

– სწორად ვამბობ? Wenn wir für unsere Beziehung mehr Zeit hätten. – ეკითხება ვიკი.

– კონიუქტივი ამ შემთხვევაში სწორი ფორმაა... სიტყვები, პატარა ვერბალური აფეთქებები, რომელიც დატოლია რაიმე შინაარსისაგან, უფრო პატარა ინტერლუდები... –

– რა იქნება, რომ ცოტა უფრო მეტი დრო გვექონდეს. ცოტახანში სამშობლოში მომიწევს დაბრუნება – ნაღვლიანად ამბობს ვიკი და მაგიდის ქვეშ ცალი ხელით ეპოტინება ალექსის შარვლის ლილებს... ალექსი ფიქრობს, ხანდახან წონასწორობის, ახალი საყრდენის პოვნა თითქმის შეუძლებელია, როგორც პაულ კლეის სივრცეში გეომეტრიული ფიგურების აღმოჩენა. „Я хочу испытывать все мой сладенький... Мой сью сью.“

ფანჯრიდან დაინახა, როგორ ცდილობდა შეყვარებული წყვილი გზის გაგნებას, ყოველ შენობასთან დაბნეულები ჩერდებოდნენ, ეტყობოდათ რომ დაიღალნენ. „ესენი ხომ ჩვენი ორეულები



არიან"... ვიკი უებნება, რალაც მინდა გაჩუქო, სამახსოვროდ, თან, მინც თუთუნს უწევი, ცერა და საჩვენებელი თითები აღარ გაგიყვითლებათ. ჩანთიდან ჩიბუხი ამოიღო.

- გამომართვი.

- იქნებ ის წყვილი აქ შემოვიპატიყოთ, ჩვენი ბარმენი ნამდვილად გაგიჟდება სიხარულისგან.

- შენ რა, არ მისმენ? თუ საჩუქარი არ მოგწონს?

- ეს ჩიბუხი არაა.

ალექსი ახლადამენებული შემინული ბიბლიოთეკის სამკითხველო დარბაზში იჯდა, რომელიც ბერფოლდმტრასეს გადაწყურებდა. მანქანების საქარე მინები მზეს ირეკლავდნენ. მანათობელი, ნელი წერტილები. არ შეეძლო ყურადღების მოკრება, შლოსინგერის ვრცელ სახელმძღვანელოში ევროპეს მითს ჩაკრიკიტებდა, თუმცა, უშედეგოდ. მზის შუქი ვიკის გაღვივებულ, უთეთრეს კანში ირეკლებოდა, როგორც ზღვის გამჭვირვალე თევზების სხეულებში. შალპიდა მაგიორე - ეს სახეობა ძირითადად ეკვატორულ წყლებში ბინადრობს და პლანქტონით იკვებება, სალპიდები გამჭვირვალენი არიან და ფორმით ცილინდრს ჰგვანან. ისინი დაცურავენ როგორც ცალკე, ასევე პატარა კოლონიებდა. სალპას კიდევ ერთი რამ გამოარჩევს; ამ სახეობის წარმოადგენლები ჰერმაფროდიტები არიან. ალექსიც ერთგვარი სალპიდა იყო, სოფლად თითქმის ისევე იზრდებოდა, როგორც კასპარ ჰაუზერი, „გაუცნობიერებელი აღმავრენით“ (მაქს შლერი ამას vorstellungsloser Gefühldrang-ს უწოდებს), მაყვლოვანის მიღმა არსებული სამყაროსკენ ბუნდოვანი ლტოლვით. ვიკის სამოც მჩხვლეტავ ბუსუსებს დაეფარა, რაც ალექსს მაყვლოვანს ახსენებდა და ქალისადმი ლტოლვას უმძაფრებდა. ალექსი ვერ თავისუფლდებოდა განცდისაგან, თითქოს ვილაც მალულად უცქერდა. ხელის მტევნები გადააქლო ერთმანეთს და მოიფშინებდა... მის გვერდით, მაგიდასთან მჯდომ სათვალთან გოგონას რეულის ცარიელ გვერდზე მონდომებით, დინჯად გამოწყავდა გულბიდა. ჰორიზონტალური და ვერტიკალური მწკრივები ერთმანეთს კვეთდნენ.


ალექსს ვიკის სიტყვები უტრიალებდა თავში, შენი პირველი კოცნა ჩემთვის მრავლისმთქმელი იყოო. სამი შეხება, ტუჩები თითქმის არ მოსცილებიან ერთმანეთს. ალექსს ისე შეეშინდა, როგორც ალბათ ავადმყოფს ეშინია გამოჯანმთელების შემდეგ მკვეთრი ამოძრაობებისა. ბინდს მოეცვა დაცარიელებული ქუჩა. ვიკი განაბული იჯდა მერხზე, თვალები მიეღულა, მომშვიდდულ-მომართულიყო მისი სხეული. ფრაიბურგული მთვარე და ფართოთვალემა ვიკი, მის თვალებში მთელი მთვარე ჩაეტეოდა. და ამბროზის დადგა სურნელი. ქალს ალექსის ვინრო ქურთუკი მოესხა მხრებზე, თავად ალექსი თუთუნს ახვევდა. ჯერ საკმაოდ ვერ დაოსტატებულიყო და თამბაქო წამდაუნუმ ებნეოდა ძირს. ბოლოს თავი ანება გახვევას, თითები უკანკალბებდა. იქვე, პატარა არხში ჩაყარა დარჩენილი თუთუნის, რომელიც უმაღლესი ფორმისა იყო.

ფრაიბურგში პატარა არხებია, შუასაუკუნეებში საქონლის დასარწყვლებლად ააშენეს, დროთა განმავლობაში ეს არხები ქალაქის ლირშესანიშნაობად იქცა. ვიკიმ თვალები გაახილა: ჩემმა ჯგუფელმა მითხრა, ერთი ჩინელი გოგოა, она какая-та

мерзкая, но у нее доброе сердце - გერმანულად ცდილობდა საუბარს, თუმცა, ხანდახან სიტყვების მარაგი რომ შემოეღეოდა, რუსულ ფრაზებს იშველიებდა - საერთოდ ჩინელები არ მიყვარს, ის სულ ხელით მეხება ლაპარაკისას, მეუბნება, რომ ძალიან ლამაზი ვარ, მხატვარია, ჩემი პორტრეტის დახატვა უნდა. ვიყავი კიდევ მის ბინაში, საშინელი სუნი დგას, პიცის ყუთებით აქვს საძინებელი ოთახი გამოტენილი, ალბათ ამ ყუთებში ტარაკები ცხოვრობენ. ისე არაა უნიჭო მხატვარი, თუმცა, რასაკვირველია, როგორც პროფესიონალი, ვერ შევაფასებ. მოკლედ, ამასწინათ მითხრა, თუ ამ პატარა არხებში გატოპავ, აუცილებლად შეგიყვარდებო, რა რომანტიკულია არა?

გადააბიჯ-გადმოაბიჯა ალექსმა არხს, როგორც გულივერმა კაცუნების მინიატურულ თხრილს, მაგრამ წყალში არ გაუტოპავს. ვიკის თვალები მილოდინით ალევსო.

უცებ გაიგონა, როგორ გაიწკრილა თუნუქის ქილაში რალაცამ (უკაცრიელ ქუჩაში უმცირეს ჩქამსაც კი საოცარი ექო აქვს). გზის განაპირას მათხოვარი იჯდა და ლუდს შეექცეოდა, ნიღბი ეკეთა და ძალიან ჰგავდა უცნობ მკითხველს (ალექსი ვერ ხედავდა მის სახეს, უფრო გუმანი კარნახობდა მსგავსებას), უცნობ და ამავედროს ნაცნობ მკითხველს, რომელსაც უწინ ბიბლიოთეკაში ხშირად ხედავდა. რაც შობოლიური სახლიდან წავიდა, ბიბლიოთეკა მისი თავშესაფარი გახდა, სამკითხველო დარბაზში ატარებდა მთელ დღეებს, მიდიოდა დილაადრიან და უკან მხოლოდ ღამით ბრუნდებოდა, როცა უკვე ბოლო მკითხველი ტოვებდა დარბაზს. სწავლობდა, როგორც შეყვარობილი. უქმე დღეებზე ნასწავლს იმეორებდა, სურდა, რამენაირად ჩაეხშო დამთრგუნველი განცდა, საბოლოოდ დაევისწყებინა სოფლის და ჯადოსნური ქოხის სცენები. თუკი ვინმე გამოეცნაურებოდა, ყველანაირად ცდილობდა ხანგრძლივი საუბრისთვის თავი აერიდებინა, არავისთან სურდა, რაიმე ურთიერთობა ჰქონოდა. მაგრამ იყო ერთი მკითხველი, რომელიც მის ყურადღებას იქცევდა, მასავით თითქოს არაფერი აინტერესებდა წიგნში ამოკითხულის გარდა. ახმახი, თეთრთმიანი მოხუცი დარბაისლური ნაბიჯით. რამდენჯერ ერთად გამოსულან ბიბლიოთეკიდან და უცნობს არც კი შეუხედავს, თითქოს ეჯიბრებოდა კარჩაკეტილობაში. ძალაუფლებურად ცნობისნადილი გაუღვივდა ალექსს. ერთ საღამოს, როდესაც მოხუცმა გვერდით ჩაუარა წიგნების უზარმაზარ კარდასთან, გამბედაობა მოიკრიბა და გამარჯობის მსგავსი ნაილულულა, მან კი უკმაყოფილო სახით პასუხგაუცემლად განაგრძო გზა.



ბიბლიოთეკა სულ მცირე ხანში დაიკეტებოდა და ალექსმა განიზრახა, უკან გაჰყოლოდა მოხუცს, სურდა რაიმე გაეგო მის შესახებ. ბავშვობით ააღლეა იმის გაფიქრებამ, რომ უცხო ადამიანს მალულად უნდა გაჰყოლოდა უკან და ოფლის წვთებით დაეცვარა შუბლი. თითქმის ცარიელ დარბაზში გაცრეცილფურცლებიანი ნიგნის გადაშლის ხმაც კი ისმოდა, ორიოდე ადამიანი შემორჩენილიყო გვიანობამდე და ასე ფურცელ-ფურცელ ნაღვლიანად ეხმანებოდნენ ერთმანეთს. ბიბლიოთეკის ეზოში რამდენიმე ცაცხვი იდგა, ალექსი იმ ცაცხვების ჩრდილში გაჩერდა. არ სურდა მოხუცს შეემჩნია. უცნობი ნელა, მსუბუქად მიინეგდა წინ და თავისთვის ლაპარაკობდა. ხანგამოშვებით დადუმდებოდა, ალბათ მხოლოდ მისთვის გასაგონ ხმას უგდებდა ყურს. ალექსს ეუცნაურა ამგვარი ქცევა. ცაზე ღრუბლებიდან სასვე მთვარემ გამოანათა. მოულოდნელად მოხუცმა მისცა მოიხედა, თან გაუღიმა და მთვარისკენ გაიშვირა თითი. თვალი გააყოლა ალექსმა და... „შეხედე, როგორც უზარმაზარი ყვითელი პეპელა, რამხელა ნიგნია ცაზე გადაშლილი“, ამის თქმა იყო და ჰაერი მკვდარ ბალახთა სუნით გაიჟლინთა. უცნობი ნიგნის ნაკვალევს მიჰყვებოდა. ფრაიბურგში ყოფნისას თანამედროვე მხატვრის ბუხმეიერის გამოფენაზე ალექსმა რამდენიმე გასაოცარი სურათი აღმოაჩინა; მოხუცი მიჰყვება მთვარე-ნიგნის ნაკვალევს, ანდა ბავშვს საბნის მაგივრად ნიგნი ახურავს და ტკბილად სძინავს, ზღვის ნაპირზე ნიგნებით აშენებული ქუჩურაა აღმართული. ვიკისთან ერთად იყო ახალი ხელოვნების მუზეუმში, თუმცა, ჩანდა, ქალს ნაკლებ აინტერესებდა, მაშინ, როცა ალექსი თვალეზავარ-თობული უტყერდა ნახატებს..

– კი, მაგრამ, ამ არხებში ხან მოდის წყალი და ხან არა, რაშია საქმე? – სხვათაშორის ჰკითხა ვიკის.

– არ დაგავინყდეს გერმანიაში ვართ, აქ მომჭირნედ ხმარობენ ყველგვერს...

კვლავ გაიგონა ხურდის წკრალი თუნუქის ქილაში, მათხოვარი მათკენ მოდიოდა, მოიჩინებოდა. ფეხი ერეოდა, ალბათ მთვრალი იყო. ალექსს გაუსწორდა და რბილი, ბოხი ხმით ჰკითხა; უკაცრავად, ხურდა ფულს ხომ ვერ გაიღებთ? ალექსმა სარქარად მოიჩხრიკა ჯიბეები, მუჭით ამოიღო ცენტები, ჯიბეები ამოისუფთავა და მათხოვარს ჩაუყარა ქილაში. ვიკი გაკვირვებული აკვირდებოდა. მადლობელი ვარ. ოღონდ ძალიან გთხოვთ, ასე წაიღეთ, ნულარ ამოიღებთ, ანდა, მთლიანად ჩაიცალეთ ჯიბეში. ცალად დარჩენილი რკინის ფულის გამანერვილებელ წკარუნზე საშინელი არაფერია.


ჰმ, ასე ფიქრობთ? მე კი მგონია, ყველაზე ცუდი ისაა, კაცს ვიბ რომ აქვს გახვრეტილი, თუმცა, ნება თქვენია, არ გვგონოთ გულუხვ საჩუქარს არ გიფასებდეთ. ღამე მშვიდობის. ვიკის თვალს ჩაუყრა და ნავედა ღმილიანი სახით. იმ წიღობის შიღობაც უტყობოდა, რომ ილიმბოდა.

– სულ მიეცი, რაც კი წვრილი ფული გქონდა?! უცნაურია, მე არ მომწონს, როცა ასე უტიფრად გთხოვენ ფულს.

ერთხელ ქარონმა ალექსი დამირტოხებლა, ხელი ნაავლი მკლავში, ტუჩები ყურთან მიუტანა და ნასწურჩულა: ხურდები ხომ არ გექნება, იქნებ მომცე, ბიჭო. ალექსმა იფიქრა, შეიძლება არყის საყიდლად უნდა და მაგიტომ მთხოვსო. სახეამრეზილმა მიუთვ: არა, ივანე, არა მაქვს. ჩაელიმა ქარონს და მხოლოდ ტუჩები აამოძრავა, ხმამალა არც უთქვამს: ისევ შენთვის გეუბნები, ბრიყვო.

– ხანდახან მგონია, რომ ყურადღებას საერთოდ არ მაქცევს – ვიკი აშკარად უკმაყოფილო იყო – აი, ახლაც სხვაგან ხარ, ალექს, ამას წინათ უმა თურმანს შემადარე, ასე ძალიან მოგწონს ეგ მსახიობი?! მე კი არ მიყვარს, როცა ვინმეს მაძარებენ. შეიძლება ქედმაღლობად ან კაპრიზად მოგეჩვენოს, მაგრამ მაინც მგონია, მე უფრო დახვეწილი ნიკაპი მაქვს, ვიდრე იმ შენს უმა თურმანს... ამ დროს ალექსს მარცხენა მხარზე ყვითელი პეპელა დააჯდა და ჰაერში მკვდარი ბალახების სუნი დატრიალდა. ვიკი ეუბნება; ყველა კაცს დაჰფარფატებს მხარზე სიყვარულის დემონი, ისევე, როგორც ღვთაებრივ სიზიგიებს. არა, ხელს ნუ აიჭნევ, ნუ დააფრთხობ...

ივან ქარონს ალექსისთვის არასდროს არაფერი უთხოვია. იმ დილით პირველად სთხოვა ხურდა. საუბრე გაუხანგრძლივდათ ბნელი სახლის ბინადართ. მამა, ორატორის ჟინით შეპყრობილი, მრავალსიტყვაობდა. ალექსი არ უსმენდა, ისედაც ბევრჯერ ჰქონდა მსგავსი რამ გაგონილი (რომ მამამ სასვე ოჯახი თავდაუზოგავი შრომით შექმნა, შეადგულა, რომ მშობლიური სახლის მიტოვება საშინელი ცოდვაა, რომ სხვაგან შიმშილია და ყოველ ფეხის ნაბიჯზე სიკვდილია ჩასაფრებული). მაგიდასთან მსხდომნი ფართო ლანგარზე მამის მიერ განზრახ დატოვებულ ერთადერთ პურის ნაჭერს არ აცილებდნენ მზერას. ვის შეხვდებოდა ბოლო ნაჭერი? ესლა აფიქრებდათ მხოლოდ. მამის სიტყვები შიმშილს ვერ მოუკლავდათ და მანაც ეთანხმებოდნენ შიგადაშიგ თავს უქნევენ, უღიმოდნენ ცალყბად. სადღეგრძელოს და შეგონებებს დასასრული არ უჩანდა... ბოლოს, როგორც იქნა, მამამ გამოსცალა თავისი სასმისი და დააყოლა, დღეს წინ მიმე სამუშაო გველოდება, რკინის ძელი უნდა ამოვიტანოთ, ხომ არ დაგავინყდეთ, სახლის კედელი რომაა გასამაგრებელიო. სახლის საყრდენი კედელი მართლაც გაბზარული იყო. დედას თვალები მოუნყლიანდა, კი, მაგრამ ამისმიმე ძელს სამი კაცი როგორ ამოთარეოთ, წელს მოიწყვეტო. მამამ გაიღიმა, თავი დახარა, რამდენიმე ხანს სამარისებური სიჩუმე სუფევდა, ის კი, თითქოს ბავშვობის ტკბილი მოგონება წარმოუდგა თვალწინ, კვლავ ილიმბოდა და წვინანში ობლად მცურავ ქათმის ფრასს თვალს არ სწყევტდა. მერე ხელი გაიჭინა და დედას სილა გაანა. – კი, მაგრამ, როდიდან გაქვს, ქალო, ხმის უფლება?! – ისევ ბავშვური ღმილი დასთამაშებდა სახეზე – ივანე, ალექს! აბა, დროზე გამომყვით, რაც უფრო ადრე დავიწყებთ მუშაობას.



მით უფრო მალე მოვრჩებით. მამა ჩქარობდა, წაიფორხილა კიდეც, ძირს დაეკარდნო ქუდის ასაღებად რომ დაიხარა. მერე კი ლამის სირბილით გაემართა ეზოში, ჭიშკართან დაყრილი რკინიუღობის გროვისკენ.

ვიკი მოუთმენლად წამოიდა სკამიდან და ალექს ტუჩებში აკოცა...

მზე უკვე ჩადიოდა, ქუჩიდან უცნაური ხმა აღწევდა. ნაბლის მნიშვნელოვანი ნაყოფი ევანგელისტური ეკლესიის ბალთან გაჩერებულ მანქანებს ეცემოდა. მთელი ქუჩა და ბაღი ნაბლით იყო მოფენილი. ალექსი კვლავ მითოლოგიის სახელმძღვანელოს ჩაპკირკიტებდა. შლოსინგერის ნიგნში ბევრი არაფერი წერია ევროპეზე. ფინიკიური ქალაქის სიდონის მდიდარ მეფეს არეგონს ჰყავდა სამი ვაჟი და ერთი ქალი სახელად ევროპე, ენითაუნერელი სილამაზისა. ერთხელ მშვენიერმა მეფის ასულმა ნახა სიზმარი; აზია – მისი გამზრდელი და აზიისგან ზღვით გამოყოფილი მატერიკი ერთმანეთს ევროპეს გამო შეებნენ. საბოლოოდ აზია დამარცხდა და დათმო თავისი აღზრდელი. შემინებულმა გაიღვიძა არეგონის ასულმა და ევედრებოდა ღმერთებს, რომ მოსალოდნელი უბედურება თავიდან აერიდებინათ მისთვის... ტექსტის ფრაგმენტებს შორის, ალექსის აზრით, ამ მრავლისმთქმელი ანტიკური მითისთვის ყოვლად შეუსაბამო ილუსტრაცია დაებეჭდათ. ევროპეს სულის ამაღლევებელ მოძრაობას, მის ეჭვსა და ავ წინათგონობას ნაკლებ გადმოგვცემს ფრანსუა ბუშეს როკოს სტილში შესრულებული ნახატი. ევროპე უდრტივნიველი, ნათელი, მშვიდი სახით ამხედრებულა ლამაზ ხარზე, რომელიც უწყინარ ბოჩოლას უფრო ჰგავს, ვიდრე კრონოსის ელვისმტყორცნელ შვილს – მრისხანე ზევსს.

იმ ღამით ვიკის ბერძნული ქიტონის მსგავსი პიჯამო ეცვა და ბუშეს ევროპესავით ილიმოდა. ხანგრძლივი კოცნის შემდეგ ქალს სხეული გაუშკვრივდა. ალექსმა ფეხის თითი აულოკა ხარის წებოვანი, ხაოიანი ენით. წვრილ, თითქმის უჩინარ ძარღვებს მიეფერა, რუკაზე დატანილი მდინარეებივით რომ ჩანდნენ.

მზე აცხუნებდა. ქანცგანყვეტილები ლეღვის ხის ჩრდილს შეეფარნენ და ისვენებდნენ. უკვე შუადღე იყო, საქმე კი ძნელად მიიწედა წინ. რკინის ძელი მართლა ძალიან მძიმე აღმოჩნდა და ნახევარგზაზე დააგდეს ლეღვის ჩეროსთან. ალექსი გარინდებული იჯდა ჩრდილში და ხმობაშეპარულ ალვის ხეს უცქერდა; ტოტემომომტვრეულს, ფოთლებგაცვენილს. პატარაობისას, ხშირად აცოცებულა ზედ, როცა მძლავრი ქარი დაუბერავდა, ხშირად წარმოუდგენია, გემის კაპიტანი ვარ და ალევებულ ზღვაში მივეცურავო. ხე ირწნოდა, როგორც ხომალდი. ახლა კი ფოთლებგაცვენილი ისე იდგა ეზოს შუაგულში, გეგონებდა უზარმაზარი შუბი ცაში აისროლესო. როცა ალექსმა ხის კენწეროზე უძრავად მჯდარი წერო შენიშნა, გაკვირვებისაგან კინაღამ წამოვარდა. თავში არასდროს მოუვიდოდა აზრად, რომ აქ შეიძლება წერო მოფრენილიყო. ეს რაღაც სასწაულს ჰგავდა. ის კი იჯდა ალვის ხეზე, ბრძენი და ძლიერი. ალვა თითქოს დაპატარავდა, როცა კენწეროზე წერო დაეშვა. ალექსს გაუჩნდა განცდა, რომ ფრინველის ძალა, უდრტივნიველობა და სიმშვიდე მის დაღლილ სხეულს გადაეცემოდა. „ის აქ გაჩნდა ჩემთვის და

ალარსად გაფრინდება“ – გაიფიქრა და თავადვე გაუფრინდა, ამგვარი აზრი რომ დაეებდა.

მამა მინიდან ხვნიშით წამოიდა, გავაგრძელოთ ჩვენი საქმე, თორემ შემოგვალამდებარო ივან ქარონმა უკმაყოფილოდ ჩაიბურტყუნა რაღაც და ძელს მოეჭიდა.

როგორც იქნა, მხარზე გაიდეს. წინ ალექსი მიდიოდა, შუაში მამა იყო, ბოლოს ქარონი. ფეხს უწყობდნენ ერთმანეთს, ნელა მიიწევდნენ წინ. მზე უღმობლად აცხუნებდა, თუმცა, არ ნებდებოდნენ ოფლში გახვითქულები. დედა ტერასიდან უყურებდა მათ და პირჯვარს იწერდა. ებრალებოდა შვილი, მაგრამ ვერაფერს გაანყობდა.

ალექსს ფრთების ტყლაშუნის ხმა მოესმა და მალა აიხედა. წერო მათკენ მოფრინავდა. ოდნავ შეყოვნდა, ფეხი აერია და ის იყო, მამამ პირი გააღო დასაყვირებლად, თუ შესაკურთხებლად, რომ ფრინველი პირდაპირ ძელზე დაეშვა. ქარონი შეცბა და გვერდზე გახტა შემინებული. მამამაც თავი ანება ძელს და მხოლოდ ალექსი მათრევედა რამდენიმე წამს იწერციით, სანამ ძალა არ გამოეღია საბოლოოდ და არ დაეცა. წერო კვლავ თავის ადგილას იჯდა, არც ფიქრობდა გაფრენას.

დედა სახლიდან გამოენთო ატირებული, მყისვე მიიბრინა ალექსთან და ჩაიჩოქა. მას ისეთი არაფერი სჭირდა, მხოლოდ მუხლი გადაეყვლიოვა მარცხენა ფეხზე.

– ყველა გინდა შეინირო და შენს ახირებებს შეაკლა, არადაამიანო, ეშმაკის ნაშიერო?! – დაიყვირა დედამ მთელი ხმით. მამა შეცბა და თვალები გაუთეთრდა. წერო გაფრინდა.

მამამ ხელი შემართა, დედას ცემა დაუწყო. დედა ალექსს დაეცა ზევიდან და ის კი იწვა, ხმა არ ამოუღია, ყრუდ ესმოდა დარტყმების ხმა და მამინაც არ დაუყვირია, სისხლი რომ შეეშხეფა სახეზე. მამამ ხელი იღრძო და ისევე ტკივილმა შეანყვეტინა ცემა, თორემ გაჩერებას არ აპირებდა. თვალებგაფართოებული, სისხლიანი სახით იწვა დედის სხეულს ამოფარებული და ცდილობდა არ ესუნთქა, დედამ წელი ათრია, გაჭირვებით ადგა. დედა – პირანიების მიერ დაგლეჯილი ირემი, რომელსაც ფერდებიდან ძაღლები უჩანდ და მანაც ცდილობს, მდინარე გადალახოს, ნაპირზე გასული კი უსულოდ ეცემა. დედა დაეცა. ხმას არ იღებდა ალექსი, აკვირდებოდა, იქნებ სუნთქავსო. „ისუნთქე, დედა, ისუნთქე, დედა, თვალი გაახილე.“ დედა არ იძვროდა.

ტირილი დაიწყო, ცრემლები თავისით წამოუვიდა. უნდოდა, მამა მოეკლა, მაგრამ ხელები უკანკალბდა. მანაც დაიკვლა, „მოკლავო“ და მისი ხმა ახლადდაბადებული ბატკნის კიკინს

უფრო გავდა, ვიდრე კაცისას. „შენ დედა მოკალი, შენ დედა მოკალი.“ მამის თვალელები შიში იყო, და ალექსმა იგრძნო, რომ ის აღარ იყო შვილი, არამედ მხოლოდ მკვლელობის მოწმე. ალექსი გაიქცა. მამა გამოუდგა. როგორც ღამის კომმარშია, ფეხები მინაში ეფლობოდა, ყველაფერს აწყდებოდა. ქვაზე ნაბორძიკდა, ის იყო უნდა დაცემულიყო, რომ ძალა მოიკრიბა და კვლავ გაიქცა. მამა ისეთი მარდი არ იყო, მალე მოიღალა, მაგრამ ალექსს ამისთვის ყურადღება არ მიუქცევია. ის სიკვდილს გაუბოდა. სხვაზე არაფერზე შეეძლო ფიქრი. მიაღწია ღობემდე, რომელიც გაუვალი ჩანდა და მაყვლოვანში გადაღებულა. ეკლოვანმა მცენარემ თითქოს მიიტაცა...

ეკლიანი ტოტები ხორცს აგლეჯდნენ და მისი გულის რიტმზე ირხეოდნენ... ალერსით კლავდა მაყვალი. შიში გაუქრა, აღარ ცახცახებდა. თვალნი წარმოუდგა საოცნებო ქოხი, ღობის იქითა მხარეს. ეს მას სტანჯავდა სრულიად შიშველს და ხორცისგანაც ღამის გაძარცვულს. იქნებ სინამდვილეში ასე სურდა და ალბათ უკეთესიც იყო – მიუწვდომელ ოცნებად დარჩენილიყო ყველაფერი... უფრო და უფრო იხლართებოდა მაყვლოვანში.

უცებ მდინარე ადიდდა და კალაპოტიდან გადმოვიდა, ალექსი. ქარონის ნავი აღარ ეხიდებოდა ორივე ნაპირს, უკვე თავისუფლად გაცურავდა მდინარეში. ივანე ნავში იჯდა და ნიჩაბი მოემარჯვებინა. გვერდით ლანდალქვეული დედა ეჯდა. ჯიბე მოიჩხრიკა, რკინის ფული აათამაშა ხელში და ალექსისკენ გაიხედა დანანებით.

– ეს არ კმარა. ხომ გითხარი, ხურდა მომეცი მეთქი. ახლა ასე მოგიწევს ეკლოვან მცენარეში დარჩენა. რატომ იძუნენ? – ნიჩაბი მოუსვა და დაღმა დაუყვა დინებას.

ქარონმაც სამუდამოდ დატოვა ზნელი სახლი.

* * *

ერთად იწვნენ არეულ ლოგინში. ვიკი არაფერს ამბობდა, ალექსს აკვირდებოდა ჩუხად, თავისი ფართო, ნათელი თვალებით, და სახე საოცრად მშვიდი გაუხდა, თითქოს სადაცაა უმოძრაო წყლის სიღრმიდან რაღაც ზედაპირზე უნდა ამოტივტივებულიყო. უკვე რამდენიმე დღეა, არსად გადიოდნენ სასტუმროს ნომრიდან, ჭამითაც ბევრს არ ჭამდნენ. ძირითადად მათი დღიური რაციონი ყავითა და ერთი კოლოფი სიგარეტით შემოიფარგლებოდა. ვიკი ლოგინიდან ადგა, მაგიდაზე დარჩენილი ძეხვი პურის ორ ნაჭერს შუა ჩადო და მადიანად ჩაკვირა. მერე შიშველ ტანზე თხელი ზენარი შემოიხვია, ყავა დაისხა და საფარძელში ჩაჯდა. ნიკაპამდე აინია ზენარი,

ასე ალბათ სიცხიან, პატარა ბავშვს ჩათბუნებს ხოლმე მშობელი. „ხანდახან მგონია, რომ ვებრძები, ვდგავარ სარკის წინ და ნაოჭებს ვითვლი, რომელიც კარგა ხანს არ გამიჩნდება სახეზე, ძალით ვინაოჭიანებ სახის ნაკვთებს, თითებით ვატყუებ ერთმანეთს...“ თუმცა, მშვიდ ცურვას კვლავ მოწყვებოდა გენბათალელთა, ყავის მედიტაციურ ორთქლში ამაღლია როდრიგესის პროფილი იკვებებოდა, რომელიც ხანდახან სცენაზე გამოჭრილ გამძვინვარებულ ვეფხვს ჰგავს. და მშვიდი განცდის თხელ, სათუთ სიმებს ხელის ერთი მოსმით წყვეტდა ესპანური რასგუფი

– როგორაა გერმანულად მინეტი?

– Blasen.

– მოგწონს?

– ისე რაა – და ის „რაღაც“ კვლავ ზნელ წყალში ჩაიძირებოდა სექსუალური ფანტაზიებსა და არეული ჩვენებებში. ვიკი სმირად იმეორებდა, დრო ჩვენი საკანია, სულ მცირე ხანი რჩება.

დაღლილები თავს ძილს მისცემდნენ ხოლმე. ერთ-ერთი ასეთი „პატარა შესვენების“ დროს ალექსმა უცნაური სიზმარი ნახა და მაშინვე მოუყვა ვიკის; ვითომ პატარა ეკლესიაში იყო, იქ ვიღაც გარდაცვლილი წმინდანი დაესვენებინათ, რომელსაც თავად აეშენებინა უფლის სახლი დიდი ჯვრით და გულმოდგინებით. გარშემო ხალხი ირეოდა, ყველა ლოცულობდა და პირველად ინერდა, სამი საოცრად ღამაში ქალი, სულ გამიშვლებული ურცხვად იმანჭებოდნენ იმ წმინდანის კუბოსთან, თუ განსასვენებელთან და ისე მოიხიბლა ალექსი, რომ თვალი ვერ მოსწყვიტა. ერთ-ერთმა მათგანმა უთხრა, მოდი, ახლა ამ წმინდანს ჯვარი მოპარე, ძვირფასია, მერე გავყიდი და ბევრი ფული დავგროვებო. ალექსი დაელოდა, სანამ ეკლესია დაცარიელდებოდა და ჯვარი მართლა შესხნა წმინდანს. არც უნანია, არც გაკვირვებია, თუ რად მოიქცა ამგვარად. რომ დახედა ნადავლს, უბრალო გიშრის ჯვარი აღმოჩნდა, განსაკუთრებული არაფერი. ქალები სადაღაც გაქრნენ. სამივე ვიკის ჰგავდა... ალექსი მოპარული ჯვრით ხელში ეკლესიაში იდგა. ხალხმა ისე იწყო შემოსვლა, შენიშნეს, რომ ჯვარი დაიკარგა და დაიწყეს ძებნა. მან კი ფეხსაცმლის ყელში ჩაიკურა და შუემწიველად გვერდზე გადაკედელს მიეყრდნო, თავი მოაჩვენა, ვითომ მგზნებარედ ლოცულობდა. მასზე არავის აუღია ეჭვი, მაინც უნდოდა, რამენაირად თავის ადგილზე დაებრუნებინა მოპარული, უბრალოდ, თავიდან მოეშორებინა. კვლავ ამოიღო და ყალბი სასოებით, მთელი ხმით დაიყვირა, ვიპოვნეო. ერთ-ერთმა მლოცველმა უთხრა, გადაამჩნეო ხარ ჩვენიო. მიდი, თავის ადგილას დააბრუნეო და მანაც სუდარა გადახადა მიცვალებულს. მას თავი მოკვეთილ ჰქონდა, განცალკევებული იყო ტანისგან. ნუთუ ეს მე გვაკეთე, ფიქრობდა ალექსი, იქნებ ისე ძლიერად გამოვნიე ჯვარი, რომ ჯაჭვმა ხორცი გაჭრა. ბოლოს რაღაცნაირად თავი ტანს მიუდგა დააბრუნა მოპარული და ეკლესიიდან გავიდა. ხალხი ზეიმობდა, ის კი ვერაფერს გრძობდა, სინდისი საერთოდ არ ქენჯნიდა უცებ გამშვდა. თავში გაუღვავა, ის მკვდარი წმინდანი მამამისს ჰგავდა ორი წვეთი წყალგვით.

– დაივნიე ყე სიზმარი. ალბათ პრეზერვატივით არ მოგწონს სექსი, და მაგიტომ ხარ უხასიათოდ, ისე მართალიც ხარ, სიამოვნების დიდ ნაწილს გვართმევს. ეს იგივეა, უმშვენიერეს დანამულ მდელიოზე რეზინის ჩქემებით იარო. წარმოიდგინე, პატარა ბავშვი თავის სათუთი ფეხებით გარბის დანამულ მდელიოზე.

- შენ პოტიციც ყოფილხარ.

- ხუმრობ?

- არა. შენ სულ ახლახან პატარა შედეგები შექმენი. „ჩემი საშობაო დანამულ ბილიკებს ისე მიიკვლევ, თითქოს ფეხშიშველი ბავშვი მირბოდეს მდელოზე“. სათაური ასეთი იქნება: „სექსი პრეზერვატივის გარეშე“

ვიკიმ გაიცინა, მერე კი უცბა ეცვალა სახე.

- მითხარი, რომ მალე არ დამივინცებ.

- არ დაგასვენებ დარლინგ, არ დაგივინცებ არაფრის დიდებო. ვიკიმ თითქოს ხელი კრა და ტირილი დაიწყო. - არის რაღაც, რაც არ უნდა მითხრა, არის რაღაც, რასაც ვერასდროს გაიგებ. თავს არ დაგანებებო, რომ მეუბნები, რაღაც ავებდით მასხენებს, გამათავისუფლე, წაილე ის ავი. ალექსმა ქალის სახე ხელებში მოიქცია - შენ შეგიძლია გაუმკლავდე ამ განცდას, ყველაფერი წარსულში დარჩება. - არა, არ დარჩება წარსულში. წაილე! გამათავისუფლე!-დაუსრულებლად იმეორებდა ამ სიტყვებს. ალექსმა თითები მომუჭა, ვიკის ეუბნება - ის, რისი გახსენებაც არ გინდა, ამ მუჭშია - მერე ადგა, ფანჯარა გამოაღო და ხელი გაიქნია, თითქოს ის რაღაც ძალიან შორს გადააგდო. ვიკიმ ცრემლები მოინმინდა, გამხიარულდა. „თავს არ დაგანებებ“ - ეს ხომ ხარად გადაქცეული ზეცის სიტყვები იყო. ვიკი ელოდა, რომ მოხდებოდა სასწაული და ალექსის თესლით განაყოფიერებული მკერდიდან უჭკნობი მცენარე აღმოუცენდებოდა, რომ ცა მიწას შეურთებოდა და უყვდავი გრძნობა დაიბადებოდა, იმგვარი, მეცხრამეტე საუკუნის გენიალური რუსი პოეტი „მიმოვლტნოე მგნავენიეს“ რომ უწოდებს...

გარეთ ნიღბების კარნავალი იკრებდა ძალას, ფრაიბურგის ცენტრალურ ნაწილში თითქმის ყველგან შეხვედებოდი ტრადიციულ სამოსში გამოწყობილ ადამიანებს. საყოველთაო ორმეტრიან სიხც ემატებოდა, რომ ქალაქი ვიკის და ალექსის ორეულებით გაივსო, თითოეული წყვილი განუზოროციელებელი ოცნებისა და ფანტაზიის ხორცშესხმა იყო, მათთან შეხვედრა და პირისპირ დარჩენა კი ორივეს უსიამოვნო განცდებს აღუძრავდა. ნუთუ შეიძლება არაფრიდან, ცხოვრებისეული წვრილმანებიდან რაღაც მნიშვნელოვანი წარმოიშვას? ისინი ელოდნენ, რომ ყავის ჭიქებიდან ნამდვილი, მსოფლიოს ნამლეკავი ცუნამი გადმოვიდოდა. სურდათ რაღაც განსაკუთრებული მომხდარიყო. მთელ მათ ყოფას მსჭვალავდა ეს აზრი; ორეულები კი მრავლდებოდნენ და ყველაფერი თანდათან დავირუსებულ, არეულ ვიდეოთამაშს ემსგავსებოდა; ვიკის არ მოსწონდა მერიის შენობა, ამბობდა შიდი ჯუჯის სახლს ჰგავსო. მეორე დღეს კი, სეირნობისას, არც გაკვირვებია, როცა მის ადგილას ცათამბვჯენი დახვდა. სხვაც კიდევ ბევრი შეიცვალა ფრაიბურგში; შვაბთა კარიბჭეს სხვა კარიბჭე გამოება ჰორიზონტალურად აღმოსავლეთის ფასადზე და „მაკონალდსში“ შესვლა ახლა უკვე პირდაპირ შვაბთა კარიბჭიდან შეიძლებოდა. ვიკი აკრიტიკებდა ალექსის ჩაცმის სტილს; სექსის დროს მის „ცეცხლოვან ტემპერამენტს“ - უყვარდა ამ სიტყვების გამოვრება - огненный темперамент. ერთხელ ალექსმა პენი მარკეტთან გმირობა ჩაიინდა, უფრო სწორად ეს მისმა ორუღმა გააკეთა. ვიკიმ უთხრა, ერთმა გაზეთების გამყიდველმა ყოველგვარი მიკიბ-მოკიბვის გარეშე სექსი შემომთავაზო, ლამის ხელი მომიკიდა და თავისთან ძალით წამიყვანაო. ბევრჯერ

შეხვედრია ალექსი იმ გაზეთების გამყიდველს სასტუმროსკენ მიმავალ გზაზე და ერთხელაც სცემა. ეს ჩემი პირადი შეურაცხყოფაა - ეუბნებოდა ვიკის - უნდა დაგიცვა, ვერაფერ შეგებება ჩემ გარდა. ლამის სისხლში ჩაახრჩო ზორბა გერმანელი, უფრო სწორად, ეს სხვა ალექსმა ჩაიინდა მის მაგივრად.

ალექსი და ვიკი შლოსბერგს შეეხიზნენ, განცალკევებით ყოფნა სურდათ, მითუმეტეს ვიკი ორ დღეში სამშობლოში უნდა დაბრუნებულიყო. შლოსბერგიდან კარგად ჩანდა ქარის ელექტროსადგურები. ვიკიმ - როგორ საოცრად ჰგვანან ნისქვილებსო. ალექსმა რომ უთხრა, ელექტროენერგიას გამოიმუშავებენო, ისეთი გაკვირვებული სახე მიიღო, გეგობებოდათ მეორეკლასელს უხსნიდნენ ფარდობითობის თეორიას.

- ქარი არხებს პროპელს, ხახუნის ძალით წარმოშობილი მუხტი ელექტროენერგიად გარდაიქმნება და ამის შემდეგ ქალაქს მიენოდება... თუმცა, რა აზრი აქვს ამ უსაგნო ლაპარაკს? შემომხედე! რაღაც მნიშვნელოვანი მინდა გაჩვენო - ძალით შემოატრიალა ვიკი და თვალებში ჩახედა. ალექსს ხელში მავლოვანიდან გარდაბოხსნილი ცოცხალ-მკვდარი ბავშვის ცვიი სახული ეჭირა და ვიკის წინ იდგა მკაცრი, მომლოდინე... უცნაური პიეტა. - საბრალო - ვიკიმ ხელი გადაუსვა ბავშვის დაკანრულ სახეს და მის სისხლმდინარე ჭრილობებს შეეხო.

ამ დროს თავისუფალი ქალაქი აზვავდა, ამხედრდა, როგორც მეცამეტე საუკუნეში ხარბი მთავარის წინააღმდეგ. შლოსბერგს შყვარებულთა ორეულები შეესივნენ. ათიოდ მეტრში ყუმბარა გასკდა. ალექსი ქალს გადაეფარა, აღარ აპირებდა გაქცევას. ამ დროს კი ვიკი ეუბნება - შეხედე, რა ლამაზი ფოიერვერკია ცაზე, ყველა ზეიმობს, ნამდვილი საოცრებაა - მართლაც, ათასფრად გაიშალა მაშალა.

- მოდი, ყველაფერი ისე დავტოვოთ, როგორც იყო - ლამის შეეხვეწა ალექსს.

- ეს ძალიან რთული იქნება...

- მაშინ მასწავლე, როგორ ვილაპარაკო სიყვარულზე.

...ვიკის ნასვლის შემდეგ ალექსიც აღარ დარჩენილა დიდხანს თავისუფალ ქალაქში. ფრაიბურგმა განაგრძო თავისი რიტმით ცხოვრება, თუმცა, რაღაც მინც შეიცვალა. უცნობი კვლავ მთვარე-წინის ნაკვალევს მიჰყვებოდა, ოღონდ ახლა ის უკვე პატარა ბავშვი იყო. ხელიხელჩაკიდებული შეყვარებულები კი, დაკარგულები ერთ პატარა ქალაქში, კვლავ ლატერნების შუქით განათებულ ქუჩებში მისეირნობდნენ.

5 ახალი წიგნი


იქნებ ამ რომანში ჩვენმა პედაგოგებმა საკუთარი თავი ამოიცნონ...

ლელა კოდალაშვილი

სკოლაში გატარებული წლები ხშირად უსიამოვნო, ხანდახან კი მძიმე, სტრესულ მოგონებებს უკავშირდება ხოლმე. ეს მარტო სკოლის კი არა, იმ ასაკობრივი შუალედის ბრალსაცაა, რომელსაც მოსწავლეობის ხანა ჰქვია. ამ პერიოდში ერთ-ერთი ყველაზე მძაფრი მეტამორფოზები ხდება. ადამიანი ბიოლოგიურად და ფსიქოლოგიურად ფორმირდება, მისი მორალურ-ეთიკური კოდექსი, მისი მენტალურ-ფსიქიკური სამყარო კი ნამდვილ რევოლუციას განიცდის. ასეთ დროს განსაკუთრებით მნიშვნელოვანია ის, თუ როგორი ადამიანები არიან მის გარშემო. მოზარდის გარდაქმნა-გადაკეთების ამბიცია ხომ დიდია მშობლებშიც და პედაგოგებშიც. და რამდენია მათ შორის მზად, არ შეიტანოს უხეში კორექტივები, არ შეიჭრას მის პირად „ტერიტორიაზე“ და არ დააზიანოს ან დაასახიჩროს ის, როგორც მომავალი ადამიანი. ბევრ მათგანს ხომ საკუთარი თავი მხატვარი ჰგონია, რომელიც ბავშვს იმ ესკიზად მიიჩნევს, თავად რომ უნდა დაასრულოს და ნახატის სახე მისცეს.

მსოფლიოში ბევრი არ არის ისეთი მწერალი, რომელმაც გადაწყვიტა, საკუთარ ბავშვობაზე მოეყოლა და თან არც თუ ისე სრულფასოვან ბავშვობაზე. ბევრი არ არის ისეთი მწერალი, ვინც წერისას მთავარზე მთავარი ინსტრუმენტები – გულწრფელობა და თვითირონია – გამოიყენა იმ ყველაზე მძიმე პერიოდის მოსათხრობად, რომელზეც ზემოთ ვისაუბრე. შედეგე განონასწორებულ, კეთილშობილ ადამიანად, არ გამოიყენო ტექსტი ერთგვარი შურისძიებისთვის (რასაც ბევრი მწერალი აკეთებს), მიიღო მძიმე წარსული, როგორც, მერე რა, რომ უგუნური ადამიანებით გარემოცული სათამაშო მოედანი – ეს ბევრს არ შეუძლია და ერთ-ერთი, ვინც ეს მართლა ხარვეზების გარეშე მოახერხა, დანიელ პენაკი გახლავთ – თანამედროვე ფრანგი მწერალი, რომელიც ძალიან


ბევრს წერს სკოლის ცხოვრებაზე და თან ისე, რომ უმეტესობისთვის ამ გამაღიზიანებელ სიტყვას, „სკოლას“ სულ სხვა მხატვრული სამყაროთი ტვირთავს. ყოველ შემთხვევაში, ასეთ შთაბეჭდილებას გაგიჩენთ მისი რომანი „სკოლის სევდა“, რომელიც ახლა გამოსცა „დიოგენემ“ და რომელიც ქართულ ენაზე თარგმნა მერაბ ფიფიაძემ.



დანიელ პენაკი

სკოლის
სევდა

ცენტრი



მერაბს, როგორც მთარგმნელს, წარდგენა აღარ სჭირდება, რადგან ბოლო წლებია, ის უკვე ნამდვილ ბრენდად იქცა მთარგმნელობით ხელოვნებაში მას მერე, რაც ქართულ ენაზე გამოვიდა მისი ერიკ-ემანუელ შმიტი, მიშელ უელბეკი, რომენ გარი, მარგარეტ დიურასი და სხვა. მის მთარგმნელობით ოსტატობაზე მოგვიანებით ვიტყვი, მანამდე კი კვლავ სკოლას და მის შესახებ რომანს დაუფიქრუნდეთ.

სხვათა შორის, ამ წიგნის პრეზენტაციაზე მთარგმნელმაც აღნიშნა – როცა ეს შეკვეთა შემომთავაზეს და წიგნის სათაური წავიკითხე, სიმართლე გითხრათ, არ მოვიხიბლე, მაგრამ როცა ტექსტს გავეცანი, მომენტალურად გადავწყვიტე, რომ ეს რომანი აუცილებლად უნდა მეთარგმნაო. მართლაც – და, „სკოლის სევდა“, როგორც სათაური, ვერაფერი შეილია. ყველაში იმ უსიამოვნო, რუტინული წლების ასოციაციას იწვევს, რომელიც სკოლაში გაუტარებია, მაგრამ ტექსტი თავისი სიმარტივით, სადა და მსუბუქი სტილით, თვითონონით, იუმორით და სევდით მართლაც რომ გავლენის ქვეშ გაქცევთ. ის ტრანსსპორტაბელურია ყველა ეპოქისა და საზოგადოებისთვის.

ეს არის ავტობიოგრაფიული წიგნი, რომელიც უნდა ნაიკითხოს მშობელმაც, მასწავლებელმაც და მოსწავლემაც. ეს ტექსტი გვასწავლის მალა დგომას, პრობლემების სხვაგვარ ხედვას, მოთმენას, ატანას და მერე ამ ყოველივეზე გაღიებებს.

საინტერესო ის არის, რომ ავტორი თბრობის ერთ რაკურსს არ ირჩევს. ის ხან მოსწავლის ამპლუაში წარმოგვიდგება, ხან ხანში შესული მამაკაცი, რომელმაც ეს ყველაფერი გამოიარა, ხან კი მასწავლებლის გამოცდილებიდან იწყებს თბრობას. იქმნება შთაბეჭდილება, რომ ავტორი, ლამისაა, ყველა ეპოქას ტევს ამ ტექსტში ვიდრე ნეანდერტალელი ადამიანიდან ჩვენს სინამდვილემდე. ის სარდონიკული ტონით აკრიტიკებს, იცინის და თან ამავდროულად ხობტას ასხამს ამ ყველაფერს.

„სკოლის სევდა“ არის ტექსტი ტყუილის ფილოსოფიის შესახებ. როგორ ახერხებს ე.წ. ოროსანი მოსწავლე ლავირებას სკოლასა და მშობლებს შორის. რა ქსელში უწევს გაბმამს და როგორ ნელ-ნელა იხვენება მისი ოსტატობა გაქწილობაში, რაც მერე და მერე, თანდათანობით, ცხოვრებისეულ მდიდარ გამოცდილებაში გადაიზრდება – გამოსადეგსა და საჭირო გამოცდილებაში.

„სკოლის სევდა“ არის ტექსტი-სტატისტიკა, სადაც დიფერენცირებულია მშობელი და მასწავლებელი კატეგორიებად და ქვეკატეგორიებად, რომელსაც ავტორი ერთდროულად განიხილავს მოსწავლისა და მასწავლებლის თვალთახედვის არედან და ამ განსხვავებაზე მკითხველი ბევრს იცინის. თუნაც დედები ავილოთ... აი, ერთ-ერთი: „არსებობს დედა გატყუებული, ლამის დასაბმელი, დარწმუნებული იმაში, რომ მისი ბიჭუნა, უკვე დიდი ხანია, პედაგოგთა შეთქმულების უდანაშაულო მსხვერპლია. რა მნიშვნელობა აქვს საგანს. დევნა დიდი ხანია, დაიწყო... მაშინ ბავშვი ჯერ კიდევ სა-

ბავშვო ბალში დადიოდა. ჰოდა, იქ იყო ერთი ისეთი აღმზრდელი... არც დანყებით ვლასებში გაუმართლა ამ უბედურს. ზუსტად იგივე განმეორდა. ამჯერად ფრანგულის მასწავლებელი კაცი აღმოჩნდა (დამიჯვრეთ, კაცი მასწავლებლები ქალ მასწავლებლებზე უარსები არიან. არავის ვუსურვებ)...“ და ა.შ. პენაკი ხატავს დედების მთელ ვალერეას და საბოლოოდ თითქმის ყველა სიტუაციაში შვილის ბედი ინტერესებს, მის ინტერესებს იცავს, მისთვის ზრუნვისთვის ამხელს ყველას, ვინც გარშემოა.

ახლა მამებს არ იკითხავთ? „ერთხელ, მოსწავლის მამა კატეგორიული ტონით მეუბნება: – ჩემს ვაჟიშვილს მონიფულობა აკლიაო. ახალგაზრდა მამაკაცი, მკაცრი სტილის პიჯაკში ჩაჭედული, სარგადაყალბუღივით ნამოიჭიმა სკამზე და ყოველგვარი შესავლის გარეშე მაჯახა, ჩემს ბიჭს მონიფულობამდე ჯერ კიდევ გრძელი გზა აქვს გასავლელიო. ეს იყო ფაქტის კონსტატაცია, რომელიც არც შეკითხვისთვის და არც კომენტარისთვის იოტისოდენა ადგილსაც არ ტოვებდა. მხოლოდ გადანყვეტილებას მოითხოვდა და მორჩა! მე მაინც შეებედე და მოკრძალებით ვკითხე, თქვენი ვაჟიშვილი რამდენი წლის არის-მეთქი. ჩემს კითხვას მოულოდნელი პასუხი მოჰყვა: – უკვე თერთმეტის გახდა.“ პენაკი ისე ჰყვება, თითქოს მკითხველს სთავაზობს, გაბრაზების, გაღიზიანების გარეშე გაეცნოს ამ ისტორიებს, რომელთაც ბოლო არ უჩანს ამ რომანში. მისი სურვილია, როგორმე ჩვენამდე დაიყვანოს თავისი მიმართებები, ის, რომ ადამიანებზე, და მითუფრო წარსულზე, შურისძიება არ შეიძლება. ჩვენი ფსიქიკა რეზისტენტულია ყოველგვარი სიმბინჯის მიმართ და ეს მშვიდად უნდა მივილოთ.

„სკოლის სევდა“ არის ტექსტი სიყვარულის შესახებ, რადგან ავტორი ახერხებს, არ იყოს არც პროვინციალური სენტიმენტებით გაჯერებული, არც პათეტიკური, არც ყალბი და არც კეკლუცი. ის უბრალოდ არ მალავს სიყვარულს ყოველივე იმის მიმართ, რაც თავს გადახდა, იმათ მიმართ, ვინც მის ცხოვრებაში ცუდი თუ კარგი პერსონაჟის როლი შეასრულა.

აქ აღწერილია მოვლენები, რომელსაც ავტორი კითხვის ნიშნებით გვიტოვებს და ეს კითხვის ნიშნები სწორედ მოზარდობის პერიოდშია ყველაზე უხვად დასმული. პენაკის


აზრით, ეს საკითხები უფროსებმა ნაკლებად იციან. სწორედ ეს ურთიერთდაუნახაობაა მათ შორის გაუგებრობების მიზეზი. სასო-ნარკვეთილი და ლაბილური მოზარდები ისევე საკუთარი ინტუიციის წყალობით იკვლავენ გზას ცხოვრებაში. ის პრიორიტეტები, რაც მშობლებს აქვთ მათ მიმართ, მხოლოდ ტექნიკური აქსესუარებია, რომელიც ფიზიკურ არსებობას უზრუნველყოფს და არა სულიერ კვინტენსენციას...

ერთი შეხედვით, რჩება შთაბეჭდილება, რომ რომანი დაწერილია მარტივი ენით, გაჯერებულია ზედაპირული, სახალისო ამბებით, მაგრამ რეალურად ესაა ღრმა და პრობლემური ნაწარმოები, სადაც ავტორს არაერთი შეკითხვა აქვს დასმული. მას აინტერესებს, რა მომენტში ეშვება ყველაზე ცუდლუტი და გაჯიუტებული ბავშვი სოციალური რეალობის კონტექსტში, როგორ იღებს ამ და სხვა ვადანევეტილებებს, სწორია თუ არა მისი არჩევანი, სადა აქვს ახსნა ადამიანის განვითარების ამ ბურუსით მოცულ მეტამორფოზას...




რამდენიმე სიტყვა მინდა ვთქვა რომანის მთარგმნელობით მხარეზე... იმ ადამიანებს, რომლებიც არ ვფლობთ ამა თუ იმ ენას, ისლა დაგვრჩენია, თარგმნილი ნაწარმოები ორიგინალისგან დამოუკიდებლად, როგორც დამოუკიდებელი ნამუშევარი, ისე შევავა-

სოთ. ადრეც მითქვამს, რომ მერაბ ფიფია ზუსტად აგენ-ხოლმე ერთგვარ ლექსიკურ აუზს, რომელშიც ტექსტის ყველაზე რთულ პასაჟებს „განბანს“ ხოლმე. ამ რიტუალის შედეგად ეს რთული ნაწილი ორგანულად ეთვისება დანარჩენს და საბოლოო ჯამში, ქართულ ენაზე ბუნებრივად მორგებული, საღ ტექსტს ქმნის. მთარგმნელების ღმერთმა მერაბს არც ახლა დაინდო და დანიელ პენაკის ამ რომანის სახიზრალი განსაცდელი მოუვლინა. კერძოდ კი, რომანში არაადგილები, სადაც მას ფრანგულ გრამატიკულ ფორმებზე უნდა ეყრდნობა, რაც ქართულად არ ითარგმნება, საჭირო გახდა ჩვენებური შესატყვისების მოძებნა და ქართულ გრამატიკულ კატეგორიებში ჩასმა, შემდეგ კი კონკრეტული მაგალითები შედგენა... უნდა ითქვას, რომ ამ შემთხვევაშიც მან უნდა დაელოდა და სუფთად აიღო გრამატიკული ბასტიონები. რთულია, აგრეთვე, იუმორისტული პასაჟების შენარჩუნება. რა ამ წიგნში უხვადაა და გემრიელ სიცილს ჰგვრის მკითხველს ეს კი, ისევე და ისევე, მთარგმნელის დამსახურებაა. მოკლედ არ მინდა, მეტისმეტი პანეგირიკი გამომივიდეს, მაგრამ რა ალობა ისაა, რომ წიგნს შენარჩუნებული აქვს ის ხიბლი, რა თანაბრად საინტერესოდ საკითხავს ხდის ბავშვისთვისაც და დიდისთვისაც.




და დღეს, როცა საქართველოში ასე სავალალო მდგომარეობაა განათლების სისტემაში, კერძოდ კი საჯარო სკოლებში, ალბათ კიდევ უფრო აქტუალურია, „სკოლის სვეტი და“ ჩვენმა პედაგოგებმაც წაიკითხოთ. დარწმუნებული ვარ ბევრ მათგანს ეყოფა თვითკრიტიკის უნარი, რომანის პერსონაჟებს შორის თავისი თავიც ამოიცნოს.



გამომცემლობა „საუნჯე“ წარმოგიღებთ ახალ წიგნებს:



ბივი ჩიღვინაძე



მიხეილ ბოგუაძე

**ლექსო ღორჯული
ნიკა აბლაძე**

უჩა ზაქაშვილი

ნიკა ჯორჯანელი

**შურნალი „ახალი საუნჯე“ 2015 წლის ბოლომდე
შეგიძლიათ გამოიწეროთ ელვა.GE-ზე**

თითო ნომრის ფასი - 2 ლარი

მის.: ქ.თბილისი, იოსებოძის ქ.49

elva@elva.ge

ტელ.: (+995 55 32) 2-38-26-74; 2-38-26-73;

2-38-26-76; (+995 55 32) 38-08-774.

ნ. 71 / 56.

ეროვნული
ბიბლიოთეკა

Tbilisi
International
Festival of
Literature

თბილისის საერთაშორისო ლიტერატურული ფესტივალი

საქართველო
საქართველო

ISSN 0134-9848
საქართველო
9 770134 984002